

Լ. Լ. ԲԱԲԱՅԱՆ,

ԴՐՎԱԳՆԵՐ  
ՀԱՅԱՍՏԱՆԻ  
XIV-XVIII ԴԱՐԵՐԻ  
ՊԱՏՄԱԳՐՈՒԹՅԱՆ



АКАДЕМИЯ НАУК АРМЯНСКОЙ ССР  
ИНСТИТУТ ИСТОРИИ

Л. О. БАБАЯН

ОЧЕРКИ  
ИСТОРИОГРАФИИ АРМЕНИИ  
XIV—XVIII ВВ.

ИЗДАТЕЛЬСТВО АН АРМЯНСКОЙ ССР  
ЕРЕВАН 1984

9(47.925)

Р-12

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ

Լ. Հ. ԲԱԲԱՅԱՆ

Դ Ր Վ Ա Գ Ն Ե Ր  
ՀԱՅԱՍՏԱՆԻ XIV—XVIII ԴԱՐԵՐԻ  
ՊԱՏՄԱԳՐՈՒԹՅԱՆ

2033



ՀԱՅԿԱԿԱՆ ՍՍՀ ԳԱ ՀՐԱՏԱՐԱԿՉՈՒԹՅՈՒՆ  
ԵՐԵՎԱՆ 1984

Տպագրվում է ՀՍՍՀ ԳԱ պատմության ինստիտուտի  
գիտական խորհրդի որոշմամբ

Պատասխանատու խմբագիր՝ պատմական գիտությունների դոկտոր  
Մ. Կ. ԶՈՒՂԱԼՅԱՆ

Կիբեբ հրատարակության և Երաշխավորել գրախոսների՝ պատմական  
գիտությունների դոկտորներ Վ. Ա. ՊԱՐՍԱՄՅԱՆԸ և  
Բ. Ա. ՈՒՆԻԲԱՐՅԱՆԸ

Քաղաքային, Լ. Հ.

Բ 123

Դրվագներ Հայաստանի XIV—XVIII դարերի պատմագրության լրացման խմբ.՝ Մ. Կ. Զուլալյան.—Եր.: ՀՍՍՀ ԳԱ հրատ., 1984 —. 294 էջ:

Մենագրության մեջ լուսարանվում են XIV—XVIII դարերի պատմագիրների՝ Քովմա Մեծոփեցու, Գրիգոր Դարանաղցու, Առաքել Դավրիժեցու, Զաքարիա Քանաքեռցու, Զաքարիա Ազուլեցու, Աբրահամ Կրետացու, Խաչատուր Զուղայեցու, Սիմեոն Երևանցու, Երեմիա Քյոմուրճյանի, Ստեփանոս Շահումյանի (Ընտիր պատմություն Դավիթ Բեգի), Եսայի Հասան-Ջալալյանցի, և Աբրահամ Երևանցու պատմագիտական, հասարակական-քաղաքական և կրոնական հայացքները: Ցույց է տրվում նրանց աշխատությունների աղբյուրագիտական արժեքն ու նշանակությունը Հայաստանի և Մերձավոր արևելքի մի շարք երկրների պատմության ուսումնասիրության համար:

Հասցեագրվում է պատմաբաններին և ընթերցող լայն շրջաններին:

0505040000

ԳՄԴ 63. 3 (2 Հ)

Բ-----15—84

9 (43)

703 (02)—84

© Հայկական ՍՍՀ ԳԱ հրատարակչություն, 1984

Ա Ռ Ա Ջ Ա Բ Ա Ն

Ուշ միջնադարը բազմաշարժար հայ ժողովրդի ապրած ամենադժան արհավիրքներով ու սարսափներով լի պատմաշրջաններից մեկն է՝ ճակատագրական իր բոլոր հետևանքներով: Հայի հայրենիքը երեք հարյուր տարի անընդմեջ եղել է Մերձավոր արևելքում գերիշխանության ձգտող մահմեդական բարբարոս ցեղերի ու ժողովուրդների արյունահեղ պատերազմների թատերաբեմ, ենթարկվելով ավերումների ու կողոպուտի, բնակչության զանգվածային ոչնչացման, գերելարման ու ամայացման:

Մայր հայրենիքում ու Կիլիկիայում պետականությունը կորցնելուց հետո հայ ժողովուրդը թողնվել էր բախտի քմահաճույքին, դարձել օտար բռնակալների կամայականությունների ու վայրագությունների անպաշտպան զոհը: Ոչնչացվել էին հայ խոշոր ֆեոդալական տներն ու իշխանությունները, քաղաքական կյանքը բուն հայրենիքում գրեթե մարել էր: Անասելի չափերի ու դաժանության հասած ազգային ու կրոնական հալածանքները կլանում էին մարդկային բյուրավոր կյանքեր:

Ղեռնղ Ալիշանը, խոսելով այդ պատմաշրջանի մասին գրել է. «Դառնանք յարևելս, ի մայրն արևելեայ աշխարհաց, ի բուն մեր հայրենիս՝ ի Հայաստան... Ի՞նչ խորութիւն խաւարի և լուռութեան. ի՞նչպէս աննշան եղեր է այն ընդարձակ և բազմաբնակ աշխարհն, որ ի սկզբան բոլոր երկրիս վրա առաջին նշանն էր, և երկար և կերպակերպ յեղափոխութեամբք գրեթե բոլոր հին և միջին ժամանակաց մէջ պատմաբնութեան մտադրութիւնը կրնար գրավել, նաև իրեն պատերազմաց և արեանց ասպարէզ բացուած ատենն. երբ դեռ դիականց և աւերակաց մէջ ալ գտուէին և փայլէին քիչ կամ շատ կենդանի նշխարք Հայութեան, շունչ մը հայ հոգույ, փայլ մը Հայ հանճարոյ, գործ մը Հայ ձեռին... Իսկ հիմա այս (ԺԶ) դարուս մէջ՝ յետ արիւնակոխ աւերասփիւռ արշաւանց լէնկիթիմուրի, և պատերազմաց Շահուհի, Ազ և Գարա-Գոյունլու տոհմից, յետ տիրապետութեան Շահ Իսմայիլի ի Պարսս, և Օսմանեանց զօրանալով յարևմտից յարևելս աշխարհակալելու, հիմայ՝ թեև քիչ մը հան-

դարտ էր Հայոց երկիրն ի վրդովմանց կոտույ և հակառակութեան, սակայն ազգին ինքնակալութիւնն գրեթէ իսպառ ջնջած կամ ճնշուած, դանդաղամած անշարժութեան մէջ էր:

Թերևս Հայութեան հիգագոյն դարն է ժն—ժՁ դարուց միջոցն. ոչ եկեղեցական յիշատակելի դեպք մը... ոչ ազգային քաղաքական երևույթ մը. և ոչ այլ նշոյլք բանասիրութեան կամ գրականութեան, որ թերևս քան զայլ նշանս՝ երկարատև և յայտնագոյն ցոյց է կենդանութեան մեր ազգին: Այո, մատենագրութեան մասամբ այլ, ...մեր աղքատագոյն ժամանակն է այս... ոչ հայերէն գրական լեզուի յստակութիւն, և ոչ անոր մշակութիւն գրելով ու կարդալով, որոց դիրութեան հնարքներն այլ նուազեր էին յետ անբմանց և աւարմանց վերոյիշեալ բռնաւորաց»<sup>1</sup>:

Հիրավի, ժամանակակիցների վկայությամբ, հայոց երկնակամարի տակ թանձրացած խավարն է տիրել: «Տգիտութեամբ խապանացեալ և կորդացեալ էր ազգս հայոց,— դառնացած գրում է Առաքել Դավրիժեցին,— և ոչ միայն ոչ ընթեռնուին, այլ և ոչ ղգիրս գիտէին, և ոչ զզորութիւնս գրոց. վասն զի անպիտացեալ էր զիրքն յաշտ մարդկան, և իբրև զկոճեղս փայտից անկեալ յանկեան ուրեք՝ լցեալ հողով և մոխրով»<sup>2</sup>:

Նույն պատմագիրը, խոսելով Մեծ անապատի սան Պողոս վարդապետի ծավալած լուսավորական գործունեության ու դրա համար Մեքեքեսեթ կաթողիկոսի կողմից նրա կրած հալածանքների մասին, գրում է, թե ինչպես Պողոսը հիասթափված դիմել է իր աշակերտներին՝ խորհուրդ հարցնելով, արհամարհել արդո՞ք հալածանքները և շարունակել իր գործունեությունը, թե պետք է տեղի տալ ու հեռանալ: Վերջինները նրան պատասխանել են. «Դու ինքնին տեսանես զխաւար անգիտութեան, քէ ուպէս սփռեալ է ի վերայ ժողովրդեանս... պարտ է քեզ աշխանայ և համբերել փորձութեան վասն օգտի ժողովրդեանն և քառգել զԲանն կենաց»<sup>3</sup>:

Դավրիժեցու ապրած ժամանակը շնորհում «զԲանն կենացը» լուսավորությունն էր, հոգևոր կյանքի զարթոնքը, վերանորոգությունը:

Կեն միանգամայն դեպուկ նկատում է այս առթիվ. «Գուցե այնքան առատություն մը թափվող դժբախտություններից ոչ մեկն այնքան ահաբեկիչ էր, որքան այն, որ 1200 տարի գիր և զպրություն պահպանած մի ժողովուրդ դարձել էր անգրագետ: Հինգերորդ դարի սկզբին հայ աշխարհը փրկվել էր կործանումից, ստեղծելով ազգային դաստիարակու-

թյուն: Նույն ցեղային բնազդը խոսեց և XVII դարի սկզբին, ամենուրեք տարածված ավերակների մեջ»<sup>4</sup>:

Կեն հպարտությամբ ընդգծում է նաև, թե «Քաղաքական ոչ մի դժբախտություն չէր կարողանում վերջնականապես սպանել հայ ժողովրդի ձգտումը դեպի լույս և առաջադիմություն: Կինում էին ժամանակավոր ճգնաժամեր, նույնիսկ ահեղ աղետներ, ... բայց նրանք կարող էին միայն աղճատել զարգացման բնական ընթացքը, դանդաղեցնել կամ շեղել, զարտուղի ճանապարհների վրա դնել: Էականն այդ չէր, այլ այն, որ առաջխաղությունն ապրում էր ժողովրդի սրտի և խելքի մեջ և գործոն էր բոլոր հանգամանքներում: Որքան և զարհուրելի լինեին ավերակները, բայց շինարարական ոգին կարողանում էր իր վճիտ ալիքները տանել նրանց տակով, որոնք չէին նոր և նոր ուղիներ»<sup>5</sup>:

Ուշ միջնադարի վերջին երկու դարերը անվանի պատմաբանի այդ եզրահանգնման փալլուն ապացույցն են: Հայի ստեղծագործական ոգին ու շինարարական տաղանդը անցյալում շատ անգամներ են կենդանություն տվել օտարների կողմից ավերված իր հայրենիքին, սակայն նշված երկու դարերում այդ տաղանդը ոչ միայն կենդանություն պիտի տար ամենուրեք տարածված ավերակներին, այլև պիտի վերակենդանացներ անհուն խավարում տառապող ժողովրդին, պիտի նոր ուղիներ որոներ դուրս բերելու նրան այդ թանձրացած խավարից, նորից վեր խոյացներ հայի ազատատենչ ոգորումները: Եվ այդ տաղանդը, գործադրելով գեթ մարդկային ջանքեր, պատվով է կատարել պատմական իր դերը:

Ճակատագրի բերումով հայ ժողովրդի ստեղծագործական միտքը նշված դարերում շատ ավելի բեղմնավոր ու արգասավոր դրսևորվեց աշխարհով մեկ սփռված հայ գաղթավայրերում, քան բուն Հայաստանում: Թնաշխարհում հայը իրավազուրկ էր ու աղքատ, գտնվում էր ֆիզիկական ունչացման մշտական վտանգի ներքո, բռնի ու վայրագ միջոցներով տեղահան էր արվում, քշվում հեռավոր երկրներ: Չնայած կաշկանդկածությունը, նյութական և բարոյական հնարավորությունների ու միջոցների բացակայությանը, այնուամենայնիվ, հենց օտարության մեջ է, որ հայ ժողովրդի ստեղծագործ միտքը կարողացավ գտնել այդ ստրկական վիճակից դուրս գալու ելքն ու ուղիները:

Մտավոր զարթոնքի վաղ արշալույսին, երբ շահաբրայան հրոսակները Հայաստանի տարածքում իրականացնում էին արևելքի բռնակալի՝

1 Ղ. Ալիշան, Յուշիկք հայրենեաց հայոց, հ. Ա, Վենետիկ, 1869, էջ 522—523:

2 Առաքել Դավրիժեցի, Պատմութիւն, Վաղարշապատ, 1896, էջ 255: Այսուհետև՝ Դավրիժեցի:

3 Նույն տեղում, էջ 272—273:

4 Ան, Հայոց պատմություն, հ. 3, Երևան, 1946, էջ 273:

5 Նույն տեղում, էջ 209:

երկրի ամայացման ու հայաջնջման դաժան ու նենգ քաղաքականությունը, Աբաբադյան դաշտում, Աբախի ջրերում, նորից վեր էր խոյացել հայ ժողովրդի ինքնապաշտպանության հուժկու բնագրը: Լեոյի խոսքերով ասած՝ «Շահ-Աբբասն ամայացնել ուզեց Աբաբադյան երկիրը: Իբրև մեծ և անգուժ բռնակալ՝ նա կարող էր բնաջինջ անել հայ ազգաբնակչությունն այդտեղ: Բայց սպանել մի ազգի պատմական բնազդը, սպանել նրա մեջ այն դարավոր եռանդը, որ պատմությունն ստեղծել է տալիս հայրենի հողի վրա, այդ արդեն դուրս էր նույնիսկ պարսից մեծ բռնակալի կարողությունից»<sup>6</sup>:

Պարսկական բարբարոսության բյուրավոր ղոհերը մեծ բռնագաղթի ժամանակ, կարծեք, սթափեցրին ժամանակի մի շարք առաջավոր հայ մտածողների (Կիրակոս և Սարգիս եպիսկոպոսներին, Մովսես և Փլիլպպոս կաթողիկոսներին, Պողոս վարդապետին, «Մեծ Անապատի» սաներին): Նրանք սկսեցին մտածել իրենց ժողովրդի դառն ճակատագրի մասին և հանգեցին այն եզրակացության, որ հիմնական պատճառը հասարակության մեջ տիրող քանձր խավարն է: Հայ մտավոր զարթոնքի արշալույսի այդ անխոնջ մշակները համոզվեցին, որ ստեղծված խավարից դուրս գալու միակ փրկությունը հին և մոռացված անապատականության վերականգնումն է:

Անապատականները խրախուսում էին «արտաքին գիտությունների» և «ազատական արհեստների» ուսումնասիրությունն ու տարածումը: Այս կապակցությամբ Աշ. Հովհաննիսյանը գիպուկ նկատում է. «Սակայն ինչպես որ նոր կառուցվող եկեղեցու շենքը նվիրագործելու համար օգտագործվում էին հնի քարերն ու քանդակները, այնպես նաև յուրացվում էին իմացության աշխարհիկ աղբյուրները, հին գիտության ու գրականության գանձերը, ոչ թե նոր, աշխարհիկ գիտություն ու գրականություն ստեղծելու, այլ եկեղեցական խամրած գիտությունն ու գրականությունը վերականգնանքնելու համար: Վանական լուսավորության տարածողները բազմացնում էին Դավիթ Անհաղթի, Հովհաննես Որոտնեցու ու Գրիգոր Տաթևացու գրվածքները, հրապարակ հանում Սիմեոն Զուղայեցու իմաստասիրական ձեռնարկները, մոռացության գրկից հանում Պրոկի և Դիոնիսիոս Աբեոպագացու գրքերը, «Հոգեաց գիրքը» և նման ուրիշները: Այս ամենով ընդարձակվում էր վանական լուսավորության շրջանը, արխատոտելյան կիսամատերիալիզմը, պլատոնական իդեալիզմը և նեոպլատոնական միստիցիզմը ծառայեցվում հայ եկեղեցու դավաբանա-

կան դիրքերի պաշտպանության, մոնոֆիլիտյան ընդհանուր հայացքների յուրացման կամ դրանց ուրույն վերամշակության համար»<sup>7</sup>:

Հայ զարթոնքի պատմագիր Դավրիժեցին նկարագրում է բացահայտ ու դաժան այն պայքարը, որ անապատականների դեմ XVII դարում ծավալել են խավարամիտ, ետադեմ հոգևորականությունը և այն տիտանական ջանքերը, որ թշնամական միջավայրում գործադրել են առաջինները և իվերջո հաղթանակել: Հոգևորականության՝ սևագլուխների հին, խավարամիտ սերունդը պարտվել է այդ պայքարում, տեղի է տվել նոր, առաջադեմ սերնդին:

Հենց անապատականության վերականգնմամբ էլ հիմք դրվեց հայ մտավոր կյանքի վերակենդանության շարժմանը, որի հետագա զարգացումը պայմանավորեց զարթոնքը նաև պատմագրության բնագավառում: Այդ շրջանի պատմագրական ժառանգությունը իբրև հավաստի սկզբնաղբյուր շահագանց արժեքավոր է Հայաստանի, Մերձավոր արևելքի ու Անդրկովկասի երկրների ու ժողովուրդների XVI—XVIII դարերի պատմության ուսումնասիրության և ընդհանրապես արևելագիտության համար:

\* \* \*

Հայաստանի ուշ միջնադարի պատմությունը, փաստորեն, ինչպես նրա տարածքում տեղի ունեցած օտար ցեղերի ու ժողովուրդների, (որոնց տիրապետության տակ էր գտնվում ինքը), ռազմաքաղաքական շահագանց հարուստ իրադարձությունների, այնպես և հայ գաղթավայրերի ու պանդխտության տարեգրությունն է: Ընդ որում՝ վերջինս ևս Հայաստանի և հայ ժողովրդի պատմությունն է այնչափով, որչափով առնչվում է այդ իրադարձությունների ու երևույթների հետ. և պատահական չէ, որ այդ պատմաշրջանի հայ պատմագիրների երկերի մեջ գերիշխող թեմատիկան կազմում են պատերազմները, ասպատակությունները, բնակչության զանգվածային կոտորածները, գերեվարումը, կողոպուտը, կեղեքումը, ավերումը, ամայացումը, բռնագաղթը, արտագաղթը, ասպատակությունները, ազգային ու կրոնական հալածանքները, նահատակությունները և այլն:

Հայաստանի տարածքն իրենից ներկայացրել է մի տեսակ բեմահարթակ, որի վրա իբրև դերակատարներ իրենց կործանարար ու ողբերգա-

<sup>6</sup> Նույն տեղում, էջ 272:

<sup>7</sup> Ա. Հովհաննիսյան, Դավաջներ հայ ազատագրական մտքի պատմության, գիրք երկրորդ, Երևան, 1959, էջ 165—166:

կան սրընթաց գործողություններով և փոխիփոխ հաջողություններով ու անհաջողություններով հանդես են եկել թամուրյանները, կարա-կոյուն-լու, ալ-կոյունլու և հյուսիս կովկասյան ցեղերը, զվլբաշներն ու օսման-ցիները, ջալալիներն ու քրդերը:

\* \* \*

Հայ ժողովրդի մի զգալի մասը ֆիզիկական գոյությունը պահպանելու միակ ելքը օտար երկնակամարների տակ է փնտրել: Ազգային ու սոցիալական այդ մեծ աղետը, որ սկսվել էր դարեր առաջ, անասելի շափերի էր հասել ու միջնադարում: Հայությունը սփռվել էր աշխարհով մեկ՝ Հնդկաստանից մինչև Իսպանիա, Պորտուգալիա:

Հակոբ Բաթուկենցն իր ողբում Թոխատի ու նրա շրջակայքի հայ բնակչության մասին ջալալիների ասպատակությունների կապակցությամբ գրում է.

«Եւ բնակիչք միանգամայն  
եղեն ամենքն ցիր և ցան.  
Յօտար ևրկիր պանդխտեցան՝  
Իֆրանկստան և Պարսկաստան»<sup>8</sup>:

Առաքել Դավրիժեցին էլ ցավով գրում է. «ամենայն ազգն Հայոց ելեալ վտարանդիք եղեն յիւրաքանչիւր տեղեաց, ի հայրենի բնակութեանց և յաշխարհաց և տարադէմ գնացեալ ընդդէմ երեսաց՝ ցիր և ցան եղեալ սփռեցան ընդ ամենայն աշխարհ»<sup>9</sup>: Սակայն օտար երկրակամարների տակ էլ բազմաշարժար հայը պիտի ճաշակեր պանդխտության սարսափները, մարդկային ու ազգային արժանապատվության ստորացումը, տարրական իրավունքների ոտնահարումը:

Ժամանակակից Առաքել Դավրիժեցին Պարսկաստան քշված հայերի մասին գրում է. «Եւ ազգ և ժողովուրդ մեր խլիալք ի տեղեաց և անշատեալք ի հայրենի և ի բնիկ ժառանգութեանց... եղեն վտարանդեալք և տարամերժեալք յերկիր օտար և յազգ այլասեռ և այլալեզու, որ և թշնամիք հողոյ և հաւատոյ, և արեան ծարալիք մարմնոյ: Որք և անդէն օր աւուր առ սակաւ սակաւ նուազին, ոմանք մահուամբ և կորստեամբ, և ոմանք հաւատոյ ուրացութեամբ...»<sup>10</sup>:

Բազմաթիվ երկրներում XV դարից սնկի նման սկսել են աճել հայ գաղթավայրերը, որոնց պատմությունը ուշ միջնադարի հայ պատմագիրներից շատերի հիմնական թեմաներից մեկն է եղել: Եթե Դավրիժեցին և Խաչատուր Զուղայեցին տվել են Պարսկաստանի հայ գաղթավայրերի կյանքի դառն պատմությունը, ցույց են տվել, թե իրենց ապրած օրերում ինչպիսի թշվառ վիճակ է տիրել այնտեղ, ապա Դարանաղցին և Երեմիա Քյոմուրճյանը տվել են Թուրքիայի հայ գաղթավայրերի օրհասական ու երերուն կյանքի պատմությունը:

Երբեմնի հարուստ, փարթամ ու մեծ հայ գաղթավայր նոր Զուղայի մասին 1787 թ. Խաչատուր Զուղայեցին գրել է. «Իսկ յարդիս հազիւ գտանի ի նոր Զուղայա՝ երեք հարիւր տունք բնակիչք ի հայոց ազգէս. իսկ շատքն ի միջի մերում բնակելոցն՝ են ի յազգէն պարսից, որք օր ըստ օրէ գան ի քաղաքէն և սեփհականէն զկալուածս բնակութեան մերոյ և ի վերայ մեր իսկ բռնացեալ կոփահարեն»<sup>11</sup>:

Գաղթականի կյանքը հայերի մի մասին գրվել է իր անհատականությունից, օտարացրել է հայրենիքից: Այդ կապակցությամբ Հ. Այտընյանը գրում է. «Բայց կերպարանափոխութեան բուն մեծ մղումը պիտի սկսէր բնականօրէն այն հզոր հարուածն, զորն որ ազգն ունեցա՝ երբ քանի մը հարիւր տարուան միջոցի մէջ մէկ մէկ գանգուած բուն մարմնէն անջատած՝ վայրավատին ցիր և ցան եղաւ: Այս մեծ դարագլուխն էր՝ Գաղթականութիւնը: Գաղթականի մը համար՝ նոր երկիր, նոր կլիմայ, նորանոր սովորութիւնք, անսովոր ընտանեկցութիւնք, օտարալեզու ազգաց մեջ ընկղմել, անոնցմէ կախումն, իւր սեպհական աշխարհին անհաղորդ մնալ, և այլն, այս ամենայն այնպիսի օտար և օտարացուցիչ տարերք են, որ հարկաւ ամեն բանի, և մանաւանդ լեզուի, բոլորովին նոր կերպարանք կուտան»<sup>12</sup>:

Ուշ միջնադարում հայ ժողովրդի համար, ինչպես բուն Հայաստանում այնպես էլ, հատկապես, գաղթավայրերում, պակաս շարիք չէր լայն շափերով ծավալված միարարական (ունիթորական) շարժումը (մեր աղբյուրներում՝ «ախթարմաշական»): Այդ շարիքը ջլատում, տրոհում էր ժողովրդի ուժերը, ոտնահարում հայության համընդհանուր շահերը, նպաստում նրա մի մասի ուժացման ընթացքի խորացմանը: Ահա թե ինչու այդ շարիքի դեմ պայքարի պատմությունը նույնպես ուշ միջնադարի պատմագիրներից շատերի հիմնական թեմաներից մեկն է եղել:

11 Զուղայեցի, Պատմութիւն Պարսից, Վաղարշապատ, 1905, էջ 102—103:

12 Հ. Այտընեան, Քննական քերականութիւն արդի հայերէն լեզուի, Վիեննա, 1866, էջ 231—232:

8 Ղ. Ալիշան, Հայագատում, Վենետիկ, 1901, էջ 609:

9 Դավրիժեցի, էջ 147:

10 Նույն տեղում, էջ 54:

Նրանք բոլորն էլ ատելությամբ են գրել այդ շարժման հասցրած քայլ-քայլիչ ու դառն հետեանքների մասին, բացահայտել են պապականության հայաչինջ քաղաքականության նենգ ու ստոր էությունը, անարգանքի սյունին գամել դրանց ջատագովներին:

Այդ շարժման մասին շափազանց զայրույթով է գրում հատկապես XVII դարի առաջին կեսի պատմագիր Գրիգոր Դարանաղցին<sup>13</sup>: (Այդ մասին հանգամանորեն կխոսվի նրան նվիրված բաժնում):

Կաթոլիկություն ընդունած, հատկապես հայ հոգևորականության պառակտիչ գործունեությունը ստիպել է հայ եկեղեցու նախանձախնդիր կաթողիկոս Սիմեոն Երևանցուն խիստ հալածանքներ գործադրել նրանց դեմ: Նա հայ կաթոլիկներին — «ախթարմա»-ներին «հոտեցուցիչք երկրին»<sup>14</sup> է համարում:

\* \* \*

XVII—XVIII դարերի հայ պատմագիրները խորապես գիտակցել են հայ հասարակական կյանքում տեղի ունեցող նոր երևույթների խաղացած դերն ու նշանակությունը, որոնք և պայմանավորել են նրա զարթոնքն ու զարգացումը:

Նրանք իրենց երկերում զգալի տեղ են տվել հայ առևտրավաճառական կապիտալի վերնախավի ծավալած գործունեությանը Հայաստանում, Պարսկաստանում, Թուրքիայում և մի շարք գաղթավայրերում: Բաղմամբիվ կոնկրետ փաստերով համակողմանիորեն ցույց են տվել նրա որոշիչ ու կարևոր դերը հայ քաղաքական-հասարակական, սոցիալ-տրնտեսական, մշակութային, հոգևոր ու շինարարական կյանքում, հայ կյանքի զարթոնքում:

Ի դեպ, այդ խավի գործունեության մեջ տեսել են լուսավոր այն ծալքերը, որոնք հող են նախապատրաստել ժողովրդի ազգային ինքնագիտակցության բարձրացման համար և մեծ հույսեր են կապել այդ գործունեության հետ ու մխիթարվել են դրանով:

Արրահամ Բ կաթողիկոսի մահից հետո Երևանի խանը, երբ կանչել է Արրահամ Կրետացուն ու պահանջել, որ նա ստանձնի կաթողիկոսությունը, վերջինս նրան ասել է. «Մեր նախնի սովորութիւնն այն է, որ մահնաւ անեն (հաշվի առնեն — Լ. Բ.) Սպահան և Ստամպոլ, որ այն Բ քաղաքացիք միաբանին, և դմի ոմն ընտրեն և կացուցանեն: Ապա թե

ու՛ սուրբ Աթոռին և կաթողիկոս նստողին մեծ վնաս կլինի, գիր ևս ունիմք այսպէս հաստատեալ բազմաց գրով և կնքով»<sup>15</sup>:

Պատմագիր կաթողիկոսն, անշուշտ, նկատի ունի այդ քաղաքների խոշանքերն ու դովլաթովներին:

Հայ առևտրական կապիտալի զարգացումը Հայաստանում ու Անդրկովկասում, ինչպես և գաղթավայրերում հիմք էր դառնում ոչ միայն երկրի տնտեսական զարթոնքին ու վերելքին, այլև նպաստում էր նրա քաղաքական-հասարակական ու մշակութային կյանքի վերակենդանացմանը:

Դրա արգասիքն էր ուշ միջնադարի հայ մշակութային կյանքում այնպիսի խոշոր իրադարձության սկզբնավորումն ու ծաղկումը, ինչպիսին տպագրության գործն էր: Պատերազմների թատերաբեմ դարձած Հայաստանում, ուր տիրում էր մղձավանջային խավարը, այդ ժամանակ բացառված էր տպագրության գործի կազմակերպումը: Այդ պատճառով հայ տպագիր գրքի ծննդավայրը հանդիսացավ ոչ թե մայր հայրենիքը, այլ Վենետիկը, նրա հայկական համայնքը: Հայ տպագրության հիմնադիր Հակոբ Մեղապարտի ջանքերով 1512 թ. լույս տեսավ հայ առաջին տպագիր գիրքը՝ «Ուրբաթագիրք» խորագրով, իսկ 1669 թ. Ամստերդամում հրատարակվեց առաջին պատմական երկը՝ Առաքել Դավրիժեցու «Պատմությունը»:

Աղատագրական շարժումների արշալույսին հայ առաջավոր աշխարհիկ ու հոգևոր գործիչները քաջ գիտակցել են տպագիր գրքի դերն ու նշանակությունը ժողովրդի ինքնագիտակցության բարձրացման, լուսավորության տարածման ու արմատավորման, անցյալի պատմական հուշարձանների հրատարակության միջոցով դրանք սերունդների սեփականությունը դարձնելու ու նրանց հայրենասիրության ոգով դաստիարակելու գործում:

Թովմա Վանանդեցին իր ուղերձներից մեկում Բելգիայից գրել է. «Այժմ, մնում է կրթել մեր այն թշվառ քրիստոնյաններին, որոնք դտնվում են խավարի մեջ և ապրում են բռնակալական լծի տակ: Այս նպատակի համար պետք է, որ իմ հայրենիքում այդպիսի մի դպրոց բացվի (լատինահայկական Լ. Բ.) և տպարանս էլ այնտեղ փոխադրվի...»<sup>16</sup>:

Աշ. Հովհաննիսյանը միանգամայն ճիշտ նշում է, որ «Հայաստանի պատմության և աշխարհագրության նվիրված գրքերի և սրանց թվում

<sup>13</sup> Դարանաղցի, Ժամանակագրութիւն, Երուսաղեմ, 1915, էջ 262—263:

<sup>14</sup> «Ջամբո», Վաղարշապատ, 1875, էջ 42:

<sup>15</sup> «Արրահամ Կաթողիկոսի Կրետացույ պատմագրութիւն...», Վաղարշապատ, 1870, էջ 9:

<sup>16</sup> Տե՛ս Աշ. Հովհաննիսյան, Դրվագներ..., հ. 2, էջ 169:



Դավրիժեցու պատմության կամ ավելի ուշ Խորենացու գրքի ու «Համատարած աշխարհացոյցի» պես գործի տպագրության նպատակն էր կրթել և դաստիարակել հայրենասիրական ոգով հայ այն երիտասարդներին ու ընթերցողներին, որոնք, ինչպես ասում էր Թովմա Վանանդեցին, «գտնըվում են խավարի մեջ և ապրում բռնակալական լծի տակ»: Մի հայտնի չափով տպագիր գիրքը պիտի զինե՞ր ընթերցողին մտավոր այն միջոցներով, որոնք անհրաժեշտ էին նրանց գիտակցությունը կաշկանդող խավարը ցրելու և նրանց ազատությունը ձնշող բռնակալության լուծք խորտակելու համար»<sup>17</sup>:

Պատահական չէ, որ ժամանակակից պատմագիրներն ու ժամանակագիրներն իրենց երկերում զգալի տեղ են տվել տպագրության գործի կազմակերպման պատմությանը և հպարտությամբ գովերգել են այդ գործի նախաձեռնողներին, կազմակերպիչներին՝ հայ մշակույթի անխոնջ մշակներին:

\* \* \*

Հայաստանի տնտեսական, հասարակական-քաղաքական, հոգևոր ու մշակութային կյանքի վերելքն ու զարգացումը նախապատրաստել են նաև հայ ազատագրական շարժումների զարթոնքը, որը և բախտաբուխ նշանակություն ունեցավ հայ ժողովրդի նետագա ճակատագրում:

Մինչև XVIII դարի սկիզբը հայ աշխարհիկ և հոգևոր ֆեոդալական վերնախավերը ավանդաբար Հայաստանի ազատագրումը կապում էին արևմտանվրուպական կաթոլիկ պետությունների ու պապականության հետ, ջանքեր չէին խնայում նրանց հետ քաղաքական-դավանաբանական, դիվանագիտական ապարդյուն բանավարություններ վարելու համար: Սակայն, Աշ. Հովհաննիսյանի դիպուկ խոսքերով ասած՝ «Պատրանքի ոսկե շղթայով գամվելով պապական եկեղեցու կամ եվրոպական պետությունների սին խոստումներին՝ հայ գործիչները ի վիճակի չեղան փշրելու հայ ժողովրդին կաշկանդող քաղաքական ստրկության շղթաները»<sup>18</sup>:

Հայ ազատագրական շարժման զարթոնքը, որն սկսվել էր XVI դարի կեսերից և հետագայում Հակոբ Զուղայեցի կաթողիկոսի գործադրած նոանդուն ջանքերով ավելի էր խորացել, նույնպես ընթացավ այդ հին

<sup>17</sup> Նույն տեղում, էջ 171:

<sup>18</sup> Նույն տեղում, էջ 631:

հունով և հասկանալի է, նրա ակնկալություններն էլ արդյունք չտվեցին և չէին կարող տալ:

Հայաստանի և հայ ժողովրդի ազատագրման գործը հին փակուղուց՝ արևմտանվրուպական կողմնորոշումից դուրս բերվեց ժամանակի ակա-նավոր քաղաքական— դիվանագիտական գործիչ մեծ հայրենասեր Իս-րայել Օրու գործադրած տիտանական ջանքերով: Նա առաջինն էր, որ իր Ռուսաստանյան կողմնորոշումով վերանայեց և ճշտեց հայ ազատագրա-կան շարժման քաղաքական ուղղությունը և բացառապես Ռուսաստանի հետ կապեց իր հայրենիքի ազատագրման հեռանկարը:

20 տարի շարունակ արևմտանվրուպական երկրներում դեգերելուց, արքունիքների դռները ապարդյուն բախելուց հետո, Օրու քաղաքական կողմնորոշման մեջ կատարված այդ վճռական շրջադարձով, Հայաստա-նի ու հայ ժողովրդի ազատագրման գործը դրվեց ո՞նալ ուղու վրա, հայ ազատագրական շարժումը թևակոխեց իր զարգացման նոր, որակապես միանգամայն տարբեր փուլը: Հայ ժողովրդի ազատագրման գործի այդ ռահվիրան իր նպատակադրումները շահմանափակեց հայերի ազա-տագրման մեկուսացած հեռանկարով, նա ջանքեր չխնայեց ստեղծելու Ռուսաստանի զլխավորությամբ անդրկովկասյան ժողովուրդների՝ հա-յերի, վրացիների ու ադրբեջանցիների սերտ զինական համագործակցու-թյուն՝ ուղղված պարսկական ու թուրքական բռնակալությունների դեմ:

Օրուց հետո, 100 տարուց ավելի հայ ազատագրական շարժման գործիչներն ընթացան նրա գծած միակ ճիշտ ու գործնական ուղիով, որի շնորհիվ XIX դարի երկրորդ տասնամյակի վերջերին (1828 թ.) արևելա-հայությունը ռուսական զենքի միջոցով ազատագրվեց պարսկական ստրկությունից և իր բախտը մեկընդմիջտ կապեց ռուս ժողովրդի հետ:

Քաղաքական կողմնորոշման մեջ Օրու կատարած այդ ճակատագրա-կան նշանակություն ունեցող լիակատար հեղաբեկումը XVIII դարի հայ քաղաքական կյանքում ամենախոշոր իրադարձությունն էր, որը և պայ-մանավորել է դարի հետագա ռազմաքաղաքական բուռն իրողություննե-րի ընթացքը: Այդ իրողություններն իրենց անդրադարձումն են գտել ժա-մանակակից հայ պատմագիրների ու ժամանակագիրների երկերում: Հայ ազատագրական շարժումների պատմության պրոբլեմը դարձել է նրանց աշխատությունների հիմնական նյութը, դրա հետ սերտորեն առնչված՝ նրանք ավել են չափազանց հարուստ ու արժեքավոր տեղեկություններ հայ-ռուսական, հայ-վրացական, հայ-ադրբեջանական ժողովուրդների փոխհարաբերությունների, նրանց զինական համագործակցության ու օտար բռնատիրությունների դեմ համատեղ պայքարի մասին: Նրանք

հայրենասիրական բոցաշունչ աստիճաններով փարոզել են հայ ժողովրդի ու մյուս ժողովուրդների միասնության ու միաբանության վեհ գաղափարը, ամեն կերպ աշխատել են այն արմատավորել իրենց միջավայրում:

«Եւ յաւարտ բանիս ասեմք,— կարդում ենք Դավիթ-Բեկին նվիրված «Ընտիր պատմութիւն» վերջում,— թե շար է արդարեւ և դժնդակ շար անմիաբանութիւնն ընկերաց ի մէջ հասարակութեան և նախադասելն զբարին, և զօգուտն իւրոյ անձին՝ քան զբարին հասարակութեան, և յորում հասարակութեան և գտանիցի շարս այս, առժամայն եղծէ, ապականէ, և ընդունայնացուցանէ զհասարակութիւնն զայն, թե՛ տուն իցէ, թե՛ քաղաք, թե՛ ազգ իցէ, և թե՛ անպարտելի թագաւորութիւն մեծ, զի՞նչ մեծագոյն քան զկայսերութիւնն Մակեդոնացոց, և Հռոմայեցոց, և ըն՞գէր կորեան և կործանեցան, վասն զի, պակասեցաւ ի նոցանէ միաբանութիւնն և սէրն հասարակութեան, որով և զօրացեալ իսկ էին»<sup>19</sup>:

XVIII դարի հայ պատմագիրներից շատերը ոչ միայն դարի ռազմաքաղաքական բուռն իրադարձությունների կենդանի վկաներն են, այլև նրանց մի մասը դրանց ակտիվ մասնակիցներն ու գործիչներն են եղել, որոնք և դարերին ու սերունդներին են թողել այդ իրադարձություններին նվիրված կենդանի հուշարձաններ:

Հալիճորի՝ թուրքերի կողմից պաշարման ժամանակ Մխիթար սպարապետը և Տեր-Ավետիսը դիմելով զորքերին, ասել են. «Քաջացարուք, մի երկնչիք, ելէք զհետ մեր, եթէ հասեալ իցէ վախճան մեր քաջութեամբ մեռցուք, զի լաւ լիցի մեզ արիութեամբ արտաքոյ պարսպաց մեռանիլ քան աստէն առաջի աշաց մերոց տեսանել զմահ ընտանեաց և բարեկամաց մերոց, և զայլ դժնդակութիւնս»<sup>20</sup>: Հերոսական ինքնապաշտօղանութեան այս վկայությունը պատկանում է Դավիթ Բեկի հրամանատարներից մեկին՝ Ստեփանոս Շահումյանին: Այս խոսքերը մի պահ տանում են ընթերցողին Ավարայրի դաշտը, հիշեցնում ճակատամարտից առաջ Վարդան Մամիկոնյանի մարտակոչը զորքին:

Նկարագրելով վրաց-հայկական բանակների հանդիպումը Գանձակի մոտ, XVIII դարի հայ ազատագրական շարժման ականավոր կազմակերպիչ, Աղվանքի կաթողիկոս Եսայի Հասան Զալալյանը հպարտութեամբ ու անհուն գոհունակությամբ գրում է. «Եւ այսպէս մեծաւ շքով հանդիպիլ միմեանց երկուց կողմանց զօրացն, և իբրև զօրէն պատերազ-

մի ռազմ կարգեալ ճակատ առ ճակատ, և քաջամարտիկ մանկունք մի-րոյս դիմաց յառաջ խաղացեալ ճախր առեալ քաջընթաց երիվարօք, և դինակազմ զբահիւր պարէին յանդիման ճակատուն. և ի ձայնէ հրացանացն որոտայր և թընդայր վայրն այն, և փոշեխառն ծուխ նորին, իբրև զկայծակնափայլ ամպ արգել ճառագայթս արեգականն մինչ զի զմիմեանս հաղի տեսանեաք: Եւ այսպիսի խրախուժեամբ հասեալ իջաք մերձ առ բանակի նոցին, զոր տեսեալ Վախտանկին այսպիսի յառաջադիմութիւն մերայնոցս ցնծացաւ ի հոգի և մարմին իւր»: Այնուհետև Եսային գրում է, թե Վախտանգը «յորդորական բանիւ յուսադրեաց, և զօրացոյց ասելով՝ «այսուհետև զօրասչիք և քաջ լերուք իբրև յորդիս զօրութեան և յուստեքէ և յումեքէ մի երկնչիքքիք զի ահա հասեալ է ժամանակ փրկութեան քրիստոնէից»<sup>21</sup>:

Վախտանգ թագավորի այս խոսքերն էլ ուղղված վրաց-հայ զորքերին, նույնպես հիշեցնում են Եղիշեի հերոս Վարդանի մարտակոչը՝ ճիշտ է, Եսայի և Եղիշեի ապրած ժամանակները միանգամայն տարբեր էին, սակայն երկու հայրենասերների նպատակները նույնն էին՝ տեսնել հայոց պետականության վերականգնումը, ոգեշնչել ժամանակակիցներին վերջնական նպատակի մոտալուտ հաղթանակի հավատով:

Սիմեոն Երևանցի կաթողիկոսը, որի ամենանշանավոր գործն այն էր, որ շարունակեց ու խորացրեց իր նախորդի՝ Հակոբ Զուղայեցու սկսած հարաբերությունները ռուսական արքունիքի հետ, գոհունակությամբ գրում է, որ Եկատերինա երկրորդը 1768 թ. «արար զբոլոր երկիրն զայն հաստատապէս վիճակ Տէրունի սրբոյ Աթոռոյս՝ արքունական հրամանագրով... Եւ յայնմ հետէ եղև ընտանութիւն և մեծ սէր թագաւորին ռուսաց և նախարարաց նորին՝ և եպիսկոպոսացն առ սուրբ Աթոռս, և առ յաղգս մեր որպէս տեսանես զգրեանսն նոցին»<sup>22</sup>: Երևանցու այս վկայությունը հիմք է տալիս ենթադրելու, որ նա Եկատերինայի դիմել է ոչ միայն Ռուսաստանի հայկական համայնքներից առանձին թեմ ստեղծելու հարցով, այլև էջմիածնի և հայերի նկատմամբ ընդհանրապես, հովանավորություն ստանալու խնդրանքով:

Սիմեոն Երևանցի կաթողիկոսը, հավանաբար, այդ հովանավորության համար հատուկ մաղթանք էր գրել ռուսաց ցարերի և նրանց տան «արեաշատության» համար և այդ մաղթանքը կատարվում էր ռուսական պետության ենթակա բոլոր հայկական եկեղեցիներում մինչև 1917 թ.:

2033

19 «Ընտիր պատմութիւն», Վաղարշապատ, 1871, էջ 73:

20 Նույն տեղում, էջ 49—50:

21 Եսայի Հասան Զալալեանց, Պատմութիւն..., Շուշի, 1839, էջ 59—60:

22 «Զամբռ», Վաղարշապատ, 1873, էջ 40:

Ուշ միջնադարի հայ պատմագիրների, ժամանակագիրների, օրագրողների բողոքած պատմագրական ժառանգության ամենահիմնական առանձնահատկությունը, համեմատած նախորդ, վաղ և զարգացած ֆեոդալիզմի դարաշրջանների պատմագրության հետ, այն է, որ նրանում իր լայն անդրադարձումն է գտել ժողովրդի պատմությունը, նրա կյանքը, կրած արհավիրքներն ու սարսափները, բռնազաղթերը, պանդխտությունը, նիստ ու կացը, ավանդություններն ու սովորությունները, ֆիզիկական գոյության պահպանման համար անասելի մաքառումները, կրած տնտեսական, կրոնական ու աղջային հալածանքները, իրավազրկությունը, հասարակախավերի հակամարտությունները, դրանց ծանր ու քայքայիչ հետևանքները, ժողովրդի մի մասի՝ հատկապես վերնախավերի ապառազականացումը: Նրանք արժեքավոր տեղեկություններ են պարունակում նաև օտար բռնատիրությունների վարած ներքին ու արտաքին քաղաքականության, հայ հասարակախավերում և պարսկական ու թուրքական արքունիքներում, բարձրաստիճան պաշտոնեության շրջաններում արմատացած արատավոր բարքերի, կամայականությունների, շարաշահումների ու դրանց՝ ժողովրդին հասցրած շարիքների և շատ այլ երևույթների մասին:

Ուշ միջնադարի հայ պատմագրությունն ապրել է երկու փուլ՝ ամլության (XV—XVI դարեր) և զարթոնքի ու հետագա զարգացման (XVII—XVIII դարեր): Առաջին փուլի առաջացման նախադրյալներն ու գործոնները եղել են հայ պետականության անկումը բուն Հայաստանում ու Կիլիկիայում, խոշոր և միջին Ֆեոդալական իշխանությունների ու տների զգալի մասի ոչնչացումը, գերիշխանության ձգտող մահմեդական բարբարոս ցեղերի ու ժողովուրդների հարատևող պատերազմներն ու տիրապետության հաստատումը, զարգացած Ֆեոդալական հարաբերությունների փոխարինումը քոչվորական կիսաֆեոդալական, կիսանահապետական հարաբերություններով ու տնտեսաձևով՝ «քոչվորական ֆեոդալիզմով», տնտեսական, հոգևոր ու մշակութային կյանքի անկումը և ամենուր տիրող թանձրամած խավարը:

Երկրորդ փուլի առաջացման ու զարգացման նախադրյալներն ու գործոնները հանդիսացել են 1639 թ. թուրք-պարսկական հաշտության պայմանագրի կնքումից հետո երկրում ստեղծված համեմատաբար խա-

ղաղ վիճակը, սոցիալ-տնտեսական ու մշակութային կյանքի վերակենդանացման համար, որոշ առումով, ստեղծված նպաստավոր միջավայրը թե՛ բուն Հայաստանում և թե՛ գաղթավայրերում, անապատական շարժման ծավալումը, առևտրավաշխատական կապիտալի աշխուժացումն ու հզորացումը թե՛ հայրենիքում և թե՛ Պարսկաստանում ու Թուրքիայում, նրա շփումները արևմտաեվրոպական երկրների հետ, գաղթավայրերի տնտեսական ու մշակութային սերտ կապերը բնաշխարհի հետ, տպագիր գրքի հրատարակ գալը, հայ մտքի վերակենդանացումը, աղատագրական շարժումների զարթոնքը և այլն:

Սույն մենագրության մեջ փորձ է արված համակողմանի ու ամբողջական ձևով վեր հանել Թովմա Մեծոփեցու, Գրիգոր Դարանազցու, Առաքել Դավրիժեցու, Զաքարիա Քանաքեռցու, Զաքարիա Ազուլեցու, Երեմիա Քյոմուրճյանի, Աբրահամ Կրեաացու, Խաչատուր Զուղայեցու, Սիմեոն Երևանցու, «Ընտիր պատմություն Դավիթ Բեկի» (Ստեփանոս Շահումյան), Եսայի Հասան Զալալյանցի, Աբրահամ Երևանցու պատմագիտական, հասարակական-քաղաքական և գաղափարական հայացքները, ինչպես նաև նրանց երկերի աղբյուրագիտական արժեքները:

Աշխատության մեջ շենք անդրադարձել ականավոր պատմաբան Մ. Չամչյանի պատմագրական ժառանգությանը, նկատի ունենալով երկու հանգամանք, նախ, որ մենք նրան պատմաբան ենք համարում և ոչ պատմագիր, և երկրորդ՝ որ նրա այդ ժառանգության ուսումնասիրությունը նվիրված առանձին աշխատություն է պատրաստվում ՀՍՍՀ ԳԱ պատմության ինստիտուտում:

Հայաստանի XIV—XVIII դարերի պատմագիրների մասին համառոտ ու բնիկահանուր գծերով տրված են Մ. Աբեղյանի «Հայոց հին գրականության պատմություն» 2-րդ հատորում, Լեոյի «Հայոց պատմություն» 3-րդ հատորում, Ա. Առաքելյանի «Հայ մտավոր մշակույթի զարգացման պատմություն» 2-րդ և 3-րդ հատորներում, Երևանի պետական համալսարանի լույս ընծայած «Հայ ժողովրդի պատմություն» 2-րդ հատորում, ՀՍՍՀ ԳԱ պատմության ինստիտուտի հրատարակած «Հայ ժողովրդի պատմություն» 4-րդ հատորում: Որոշ պատմագիրների հասարակական—քաղաքական գործունեության և աշխարհայացքային հարցերը հանգամանորեն վերլուծված են Աշ. Հովհաննիսյանի «Դրվագներ հայ ազատագրական մտքի պատմության» 2-րդ հատորում: Առանձին պատմագիրներին նվիրված աշխատությունների մասին խոսվում է շարադրանքում և տրված է աշխատության վերջում զետեղված համառոտ մատենագիտության մեջ:

Մենագրության բնույթով է թելադրված այն, որ մեր առաջադրած

հարցադրումներն ու դրույթները հիմնավորելու համար մեջբերումներ ենք արել, առանձին դեպքերում ընդարձակ, պատմագիրների երկերի բնագրերից՝ առանց աշխարհարարի թարգմանելու կամ բոլոր դեպքերում օգտագործված նյութերը հղումներով փոխարինելու: Ինչպես միանգամայն ճիշտ նշում է ակադեմիկոս Աշ. Հովհաննիսյանը, — «այլապես վարվելով՝ թուլացրած կլինեինք մեր արգումենտների գիտական կշիռը և ընթերցողին զրկած՝ մեր վկայակոչումները ստուգելու դյուրությունից»<sup>23</sup>:

Հայաստանի ֆեոդալիզմի դարաշրջանի պատմագրության ուսումնասիրությանը նվիրված մեր այս երրորդ գրքում էլ, ինչպես նախորդ երկուսում, աշխատել ենք որոշել XIV—XVIII դարերի հայ պատմագիրների, ժամանակագիրների և օրագրողների տեղն ու դերը, ինչպես Հայաստանի, այնպես և Անդրկովկասի ու Մերձավոր արևելքի մի շարք երկրների նշված դարերի պատմության լուսաբանման գործում և ընդհանրապես այն ավանդը, որ նրանք մտցրել են այդ դարերի արևելագիտության բնագավառում:

23 Աշ. Հովհաննիսյան, Դրվագներ..., հ. 1, Երևան, 1957, էջ 9:

## ԹՈՎԱՍ ԱՄԵՍՈՓԵՑԻ

XV դարի հայ պատմագրության միակ ներկայացուցիչը նշանավոր մատենագիր, եկեղեցական գործիչ, վարդապետ և բաբունապետ Թովմա Մեծոփեցին է:

Մեսրոպ Մաշտոցից հետո Թովման առաջին հայ մատենագիրն է, որ ունեցել է կենսագիր: Նրա երախտապարտ աշակերտներից Կիրակոս անունով մեկը գրել է նրա կենսագրությունը, և այն մեզ է հասել «Պատմութիւն մեծի բաբունապետին Թովմայի, զոր արարեալ է Կիրակոսի բանասէր Վարդապետի» խորագրով: Ճիշտ է, Թովման էլ Դրասխանակերտցու և Ստ. Օրբելյանի նման, տալով իր ապրած ժամանակաշրջանի պատմությունը, միաժամանակ գրել է և իր կենսագրությունը, սակայն Կիրակոս կենսագիրը շատ մանրամասնորեն լրացնում ու ավելի ամբողջական է դարձնում այն և հնարավորություն է տալիս լրիվ ու ստույգ պատկերացում կազմելու այդ նշանավոր գործչի ծավալած գիտամանկավարժական ու հոգևոր-հասարակական բեղուն գործունեության մասին:

Թովմա Մեծոփեցին հարուստ ու փոթորկալից կենսագրություն է ունեցել: Գ. Հովսեփյանը Թովմայի կենսագրությանը նվիրած իր աշխատության մեջ միանգամայն ճիշտ նկատում է, որ «ԺԴ և ԺԵ դարերի, Հայաստանի այս թշուառութեան շրջանի, հայ վարդապետների մեջ խորին յարգանաց արժանի դեմքեր ունինք՝ ուսումնասիրութեան, անձնասիրութեան ու տոկունեութեան հոգով լցուած: Այս հոգին է, որ հայ եկեղեցու և ժողովրդի մէջ գրի ու գրականութեան կրակն անշեջ պահեց, որքան և թշուառութեան երեսից մոխրով ծածկուած: Այսպիսի վարդապետներից մեկն էր Հովհաննէս Մեծոփեցին»<sup>2</sup>:

Մենք կավելացնենք՝ և Թովմա Մեծոփեցին:

Թովման ծնվել է Վասպուրականի Քաջբերունյաց գավառի Աղի կամ Աղիովիտ գյուղաքաղաքում 1377/78 թ. «ի մեծ առհմէ. յազնուա-

1 Տե՛ս Գ. Հովսեփյան, Թովմա Մեծոփեցու կյանքը, Վաղարշապատ, 1914, էջ 1—13:

2 Նույն տեղում, էջ ԺԱ:

կան ազգէ»<sup>3</sup>: Ըստ կենսագրի, մահացել է 1446 թ.<sup>4</sup>: Սկզբնական կրթութիւնը ստացել է, ինչպես ինքն ու կենսագիրն են վկայում, Մեծոփա վանքում Հովհաննէս Մեծոփեցու մոտ, այնուհետև ուսումը շարունակել է Սուխարաի կամ Խարաբաստայի վանքում՝ Սարգիս և Վարդան վարդապետների մոտ<sup>5</sup>:

Մեծոփա վանքում ավարտելով իր ուսումնառութիւնը, Թովման 1406/7 թ. ուսման մեջ կատարելագործվելու նպատակով գնացել է Տաթև ժամանակի հոշակավոր ուսուցչապետ Գրիգոր Տաթևացու մոտ: Թովմայի հիշատակարաններից մեկում՝ գրված 1407 թ., կարդում ենք «և այլ վեցեքեան հղբարցս, որք եկեալ եմք տարաշխարհիկ ի գաւառէ Քաջբերունոյ վասն ուսման օգտի, և ոչ դիպեցաւ մեզ որպէս կամք մեր էր, այլ պանդխտութեամբ կացաք ի միասին ժամանակս ինչ»<sup>6</sup>: Թովմայի և նրա ընկերների կամքն է եղել՝ երկար ժամանակ մնալ Տաթևում «առ ոտս մեծ վարժապետի, քաջ հոնտորի և անյաղթ փիլիսոփայի արթուն անուն Գրիգորի... արգասատորի, որ իբր զարեգակն պայծառ փայլէ ի մէջ Հայաստանեայց եկեղեցոյ և լուսաւորէ իմաստութեամբ և գիտութեամբ առհասարակ զամենեանս՝ զմերձաւորս և զհեռաւորս, և կարկէ զբերանս երկաբնակ հերձուածողաց...»<sup>7</sup>: Երկու տարի է տևում Թովմայի ուսումնառութիւնը Տաթևում: Հանգամանքների բերումով Տաթևացին ստիպված 1409 թ. իր աշակերտների հետ, որոնց թվում և Թովման, գնում է Մեծոփա վանքը, մտա մի տարի մնում է այնտեղ, շարունակում իր մանկավարժական գործունեութիւնը, հետո տեղափոխվում է Արարատյան երկիրը: Այս բոլորի մասին մեզ հայտնում է Թովման: 1410 թ. գրած հիշատակարանում նա նորից մեծարում է իր ուսուցչին՝ «մանաւանդ եռամեծին Գրիգորի... որ ի սոյն և ի ամին ժամանակի փայլէր ջահն լուսոյ և արուեսակն մեծապայծառ ի նսեմ և ի մութն գիշերիս, և կամ թէ իբր ճիւղ ի մէջ որկուզաց ի գաւառին Սիւնեաց, ուստի և համբաւ սորա տարածեալ առ ամենեւումբք: Ընթանային ամենեքեան և գային, լուսաւորէին հոգով և մտաւք ի քաղցրաբան վարդապետութեանց սորա, զի առաքելանման բոլսէր զչնորհս հոգոյն աստուծոյ, և նա թեքեալ շարժէր զլեզու նորա առ ի վարդապետել զբանն ճշմարտութեան: Ընդ

որս և ես տկար հոգով և ցանկանեալս գնացաք ի լուր նորա... և կացաք առ ոտս նմա՝ ամս Բ(2)՝ խնամածութեամբ և սիրով նորին»<sup>8</sup>:

Այդ գրելուց հետո, սրտի անհուն կակիծով հայտնում է, որ Տաթևացոյց բաժանվելուց 36 օր հետո լուր են ստացել նրա մահվան մասին: «Աւաղ մեծի տարակուսանացս և յանկարծահաս թշուառութեանցս,— բացականչում է Թովման,— զի մինչև ցայսօր ժամանակի յայտնի գիտէաք, թե ողորմած է աստուած տառապեալ ազգիս մեր Հայկազնի, բայց այժմ երևեցաւ, թէ բարկացեալ է աստուած ազգիս Հայոց, զի զնա ունէաք հոգևոր և մարմնաւոր թագաւոր աստուածապարգև, և զնա եբարձ ի մեզանէ: ... Եւ մեք մնացաք անզլութիւն անձն և մարմին առանց հոգոյ, զի աստանդեալ, քայքայեալ ցրուեցան զրոց աշակերտեալ մանկունք, ոչ ունելով տեղիք ապաստանի և հոգևոր հանգստեան»<sup>9</sup>:

Իր պատմագրական երկում Թովման նաև գրում է. «Եւ երկոտասան հղբարքն աշակերտք մեծին Սարգսի, մեք էաք որ յետ մահուան նորա գնացաք յաշակերտութիւն նորա» (Գրիգոր Տաթևցուն — Վ. Բ.), այնուհետև թվարկում է այդ աշակերտների անունները և ավելացնում. «Եւ ես անարժանս Թովմա: Եւ երկու ամ զմեզ մխիթարեաց Աստուածաշունչ գրովք: Եւ ի հալածմանէ անօրինաց շարժեցաւ ի գաւառէն Սիւնեաց առեալ զմեզ՝ եկն ի գաւառն Արճիշոյ: Եւ արարեալ ի բնակութիւն զաստուածահաճոյ ուխտն Մեծորայ»<sup>10</sup>: Ասում է նաև, որ նա իր շուրջն է համախմբել 10 վարդապետ և ավելի քան 80 քահանա և աշակերտ: «Եւ զամ մի լման մխիթարեաց զամենայն հղբարսն անճառելի ցնծութեամբ. և զերիս գիրս մեկնեաց զասիւ՛ զԱւետարանն Յովհաննու աւետարանչին, զգիրս Յորայ նահատակին և զգիրս գրչութեան երկոքեան վարդապետացն Գէորգայ կամբրոնացոյն և Արիստակէսի»<sup>11</sup>:

Այնուհետև հաղորդում է, թե ինչպես մեկ տարի հետո եկան նրա աշակերտները, որոշ ժամանակ մնացին «և զաղթագողի առեալ գնացին ի գաւառն Արարատեան... Եւ մեք ամենքին վարդապետք եւ աշակերտք գնացաք առ նա: ... Եւ յետ ուրն աւուր գնալոյ նորա հիւանդացաւ և փոխեցաւ յաստի կենացս ի հանդերձեալն»<sup>12</sup>: «Պատմութեան» 60-րդ էջում հավաստում է նաև. «Իսկ մեծ վարդապետն Գրիգոր օրհնեաց զաշխարհս

3 Կիրակոս, տե՛ս Գ. Հովսեփոսյանի նշվ. աշխ., էջ 6:

4 Նույն տեղում, էջ 11:

5 Նույն տեղում, էջ 7:

6 Ժն գարի հայերեն ձեռագրերի հիշատակարաններ, մասն Ա., կաղմեց Լ. Խաչիկյան, Երևան, 1955, էջ 78: Այսուհետև՝ Հիշատակարաններ:

7 Նույն տեղում:

8 Նույն տեղում, էջ 101:

9 Նույն տեղում, էջ 102—103:

10 Պատմութիւն Լանկ-Քամուրայ և յաջորդաց իւրոց արարեալ Թովմա վարդապետի Մեծորեցոյ, Փարիզ, 1860, էջ 51—52 Այսուհետև՝ Թովմա:

11 Նույն տեղում:

12 Նույն տեղում, էջ 53:

մեր, և առեալ զաշակերտս իւր՝ ելեալ զնաց ի գաւառն Արարատեան: Եւ վարդապետն Հովհաննէս և ամենայն աշակերտքս զհետ նորա ընթացաք: Եւ անտի ելեալ զնացաք ի շնորհալից աթոռն իւր սուրբ Առաքելոյն Ստաթէոսի»<sup>13</sup>, որ քիչ հավանական է, քանի որ նախորդ վկայութեան մեջ և 1410 թ. գրած հիշատակարանում, նա ինչպես և նրա կենսագիրն, այդ մասին ոչինչ չեն ակնարկում:

Թովմայի բնութագրմամբ՝ Գրիգոր Տաթևացին «վարդապետն ամենայն Հայոց, երկրորդ լուսաւորիչն և աստուածաբանն գեր ի վերոյ գոլով ամենայն իմաստասիրաց և վարդապետաց հնոց և նորոց»<sup>14</sup>: Եվ ահա այս «երկրորդ լուսաւորիչի 1410 թ. Երևանում եղած ժամանակ, նախքան նրա Տաթև մեկնելը, Թովման ստանում է վարդապետական աստիճան: Երբ Մեծոփա վանքից եկած վարդապետների ու աշակերտների՝ Գրիգորին իրենց մոտ ետ վերադարձնելու ջանքերը ապարդշուն են անցնում, Թովման վերադառնում է իր վանքը և գրանից հետո Մեծոփա վանքում 35 տարի վարդապետութուն և հետո ուսուցչապետութուն է անում մինչև իր կյանքի վերջը՝ 1446 թ.:

1444 թ. գրած հիշատակարանում Թովման նշում է իր մասին. «Եւ ես ԿԶ (66) տարոյ եմ»<sup>15</sup>:

«Եկեալ ի վանքն Մեծոփայ, — գրում է կենսագիր Կիրակոսը, — և Կ(60) ամ անդ կացեալ, բազում ջանիւ և առաքինութեամբ և ԼԾ(35) ամ դաս ասելով ամենայն անձանց գրոց աշակերտելոց և բազում որդիս ի փառս ածեալ և է (7) աշակերտի գաւազան տուեալ»<sup>16</sup>:

Թովմայի համար Մեծոփա վանքը, որտեղ նա մինչև իր կյանքի վերջը «Ի դառն և յանբարի ժամանակիս»<sup>17</sup> ծավալել է եռանդուն գիտամանկավարժական և հոգևոր գործունեություն, հանդիսացել է «հրեշտակարնակ կայարանս սրբոց վարդապետաց և ճգնաւորացն առաջնոց...»<sup>18</sup>:

Թովման երկար տարիներ եղել է Մեծոփա վարդապետարանի բարունապետը: Մեծ հեղինակություն է վայելել ժամանակակից հոգևոր ու աշխարհիկ վերնախավերի շրջաններում: Հակոբ Արիմեցի վարդապետը Թովմային հղած ուղերձում գրում է, «Արդ, ո՞վ բարունապետդ սուրբ և առաքինի, ահա և դայս ևս զխնդիր քո կատարեցի բազում աշխատու-

թեամբ: Եւ աոցես զսայ և ըստ ուշիմ և նրբահայեաց մտաց քոց որոնեսցես՝ զպակասն լցուցես և զաւելորդն կշռեսցես...»<sup>19</sup>: Արիմեցին նրան աստվածարան է համարում, «ցանկալի և բաղձալի վարդապետ», «առաջնորդ աստուածարնակ քերորէագումար հոշակաւոր սուրբ ուխտին Մեծոփայ վանք անուանելոյ»<sup>20</sup>: Այլում նշում է նաև, որ ինքը «ծառայաբար» կատարել է Թովմայի «խնդրանքը»<sup>21</sup>: Մի այլ հիշատակարանում կարդում ենք. «Ի յառաջնորդութեան սուրբ ուխտիս (իմա՛ Մեծոփա վանք — Լ. Բ.) հոգիազարդ և երանաշնորհ և աշխահալոյս մեծ բարունապետիս մերոյ Թովմայ վարդապետի, որ հանապազ խրատ (տ)այ մեզ ի յարունստ գրչութեանն»<sup>22</sup>:

Այս հիշատակարանի գրիչը Թովմային մի այլ առիթով «ախեզեւալոյս վարդապետ» է համարում<sup>23</sup>:

Թովման ինքն էլ վկայում է, որ եղել է Մեծոփա վանքի առաջնորդը՝ քերականական նյութերի մի ժողովածու 1446 թ. խմբագրելուց հետո, հիշատակարանում գրում է. «...վարդապետս Թովմա՛ առաջնորդ սուրբ ուխտիս Մեծոփայ, վերստին սրբագրեցի զստ»<sup>24</sup>:

Նույն թվականին գրիչ Մկրտիչն իր հիշատակարանում գրում է. «Եւ մեծաւ տենչմամբ ... խնդրեցի ի վեհագոյն պետէն իմմէ և ի բարունապետէն Թումայի, որ փայլէ ի յաւուրս մեր իբրև արեգակն ի մեջարէի յազգս Հայոց և յերկիրս Քաջբերունի, ի հրաշափառ սուրբ ուխտս Մեծոփայ»<sup>25</sup>:

Թովմայի կենսագիր Կիրակոս բանասեր վարդապետն էլ գրում է. «Ի թուականութեանս հայոց մեծաց ՊՂ երրորդի Ծ երրորդի եղև վախճան մեծ վարդապետին, երիցս երանելոյն սուրբ հօրն մերոյ երջանիկ և փառաւոր բարունոյն, խորիմաց հոնտորին համանման անյաղթ փիլիսոփային՝ Գաւթի սոփեստոսին իմաստասէր հայկազեան սեռիս: Վասն որոյ ի վերջին ժամանակս սա միայն գտաւ ի մէջ ամենայն վարդապետաց իբր և զարեգակն ի մէջ աստեղաց ամենայն առաքինութեամբ զարդարեալ տեսականան և գործնականան և գիտնականան»<sup>26</sup>...

19 Նույն տեղում, էջ 182:

20 Նույն տեղում:

21 Նույն տեղում, էջ 183:

22 Նույն տեղում, էջ 305:

23 Նույն տեղում, էջ 523:

24 Նույն տեղում, էջ 597:

25 Նույն տեղում, էջ 598—599:

26 Կիրակոս, տե՛ս Գ. Հովսեփյանի նշվ. աշխ. էջ 1:

13 Նույն տեղում, էջ 60:

14 Նույն տեղում, էջ 50:

15 Տե՛ս Հիշատակարաններ, մասն Ա, էջ 567:

16 Կիրակոս, տե՛ս Գ. Հովսեփյանի նշվ. աշխ. մեջ, էջ 7—8:

17 Հիշատակարաններ, մասն Ա, էջ 103:

18 Նույն տեղում:

1427 թ. Ղուկասի ավետարանի՝ Սարգիս Կունտի գրած մեկնության իբրև՝ խմբագրողի թողած հիշատակարանում, Թովման նշում է, «Յիսես-ջիբ և զիմս աշխատութիւն, որ ի վերջին ժամանակի զգիրս զայս գտի և ետու ի ձեռս վարժապետաց և բարունապետացդ հայկազեանս սեռի՝ դաս ասել սովաւ և զաշակերտեալսն ի հոգի և ի մարմին մխիթարել»<sup>27</sup>:

Այնուհետև պատմում է, թե ինչպես և որտեղից է գտել այդ մեկնությունը: «Ելեալ զնացաք ի գեօղ մի կոչեցեալ Ասպիսընակ: Մտաք յեկեղեցին և գտաք ի խորանին՝ ձգեալ անպիտան ի մէջ մոխրակուտին: ...Եւ վասն դստն և շար ժամանակիս թշուառութեան Ը(8)ամ ի մէջ անցաւ, և ոչ կարացաք գրել: Իսկ յորժամ բարերարն աստուած սակաւ ինչ անդորրութիւն ետ՝ ի ՊԶԶ (1427) թվականիս... սակավ ինչ ես գրեցի, և զբոլորն գրել ետու հոգևոր որդոց իմոց, Թովմայ գրագրի և Յովհաննէս գրոց աշակերտի...»<sup>28</sup>:

Սակայն, ինչպես երևում է, այդ անդորրությունը երկար չի տևել, քանի որ նույն 1427 թ. գրած մի այլ հիշատակարանում նա գրում է «...Ի ՊԶԶ(1427) թվականի, ի դառն և շար ժամանակի, որ սէրն աստուածային պակասեցավ ի մարդկանէ... անբեցաւ աշխարհս ամէն ի անարէն թուրքմանէն...»<sup>29</sup>:

1435 թ. Թովման խմբագրել է Պողոս առաքյալի 14 թղթերի մեկնությունը և իր թողած հիշատակարանում գրել. «...գտի մեկնեալ եւ թարգմանեալ, համառօտեալ եւ ի միասին հաւաքեալ ճշմարտասէր եւ ուղղադաւան վարժապետացն մերոց ի կրկին ազգաց՝ Յունաց և Ասորաց, քրիստոսածաւալ աղբեր եւ անմուտ արեգականն Յովհաննէս Ոսկերերանի եւ երջանիկ... Եփրեմ ի Խորին Ասորոյ, բացայայտ եւ պարզ տեսութեամբ մտաց վարդապետաց եւ ի լուսաւորութիւն գրոց աշակերտաց անձանց, որ էր թարուցեալ յանկեան ուրեք՝ ի խաւարի տգիտութեան, անփոյտ եղեալ յուսումնասիրաց անձանց, վասն դառնութեան ժամանակաց պատահմանց եւ վասն անբման մերոց աշխարհաց»<sup>30</sup>:

Իր ուսուցիչների նման՝ Թովման էլ որպես բարունապետ, հանգիստ ու ապահով կյանք չի ունեցել, նա էլ ստիպված հաճախ դիմել է փախուստի, տեղից տեղ է փոխադրվել իր վարդապետների ու սաների հետ:

1435 թ. Իսքանդարի ասպատակությունների կապակցությամբ գրում է. «Իսկ մեք փախստական եղեալ հասաք ի Խլաք քաղաք... Իսկ մեք

27 Հիշատակարաններ, մասն Ա., էջ 359:

28 Նույն տեղում, էջ 359—360:

29 Նույն տեղում, էջ 361:

30 Նույն տեղում, էջ 450—451:

մազապուրծ եղեալ ի նոցանէ, ի գիշերի հասաք ի լերինս Բաղիշու...»<sup>31</sup>:

1439 թ. ոմն նորոգող և կազմող Հերապետ իր հիշատակարանում գրում է. «յայսմ ամի տիեզերալույս և քաջ բարունապետն Թովմա փախստական էր եղեալ յազգէն նետողաց ի գաւառէն Արճիշոյ, և եկեալ հանգիպեցաւ ի սուրբ ուխտն Առաքելոց երկու վարդապետօք և բազում գրոց աշակերտօք. և ետես զպատուհաս ցասման»...<sup>32</sup>:

Խոսելով կարա-կոյունլու տիրակալ Իսքանդարի դեմ Շահուխի երկրորդ անգամ գալու մասին, Թովման նշում է, թե «Եւ զայս յատնի եմ տեսեալ ի գաւառս մեր զիյ 885 (1436) թուականիս յերկրորդ գալն Չաղաթային փախեաք ի Չաղաթայէն և հասաք ի Խլաթ քաղաք, Հեր և Բերկրի, Արճէշ և Արծկէ»<sup>33</sup>:

Կիրակոս կենսագրից պահպանված են նաև տեղեկություններ Թովմայի ստացած գիտելիքների մասին: Այս առնչությամբ կարգում ենք. «Ուսեալ էր զերկոտասան մասունք իմաստասիրութեան, զընաբանականն զուսումնականն զաստուծաբանականն և զբարոյականն, զտնտեսականն և զքաղաքականն, զթուականն, զբրաժշտականն, զերկրաչափականն և զաստղաբաշխականն և զամենայն իմաստ հոնտորական հանճարոյ արտաքին փիլիսոփայութեան է (7) գրոց, որ է Քերականն, Սահմանքն, Պորփիրն, Ստորոգութիւնքն Արիստոտէլին, Պերիարմենիան, Աշխարհացն, Առաքինութեանցն, և զհին և զնոր Կտակարանացն, աստուածեղէն տառիցն և Բ գրոց և Մ նուրբ գրոց. զժուարիմաստ և խրթին բառիք ծածկեալ աստուածազարդ և ուղղափառ սուրբ վարդապետաց. եւ զՄԱ վիպասական պատմագրաց ի բերան առեալ՝ պատմէր մարդկան զտիւ և զգիշեր, յանձանձիր ուսուցանէր և լուսաւորէր զամենայն մարդ... Եւ ջանայր զամենեսեան ի գիտութիւն ճշմարտութեան աստուծային արինացն ածել և նմանիլ Աստուծոյ բարեան և գիտնականան և կատարելան: Զի սա էր կատարեալ իմաստասէր բոս Պղատոնին, որ ասէ. իմաստասէր կոչեմ ես ոչ զոքնագէտս և ոչ զայն, որ կարողագոյն բազում ինչ առնով ի բերան, այլ զայն, որ անբիծ և անաղտ վարս ստացեալ ունին յինքեանս»<sup>34</sup>:

Այնուհետև Կիրակոսը բնութագրում է իր ուսուցչապետին այսպես. «Եւ վարդապետս մեր ունէր զամենայն, ինքն ունակացեալ աստուածային և մարդկային առաքինութեամբ զարդարեալ: Հաւատով ուղղափառ,

31 Նույն տեղում, էջ 452:

32 Նույն տեղում, մասն Գ., էջ 388:

33 Թովմա, էջ 105:

34 Կիրակոս, տե՛ս Գ. Հովսեփյանի նշվ. աշխ., էջ 1—2:

յուսով հաստատուն, սիրով կատարեալ, խոհմութեամբ, արիութեամբ, ողջախոհեութեամբ, արդարութեամբ քաղաքաւարեալ ի մանկութենէ մինչև ի խորին ծերութեանն: ...Սուրբ հայրս մեր հոգևոր միշտ ցաւէր վասն հայոց եկեղեցեաց, կարգաւորաց, արանց և կանանց, ծերոց և տղայոց, կենդանեաց և մեռելոց: ...Չարչարէր զինքն ի յուսուցանել զմանկանս եկեղեցւոյ, ի սաղմոսն, ի յաղօթքն, ի շարական, ի գրագրութիւն, ի ժամակարգութիւն. զի գրեաց ընտիր և անսղալ աղաթամատոյց և մեկնիչք և տաւնացոյց ի լաւ օրինակաց և ուսոյց ԻՎ ընտիր գրագիր»<sup>35</sup>:

Կենսագիրը Թովմայի խոսքերով վկայում է՝ «զինչ որ ի ժամատեղս կարգեալ եմ, զմինն ոչ եղեալ եմ յինչն, այլ յառաջին սուրբ հարցն եմ առեալ և եղեալ ի գրի»<sup>36</sup>:

\* \* \*

Թովմա Մեծոփեցու պատմագրական ժառանգութիւնը շնչած ծավալով մեծ չէ, բայց պարունակած նյութով խիստ կարևոր ու արժեքավոր է XIV դարի վերջի և XV դարի առաջին կեսի Հայաստանի ու Անդրկովկասի պատմութեան ուսումնասիրութեան համար: Թովմայի պատմութեան հրատարակիչ Կարապետ Շահնազարյանն իր առաջաբանում նշում է, որ Թովմայի Պատմութիւնը Շերեֆ-էղդինի (նկատի ունի Շարաֆ աղ-դին Յազդիի «Զաֆար-նամե» երկը) գրածի համեմատութեամբ շատ համառոտ է, եթէ վերջինս մանրամասն տվել է Լանկ-Քամուրի հրատարակ գալը և պատճառած ավերածութիւնները մի շարք երկրներում, այդ թվում և Հայաստանում, Թովման հարեանցիորեն հիշում է այդ բոլորը և հետո ընդարձակ ձևով նկարագրում է Հայաստանում Քամուրի պատճառած ավերածութիւնները, գերեվարումը, բնակչութեան ոչնչացումը, որոնց մասին օտար գրողները մեծ մասամբ զանց են արել: Նա միանգամայն ճիշտ նշում է, որ այդ առումով Թովմայի երկը խիստ կարևոր է մեր տոհմային պատմութեան ուսումնասիրութեան համար<sup>37</sup>: Ճիշտ է նաև Գ. Հովսեփյանը, որ գրում է, թե Թովմայի Պատմութիւնը և Հիշատակարանը, իրենց թերութիւններով հանդերձ, պատմութեան համար անգնահատելի աղբյուրներ են իբրև ժամանակակից և ականատես անձի նկարագրութիւն, «առանց որոնց մեր տեղեկութիւնները թերի կլինէին ժամանակի այնպիսի դեպքերի մասին, որպիսին արիւնար-

բու Լանկթամուրի և նորա յաջորդների արշավանքներն են և հայրապետական Աթոռի վերանորոգութիւնը էջմիածնում: ...Թովմայի պատմութիւնը ազգային շրջանակից դուրս հանրամարդկային պատմութեան համար ևս մի կարևոր աղբիւր է, Լանկթամուրի նման պատմական խոշոր անձի հետ կապուած լինելով, ուստի և գիտնականների ուշադրութեան արժանացած»<sup>38</sup>:

Ըստ Գ. Հովսեփյանի, ոչ պակաս կարևոր է «Յիշատակարանը» իբրև հայոց եկեղեցական պատմութեան այդ առաջնակարգ երևույթի (նկատի ունի կաթողիկոսութեան վերահաստատումը էջմիածնում) միակ ամբողջական նկարագրութիւնը<sup>39</sup>:

Կ. Շահնազարյանը նշում է, որ Թովմայի «Պատմութեանը» եվրոպայում առաջին անգամ ծանոթացել են XIX դարում Ֆրանսիացի գիտնական Նեվի միջոցով<sup>40</sup>:

Նա միաժամանակ գրում է, որ բնագրի խորագիրը երկար լինելու պատճառով ինքը այն համառոտել է՝ «Պատմութիւն Լանկ-Քամուրայ և յաջորդաց իւրոց արարեալ Թովմա վարդապետի Մեծոփեցւոյ»<sup>41</sup>:

Թովմա վարդապետը Պատմութիւնն սկսել է գրել 50 տարեկանն անց հասակում. «զի ծեր էի եւ յետ 50 ամացս սկսայ. վասն այսորիկ յետ եւ յառաջ գրեցի»<sup>42</sup>:

Կիրակոսը գրում է, — «Եւ գրեաց պատմութիւն Կ տարւոյ, ի ՊՂԵ թուականէն մինչ ի ՊՂԵ ամի կատարման իւրոյ. սկիզբն ի Թօղթամիշ զանէն և ի Քամուրէն առեալ և ի կատարումն ի Զհանշէն վճարեցաւ: Եւ զամենայն վիշտ և զզոհութիւն և զնեղութիւն և զտրտութիւն տառապեալ ազգիս արամեան տանս արեթեան լիովին և զեղեցկաշար բառիւք և ողբալից դիմաւք և աղիողորմ կսկծանօք և սրտահառաջ լալաւք և արտասուաւք պատմէր, և աշխատէր հանապազ ի թուղթ գրելն վասն աղքատաց և գերելոց, որ մին տարին Գ դաստա թուղթ վճարել էր ի նամակ գրելն»<sup>43</sup>:

Երախտապարտ սանը միանգամայն ճիշտ է ներկայացնում իր ուսուցչի գրած պատմութիւնը, հիրավի Թովմայի երկը կարգալիս մարդ այդ տպավորութիւնն է ստանում:

38 Գ. Հովսեփյան, նշվ. աշխ. էջ ԻԷ:  
39 Նույն տեղում:  
40 Տե՛ս Թովմա, էջ 7:  
41 Նույն տեղում:  
42 Նույն տեղում, էջ 44:  
43 Կիրակոս, Տե՛ս Գ. Հովսեփյանի նշվ. աշխ. էջ Ծ:

35 Նույն տեղում, էջ 2—5:  
36 Նույն տեղում, էջ 5—6:  
37 Թովմա, էջ 6:



Հայաստանն ու հարևան երկրները, հայ ժողովուրդն ու հարևան ժողովուրդները Քովմա պատմագրի ապրած օրերում ծանր ու օրհասական վիճակում էին գտնվում, նորանոր կործանարար ու ավերիչ ասպատակություններ, բնակչության զանգվածային ոչնչացում, գերեզմարում, առանց այն էլ նոսրացած գավառների ամայացում, սով, անապահով կյանք, զանգվածային արտագաղթեր, քաղաքների, գյուղերի, հոգևոր կենտրոնների ավերումներ ու կողոպուտներ: Երկիրն անընդմեջ ոտնատակ էր արվում բիրտ ու վայրագ նվաճողների՝ թամուրյանների, թուրք-մենական, քրդական ցեղերի կողմից՝ Հայաստանում իրենց գերիշխանությունը հաստատելու կամ վերահաստատելու, ավարի ու կողոպուտի, բնակչության գերեզման համար ծավալած արյունահեղ պատերազմական գործողությունների, ավազակային ասպատակությունների ժամանակ, որոնք վերջ չունէին և անասելի սարսափներ էին պատճառում բնակչությանը:

Սակայն այդ դեռ բոլորը չէր: Պապականության նեղ քաղաքականությունը պակաս շարիքներ չէր պատճառել հայ ժողովրդին: Այդ քաղաքականությունը հայ ժողովրդի երկրորդ հայրենիքը՝ Կիլիկյան հայկական թագավորությունը հյուսիս, կործանման եզրին էր հասցրել, խարխլել էր հայ եկեղեցու միասնությունը, անդիշտ ու համառ պայքար էր սկսվել Կիլիկիայում այդ ժամանակ գտնվող հայոց կաթողիկոսության և հոգևոր վերնախափի ու բուն Հայաստանի հոգևորականության միջև: Առաջինները զոհ էին դարձել կաթողիկոսության մեքենայություններին և ուզում էին նույն ճակատագրին արժանացնել արևելահայ հոգևորականությանը: Սա էլ դեռ բոլորը չէ: Պապերի կողմից ուղարկված ունիթոս քարոզիչները, որոնք վխտում էին Հայաստանի գավառներում և օրեցօր շատանում էին, իրենց քայքայիչ գործն էին կատարել ու իրենց հերթին խարխլել արևելահայ հոգևորականության միասնությունը, ջլատել ուժերը, ստեղծել իրենց կենտրոնները, խոր արմատներ դրել հայ հոգևոր ու աշխարհիկ շրջաններում: Հայ ժողովրդի ինքնագոյությունը խիստ վտանգված էր: Մահմեդական աշխարհը, հայ ժողովրդի ֆիզիկական ոչնչացմանը զուգահեռ, զավանափոխության քաղաքականություն էր ուժեղացրել, պապականությունն էլ, իր հերթին, հայերի ձուլումն էր խիստ ակտիվացրել: Ստեղծված այդպիսի մղձավանջային ժամանակաշրջանում հայ ժողովրդի գոյատևման շահերը պահանջում էին միավորել ուժերը, պահպանել, գոնե, ազգային ինքնատիպությունը, որը մարմնավորված էր զավանանքի մեջ, ուստի հայ եկեղեցու միասնության ապահովությունը խիստ կենսական ու անհետաձգելի խնդիր էր առաջադրել արևե-

լահայ հոգևոր ու աշխարհիկ տերերի առջև: Անհրաժեշտ էր առաջին հերթին կաթողիկոսությունը փրկել կործանումից, մի բան, որ Կիլիկիայի պայմաններում արդեն հնարավոր չէր, ուստի պետք էր այն տեղափոխել մայր հայրենիք, վերականգնացնել էջմիածնի դիրքն ու դերը: Այս գաղափարը առաջին անգամ տվել էր 1441 թվից մոտ հարյուր հիսուն տարի առաջ Ստեփանոս Օրբելյանն իր «Ողբ ի ս. Կաթողիկէն»-ում, որ հետագայում նրա տոհմի ժառանգներից Հովհաննես Որոտնեցին ու նրա աշակերտները զարգացրին և նախապատրաստեցին, իսկ Գրիգոր Տաթևավացու աշակերտներն էլ, որոնց թվում և Քովման, իրականացրին այն: Այդ մասին առավել հանգամանորեն՝ քիչ հետո:

\* \* \*

Ահա նշված պայմաններում է ապրել ու գործել, մեր պատմագիրը, իր սեփական կաշվի վրա կրել ապրած օրերի դառնությունները: Նրա պատմագրական ժառանգության մեջ կարմիր թելի նման անցնում է, մի կողմից՝ անհուն սերն ու նվիրվածությունը հանդեպ իր հայրենիքը, իր զավանանքը, իր մշակույթը և, մյուս կողմից՝ անզուսպ ատելությունը օտար նվաճողների, զավաճանների, ուրացողների, քայքայիչների, բարոյալքվածների նկատմամբ:

Պատմագիր Քովման իր երկի հենց սկզբում ասում է, թե ինչի մասին է գրելու. «Պարտ է գիտել ուսումնասիրաց և բանասիրաց անձանց զի ժամանակն բաժանի յերեք՝ յանցեալն, ի ներկայն և յապառնին: Եւ վարդապետաց եկեղեցոյ պիտոյ է վասն երիցն գիտելոյ, վասն անցելոյն պատմել, վասն ներկային խօսիլ, վասն ապագային իմանալ և զգուշացուցանել: Նմանապէս և մեզ պարտ է սակաւ մի համառօտաբար վասն ներկայիս, զոր ի մերում ժամանակիս եղեւ, պատմել, զոր շար քաղաութրն աննաւառք Արեւելից կորուստ բերին Հայկագեան սեղիս ի վերջին ժամանակիս, և ամենայն օտարացեղ ազգաց ցուցանել»<sup>44</sup>:

Հակառակ թամուրյանների պալատական և մի քանի այլ մահմեդական պատմագիրների թամուրին տված սուբյեկտիվ բնութագրմանը, որը այսօր շարաշահում են առանձին մասնագետներ, մեծարում են ու բարձր գնահատում նրա գործունեությունն ու խաղացած դերը, Քովման, Արևելքի թերևս առաջին պատմագիրն է, որ հնարավորություն է տալիս քողազերծ անելու այդ առասպելը: Թամուրին՝ նրա տված բնութագրի հաստատվում է ինչպես հայ, այնպես և օտար, այդ թվում և մահմեդական աղբյուրների կողմից: Նրա մոտ կարդում ենք. «...այր մի թամուր-

<sup>44</sup> Քովմա, էջ 9:

լանկ անուն, դաւանութեամբ և օրինօք պղծոյն Մահմետի՝ նեոին կարապետի, յայտնեալ երեւացաւ ի յարեւելս և ի Սմրղանդ քաղաքի, անդուրմ, անգուրք, անագորոյն, լեալ ամենայն շարութեամբ, պղծութեամբ և հնարիւք բանասրկուին սատանայի»<sup>45</sup>:

Ըստ պատմագրի, Քամուրը «աազակապետ և գլուխ մարդասպանից»<sup>46</sup> է, նրա հաջողությունները և հաղթանակները Քովման բացատրում է նրանով, որ նա իր շուրջն է համախմբել իր նմաններին, ավազակաբար, նենգ ու խարդախ միջոցներով կարողացել է տիրել Արևելքի երկրներին<sup>47</sup>: Պատմում է, թե ինչպես է նա կարողացել տիրել Շիրազ, Քիրման և Սպահան քաղաքներին, որոնց իշխան Շահ-Մանսուրը, ութ տարի համառ մարտնչել էր նրա դեմ, որի համար Քովման նրան «արի» է համարում: Պարտվելով Մանսուրից, Քամուրը վերադառնում է Արևելք, Մանսուրը զեսպան է ուղարկում նրա մոտ: Իմանալով զեսպանի գալու մասին «չարահնարը» սուտ հիվանդ է ձևացնում, մի գառի արյուն է խմում, հրամայում զեսպանին կանչել իր մոտ, բազմության մեջ «եցոյց զղէմս կերպարանաց իւրոց իբրև զմեռելուտի», ապա հրամայում է պղնձե թաս բերել իրեն, խմած արյունը ետ է տալիս: Դեսպանը այդ տեսնելով ներքուստ ուրախանում է և համոզվելով, որ նա հոգեվարքային վիճակում է ու պիտի «սատկի», գիշերը փախչում է և Մանսուրին հայտնում այդ մասին: Վերջինս և ամբողջ ժողովուրդը շատ են ուրախանում, հանգստացած ցրվում են իրենց բնակավայրերը, «չարահնար» Քամուրը 3—4 օրից գալիս պաշարում է քաղաքը, «արի» Մանսուրը 800 հոգով հանկարծակի դուրս է գալիս քաղաքից ու հարձակվում թշնամու վրա, սակայն պարտվում է, Քամուրն այս ճանապարհով տիրում է նրա քաղաքներին<sup>48</sup>:

Քամուրը Սուլթանիայի իշխան է գիլին, որը մտադրվել էր նրան սպանել բաղնիքում, ամբողջ բազմության առջև, պղնձե կաթսայի մեջ կենդանի եփել է տալիս<sup>49</sup>:

Քամուրը Քովմայի համար «զպիղծ վիշապն անդնդային» է<sup>50</sup>, «չար գազան»<sup>51</sup> և այլն:

45 Նույն տեղում:

46 Նույն տեղում, էջ 10:

47 Նույն տեղում, էջ 10—13:

48 Նույն տեղում, էջ 11—12:

49 Նույն տեղում, էջ 12—13:

50 Նույն տեղում, էջ 12:

51 Նույն տեղում, էջ 29:

Դառնացած պատմագիրը սրտի անհուն կսկիծով նկարագրում է «պիղծ և անօրէն Չաղասայի» զորքերի պատճառած ավերածությունները: Ի դեպ նկատենք, որ նա ողբում է ոչ միայն իր հայրենիքի ու իր ժողովրդի օրհասական վիճակը, այլև նրան ցավ է պատճառել հարեւան երկրների քրիստոնյա և տեղական մահմեդական ժողովուրդների ու ցեղերի կրած տառապանքները:

Արարատյան գավառի գրավման կապակցությամբ նշում է. «Եւ զայլ ամենայն բազմութիւն հաւատացելոց շարշարէին տանջանօք, սովով, սրով, գերութեամբ, անտանելի շարշարանօք և անագորոյն բարութ անմարդաձայն աբարին զամենայից գաւառն Հայոց»<sup>52</sup>:

Այնուհետև նա ուրվագծում է Քամուրի ասպատակությունների երթուղին: «Եւ ընթացեալ բազում զօրօք (Քամուրը — Լ. Բ.) ի Փայտակարան Տփղիս քաղաք՝ էառ զնա և գերեաց անթիւ և անհամար: Եւ կարծիք է՝ թէ սպանեալն յուրով էր քան թէ ապրեալն»<sup>53</sup>:

Իսբանդարի՝ Արալի որդու կապակցությամբ, որն իշխել է Վանում, գրում է. «առնէր զանիրաութիւն հարկապահանջութեամբ ազգիս մէր և Տաճկաց»<sup>54</sup>:

Ահա թե ինչպես է ողբում նա Վանի պաշարումն ու առումը. «Եւ նոցա՝ նեղեալ ի հացէ եւ ի ջրոյ՝ ոչ կարացին կալ ի խսարին, եւ ետուն զբերդն ի ձեռս նոցա:

Անազ աղէտիս եւ դառն կսկիծիս: Աստ էր տեսանել զահ եւ զերկիւղ աւուրն դատաստանի, զլալումն եւ զողորմն ամենայն բերդին զի հրաման եղեւ ի շար բոնատրէն զկանայս եւ զմանկունս առնուլ ի գերութիւն, եւ զհաւատացեալս եւ զանհաւատս ի բերդէն ի վայր բնկենուլ: Իսկ նոքա առժամայն կատարեցին զչար հրաման նորա սկսած առհասարակ զամենեսեան ի վայր բնկենուլ եւ այնքան բարձրացաւ մեռեալն, մինչ զի վերջին անկեալքն ոչ մեռանէին, զոր տեսաք աչօք եւ լուար ականձօք մերովք ի սուրբ հօրէն՝ սրբազան արքեպիսկոպոսէն Տէր Զաքարիայէ եւ ի հօրէն վարդապետ Տեր Պօղոս կոչեցեալ, որ եւ նոքա աղատեցան լինելով ի բերդին... Բայց ով կարէ պատմել զթիւ գերեացն եւ զսպանումն անմեղացն... զի լցաւ աշխարհ ամենայն գերութեամբ Հայոց, մեռան քահանայք եւ աշխարհականք հաւատացեալք եւ անհաւատք»<sup>55</sup>:

52 Նույն տեղում, էջ 19:

53 Նույն տեղում:

54 Նույն տեղում, էջ 99:

55 Նույն տեղում, էջ 30—31:

Ամփոփելով Լանկ Քամուրի առաջին արշավանքի հետևանքները, պատմագիրը բացականչում է. «Աւաղ եւ եղուկ ամենայն Հայոցս, զի աւերեցաւ ամենայն երկիրս, զի յԱրճշոյ մինչեւ ի տունն Վրաց եւ մինչ ի Կուր գետն Աղվանից շաղախեցաւ արեամբ անմեղաց երկիր ամենայն շարշարանօք, սպանմամբ եւ գերութեամբ: Եւ լիտ գնալոյ նորա յաշխարհէս մերմէ եկն սով սաստիկ յաշխարհս մեր եւ տարածեցաւ յամենայն տեղիս զի կերան զշունս եւ զկատուս, խորովէին զուստերս եւ զըստերս. այր՝ զկինն, եւ կին՝ զայրն սպանանէին զմիմեանս եւ ուտէին եւ ոչ յագնային, եւ լիտոյ ինքեանք մեռանէին: Զի ոչ կարեմ պատմեց զդառնութիւնս մեր զոր տեսար աշօք եւ լուաք ականճօք»<sup>56</sup>:

Այնուհետև նկարագրում է Քամուրի երկրորդ արշավանքը, նրա զորքի և ջնալիքի Յուսուֆի միջև մղված պատերազմները, նրանց երկուսի պատճառած ավերածութիւնները Հայաստանի տարբեր քաղաքներում ու զավաններում:

Ապա տալիս է նրա երրորդ արշավանքը՝ 1401 թ., կատարած գաղանթութիւններն ու վայրագութիւնները Դամասկոսում, Բաղդատում, Սեբաստիայում և այլուր: Այսպես Դամասկոսում «հրաման եղեւ ի նմանէ՝ (և ասէ) 700,000 մարդ կայք առ իս՝ 700.000 զլուս ախօր և վաղիւն այսր բերջիք. և եօթն բերդ շինեսցիք, որ ոչ բերիցէ զզլուխ՝ հատցի զլուս նորա: ...Եւ բազում զօրացն սուր ի վերայ եղեալ՝ կոտորեցին զամենայն քաղաքն. և պակասեալ լինէին այր մարդ. և զլուս գտանել ոչ կարէին. ապա կտրէին զզլուխս կանանցն և զհրամանն ի տեղ բերէին ամենայն զօրքն:

Աստ էր տեսանել զօրինակն համօրէն գատաստանին և զգոշումն և զաղաղակն, զլաց և զհառաշումն: Եւ ով ոք որ ոչ կարէր սպանանել զզլուխ մի՝ ի 100 թանկաց գնէր և տայր ի համարն: Եւ բազումք ի զօրացն ոչ սպանանել կարէին և ոչ գնել, զզլուխս նոցին հատանէին և ի շար մտէ բլուր գնէին»<sup>57</sup>: Քովման այս գրելուց հետո ասում է. այդ մեզ պատմել է «հոգեւոր որդեակն մեր Մխիթար», որն եղել է այդ ժամանակ Դամասկոսում, իր աշբերով տեսել է հրեշավոր այդ իրողութիւնը և ինքը հազիվ փախել է քաղաքից:

Քամուրը նույնը կատարել է և Բաղդատում: Խաբեութեամբ գրավել է Սեբաստիա քաղաքը և հավատացյալներից և անհավատներից 4000 հոգու քաղաքից զուրս կենդանի «թաղեցին զնոսա, և ջրով և մոխրով

ծածկեցին»<sup>58</sup>: Քովման զայրացած բացականչում է. «Եւ ով կարէ ընդ գրով արկանել զայս դառն տանջանս, զորս գործեաց կարապետ նեոին՝ անողորմ բռնաւորն»<sup>59</sup>:

Քամուրն այստեղից շարժվել է դեպի արևմուտք, գերելարել 60.000 տուն զարաթաթարներից, ուղարկել դրանց Խորասան: Ապա գնացել է Վրաստան, որ վրացիներն ու հայերը ամրացել էին անմատչելի վայրերում, սակայն նա կարողացել է հաղթել և ավելի քան 60.000 գերի վերցնել: «Եւ նոքա սրով ու հրով զամենայն աշխարհն Վրաց կործանեցին, զեկեղեցիսն քակեցին, զգերիսն առեալ հասուցին յաշխարհս մեր մերկ և բորիկ, քաղցած և ծարառած, ամեն հինգ Չաղատայ 20 գերի ունելով: Եւ բազում այն էր, որ ի ճանապարհին մեռանէին և նոքա քար առեալ շախջախէին զզլուխս նոցա, զի մի կենդանի մնասցեն... Զոր տեսար աշօք մերովք և լուաք», սրտի կսկիծով գրում է պատմագիրը ու ավելացնում, «վայ և եղուկն բարձրացաւ ի վերայ քրիստոնէից ազգիս, տեսանէաք զգերիսն եւ օգնել ոչ կարէաք, այլ հեղձամղձուկ լիալ՝ ողբով եւ լալով խոյս տուեալ փախչէաք ի նոցանէ»<sup>60</sup>:

Նկարագրելով Քամուրի որդի Միրան շահի հարձակումը Բաղեշի վրա և գրավումը, ապա վերադարձը Քովման մեծ բավականութեամբ գրում է. «Եւ պիղծն Քամուր... սատակեցաւ շան պէս, և ոռնայր մեռելն իբրեւ զշուն ի պիղծ խատիրայ Մաշաթին»<sup>61</sup>: Արժեքավոր տեղեկութիւններ է հաղորդում Միրան շահի ու նրա եղբոր Արու-Բաքրի և ջնալիքի Յուսուֆի միջև տեղի ունեցած ընդհարումների ու նրանց պատճառած ավերածութիւնների մասին:

Յուսուֆի՝ Բաղդասի սուլթան Ահմադի ղեմ տարած հաղթանակից հետո որոշ չափով խաղաղութիւն է տիրում Անդրկովկասում, և Քովման թեթևացած շնչով հավաստում է. «Եւ եղեւ ի նոյն ժամանակս խաղաղութիւն... ամենայն աշխարհիս Վրաց և Աղվանից, և շինութիւն ամենայն աշխարհիս, մինչ զի յԱրճիշու մինչ ի գաւառն Արարատեան մարդիկ ի յաւեր ոչ բնակէին, այլ ի շէնս բնակէին և թէպետ հարկապահանջութիւնն բազում էր, սակայն խաղաղութիւնն առանց խռովութեան էր: Եւ ծաղկեալ էին եկեղեցիք քահանայիք և սարկաւազօք. և մարդիկ որք յաւուրս Չաղաթային ի հաւատոց ուրացեալք էին, եկին ի հաւատս...»<sup>62</sup>:

58 Նույն տեղում, էջ 65:

59 Նույն տեղում:

60 Նույն տեղում, էջ 67:

61 Նույն տեղում, էջ 70:

62 Նույն տեղում, էջ 72:

56 Նույն տեղում, էջ 32:

57 Նույն տեղում, էջ 63—64:

Սակայն մեր պատմագրի հոգեկան բավականությունը երկար չի տևում: Նկարագրելով Յուսուֆի՝ «Իբրև կատաղի եւ անողորմ գազան» Ախալցխայում իրագործած կոտորածը և գերեվարումը, նա գրում է, թե հայերը տեսնելով գերինների վիճակը աշխատեցին փրկագնով ազատել նրանց. «տեսանողքն ոչ կարէին ժուժկալել. կանայք զզարդարանս իւրեանց կողոպտէին, արք՝ զանասունս, քահանայք եւ կրօնաւորք զաղքատութիւնս իրեանց ցուցին. ում ոչխարիկ եւ ում տաւարիկ կայր՝ տային եւ գնէին»: Մինչև անգամ փրկագնի առասպելական շափն է հաղորդում. «եւ տեսեալ անօրինացն զյօժարութիւն նոցին՝ զամեն գերին հանեցին ի 10.000 եւ ի 20.000 մինչ զի քահանայի միոջ յԱրճեշ և յԱրծկէ երկերիւր երեսուն հազար զահեկան գնէին»<sup>63</sup>:

Անհուն վշտով է նկարագրում նաև Շահուխի և կարա-կոյունլու գահակալ Իսքանդարի, վերջինիս ու նրա եղբայրների միջև տեղի ունեցած ընդհարումները և զրանց տխուր հետևանքները. «Ոչ կարեմ ընդ թիւ արկանել զմեռեալսն եւ զողբումն, զլացն եւ զազաղակն եւ զկորուստ: աղգիս մեր»<sup>64</sup>:

Ասում է՝ չէին խնայում նրանք «ոչ ի տաճիկ և ոչ Ասորի»<sup>65</sup>: «Անողորմ վիշապն և արեանարբու գազանն» — Բաղեշի քուրդ ամիրան հայոց Որմի քաղաքում զազանաբար 700 տաճիկ էր սպանել ու ավերել քաղաքն ու շրջակայքը<sup>66</sup>:

Թովման Իսքանդարի (Իսկենդերի կամ Իսքանդարի) մասին էլ ատելուօջյամբ է գրում, նրան «չիմար եւ անղգայ եւ անհնազանդ եւ հպարտ եւ զոռոզ» բռնավոր է համարում<sup>67</sup>:

Նկատենք, սակայն, որ Թովմայի մոտ որոշ հակասություն է դրսևորվում առանձին մարդկանց, հատկապես Իսքանդարի բնութագրումների մեջ, և զա թերևս բացատրելի է: Սկզբնական շրջանում նա, հավանաբար, տեսնելով Իսքանդարի առաջին հաջողությունները թամուրյանների դեմ ծավալած պայքարում, որոշ հույսեր էր կապել նրա հետ: Սակայն հետագայում, երբ համոզվել էր նրա անկարողության մեջ, իրենց վրա հասած նորանոր սարսափների պատճառը Իսքանդարի անհնազանդությունն էր

63 Նույն տեղում, էջ 77—78:

64 Նույն տեղում, էջ 84:

65 Նույն տեղում, էջ 82:

66 Նույն տեղում, էջ 85:

67 Նույն տեղում, էջ 86:

համարում «Վասն հպարտութեան բարուց իւրոց ոչ ինքեան յաջողեցաւ եւ ոչ հաւատացելոցն, կորեալ ինքն եւ կորոյս զազգս մեր»<sup>68</sup>:

Թերևս նա սկզբնական շրջանում տգետ շահամարեր այն մարդկանց, որոնք Իսքանդարին ցանկանում էին «երկար կյանք»: Հավանաբար զրանք այն մարդիկն էին, որոնք իր նման սկզբում հույսեր էին կապել նրա հետ: «Զայս շարիս գործեաց անօրէն գազանն (Իսքանդարը — Վ. Բ.), — գրում է նա, — և տգէտք ոմանք վասն սակաւ սիրելոյն զհաւատացեալս թե ազգ բարի է՝ երկարութիւն կենաց խնորէին, որ և կարծիք է մարդկան թէ՛ քան զաստեղս աւելի մարդիկ մեռեալ եղեն վասն սորին անհնազանդութեան և հպարտ բարուց որ ոչ հնազանդեցաւ թագաւորին արեւելից: Վասն զի նա (իմա՝ Շահուխը Վ. Բ.) խաղաղասէր էր»<sup>69</sup>:

Թովման որոշակի ասում է նաև. «Ի զ870 թուականէն ի հետ մինչ ի մահ սորա (Իսքանդարի — Վ. Բ.) ամենայն երկիր ի վրդովման կայր և ի խռովութեան անհաւատ և հաւատացեալ, զի երեք անգամ է այս որ Շահ-Ռուհ Զաղաթայն նորա անհնազանդութեան աղագաւ զամենայն Թուրք-մանն և զՄիջերկրեայս ի գերութիւն ետ...»<sup>70</sup>:

Երբ ինքը վարդապետներով ու աշակերտներով փախուստի է դիմել ու ապաստանել իմ կղզում, ոմն Հաճիրեկ իշխան զորքով գնում է այնտեղ, բոլորից պահանջում ոսկի և արծաթ. «Եւ յերեկոյի ժամէն մինչև ի լոյս առաւտտուն 40.000 զահեկան էառ, բայց ի համարս աւելի (քան) զ100.000 եւ յահէ նոցա կամէաք, զի ծովն ընկղմէր զմեզ աեսանելով եւ լսելով զաղաղակ եւ զճիշ կանանց եւ որդուց նոցա. վասնզի հարկանէին զամենեսեան եւ բրածեծ առնէին»<sup>71</sup>, — ցավով գրում է Թովման:

Իբրև ողբերգու Թովման թերևս զիջում է միայն Արիստակես Լաստիվերցուն: Նկարագրելով Արճեշի գավառի բնակչության օրհասական վիճակը, նա գրում է. «Եւ բազմութիւն քրիստոնէիցն... ի լերինս եւ ի բլուրս, ի ծերայս եւ ի ծակս վիմաց փախուցեալք կային: Եւ նոցա շրջապատեալ զլերամբն, իբրև արծիւ որ որսայ զթռչունս երկնից, գոչէին, ձայնէին, երիւարան արշաւէին, զսիրտս արանց եւ կանանց ճմլէին, իբրև զօր զատաստանին սոսկալի եւ սարսափելի պատուհասի հասին, զմեծամեծսն սպանանէին, զոմանս թլպատէին եւ ի հաւատոց բեկանէին, եւ զկին եւ որդի ի հարանցն յափշտակեալ գերի առեալ տանէին: Գոչէր մայրն առ որդին եւ որդին առ մայրն. «մայր իմ՝ ո՛ տայր ինձ տեսանել

68 Նույն տեղում, էջ 93:

69 Նույն տեղում, էջ 105:

70 Նույն տեղում, էջ 103:

71 Նույն տեղում, էջ 88:

զքեզ»: Եւ մայրն՝ առ որդին. «Ո՛վ որդեակ իմ՝ վայ է ինձ եւ եղուկ, եւ վայ ատր քոյ ծննդեան, վայ ինձ եւ վայ հօր քոյ աւետեաց. վայ բեկեալ բազկիս որ զքեզ բարձի որդեակ՝ երթեալ զնաց ի ծով դառնութեան... Եւ այս կսկիծ գառնութեան անճառելի է ընդ գրով արկանել զայս աղէտ տարակուսանաց նեղութեանս: Բայց սակաւ մի ծաւօթութիւն տամ յետ մեզ եկելոցդ զի լալով լայք զկոռուտ ազգիս Հայոց, զի ածամք ի ներս կայաք՝»<sup>72</sup>: Այնուհետեւ ասում է. «Եւ մեք բազում անգամ հարցաքննութեամբ ի խնդիր էլեալ թերեւս գտանեաք զթիւ համարոյ գերեացն զԱրճիշոյ եւ զվանայ. եւ ոչ ոք կարաց ստուգել...»<sup>73</sup>:

Թովման ողբում է նաև Իսթանբուլի Շամասու շրջանում և Դերբենդից հյուսիս ընկած տարածքում կատարած վայրագութիւնների հետևանքները: «Աւերեաց զաշխարհն ամենայն (Շամասիս— Ա. Բ.), զքաղաք և զգիւղ և սրոյ ճարակ ետ»<sup>74</sup>: Ապա շարունակում է. «աւերեաց բազում աշխարհ (Դերբենդից հյուսիս— Ա. Բ.) անողորմ սրախողխող առնելով զլեռնականս և զդաշտականս՝ զամ մի լման անդ յարեալ զանմեղ արիւնս հեղով զոր ոչ ոք կարէ ընդ գրով արկանել»<sup>75</sup>:

Խոսելով ոմն Փիրալի իշխանի՝ Արճեշի և Արծկեի գավառներում կատարած կողոպուտի մասին, Թովման հաղորդում է «Եւ զամենայն գաւառս այնքան կողոպտեցին եւ ի յրնչից մերկացուցին մինչ զի ամենայն քրիստոնեայք որ այժմ կան մեծամեծք եւ փոքունք խոտեն զինքեանս և ոչ ինչ համարին, առանց ամօթոյ խոտով ծածկեն զինքեանս, և մերկ եւ բոկիկ շրջին իրրեւ զանասունս»<sup>76</sup>:

Դառնացած հավաստում է միաժամանակ, որ իմ կղզին զնացած կանանց վաճառել էին երկու-երեք հարյուր թանկայի. «Եւ այժմ ձգեալ է զամենայն հաւատացեալս ի ներքոյ հարկապահանջութեան՝ մինչ զի ամենայն մարդագլուխ 40 թանկայ առնուն թող զբահրայ (հողային ոռոտան— Ա. Բ.) եւ զլարէք (բնակչութեան աշխարհազորային պարտականութիւնը— Ա. Բ.) ի ծերոց և ի տղայոց, յորոց և յայրեաց ի կուրաց, յաղքատաց եւ ի տնականց: Եւ ամենքեան կենդանի մեռեալք և սովեալ կան»<sup>77</sup>:

Պատմագիրը ողբում է նաև 1431 թ. սովի հետևանքները. «մոթ ցո-

72 Նույն տեղում, էջ 91:

73 Նույն տեղում, էջ 92:

74 Նույն տեղում, էջ 100:

75 Նույն տեղում:

76 Նույն տեղում, էջ 111:

77 Նույն տեղում:

բեանն աւելի հանէր քան զ60 թանկայ ի պաղարին Արճիշոյ»<sup>78</sup>: Ցավագնորեն նշում է, որ սովի և աղքատության հետևանքով Արճեշից 500 հոգի ստիպված դավանափոխ են դարձել: Սովը տևել է 7 տարի և այդ ընթացքում «սուրն կորոյս, սովն սպան, գերին պակասեաց, գաղանք կերան զմարդիկ, թռչունք կերան զվաստակս, գորտն և մկունք ապականեցին զանդաստանս»<sup>79</sup>:

Համեմատելով հայերին հասած պատիժը երբայցեցիների և եգիպտացիների պատիժների հետ, պատմագիրը սրտի կսկիծով նկատում է. «որդիք եգիպտացուց ի ծով ընկղմեցան, իսկ որդիքն Հայոց՝ ի ծովն անհաւատութեան... Նորա ի ծովն մեռան, եւ ոչ ծննդեամբ բազմացան, որդիքն մեր և եղբարք, որք անհաւատութեամբ մեռան և կորեան, աճեն որդիք նոցա անհաւատութեամբ և լնուն զաշխարհս ամենայն...»<sup>80</sup>: Այնուհետև ողբում է զրա տխուր հետևանքները, այն արատաւոր բարբերք, որոնք այլասերել են մարդկանց և հասարակութեանը:

«Եւ այս պատուհաս որ եղեւ,— գրում է նա,— մի կարգաւոր և աշխարհական, մեծատուն և աղքատ զլեզու իւր ոչ սանձեաց ի հայհոյութենէ յիշոցացն, եւ ոչ ասացին մեղայ Աստուծոյ և ի ժանտալից դառնապրտուղ և դառնաբերան անիծից և նզովից գարշաբերան աղտեղութեանց զորս ժայթքեն հանապազօր մոխրաթաւալ նորընծայ ուխտի մանկունք եկեղեցույ Հայաստանեայց՝ հանապաղ զաղտեղիս խօսելով զբերանս ուսումնականաց լնուն: Այլ վայ և եղուկ է մեղ, և եղուկ է նոցա, զի անձամբ զանձն իմ դատապարտեմ զի և ես ի նոյնս կամ բայց հարեալ ի խղճէ մտացս, զի գիտութեամբ Աստուածաշունչ զրոց ծանօթացայ, կամիմ բառնալ, և ոչ կամին լսել և ես հանապաղ ի դառնութեան կամ, զի սովորութիւնն հնացեալ բնութիւն մակստացական է: Դարձեալ և ոչ կարեմ բառնալ ի մանկանց եկեղեցույ զի վիշապ ապստամբ եղեալ են, և ի խրատուէ հօգեւոր արանց և եկեղեցույ վարդապետաց խոյս տուեալ զնան զհետ կամաց իւրեանց»<sup>81</sup>:

Թովման էլ կաստիվերցու և Ուհայեցու նման, Արճեշի օրինակով բացահայտում է քաղաքներում արմատացած արատաւոր բարբերք և զրանց պատճառը համարում է հասարակության վերասերումը. «Եւ մեք

78 Նույն տեղում, էջ 94—95:

79 Նույն տեղում, էջ 95:

80 Նույն տեղում, էջ 96:

81 Նույն տեղում, էջ 96—97:

զայս ամենայն տեսանելով զողբումն եւ զհառաչանս մերկացելոց եւ աղ-  
բատաց եւ գանգատ ի սուտ անուն տանուտերաց որ թուլութեամբ եւ ան-  
փոյթ աննելով կորուսին զտառապեալ ազգս մեր ոչ միայն ի դառն աղ-  
բատութեան այլև ի գործս անլսելիս եւ անպատմելիս եւ յանառակ ար-  
բեցութիւնս ծերոց եւ տղայոց, որպէս յայտ է տեսանել ի քաղաքն Ար-  
ճէշ»<sup>82</sup>, զայրույթով գրում է թովման և ավելացնում. «չար սերմանցն շար  
լինի երկրագործութիւն, և շար ուսուցչացն շար լինի ուսումն նոցա»<sup>83</sup>։  
Ասում է, որ ինքը շատ ջանքեր է գործադրել Արճեշում մարդկանց խրա-  
տելու, ճիշտ ճանապարհի բերելու համար, սակայն ապարդշուն. «Եւ մեր  
աղօթս և պատարագս մատուցաք թերեւ թողութիւն մեղաց գտցէ, և  
նա ոչ զղջացավ ի գործս իրո։ Եվ կամ՝ «մենք դէմ յանպիման քարոզե-  
լով խրատեցաք, և նա ոչ հնազանդեցաւ, այլ երիցս և շորիցս նամակ  
օրհնութեան գրեցաք, և նա անտէս արար»<sup>84</sup> և այլն։

Իր նախորդ գրչակիցների նման վարդապետ Թովմա Մեծոփեցին էլ  
երկրներին ու ժողովուրդներին վրա հասած սարսափների ու ավերածու-  
թյունների պատճառը մարդկանց՝ աստծու հանդեպ գործած հանցանք-  
ներն է համարում և դրանք դիտում իբրև ի վերուստ եկած պատիժներ.  
«Եւ այս ամենայն,— գրում է նա, —եկն ի վերայ մեր վասն մեղաց մե-  
րոց եւ շար գործոց, մանաւանդ ի ծուլութենէ երիցանց և ի խաբեբայու-  
թենէ կրօնատրաց և ի շար գործոց անհաւատ և սուտանան հաւատացե-  
լոց, ի զրկող և յանիրաւ տանուտերաց, ի պիղծ և ի զաղրալի առաջնոր-  
դաց...»<sup>85</sup>։

Այդ իսկ պատճառով՝ «հեռացաւ Աստուած, կարծեմ, յազգէս և յե-  
կեղեցոյս Հայաստանեայց»<sup>86</sup>, ընդգծում է պատմագիրը։

Այս հեղինակն էլ համոզված է եղել, որ միայն աստված է պարգևում  
«յաղթութիւն հաւատացելոց եւ անհաւատից»<sup>87</sup>։ Բանից պարզվում է, որ  
թշնամին էլ է գրանում համոզված եղել։ Դերջանում Իսրայէլի քնակ-  
չութեան գերեվարման ժամանակ սաստիկ ձյուն է տեղացել, շատ զոհեր  
պատճառել և բռնակալը «ծիծաղելով ասէր «Աստուած արար, զինչ փոյթ  
է ինձ, թող շէր տունալ զդոսս ի ձեռս իմ և ոչ ձիւն յերկնից առաքեալ»<sup>88</sup>։

82 Նույն տեղում, էջ 111—112։

83 Նույն տեղում, էջ 113։

84 Նույն տեղում, էջ 114։

85 Նույն տեղում, էջ 95։

86 Նույն տեղում, էջ 99։

87 Նույն տեղում, էջ 87։

88 Նույն տեղում, էջ 105։

Նախորդ մեր մի քանի պատմագիրների նման, սակայն այս դեպ-  
քում թշնամիների բերանով, մուրեմանդ Թովման, կարծեք, իր տրտունջն  
է արտահայտում Աստծու նկատմամբ. «Եւ զայսպիսի կորուստ մեր պար-  
ծանս անձանց համարէին եւ ասէին բարձր ձայնի՝ ու՞ր է Քրիստոս Աս-  
տուածն նոցին. թող զայ և փրկեսցէ զհաւատացեալս իւր»<sup>89</sup>։

\* \* \*

Ոչ պակաս արգասավոր է եղել Մեծոփեցու նաև հասարակական-քա-  
ղաքական ու հոգևոր գործունեությունը։ Այդ մասին շափազանց արժե-  
քավոր ու հետաքրքիր տեղեկություններ են հաղորդում, ինչպես ինքը  
Թովման իր գրած Հիշատակարանում<sup>90</sup>, այնպես և նրա կենսագիր Կիրա-  
կոս բանասերը։ 1441 թ. Հայրապետական աթոռը Սսից էջմիածին էր  
տեղափոխվել։ Այն ժամանակ այդ խոշոր իրադարձություն էր հայոց եկե-  
ղեցու և արևելահայ հոգևորականության կյանքում։ Հայոց եկեղեցական  
պատմության մեջ կարևոր նշանակություն ունեցող այդ իրադարձության  
միակ ամբողջական նկարագրությունը տրված է Թովմայի «Հիշատակա-  
րանում»։ Լինելով ժամանակակից այդ դեպքերին, և որ կարևորն է՝ հիմ-  
նական գործող անձերից մեկը, նրա գրածը ստուգապատում աղբյուր է  
էջմիածնում կաթողիկոսության վերականգնման պատմության ուսում-  
նասիրության համար։ Հիշատակարանը փաստորեն Պատմության շա-  
րունակությունն է հանդիսանում։ Նրանում մուլի հայադավան Թովման  
սրտի խորը կսկիծով ու միաժամանակ զայրույթով բացահայտում է XV  
դարի առաջին կեսում հայոց եկեղեցու ապրած խոր ճգնաժամը, նրա նա-  
խադրյալներն ու կաթողիկոսական աթոռի փոխադրման գրգռապատճառ-  
ները։ Անարգանքի սյունին է գամում Սսի կաթողիկոսներին, որոնք տեղի  
տալով պապերի պահանջներին, ոտնահարում էին հայոց եկեղեցու  
ավանդական կանոններն ու սովորությունները. նորաձևություններ էին մըա-  
ցրնում նրա կանոններում ու ծեսերում։ Պատմագիրը հարց է տալիս.  
«Վասն զի՞նչ պատճառի եղեալ եղև կաթողիկոս ի Վաղարշապատ քա-  
ղաքի ի սուրբ էջմիածինն»<sup>91</sup> և ինքն էլ պատասխանում է՝ նշելով 12 նա-  
խադրյալներ<sup>92</sup>։

Թովման անզուսպ ատելությամբ է վեր հանում հոգևորականության

89 Նույն տեղում, էջ 121։

90 Թովմա Մեծոփեցու Յիշատակարանը, հրատարակեց իւր յառաջարանով Կ. Կոս-  
տանանց, Քիֆլիզ, 1892։

91 Նույն տեղում, էջ 54—55։

92 Նույն տեղում, էջ 55—61։

մեջ արմատացած արատավոր բարքերը՝ աներկյուղ խստությամբ գրե-  
լով, թե հոգևորականները. «անառակութեամբ և արբեցութեամբ և պիղծ  
վարուք շրջէին և ինքեանք կապող և արձակող նստէին Հայոց»<sup>93</sup>:

XV դարի առաջին կեսին ջլատվել էր հայկական եկեղեցու միասնու-  
թյունը: Հայկական առաքելական դավանանքի ջատագովները բացահայտ  
պատերազմ էին հայտարարել մի կողմից պապականության միսիոներ-  
ների և հայ ունիթորների (միարարների, որոնք Մեծոփեցու մոտ անվան-  
ված են «աղթարմաներ՝ կախարհներ»), մյուս կողմից Սսի կաթողիկոսու-  
թյան և քաղկեդոնականության հետ միաբանվելու կողմնակիցների դեմ:  
Ժամանակի հոգևորականության առաջավոր թեք քաջ գիտակցում էր այդ  
պայքարի անհրաժեշտությունը, քանի որ կենսական պահանջ էր զգաց-  
վում միավորելու հոգևոր ուժերը, ապահովելու հայոց եկեղեցու միաս-  
նությունը, այդ էր թելադրում նաև ազգային մշակույթի ինքնուրույն  
զարգացման ու ինքնատիպության պահպանման շահերը: Պատմագիրը  
դա շատ լավ էր հասկացել: Այդ պայքարի հիմքը դրել էր Գլաձորի հա-  
մալսարանի հիմնադիր Եսայի Նչեցին: Նրա սկսած գործը շարունակել էր  
իր աշակերտ Հովհան Ռոտունցին, ապա վերջինիս աշակերտ Գրիգոր  
Տաթևացին և ի վերջո նրա աշակերտները— Հերմոնի վանքի վարդապետ  
Հովհաննեսը՝ մականվամբ Կոլոտիկը և մեր պատմագիր Թովմա Մեծոփե-  
ցին: Վերջիններս էլ գլխավորեցին էջմիածնում կաթողիկոսության վե-  
րահաստատման գործը:

Գարեգին Հովսեփյանը ճիշտ է նկատում, որ Թովման առհասարակ  
շատ ժլատ է իր անձի մասին տված տեղեկություններով: Նրա առանձին  
ակնարկներից երևում է, որ նա շատ վաղուց է տոգորված եղել էջմիած-  
նում կաթողիկոսությունը վերականգնելու գաղափարով: Աղթամարի  
կաթողիկոսները նրա աչքում դեռևս 1410 թվից ապստամբ են:

1416 թ. Ախալցխայի ավարից դնած «կոպողայի» անչությունամբ  
Թովման այսպես է դատում. «Այս էջմիածնին է պատշաճ, և ոչ այլ եկե-  
ղեցեաց, և ինձ մահ ոչ տացէ Աստուած մինչև բացեալ տեսից զդուռն  
էջմիածնին»<sup>94</sup>: Կիրակոս կենսագիրն հաստատում է, որ իսկապես կա-  
թողիկոսությունը էջմիածնում վերահաստատելու համար ծավալված  
շարժման ոգին Թովմա Մեծոփեցին է եղել:

«Նու հանապաղ խնդրէր յԱստուած,— գրում է կենսագիրը,— զի էջ-  
միածնին վերստին նորոգեսցի. կաթողիկոս և թագաւոր նստցի յէջմիա-

ծինն... Կատարեաց զխնդրուածս նորա և ելից զփափագ սրտի նորա...»<sup>95</sup>:  
Թովմայի այդ փափագի մասին իմացել են ոչ միայն Հայաստանի, այլև  
Կիլիկիայի հոգևորականները: Նա հավաստում է, որ ինքը Սսի շորս  
եպիսկոպոսներից նամակ է ստացել կաթողիկոսական աթոռի անկման  
նկարագրությամբ, և ինքը «սկիզբն արարեալ ողջունի նամակաց առ  
ամենայն ազգս, զալ ամենայն միաբանութեամբ ի յօրհնութիւն էջմիած-  
նին և ձեռնադրութեան կաթողիկոսութեան ամենայն հայկազեան սեռի»: Այդ  
նամակներին առաջինն արձագանքում է Հովհաննես Կոլոտիկը, և  
Արարատյան գավառի տիրակալ Աղուբ (Եաղուբ) բեկի համաձայնու-  
թյունը ստանալուց հետո՝ հրավիրում է Թովմային գալ կաթողիկոսական  
ընտրությունը մասնակցելու: Վերջինս իր վարդապետներով, եպիսկո-  
պոսներով և քահանաներով գնում է էջմիածին: Ահա թե ինչպիսի հրեճ-  
վանքով է նա նկարագրում այդ պահը. «եկաք ի գիւղաքաղաքն Երևան.  
աստ էր տեսանել զուրախութիւն և զցնծութիւն ամենայն մերային աղինս.  
զի փողն զանգակացն գոչէր. երիտասարդքն գոչէին, ծերքն աղաղակէին...  
մանկունքն խայտային, կանայքն երկրպագութեամբ և լալով զամենե-  
սեան զարհուրեցուցանէին և անօրինացն ուշ եղեալ զարմանային: ...Ձի  
ի վաղուց հետէ անտերունչ էին կացեալ...»<sup>96</sup>

Պատմագիրը հասել էր իր նպատակին, նրա գործադրած ջանքերը  
իզուր չէին անցել: Մտավոր և Ֆիզիկական աշխատանքով նա ամեն կերպ  
ձգտում էր շուտ իրականացված տեսնել իր փափագը. «Բազում աշխա-  
տութիւնս կրեաց ինքն վարդապետն և իր աշակերտքն,— գրում է Կիրա-  
կոս կենսագիրը,— ի սրբել տաճարացն էջմիածնին և Հոփսիմին և Գա-  
լիանին և ի շինութիւն պարսպացն, խցերուն և տանցն, զի ինքն անձամբ  
աշխատէր և զամենայն յաւժարեցուցանէր ի շինութիւնն»<sup>97</sup>: Երևարարա-  
կան իր աշխատանքների մասին ակնարկում է ինքը՝ Թովման իր «Հիշա-  
տակարանում»: Կաթողիկոսի ձեռնադրության օրը «առեալ բահ մի ձեռս  
զառաջին տան հիմնարկութիւնն շինութեանն ես արկի եղարարք իմովք»<sup>98</sup>:

Վաղարշապատի ժողովին ավելի քան երեքհարյուր հոգևորականներ  
են հավաքված եղել և Թովմայի ու Հովհաննես Կոլոտիկի նախագահու-  
թյամբ կաթողիկոս են ձեռնադրել Կիրակոս Վիրապեցուն<sup>99</sup>: Թովման,  
մոտ մեկ տարի իր վարդապետներով ու աշակերտներով մնում է էջմիած-

93 Նույն տեղում, Հիշատակարան, էջ 56:

94 Նույն տեղում, էջ 62—63:

95 Կիրակոս, տե՛ս Գ. Հովսեփյանի նշվ. աշխ., էջ 8:

96 Թովմա, Հիշատակարան, էջ 68—69:

97 Կիրակոս, տե՛ս Գ. Հովսեփյանի նշվ. աշխ., էջ 10—11:

98 Թովմա, Հիշատակարան, էջ 63:

99 Նույն տեղում, էջ 53—54:

նում և գործուն մասնակցութիւն ունենում կաթողիկոսի գործերին: Նրա նախաձեռնութեամբ կաթողիկոսը «արձակեաց զԱղթամար ի զուր և յանպատշաճ անիծիցն, զոր վասն փառամոլութեանն արարին Կիլիկիցիքն... զամենայն անեծքս երարձ ի բանադրողաց և ի բանադրելոցն»<sup>100</sup>, զրում է կենսագիրը և անմիջապես ավելացնում. «Եւ յայս որ պատճառ և միջնորդ և ազնական ազատութեան և արհնութեան լուսաւոր հոգին եղև, մեծ վարդապետ Քովմա, որ իբրև զարնգակն լուսաւորեր զազա հայոց»<sup>101</sup>:

Քովմա պատմագրի ուրախութիւնը երկար շի տևում սակայն: Կիրակոս Վիրապեցուն նրա թշնամիները, Հովհաննես Կոլտտիկի զխավորութեամբ, երկու տարի հետո ամբողջ զրկում և Գրիգոր Մակուեցուն են կաթողիկոս ձեռնադրում: Այս իրադարձութիւնը, ինչպես վկայում է կենսագիրը, «շատ նեղութիւն և վիշտ կրեաց (Քովման Լ. Բ.) վասն էջմիածնին և Կիրակոս կաթողիկոսին համար յանարինաց և ի սուտ եղբարց»<sup>102</sup>: Ըստ Քովմայի, Վիրապեցին զրպարտութեան զոհ էր: Նա «լիբր և յանդուգն» է համարում նրա թշնամիներին, զայրույթով խոսում է Կոլտտիկի մասին, որը Աղուբ բեգի մոտ «ուրանալ զճշմարտութիւնն ... և ասէ քալիցի, ես ոչ եմ ձեռնադրեալ զնա (Կիրակոս Վիրապեցուն — Լ. Բ.), այլ Քովմէն և ընկերք նորին»<sup>103</sup>: Այս խոսքերից թերևս կարելի է ենթադրել, որ Վիրապեցու ընտրութեան ժամանակ Քովմայի կողմնակիցները զորեղ են եղել: Ի դեպ 1442 թ. մի հիշատակարանում կարգում ենք. «Ի յայսմ ամի եղև ժողով եպիսկոպոսաց և վարդապետաց ի մայրաքաղաքն ի Վաղարշապատ, որոց զլուս մեծ բարունապետն Քովմա և Յովհաննէս վարդապետն»<sup>104</sup>:

Քովմայի Հիշատակարանի վերջին մասն իսկապես մի դառն ողբ է և խարազանում անցյալի ու իր ժամանակի հոգևորականութեանը, միաժամանակ ջերմ հայրենասերի սրտաճմլիկ խոսք: Այնտեղ կարգում ենք. «աւա՛ղ անմտութեան ազգիս. աւա՛ղ թշուառութեանս. աւա՛ղ կուրութեանս աշխարհի, աւա՛ղ արմարութեանս. աւա՛ղ հիբութեանս, աւա՛ղ շարութեանս, թե ո՛րքան լուսաւորս խաւարեցուցին ազգս Հայոց. ո՛րչափ աստուածարան բերանս խցեցին. քանի սիւնս եկեղեցւոյ տապալեցին. քանի քահանայապետս ի հող մահու իջուցին»<sup>105</sup>:

Մեծուփեցին որոշակի տեղեկութիւններ է հաղորդում XV դարի առաջին կեսում Հայաստանում ունիթորական շարժման ծավալման և նրա դեմ կազմակերպված պայքարի ձևերի մասին: Պատմագրի վկայութեամբ ունիթորները՝ աղթարմաների և քաղկեդոնականների դեմ մաքատողների շարժումը զխավորում էին Որոսնեցու երեք աշակերտները՝ Գրիգոր Տաթևացին՝ «անմար արեգակն, երկրորդ լուսաւորիչն», «առատ և ճոխ բանիւ, ոչ զուով նման նմա յազգս ամենայն», Սարգիս մեծ վարդապետը, որ «ունէր մարգարեութեան ոգի և Ազամայ որդւոց մէջ խոնարհութեամբ և հեղութեամբ իւր նմանը շունէր», «պատկառելի քաջ վարդապետն Վարդանը», որը «իմաստութեամբ, խրատաւր և առաքինութեամբ» հայոց բոլոր վարդապետներից բարձր էր: Իրենց ուսուցչի նման նշանավոր այս վարդապետները իրենց շուրջն էին համախմբել համախոհներին ու բազմաթիվ աշակերտների, նպատակ ունենալով նախապատրաստել նրանց «աղթարմաների» կամ «ճշմարտութեան ուրացողներին» դեմ մաքատելու համար: Նշված վարդապետներն իրենց ուսուցչի նման, ամեն մեկն առանձին վանք էր ընտրել, ծավալել հոգևոր-քաղաքական ու մանկավարժական գործունեութիւն: Նրանց շնորհիվ Տաթևի, Ապրակունիսի, Սաղմոսավանքի, Խառաբաստայի և Մեծուփա վանքերը իրենց ժամանակաշրջանի լուսավորութեան կենտրոններն էին:

Ստորև Քովմայի կողմից բերվող դեպքի նկարագրութիւնը ցույց է տալիս նախ հայ լուսավորչականների մոտ արմատացած ատելութիւնը հանդեպ ունիթորները և ապա նրանց դեմ պայքարելու միջոցները: Նա պատմում է, որ մի անգամ ունիթորներից մեկը զնացել է Ապրակունիսի վանքը վերը նշված Սարգիս վարդապետի մոտ և հայտարարել «ես երբեմն արեղայ ի ձէնջ եղեալ եմ, բայց սատանայ կորոյս զիս և արար քաղկեդոնական, և սիրտ իմ հանապազ խոցի և դէմս ձեր անարգութեան և հայհոյութեան»: Այս ասելուց հետո նա Սարգիսին տվել է Առաքինութեանց գիրքը, որ ունիթորները թարգմանել էին լատիներենից. միևնույն ժամանակ հայտնել է, որ ճագարակեր Կարապետ վարդապետի աշակերտները այդ գիրքը ուսումնասիրել են և մտադիր են գալու Սարգիսի մոտ նրան հարցեր տալու: Սովորաբար ունիթորները իրենց հմտութիւնները ցույց տալու և հակառակորդների ակարութիւնը ապացուցելու նպատակով գալիս էին Ապրակունիսի վանքը, որ իրենց կենտրոնից հեռու չէր (Երևնալի մոտերը) և հարցեր էին տալիս Սարգիսին: Այս անգամ էլ նրանք եկել են, և Սարգիս ստանալով իրենց հարցերի պատասխանը՝

100 Կիրակոս, տե՛ս Գ. Հովսեփյանի եջվ. աշխ. էջ 8—9:

101 Նույն տեղում, էջ 9:

102 Նույն տեղում, էջ 10:

103 Քովմա, Հիշատակարան, էջ 80:

104 Գ. Հովսեփյան, եջվ. աշխ., էջ ԻԲ: Ընդգծումը հրատարակչին է:

105 Քովմա, Հիշատակարան, էջ 82—83:



հեռացել: Սարգսի աշակերտները, որ վաղուց լսել էին Առաքինությանց գրքի մասին, խնդրել են իրենց վարդապետից, որ նա այդ գրքի մասին դասախոսություն կարդա: Սարգիսը կատարել է նրանց ցանկությունը, սակայն հետևանքը վատ է եղել, որովհետև աշակերտները տակավին այնքան լավ չէին ըմբռնել եկեղեցու նախնի սուրբ հայրերի վարդապետությունը, որ այդ դասախոսությունը նրանց չվնասեր, ուստի ցավով նկատում է Քովման, նրանք «վաղվաղակի տկարացան ի հաւատոց և կամէին աղթարմայ լինել» իրենց վարդապետից դաղտնի: Վանքի փակակալ Ստեփանոս վարդապետը իսկույն իմացել է աշակերտների մոլորվելը:

Պետք էր դիմել վճռական միջոցների: Նրանք Հովհան Որոտնեցուն անմիջապես օգնության են կանչել, վերջինս իր բազմաթիվ աշակերտներով ու քահանաներով եկել է, ստուգել եղելությունը, հրավիրել է իր մոտ Սարգսի աշակերտներին, հանդիմանել ու դատապարտել, հետո «տարեալ էդին ի բանտի, և զոմանս յերկաթի հարեալ, և զոմանս բրածեծ արարին»<sup>106</sup>: Իսկ Սարգիս վարդապետի նզովքի աղղեցություն տակ աշակերտներից ոմանք «գետակուր եղեն, ոմանք խայտառակեալ մերկս շրջէին, կէսք ի նոցանէ փախուցեալ գնացին յաշխարհն Ֆրանկաց, և ի նոցա միջի շարախօսութիւն արարեալ ի պղնձի եղեալ եփեցին, կէսք ի նոցանէ զղջացեալք ապաշխարեցին, որպէս Ատոմն Մոկացին»<sup>107</sup>: Քովմայի վկայություններից պարզվում է, թե որքան ազդու են եղել Առաքինության գրքի դաղափարները, որ մի դասախոսությունից աշակերտները, այն էլ այնպիսի վարդապետի՝ ինչպիսին էր Սարգիսը, մոլորվել են և չեն թաքցրել Որոտնեցուց իրենց դայթակղությունը:

Այն կրքոտությունը, որ Քովման հանդես է բերում այս միջադեպի նկարագրության մեջ, արդեն իսկ ցույց է տալիս նրա վերաբերմունքը հանդեպ ունիթորները, միաժամանակ կիրառված դաժան միջոցառումները խոսում են այն անհանդուրժողական մթնոլորտի մասին, որ տիրել է հայոց վարդապետարաններում:

Քովմայի հաղորդումներից պարզվում է նաև, որ աղթարմաների դեմ մաքառող վարդապետները նրանց դեմ զինվում էին նրանց իսկ զենքերով, ուսումնասիրում էին նրանց գրքերը, նրանց հնարագիտություններն ու մեթոդները:

Վերնում հիշված քաղկեդոնական դարձած արեղան Սարգիս վար-

դապետին Առաքինության գիրքը տալիս է ու ասում. «Ահա քեզ դիրք առաքինութեանց. զի պատասխանի տացես նոցա»: Սարգիսը «յոյժ ուրախացեալ փառս ետ Աստուծոյ մեծաւ զոհութեամբ»<sup>108</sup> նկատում է Քովման: Որպեսզի պատասխան տա Սարգիսն իր մոտ եկող ունիթորներին, նա պետք է այդ գիրքը կարդար:

Քովման վկայում է նաև, որ իր ժամանակ Մերգինի շրջանում կապալաշտ արևորդիներ են բնակվել: Հաղորդելով Քամուրի դեպի Մերգին կատարած ասպատակության և բնակչության գերեվարման մասին, գրում է. «Գերեցան և զշորս գեղս արևորդի կոպալաշտից զՇուլ, զՇմբախ, զՍաֆարի, զՄարաշի իսպառ կործանեաց: Եւ յետոյ դարձեալ սատանայի հնարիւք բազմացան ի Մերգին և յԱմիթ»<sup>109</sup>:

\* \* \*

Պասմագրին, մղձավանջային այն ժամանակներում, ուրախացրել է այն ամենը ինչ պատիվ է բերել իր հայրենիքին ու ժողովրդին, լինի դանցյալից, թե՛ իր ապրած օրերից, լինի դա հաղթանակ թշնամու նկատմամբ, թե՛ հերոսական պաշտպանություն, խիզախություն, թե՛ մարտիրոսություն, համատեղ պայքար, միասնության փորձ, լուսավորություն տարածող վանք-վարդապետարան, գիտուն ու հռչակավոր վարդապետ, գերիների ետ գնում, խաղաղություն և շինություն և այլն: Ուրախացել է և առիթ բաց չի թողել գրի առնելու ու հետագա սերունդներին թողնելու խավարում ցուցող լուսաշող այդ ծալքերը:

Քովման հիացմունքով է գրում ոմն տանուտեր Մարտիրոսի մասին, որ համառ դիմադրություն է ցույց տվել Քամուրին «Իսկ բարեպաշտ տանուտէր մի Մարտիրոս անուն՝ յոյժ զօրեղ զօրական, ողորմած և ազքատասէր ի գեղջէն Կողբայ, ելեալ ի լեռն Բարդղ... յոյժ արի և քաջ մանկամբք գեղջն՝ ապրեցոյց զամենայն հաւատացեալսն մեծաւ պատեւրազմաւ և սրտապինդ զօրութեամբ և թէպէտ բազում անգամ պատերազմեալ՝ ոչ կարացին առնուլ զլեռնն զայն»<sup>110</sup>: Հետագայում մի թուրքմեն միայն նենդութեամբ է կարողացել սպանել այդ հերոսին:

Մասթնոս Ուսհայեցուց հետո, Քովման երկրորդ պատմագիրն է, որ գովերգում է հայ կնոջ արիությունը. «Բայց զարմանալի գործ մի գործեցաւ,— գրում է նա,— ի սմին աւուր, զի կին մի երկիրաւ և Կաւատարիմ ի Մուշ գաւառէ ունեղով զորդի մի յոյժ պատուական և բազմալի, և

106 Քովմա, էջ 40:

107 Նույն տեղում:

108 Նույն տեղում, էջ 37:

109 Նույն տեղում, էջ 15—16:

110 Նույն տեղում, էջ 18:

դէմք կերպարանացն իբրև գերեսս հրեշտակի, գոլով ամաց իբրև Եօթ անց կամ ութից. զի յելանել զօրացն արեւելից ի լեառն խութայ, բազումք ի բրիստոնէից աստ եւ անդ փախուցեալ կային ի պրակս մայրիցն գաղտագողի: Եւ տեսեալ զնոսա անօրինացն՝ արշաւեալ ի վերայ նոցա կամէին գեռել զնոսա: Իսկ ողորմելի մայրն սրբաւէր եւ երկիրաձ յեսս դարձեալ՝ տեսանէր զի գային զկնի, եւ մերձենային առնուլ զմանուկն: Առեալ սուր ի ձեռին իւրում զենեաց զորդին ցանկալի եւ իբրև զգառն անմեղ պատարագեաց ի սէր գառին Յիսուսի... Եւ ինքն մայր մանկան սակաւ մի յառաջ ընթացեալ՝ էլ ի վերայ բարձրաւանդակ վիմի, ի վայր ընկէց զինքն...»: Անուհետև Քովման ասում է, «Եւ զայս մի ոք երկրայութեամբ եւ կարծեօք դիտեսցէ, զի մեք իսկ վարդապետօք եւ աշակերտօք գնացաք ի Սուրբ Կարապետն, եւ դարձեալ եկաք ի Մուշ եւ բերաք զտեսողսն եւ զլսողսն՝ ճգնաւոր հայրն զԴավիթ կրօնաւորն... Եւ ի նոցանէ զճշմարիտն սուուգեցաք, եւ ձեզ յիշատակ օրհնութեան Աստուծոյ թողաք»<sup>111</sup>:

Գոհունակությամբ է գրում Քովման նաև ժողովուրդների համատեղ պայքարի մասին: Իսթանբուլի կողմից Արծկե քաղաքի պաշարման կապակցությամբ նկատում է. «Եւ պատերազմ մեծ եղաւ ի վերայ. եւ բրիստոնեայրն եւ այլ ազգիքն զուն քաջութեան գործեցին»<sup>112</sup>: «Բայց արքաւառին Սասնոյ եւ խութայ հաւատացեալք եւ անհաւատք յազգէն Մարաց, քաջալերեալք ի միմեանց՝ դիմեցին ամենեքեան ի կողպտել զաւար Չաղաթային, եւ լցան աւարօք եւ գանձիւք նոցին»<sup>113</sup>: Վրաց Գեորգի թագավորը և իր երկու եղբայրները, երբ իմացել են Քամուրի շար նպատակների մասին, «Վաղվաղակի զօրաժողով եղեն, և զամենայն ազգն Վրաց և Հայոց յամրոցս արկեալ պահէին»<sup>114</sup>:

Պատմագիրը սիրտ և միասնության զաղափարն է քաջողում. նա գրում է. «Բայց աղաչեմ զվերջին եղբարսդ որ գայք զհետ՝ եպիսկոպոսք և վարդապետք... այս սուտ և անցաւոր կենացս համար մի նենգէք ի սերն եղբայրական. զի ամենայն որ ատէ զեղբայր իւր՝ մարդասպան է. և սիրովն եղբայրական ծնանի սէրն աստուածական. և որ ոչ ունի սէր աստուածական ոչ կարէ միաւորիլ յԱստուածն պետական...»<sup>115</sup>:

Քովման համակրանքով է խոսում հայկական իշխանական տների,

առանձնապես օրբեյլանների շառավիղների մասին, «որք իբրև զճիւ մի ողկուղաց էին մնացեալ ի մէջ ազգիս»<sup>116</sup>: Ցավով նշելով, որ Միրան շահի որդու՝ Օմարի կողմից բռնի դավանափոխ են արվել և քշվել Սամարղանդ Որոտանի տէր Բուրթել և Սմբատ Օրբեյլան եղբայրները, եղեղեացի տեր Տարսալիճը, Մակույի տեր Սուրդաթմիշը, որը «սուտ և յերկարնակ» աղթարմա էր դարձել, և Ազիտան անունով մի ազատորդի Արարատյան գավառի Աղջուաց գյուղից»<sup>117</sup>, հետո սակայն գոհունակությամբ հավաստում է, որ կարճ ժամանակից հետո նրանք «եկին ի հաւատս» և վերադարձան հայրենիք»<sup>118</sup>:

Քովման առանձին համայնքով է արտահայտվում ուսումնական կենտրոններ դարձած վանքերի, հատկապես Տաթևի և Մեծոփի ու վարդապետարանների մասին:

Մեծոփա վանքում Հովհաննես վարդապետի ծավալած գործունեության կապակցությամբ նշում է. «զարդարեաց զսուրբ ուխտն ժամօք, աղօթիւք եւ պատարագօք, ընթերցմամբ գրոց եւ ուսումնականօք եւ զեղեցիկ կարգաւորութեամբ, ծառօք եւ տնկօք իբրև զդրախն եղեմական. Եւ գային հաւատացեալքն եւ շարժէին ի բարին, եւ ատէին, ահա տեսաք զՍրուսաղէմ»<sup>119</sup>:

Տաթևի վանքը նրա համար «երկնահանգէս՝ մեծարգո ուխտ» է, «առաքելական աթոռ»<sup>120</sup>:

Երախտապարտ աշակերտը մեծ ակնածությամբ է խոսում իր ժամանակաշրջանի հայ մշակույթի անխոնջ մշակների ու հատկապես իր վարդապետների մասին: Որոտնեցու և Գրիգոր Տաթևացու մասին նրա գովքը վերևում արդեն բերվել է: Վերջինիս մասին, որ նրանց «ուսուցանէր զգիրս արտաքին իմաստասիրացն»<sup>121</sup>, «երկրորդ Աստուածաբան, Յովհան Ոսկեբերան»<sup>122</sup>-ը «ապշեցոյց զամենեսին առաւել քան զիմաստունան Հելլենացոց»<sup>123</sup> գրում է նա: Սարգիս վարդապետը «ունէր հոգի մարգարէութեան... եւ հեղութեամբ եւ խոնարհութեամբ ոչ գոլով նման նմա յորդիս Աղամայ... Եւ զէմք կերպարանաց իւրոց ահաբեկէր եւ վար-

116 Նույն տեղում, էջ 67:

117 Նույն տեղում, էջ 67—68:

118 Նույն տեղում, էջ 73:

119 Նույն տեղում, էջ 57:

120 Հիշատակարաններ, մասն Ա., էջ 78:

121 Քովմա, էջ 51:

122 Նույն տեղում, էջ 34:

123 Նույն տեղում, էջ 51:

111 Նույն տեղում, էջ 25—27: Անդգծումները հրատարակչինն են:

112 Նույն տեղում, էջ 89:

113 Նույն տեղում, էջ 27:

114 Նույն տեղում, էջ 66:

115 Նույն տեղում, էջ 116—117:

մացուցանէր զամենայն մարդ, մանաւանդ զազգս այլազգեաց մինչդի ազգ Չաղաթային յերկրպագութիւն գային նմա... եւ ժողովեցան առ նա բազումք ի գրոց աշակերտաց եւ ի կրօնատրաց եւ յուսումնասիրաց աւելի քան 60 կարգատրք եւ ուսումնականք: Եւ ուսոյց զամենայն ծովեզերս Վասպուրական գաւառիս ուսմամբ եւ գիտութեամբ»<sup>124</sup>:

«Վարդապետն հայոց Վարդան... լուսատրեաց եւ պայծառացոյց զգաւառս Արճիշոյ, զվերջինն առաւել պայծառ քան զառաջինն»<sup>125</sup>:

Դիտելի է այն կարևոր հանգամանքը, որ Թովմայի Պատմության մեջ կարմիր թելի նման անցնում է նրա կարեկցական վերաբերմունքը հանդեպ աղքատներն ու ընչազուրկները, և նա հոգևոր գործիչների ու իր վարդապետների, անգամ օտար բռնակալների (բացառիկ դեպքերում) բնութագրման մեջ, որպես զրական հատկանիշ ընդգծում է նրանց՝ աղքատների նկատմամբ ցուցաբերած բարյացակամությունը և հոգատարությունը: Իր ողբերում հատուկ ընդգծում է աղքատների անելանելի ծանր վիճակը:

Իր ուսուցիչ Սարգսի աշակերտ Արծկեցի վարդապետ Գրիգորը «ոչ պարապեալ վարդապետական դասի վասն ստոնացեալ բարուց ուսումնականաց մերում ազգի: Այլ տիւ և գիշեր գիրս գրէր, և զամենայն աղքատս կերակրէր, եւ սիրէր զողորմածութիւն, և զամենայն վարդապետ եւ կարգատրս ի նոյն յորդորէր: Ոչ զոյով նման նմա ողորմած և մարդասէր և սպասաւոր աղքատաց և տնանկաց»<sup>126</sup>:

Վերևում բերվեց Թովմայի վկայությունները նվաճողների վարած ծանր հարկային քաղաքականության մասին: Այստեղ ասենք, որ նրա կարծիքով այդ քաղաքականության նպատակն էր. «Եւ նոքա եղին խարաճ եւ հարկս մեծամեծս ի վերայ ամենայն ազգիս թերևս վասն բազում նեղութեանց դարձցին ի կրօնս մեր», և որպես զրա ապացույց ցավով նշում է. «Եւ ոմանք գնացեալ խառնեցան ի քուրդն Բաղիշոյ, Մշոյ եւ Սասնոյ վասն աղքատութեան եւ սովոյն դառնութեան ելեալ ի հաւատոց դարձան յանհաւատութիւն աւելի քան զ500 ոգի»<sup>127</sup>:

Արճեշի կապակցությամբ տեսանք, թե ինչպես է նա խարազանում սուտ անուն տանուտերերին, որոնցից ողբալով և հառաչելով զանզատվում են մերկացյալներն ու աղքատները<sup>128</sup>:

Պատմագիրն իր ողբն ավարտում է հետևյալ ընդհանրացումով. «վայ եւ եղուկ է ինձ հազար անգամ ի մի բերան. զի զոր անգթութեան մեղացն ի դատաստանի սուրն այսօր ի քաղաքիս մեր տեսաք. զի ամենայն գերին ի 1.000 թանկայ վաճառէին. եւ այնքան յաղքատութիւն անկեալ կամք ամենայն ազգս. քաղաք եւ գիւղք, վանք եւ ագարակ, զի մին քաղաք եւ մին գիւղ գերի մի գնել ոչ կարէ վասն դառն աղքատութեան տառապանաց, այլ սուգ եւ ողբ ի բերան առեալ՝ աղիողորմ դառնութեամբ եւ լալագին հեծեծանօք լամբք եւ ողբամբ զկորուստ մեր. զի անմեղ մանկունք գնեալ արեամբ Քրիստոսի, ժողովուրդ, սուրբ գառինք եւ անարատ հարսունք մատնեալ անօրինաց՝ իսպառ կորեան, եւ ոչ ոք էր որ օգնէր, եւ ոչ որ ի թիկունս հասանէր»<sup>129</sup>: Այս հուսալքում չէր, այլ իրողության արձանագրում: Պատմագիրը մեծ հույսեր էր կապել, ինչպես վերը տեսանք, իր փայփայած գաղափարի հետ, այն է Վաղարշապատում տեսնել հայոց կաթողիկոսության և թագավորության վերականգնումը, որի իրականացման համար նա նվիրել է իր ողջ կյանքը և այդ գաղափարը կիսով չափ իրականացրել:

Այդ իրականացման կապակցությամբ ահա թե ինչպես է երախտապարտ աշակերտը՝ Կիրակոս կենսագիրը, բնութագրել իր ուսուցիչին. «Իբրև զարեգակն լուսատրէր զազգս հայոց: Զի արեգակն զխաւարն հալածէ և սա զխաւարն անգիտութեան և անհաւատութեան, զխաւարն անյուսութեան և ասելութեան, զխաւար ծուլութեան և հպարտութեան, զխաւար բղջախոհութեան և անիրաւութեան, զխաւար անկարգութեան ի ժամատեղաց և զամենայն տեսակ մեղաց, որ խաւար կոչի ի գրոց... սուրբ վարդապետս մեր զամենայն մարդ յօժարեցուցանէր և չեմացուցանէր ի տեսակս առաքինութեան աստուածայնոց և մարդկայնոց»<sup>130</sup>:

Թովման իր Պատմությունը ավարտել է Զահան շահի կողմից 1440 թ. Տփղիսի ավերումով:

Մեծուփեցու պատմագրական ժառանգությունն այնքան էլ մեծ չէ, սակայն պարունակած նյութով այն անգնահատելի սկզբնաղբյուր է Հայաստանի ու հարևան երկրների XIV դարի վերջի և XV դարի առաջին կեսի պատմության ուսումնասիրության համար, Չինգիզի խանի «արժանավոր» հաջորդների աշխարհավեր գործունեության ու նրանց զոհը դարձած ժողովուրդների ապրած ամենամոռյալ ժամանակաշրջանի մասին ճիշտ պատկերացում ստանալու համար:

124 նույն տեղում, էջ 36—37:

125 նույն տեղում, էջ 49:

126 նույն տեղում, էջ 42:

127 նույն տեղում, էջ 95:

128 նույն տեղում, էջ 112:

129 նույն տեղում, էջ 122:

130 Տե՛ս Գ. Լովսեփյան, Եջվ. աշխ., էջ 9—10:

## ԳՐԻԳՈՐ ԳԱՐԱՆԱՂՅԻ

XVII դարի սկզբին հայ պատմագրության զարթոնքի առաջնակը դարձավ Գարանաղի գավառի Կամախ քաղաքում 1576 թ. ծնված, ակա- նավոր եկեղեցական գործիչ Գրիգոր վարդապետ Կամախեցին կամ Գա- րանաղցին՝ «Բուք» մականվամբ: Մահացել է 1643 թ. վաթսուներեք տա- րեկան հասակում «երկրորդ հայրենիքում»՝ Ռոդոստոյի-Հողոսի (Քե- քիրդաղ) մեջ: Նրա տապանաքարի վրա գրված է «Այս տապան հանգր- տեան Քեմախցի Գրիգոր աւագ վարդապետի, Սա ծերացեալ լի աւուրբք ԽՂԲ ամսոյն սեպտեմբերի հանգեաւ ձեռամբ սորին բեւեռ փայտին փրկչական ածաւ այս վայր աղբիւր բուժիչ մաքրական որ եւ նախորչ հովի կարգի քաջարթուն հովուել զգաղթեալ զիր հօտ նորեկ բարեմոյն»<sup>1</sup>:

Մենդյան տարեթվի մասին «Ժամանակագրության» մեջ երկու տե- ղեկություն է հայտնում, մեկը 1583 թ. Երզնկայի մեծ երկրաշարժի կա- պակցությունը գրելով, թե այդ տարին ինքը 7 տարեկան է եղել<sup>2</sup>, մյուսը՝ «Յայսմ ամի (1590— Վ. Բ.) զմեզ մանուկ գոլով շորեքդասանամեայ՝ բռնութեամբ արեղայ օրհնեցին»<sup>3</sup>:

Գարանաղցին էլ Հովհաննես Գրասխանակերտցու, Ստեփանոս Օր- բելյանի, Աբրահամ Կրետացու նման, իր պատմական երկերը հեղինա- կելու հետ, միաժամանակ գրել է նաև իր կենսագրությունը, սակայն ավելի մանրամասնորեն: Մանուկ հասակում որբանալով, թշվառ կյանք է վարել, կրել ժամանակի դառնություններն ու արհավիրքները:

Մինչև արեղա դառնալը Գարանաղցին հովվություն է արել Սեպուհ լեռան վանքերում գլխավորապես Մնանաոճի Ս. Աստվածածնի վան- քում, որ իր «սննդեան տեղին է» համարում: «Յառաջն նախիր արա- ծեաք,— նշում է նա,— եւ ետ օրհնելոյն դարձեալ եղին ի տաւարածու-

թիւն: Թէ զմեր որպես թշվառութիւնն որ ի ծննդեմէ ի վեր՝ գրեմք, թե զորբութեամբ սնանիւն, թե զանտէրունչ լինելն եւ անայցելու եւ անխնա- մակալն ի վանորայսն, ոչ ուսուցանող եւ ոչ խրատու, որ թէ գրեմք մի ըստ միոջէ, նա անհաւատալի կու թուի բազմաց»<sup>4</sup>:

Մեր պատմագիրներից, թերևս, ոչ մեկը այնքան թափառական ու փախստական կյանք չի վարել ու փորձանքների ենթարկվել, ինչպես Գա- րանաղցին:

1621 թ. գրած հիշատակություններից մեկում կարդում ենք. «Եւ դարձեալ փախստեալ գոլով ի յահէ նեղչաց, եկաք յԼստամբօլս՝ թե դար- ձեալ երթանք յերուսաղէմ, և արգել զմեզ սատանայ, զի բազում անցք անցին ընդ մեզ, որ ոչ գիր կու տանի եւ ոչ լեզուաւ ճառել ոք կարէ: Դար- ձեալ աստուածային այցելութեամբն եւ խնամօք ողորմութեամբ նորին զերծաք ի յանդերձանելի վտանգիցն եւ գնացաք յերուսաղէմ, երեք տարի շրջեցաք աստ: և անդր եւ ոչ գտաք ուրեք հանգիստ, եւ դարձեալ եկաք, այլ աստէն եւ ոչ ունիմք զազարումն...»<sup>5</sup>: Աստվածաշնչի ինքնագիր մի հիշատակարանում Գարանաղցին հավաստում է. «Ով եղբարք, մեր թշուառութիւնս ձեզ յայտ լիցի, որ շունիմք ուրեք զազարումն վասն շա- րութեան ժամանակիս, որ զայս երկու թուղթս և մէկ երէսն ի վերայ ոտից շուրջ գալով եմ գրեր ի գիւղն, որ Մոխրի կոչի»<sup>6</sup>, «Զայս մէկայլ երեսս ի մեր հօրեղբօրն պաղչայն գրեցի մեծաւ տաժանօք»<sup>7</sup>:

Աստվածաշունչը Գարանաղցին ընդօրինակել է 17 տարվա ընթաց- քում՝ թափառական կյանք վարելու պատճառով:

Սակայն Գարանաղցին սոսկ ընդօրինակող չի եղել: 1622 թ. գրած հիշատակարանում նա նշում է. «Արգ՝ եղեւ աւարտ եւ դրաւ աստուծա- շունչ Բուրաստանի սուրբ գրոցս Հին եւ Նոր կտակարանաց, որ եւ զկտակ երկուտասան նահապետացն եւ զԱսանեթի՝ կնոջն Յովսեփայն յաւելեալք գրեցի եւ զքովանդակն ամենայն, ոչ թե ի միոյ օրինակէ՝ այլ ի զանա- զան յայլեալ օրինակաց, յաղագս միանգամայն չգրելոյն եւ աւարտարու գոլոյն եւ հանդիստ ուրեք չգտանելոյն՝ վասն շարութեան ժամանակիս, որպէս յայտ է յայլեալ գրերաց եւ ի փոփոխելոյ գրչաց, տեղաց եւ ժա- մանակաց»<sup>8</sup>:

1636 թ. Երուսաղեմի Սուրբ Հակոբ վանքին նվիրած Աստվածաշնչի

<sup>1</sup> Ժամանակագրութիւն Գրիգոր վարդապետի Կամախեցոյ կամ Գարանաղցոյ, հրա- պարակեց Մեսրոպ վարդապետ Նշանեան, Երուսաղէմ, 1915, նշանյանի գրած Գարանաղցու կենսագրության էջ ԾԱ: Այսուհետև՝ Գարանաղցի:

<sup>2</sup> Նույն տեղում, էջ 8:

<sup>3</sup> Նույն տեղում, էջ 22:

<sup>4</sup> Նույն տեղում, էջ 22—23:

<sup>5</sup> Նույն տեղում, էջ 616:

<sup>6</sup> Նույն տեղում, էջ 76:

<sup>7</sup> Նույն տեղում:

<sup>8</sup> Նույն տեղում, էջ 610:

վերջում գրած հիշատակարանում Դարանաղցին իրեն աստվածաբան վարդապետ է համարում. «Յիշեցէք... վերջին ստացողի աստուածաշնչի՝ Թաքիրտաղի առաջնորդ Տէր Գրիգոր աստուածաբան վարդապետին, որ մականունն Բուզ վերածայնի»<sup>9</sup>:

Դարանաղցին ժամանակի գիտուն և մեծ հեղինակութուն վայելող վարդապետներից մեկն է եղել: Նրան բարձր են գնահատել ժամանակակիցները: Այս տեսակետից ուշագրավ է հետևյալ փաստը.

Էջմիածնում մեռնոն եփելու արարողությանը մասնակցելուց հետո, երբ Դարանաղցին ցանկացել է վերադառնալ իր թեմը «Դաւիթ կաթողիկոսն արգելեաց զմեզ թէ՛ նրեան քաղաքին եւ ամենայն երկիրն զքեզ կու սիրեն լաւ քան զամենեսեան՝ թէ՛ կաթողիկոս. թէ՛ վարդապետ, ու զինչ կու հրամայես՝ թէ՛ օրինաց, թէ՛ այլ ինչ, նա՛ սիրով կու կատարէն ու մեզ չեն լսեր բնաւ»<sup>10</sup>:

1624 թ. Ռոդոսթոյում ընդօրինակած «Հարանց վարք»-ի գրիչ լեհացի Նիկողոս զպիւրը իր հիշատակարանում Դարանաղցուն բնութագրում է իբրև, «Ամենագովելի, երջանիկ, ընտրեալ, պատուելի եւ աստուածահաճոյ ամենայն գովութեանց արժանատրեալն, սուրբ եւ քաջ հոգևորն եւ արիաջան բարունապետն, զտէր Գրիգոր եռամեծն եւ խըստակրօն յոյժ ճգնողի, անձանձրալի խրատող եւ ուսուցանող անզգամից»<sup>11</sup>:

Նույն Ռոդոսթոյ քաղաքում ոմն գրիչ Կիրակոս 1639 թ. իր ընդօրինակած «Կանոնագիրք եւ Պատարագի Մեկնիչի» վերջում գրած հիշատակարանում նշում է. «...Ի հայրապետութեան էջմիածնայ Տէր Փիլիպպոսին եւ սեղույս առաջնորդութեանն, քաջ հոգևոր եւ ջատագով յօրինացն Աստուծոյ, մեծ և անուանի եւ ամենայն իմաստիք լի, Դարանաղու Գրիգոր վարդապետին»<sup>12</sup>:

Դարանաղցին երախտագիտությամբ է հիշում իր առաջին ուսուցիչներին: Ողբալով իր և իր ժամանակի վիճակը, նա գրում է ոմն Պարոն ճգնավորի կամ միայնակյացի վերաբերյալ, որը 20 տարուց ավելի ճշգնավորական կյանք է վարել Սեպուհ լեռան Շիկի քար կոչված վայրում, նրա համբավը տարածվել է ամբողջ երկրով մեկ, շատերը գնացել են նրա մոտ՝ մենակյացի ապրելակերպը ուսանելու: Ծակատագրի բերմամբ Սեպուհ լեռան վանքերից մեկում Պարոն ճգնավորը հանդիպել է մանուկ Դարանաղցուն ու նրան վերցրել է իր խնամակալության տակ և ուսուցանել

ու դաստիարակել է: Երախտապարտ աշակերտը նրա մասին գրում է. «Յոյժ բազմահնար եւ մեծահանճար էր եւ աշխատասէր եւ բարութն ողորմած էր եւ գթած առ ամենայն... Որ եւ զիս տրուպս ամենեցուն Գրիգոր բանի սպասաւորս, որ մանուկ էի և յոյժ տխմար եւ անտէրունչ ի հոգաբարձու խրատողաց, եւ իւր բարի խրատովն զգանացոյց զմեզ եւ բաղում ողբալեան եւ սաստկական հնարիւք յորդորեց եւ հաւանեցոյց մեզ հետեւել գրոց արբանեկութեան...»<sup>13</sup>:

1590 թ. արեղա դառնալուց հետո Դարանաղցին բնակութուն է հաստատել Սեպուհի Ս. Լուսավորիչ վանքում, ուր մնացել է մինչև 1597 թ. Պարոն ճգնավորի հսկողության ու խնամակալության ներքո: Այնտեղ էլ ստացել է քահանայական աստիճան: Պարոն ճգնավորը նպատակ էր դրել Դարանաղցուն հասցնել վարդապետական աստիճանի, իսկ զրա համար անհրաժեշտ էր, որ նա աշակերտներ անվանի վարդապետներից որևէ մեկի մոտ, և քանի որ իրենց կողմերում այդպիսին երզնկացի Ղազարն էր, ուստի որոշել էր նրա մոտ և ուղարկել Դարանաղցուն: Սակայն հենց այդ օրերին, հանգամանքների բերումով, Բաբերդցի Սրապիոն վարդապետը հայրենիք վերադառնալու ճանապարհին, Ալփոշի գյուղում, հանդիպում է Դարանաղցուն ու առաջարկում է նրան՝ իրեն աշակերտել: Վերջինս, հակառակ միաբանների ու իր խնամակալի՝ Պարոն ճգնավորի դիմադրությանը, որը ցանկանում էր իր որդեգրին պահել իր մոտ՝ իր հսկողության տակ դաստիարակութուն տալ, համաձայնվում է գնալ աշակերտել Սրապիոն վարդապետին, որն Վահանաշեն գյուղի Ս. Ստեփանոս վանքի առաջնորդն էր և աշակերտներ էր պատրաստում վարդապետության աստիճան ստանալու համար<sup>14</sup>: Սրապիոնին Դարանաղցին համարում է «քաջ հոգևոր»<sup>15</sup>, իր հոգևոր հայրը, որից և 1603 թ. ստացել է «զավազան վարդապետական իշխանության»<sup>16</sup>: Աստվածաշնչի հուշագրերից մեկում էլ նրա մասին գրում է, հիշեցեք «զամենայն հոգևոր երախտաւորքն մեր, որք ըստ հոգւոյ եւ մարմնոյ վարժիչք եւ խրատիչք եղեն մեզ, մանաւանդ զհոգևոր բաղմերախտ հայրն մեր Սրապիոն քաջ տելետն եւ աստուածաբան վարդապետն»<sup>17</sup>: Դարանաղցին ամեն առիթով միշտ ընդգծում է Սրապիոն վարդապետի «քաջ հոգևոր» լինելու հանգամանքը:

Պատմագիրը գրչության արվեստի հմուտ ու ճանաչված մասնագետ է:

<sup>9</sup> Նույն տեղում, էջ 618:

<sup>10</sup> Նույն տեղում, էջ 53:

<sup>11</sup> Նույն տեղում, էջ 5Ը:

<sup>12</sup> Նույն տեղում, էջ 5Ը-5Թ:

<sup>13</sup> Նույն տեղում, էջ 595:

<sup>14</sup> Նույն տեղում, էջ ԺԱ-ԺԲ:

<sup>15</sup> Նույն տեղում, էջ 40:

<sup>16</sup> Նույն տեղում:

<sup>17</sup> Նույն տեղում, էջ 603:

եղի, պատրաստել է շատ «գրոց աշակերտ»ներ՝ գրիչներ, ձեռագրեր ընդօրինակողներ, որոնց մասին նշում է «Ժամանակագրության» մեջ<sup>18</sup>։

Թերևս այդ է նկատի ունեցել լեհացի նիկողոս դպիրը, որն իր հիշատակարանում նրան համարում է «արիաջան բարունապեան»։

Դարանաղցին մեծ վաստակ ունի «գրոց արբանեկութեան» բնադավառում։ Նա հավաքել ու անձամբ ընդօրինակել է բազմաթիվ գրքեր, որոնցից շատերը փրկվել են կորուստից և հասել մեզ։ Պատահական չէ, որ նա Սրապիոն վարդապետի մասին գրում է. «Մեծ Սրապիոն արարեալ էր պատմագիրս գեղեցկալարմարս և բերելով մինչ ի թվականին ՌԾ (1601) հասուցեալ, և ոչ է յայտ՝ թէ զի՛նչ եղև գրեալն, այլ ծածկեալ եղև ի նախանձոտաց և յանհաւանից...», — և ընդգծում է, — երկնչիմ՝ գուցե և մերս առնիցեն նմանապէս, ...զի տացե շնորհս յողաց և ցանկասցին ի գաղափար օրինակել սորին և արժանասցին արքայութեան երկնից»<sup>19</sup>։ Բանից պարզվում է, որ իր գրած «Հարանց վարք» գիրքը, որ կրել է «Պատմութիւն Սեպուհ լեբրանց և զՄաքենեց և զԹեղենուցն յարևելից կողմանց» խորագիրը՝ նվիրված անապատականներին, նույնպես արժանացել է Սրապիոնի Պատմության ճակատագրին՝ իր կենդանության ժամանակ «Նախանձոտներ»-ը նրա գիրքը շին ընդօրինակել, այլ «Յարուցին ի խաւարի և կորեալք եղեն, վասն ոչ օրինակ առնելով և փոխարկելով զնոսա»<sup>20</sup>։

Դարանաղցու «Ժամանակագրության» հրատարակիչ Մեսրոպ վարդապետ նշանյանը գտնում է, որ շնայած Դարանաղցին իրեն անվանում է վարդապետ, սակայն գրքի մեջ, նրա մի քանի ակնարկներից երևում է, որ նա մինչ վարդապետության աստիճան ստանալը, ունեցել է եպիսկոպոսի հոգևոր կոչում... Երկու տեղ պատմագիրը նշում է իր կողմից շորս քահանա ձեռնադրելու մասին<sup>21</sup> և Ռոդոսթոյի հունական եկեղեցին զբաղվելու կապակցությամբ Պոլսից իր թեմականներին գրած հուսադրական նամակում էլ նշել է. «Թէ որ չբաւեմ ճարել զամենայն ծախսն ի ճանապարհս եկեղեցոյն, զամենայն գրեանս, զգաւազանս զեմիփորոնս և զթագս վաճառեմ և տամ»։ «Ասոնք անտարակուսելի ապացույցներ են Դարանաղցիի եպիսկոպոսութեան», ընդգծում է նշանյանը, և ենթադրում է, որ նա եպիսկոպոս է ձեռնադրվել 1600—1603 թվականներին.

երբ նա գտնվել էր էջմիածնի կողմերում, Մելքիսեթ կաթողիկոսի կողմից<sup>22</sup>։

\* \* \*

XVII դարի առաջին հիսնամյակը հայ պատմագրության մեջ նըշանավորվեց նրանով, որ նրանում առաջին անգամ իր արտացոլումը գտավ Հայաստանի և հայ ժողովրդի երկու մասի բաժանման իրողությունը և նրանցում հայ հասարակական, հոգևոր ու մշակութային կյանքի վիճակն ու զարգացման տարբեր պայմաններն ու միջավայրը։

Եթե հայ պատմագրության զարթոնքն ազդարարող երկու ականավոր պատմագիրներից՝ Դարանաղցին Արևմտյան Հայաստանի ու Թուրքիայի քաղաքական բուռն իրադարձությունների պատմության ընդհանուր հենքի վրա տվել է XVII դարի առաջին կեսի արևմտահայության դառն առօրյան և հատկապես շալալիների ասպատակությունների պատճառով բազում զավառների ամայացումն ու զանգվածային արտագաղթը դեպի Թուրքիայի արևմտյան նահանգները, հիմնականում Կոստանդնուպոլիս և նրա շրջակաները, Ռումելի, Բուլղարիա, լեհաստան և այլուր, այդ գաղթականությանը հայ հոգևորականության ու թուրք պաշտոնեության պատճառած շարիքներն ու տառապանքները, բացահայտ կողոպուտն ու սնանկացումը, գործադրած կամայականությունները և գրաված գիրքերի շարաշահումները, հոգևոր ու մշակութային կյանքի անկումային վիճակը, ապա Դավրիժեցին, ինչպես իր տեղում կտեմենք արևելահայության ճակատագրական նշանակություն ունեցող այդ ժամանակահատվածը ներկայացրել է Արևելյան Հայաստանի ու Պարսկաստանի՝ քաղաքական նշանակալից անցքերով հարուստ պատմության ընդհանուր շաղախում։ Ի դեպ, ընթերցելով այդ պատմագիրների ստեղծագործությունները, ստացվում է այն տպավորությունը, որ կարծեք նրանց միջև ինչ որ ներքին պայմանավորվածություն է գոյություն ունեցել։ Այն քաղաքական, հոգևոր ու մշակութային կարևոր իրադարձությունները, որոնք տեղի են ունեցել Արևելյան Հայաստանում, Դարանաղցին անցողակի է նշում (Պարսկա-թուրքական պատերազմները, մեծ սուրդունը, կաթողիկոսության համար զահակալական պայքարը, Մելքիսեթի հալածանքները առաջադեմ հոգևորականության նկատմամբ, հայ եկեղեցու վերանորոգությունը անապատականների ծավալած գործունեությունը և այլն)։ Թվում է, թե նրան հայտնի է եղել, որ այդ իրողությունների մանրամասն

18 Նույն տեղում, էջ 185—189, 197։

19 Նույն տեղում, էջ 370։

20 Նույն տեղում, էջ 351։

21 Նույն տեղում, էջ 104—611։

22 Տե՛ս կենսագրությունը, էջ ԾԹ-Կ։

պատմութիւնը գրված է, գոյութիւն ունի և նա բավարարվել է միայն ակնարկներով ձևով դրանց անդրադառնալով: Ինչպես կտեսնենք, նույն ձևով վարվել է և Դավրիժեցին, նա էլ արևմտահայութեան կյանքում տեղի ունեցած կարևոր իրադարձութիւններին անդրադարձել է հպանցիկ:

Դարանաղցու ժամանակագրութիւնը բաղկացած է երկու մասից: Առաջինը ընդգրկում է 1018—1634 թթ. ժամանակահատվածը՝ թուրք հրոսակների ասպատակութիւնները Վասպուրականում և Սենեքերիմ թագավորի կողմից Վասպուրականի հանձնումը կայսրութեանը, նրա փոխադրվելը Փոքր Ասիա, մինչև հայոց զատկի կապակցութեամբ հույների ու հայերի միջև վիճաբանութիւններին վերջ աւելը (1—280 էջեր): Երկրորդը նվիրված է էջմիածնի և Սսի՝ պատմագրի ապրած ժամանակաշրջանի կաթողիկոսների գործունեութեանը, սկսած Դավիթ Մելիքիսեթ և Ավետիս կաթողիկոսներից մինչև Փլիպպոսը ներառյալ<sup>23</sup>:

Ի դեպ Դարանաղցին երեք կաթողիկոսների առկայութիւնը «յոյժ անկարգութիւն»<sup>24</sup> է համարում ու Դավիթ կաթողիկոսի բերանով հաստատում է Դավրիժեցու վկայութիւնը կաթողիկոսութեան զրամական ծանր դրութեան մասին: Դավիթն ասել է Դարանաղցուն, որ նման վիճակի պատճառը «ոչ էր հարկապահանջութենէ թագաւորաց կամ յիշխանաց, ալ ի հակառակութենէ միմեանս անկանելով, յափշտակել ջանալով զկաթողիկոսութիւնն, կաշառս խոստանային անօրինաց ձեռագիր կրէքեալ նամակով, մինչև քառասուն և վեց հազար զուրուշն յաւելով, ով որ զապով արար, նա նստելով յաթոռ: Եւ առնէին բազում ապականութիւնս և նեխութիւնս և անկարգութիւնս իւրեանք եւ իւրեանց շար առաքեալ նուիրակքն ընդ ամենայն աշխարհին հայոց»<sup>25</sup>: Դարանաղցին էլ խիստ բացասական է գրում Մելիքիսեթ կաթողիկոսի մասին<sup>26</sup>:

Իսկ Սսինը՝ Գրիգոր Պահլավունուց (ներսես Շնորհալու եղբայրը) մինչև Սիմեոնը (1636 թ.): ժամանակագրութիւնը վերջանում է կլովում նիկոյ եպիսկոպոսի պատճառած չարիքների նկարագրութեամբ (283—588 էջերը): Վերջում հրատարակիչ Նշանյանը տվել է հավելված, ուր բերված են Դարանաղցու ընդօրինակած մի քանի կարևոր գրքերում գրած հիշատակարանները, որոնք նրա կենսագրութեան մասին պարունակում են որոշ տեղեկութիւններ (591—619 էջերը):

<sup>23</sup> Հայտնի չէ, թե ինչու Դարանաղցին Սահակին չի նշում:

<sup>24</sup> Դարանաղցի, էջ 52:

<sup>25</sup> Նույն տեղում, էջ 54:

<sup>26</sup> Նույն տեղում, էջ 284—285:

Դարանաղցին էլ, ինչպես ինքն է ասում, պատվերով է գրել իր «ժամանակագրութիւնը»: Թուականաբար վիպասանաբար շարագրութիւն և պատմութիւնը ժամանակաց,— նշում է նա,— կարճ ի կարճոյ ժամանակաց անցելոյ, զոր ոմանք գրեալ են, բայց ոչ զժամանակն եւ ոչ զտեղին եւ ոչ զանուն գրողին է յայնի: Եւ մեք Գրիգոր արուպ ամենայն վարդապետաց հարկեալ մեք ի Գասպար իրիցիէ<sup>27</sup> բանասիրէ եւ իմաստակէ գրել համառօտ պատմութեանցս գրելոցս»<sup>28</sup>:

Պատմագիրն ընդհանրապես իր օգտագործած աղբյուրներից և ոչ մեկը չի հիշատակում, պատճառաբանելով, թե ոմանք գրել են, սակայն անունները հայտնի չեն: Այստեղ, իհարկե, նա մեղանշել է պատմութեան առաջ. կաթողիկոսութիւնը Սսից էջմիածին փոխադրելու պատմութեան ամբողջ շարագրանքը նա վերցրել է Թովմա Մեծոփեցուց, անգամ մի քանի տեղ հիշատակում է նրա անունն իբրև այդ գործի նախաձեռնողներից մեկի, սակայն առանց նշելու նրա «Պատմութեան» մասին:

«ժամանակագրութեան» մեջ մի քանի անգամ նա ընդգծում է, որ այն, ինչի մասին ինքը գրել է՝ ականատեսի վկայութիւն է<sup>29</sup>, կամ իրեն պատմել են ղեպքերի մասնակիցները<sup>30</sup>: Գրել է նաև «Հարանց վարք», որ մեզ չի հասել<sup>31</sup>:

Դարանաղցու հիմնական նպատակն է եղել տալ XVI դարի վերջից թուրքիայի, հիմնականում նրա տիրապետութեան տակ գտնվող արևելյան նահանգների՝ Անատոլիայի, այդ թվում և հարավ-արևմտյան Հայաստանի տարածքում ծավալված շալախների շարժման, նրանց ասպատակութիւնների հետևանքով ղեպի արևմուտք հայերի զանգվածային արտագաղթի, նրանց անկայուն ու անապահով վիճակի ու կրած անասելի առաքապանքների պատմութիւնը: Եթե Դավրիժեցուն կարող ենք համարել արևելահայութեան՝ Պարսկաստան բռնազաղթածների պատմագիր, անպա Դարանաղցուն՝ արևմտահայութեան հարյուր հազարավորների հասնող պանդուխտների պատմագիր: Եթե 1639 թ. Պարսկա-թուրքական դաշնագրից և Հայաստանի վերջնական բաժանումից հետո Արևելյան Հայաստանում, Թուրքիայի հետ համեմատած, հայերի՝ ֆի-

<sup>27</sup> Հավանաբար այս այն Գասպարն է, որի մասին 83-րդ էջում գրում է «մեք հոգևոր որդի Գասպար»:

<sup>28</sup> Դարանաղցի, էջ 3:

<sup>29</sup> Նույն տեղում, էջ 465—470:

<sup>30</sup> Նույն տեղում, էջ 38, 49, 59, 79 և հետո:

<sup>31</sup> Ա. Առաքելյան, Հայ ժողովրդի մտավոր մշակույթի զարգացման պատմութիւն, հ. 2, Երևան, 1964, էջ 511:

գիկական դանգվածային բնաշնչման վտանգը միառժամանակ դադարել էր սպառնալիք լինելուց և Դավրիժեցին նկարագրում է հայ բռնագաղթածների «ղարիպականքի»՝ հիմնականում գյուղացիության ու քաղաքային ստորին խավերի գործազրած ջանքերը հայրենիք վերադառնալու համար, ապա ջալալիների շարժման խորացման ու ահռելի շափեր ընդունած ավերածությունների, կողոպուտի, դերնվարման, բնակչության ոչնչացման, քաղաքների ու գյուղերի ամայացման պայմաններում՝ Գարանաղցին, ընդհակառակը, պատմում է թե ինչ համառ ջանքեր ու միջոցներ էին գործադրում արևմտահայ պանդուխտները՝ երկարածրգելու իրենց վերագործը հայրենիք և թերևս դրանով խուսափելու ֆիզիկական բնաշնչումից, քանի որ իրենց հայրենիքում սուրն ու կոտորածն էր թագավորում:

1639 թ. Պարսկաստանի և Թուրքիայի միջև հաստատված խաղաղությունը նվազ նպաստավոր եղավ վերջինիս և մասնավորապես Արևմբտյան Հայաստանի համար, որի տնտեսական կյանքի հիմքերը խախտվել էին ոչ միայն տեղական արտաքին պատերազմների, այլև 1595—1628 թթ. ընթացքում պարբերաբար կրկնված ու ծավալված ջալալիների ապստամբությունների պատճառով:

Ջալալիների ապստամբությունները երկրի ավերածության, անիշխանության, սանձարձակ կեղեքման ու ճնշման արդյունք էին: Երկրի արտադրողական ուժերի անկումը, ենիչերիական կամայականությունների սաստկացումը կենտրոնական իշխանության դեմ ոտքի էին հանում ներքին նահանգների զինվորներին, ուժեղացնում նրանց դասալքքումներն ու տրտունջները, հանգամանք, որ իրենց նպատակների համար ճարպկորեն օգտագործում էին կենտրոնական իշխանությունից դժգոհ բանակի միջին օղակի հրամանատարական կազմը և տեղական մանր ֆեոդալները: Այդ ապստամբություններից, որ ուղղված էին սուլթանական ռազմաֆեոդալական դաժան ռեժիմի դեմ, մեծապես տուժում է Արևմբտյան Հայաստանի և փոքրասիական նահանգների բնակչությունը և առաջին հերթին հայ գյուղացիությունն ու քաղաքաբնակչությունը<sup>32</sup>:

Գարանաղցին վշտացած գրում է այդ ռեժիմի ավերիչ հետևանքների մասին XVII դարի սկզբում, սուլթան Մուհամմադի ժամանակ նշում է, որ երկրում վերացել էր դատն ու դատաստանը, անիշխանություն էր տիրում, ջալալիները Անատոլի երկրամասը ավերակ դարձրին, ժողովրդին փախուստի մատնեցին, պանդուխտությունը դանգվածային ծա-

վալ ստացավ, «Զորս պատուհաս մի զմիոյ կնի եղեն ի վերայ ամենայն աշխարհացն, սով և մահ եւ սուր և գազանակերություն, որ շատ մարդակերութիւն եղեն»<sup>33</sup>:

Այնուհետև ընդգծում է, որ սուլթան Մուհամմադի անհոգության պատճառով պարսից Շահ Աբրաս Ա-ն մեկ տարում բազում քաղաքներ ու գավառներ գրավեց, սուլթանի և վեզիրների անիրավ զրկանքների ու հափշտակությունների պատճառով հասարակության բոլոր խավերը՝ իշխանները, դատավորները, շինականները, զինվորականներն ու զորքը, տուժում են: Պասամագիրը հաղորդում է, որ գավառապետներին ու դատավորներին կաշառքով էին նշանակում և շնայած դրան, նոր նշանակվածը դեռ տեղ չհասած պաշտոնանկ էր արվում և ուրիշն էր նշանակվում, սակայն առաջինն իր տեղը չէր զիջում և սկսվում էր ներքին արյունալի պայքար պաշտոնի համար, երկուսն էլ զորք էին հավաքագրում ռամիկ հողագործներից, կազմում մեծ բանակ ու ապստամբում սուլթանի դեմ, դառնում ջալալիներ:

«Եւ եղեն իբրև զձկունս մեծամեծք եւ փոքունք, որ զմիմեանս կլանեն... եւ զմիմեանս կու սպառէին առանց օտար թշնամեաց, այլ թշնամիք եղեն առ միմեանս եւ առ ազգայինս իւրեանց, եւ աչսպէս շարանալով՝ բնաջինջ արարին զամենայն աշխարհն Անատոլու: ...Բազում աշխարհք անմարդք դարձան, եւ ավերակք բազմացան»<sup>34</sup>:

Գարանաղցին գրում է, որ այդ սարսափները, կարծեք քիչ էին, դրան ավելացավ 1599 թ. երաշտը, 1600 թ. սկսված սովը: «Բազումք մեռան էին ի սաստկութենէ սովոյն եւ անկեալ լինէին դիակունք նոցա թէ ի գիւղս, թէ քաղաք եւ թէ յանցս ճանապարհաց եւ ոչ որ էր որ թաղէր զնոսա»<sup>35</sup>:

Նրա «Ժամանակագրության» առաջին մասը հարուստ ու արժեքավոր տեղեկություններ է պարունակում XVII դարում թուրքական պետականության հիմքերը խարխուղ ջալալիների շարժման պատմության վերաբերյալ, և նրա լուսաբանմանը նվիրված աշխատությունների հեղինակները Գարանաղցուն չզիմել չէին կարող, նրանք հիմնականում բերել են նրա վկայությունները<sup>36</sup>: Մեր նպատակը չէ տալ այդ շարժման պատմությունը, այլ անդրադարձել ենք այդ շարժման հետևանքներին՝

<sup>33</sup> Գարանաղցի, էջ 13:

<sup>34</sup> Նույն տեղում, էջ 13—15:

<sup>35</sup> Նույն տեղում, էջ 35—36:

<sup>36</sup> Տե՛ս Մ. Զուլայան, Ջալալիների շարժումը և հայ ժողովրդի վիճակը Օսմանյան կայսրության մեջ, (16—17 դարեր), Երևան, 1966:

<sup>32</sup> Տե՛ս Հայ ժողովրդի պատմություն, հ. IV, Երևան, 1972, էջ 110—111:



հայերի ու Հայաստանի համար, որոնք և հանդիսացել են արևմտահայութեան արտագաղթի և պանդխտության հիմնական պատճառն ու խթանող հանգամանքը, որի պատմությունը և կազմել է Գարանաղցու «Ժամանակագրության» առանցքը:

«Երբ տեսար, — գրում է նա, — Հարզուլումէն (էրզրում — Վ. Բ.)»<sup>37</sup> ի վայր ամենայն աշխարհի մարդիկ երկրակոշ էին արարել իշահէ սպանողացն եւ շարաշար տանջողացն, ի փախուստ տեղացն մազապուրծ լինելով, թափուր եւ ունայն յամենայնէ, մերկ եւ բոկ մուրանալով եկին յԸստամբուլ... ոմանք յԱնատոլի եւ ոմանք ի Թիրակայս, որ է Ընումելիս, յորում կամք մեք մերայովքս, բոլոր գաւառօքս բնակեալք ի վաղուց ժամանակաց հետէ (1605 թվից — Վ. Բ.): եւ ոմանք բազումք ի մերոցն եւ ալեւալլ քաղաքաց եւ գաւառացն ի յԸստամբուլ մնացեալ, բնակութեամբ գետեղեցեալք, մինչեւ ցայսօր ժամանակի, որ է թվին 1629 (1634): ... ոմանք երկու ամալ յառաջ եկեալ էին եւ ոմանք բազումք ընդ մեզ եկին, որ էր թվ. 1605, եւ շատք այլ յետոյ եկին եւ ցրուեցան յԱնատոլ եւ յՈւտումէլս յամենայն քաղաքս, մինչ ի Պէլլորդատ, մինչ Պուղտանաց աշխարհն եւ ի Լեհաց»<sup>38</sup>:

Պատմագիրը շալալիներին գազաններ է համարում. «... ի մարդակերպ Զալալոց գազանաց ժանեացն զերծելոյն»<sup>39</sup>...:

Գարանաղցին ցավով ներկայացնում է Հայաստանում ստեղծված անտանելի վիճակն ու հայերի բնաջնջման վտանգը: Նա ընդգծում է. «խուռն աւերակութիւն եղեւ ասիական աշխարհին, որ այժմ Անատոլիս կոչեն, ի շալալոց բորբոքմանէն, մանաւանդ տառապեալ վշտատես ազգացս Հայոց աշխարհին, որ երկու սրոյ միջի գոլով միշտ եւ յանապագ՝ ի պարսից եւ ի թուրքաց, ևս առաւել յայնմ ժամանակին ի շալալոցն անհանդուրժելի դառնագոյն նեղութեանց վտանգիցն...»

Եւ այսքան վտանգից միջի լինելով հանապաղ, յահ եւ երկիւղ ի դողման եղեալ, ի խարխափել ծառոց տերեւանց՝ ի յայրս եւ ի փապարս լերանց եւ ի ծերպս վիմաց դիմէին փախստեայք, եւ անդ լինէր արճաիրք ահից ի գողոց եւ յաւազակաց, ոչ թուփ թաքստեան լինէր եւ ոչ վէմ ապաւինութեան»<sup>40</sup>:

1620-ական թվականներին Արևմտյան Հայաստանում տիրող իրա-

վիճակի մասին Գարանաղցին գրում է, թէ ինքը վաղուց մեծ ցանկություն է ունեցել գնալ հայրենիք, բայց «Երկիւղ ահից անօրինաց գիշատողացն շէաք իշխէր գնալ... յԸստամբուլ ի վեր մեծանուն մարդն այլ չի ազատիր կեղերողացն...»<sup>41</sup>: Մի անգամ Երուսաղեմից վերադարձին, նա որոշած է եղել գնալ Հալեպ, այնտեղից էլ՝ հայրենիք, սակայն Հալեպում հանդիպել է իրենց քաղաքից՝ Կամախից նոր եկած երկու անվանի մարդկանց, որոնք նրան «Բօթալից խապարնի հտուն թէ՛ այնպէս սրոյ եւ սովոյ եւ գերութեան միջոյ է աշխարհքն մեր քան դառաջին ջալալոցն յաւելի, մանաւանդ եւս առաւել յայսմ ամի (1628 — Վ. Բ.), որ հեծեալն մարախոյ պէս տարածել են եւ մանաւանդ տաթարին գալլազօրքն, որ ծուխ նոցա մինչեւ յերկինս է եւ շող սուսերացն իրբեւ զփայլակն կու ծփայ եւ կու փայլատակէ. յու՞ր կու գնաս: Ահա մեք այլ փախստական եմք. յերեք դիհաց ահ եւ երկիւղ կայ՝ պարսից եւ Յապաղին (էրզրումի փաշան — Վ. Բ.) եւ թագաւորին հեծելազօրին: Թէ ա՞նդ էիր, նա շատոց փախրստական էիր լեալ. այժմ ի մէջ արինարբու՞աց կու կամիս գնալ, որ ի հողէն եւ ի ջրէն արինահոտ կուգայ»<sup>42</sup>:

Լսելով այդ մասին Գարանաղցին, ստիպված նորից գնացել է Ստամբուլ, քանի որ դրանից շատ առաջ նա և նրա հայրենակիցները իրենց կաշվի վրա զգացել էին այդ արյունարբունների պատճառած դառնությունները և ստիպված նորից փախել էին հայրենիքից ու վերադարձել Պոլիս, որի շրջակաները, ինչպես ինքն է գրում, էին «Երկրորդ հայրենիքս մեր»<sup>43</sup>:

Նշելով, որ 1609 թ. Մուրադ փաշան, Անատոլիայում շալալիների ապստամբությունները ճնշելուց հետո, վերադարձել էր Պոլիս, Գարանաղցին գրում է, թե այդ փաշան ելնելով պետության շահերից, նպատակ է ունեցել նորից շենացնել ամալացված Անատոլիան, դրա համար սուլթանից հրովարտակ էր վերցրել այնտեղից գաղթած հայերին ու թուրքերին իրենց նախկին բնակավայրերը բռնի վերադարձնելու մասին: Նա գաղթածներին երեք ամիս ժամանակ էր տվել՝ նախապատրաստվելու վերադարձի: Ժամկետը լրանալուց հետո նրանց բռնի ուժով «արտաքս արարին եւ հանին ի քաղաքաց եւ ի գեղորէից եւ յազարակաց եւ թողին անխնամս»<sup>44</sup>: Շատերը, գրում է պատմագիրը, կաշառքով և մեծամեծ իշխանների հովանաւորութեամբ, մնացին իրենց տեղերում, իսկ «ըշատոցն զկարասիսն ի դուրս լցին եւ զգրունսն փակեցին»: Եվ դառնացած

37 Գարանաղցին սիրում է բառախաղել, օր. նրա մոտ ենիչերին դարձել է ենկիշարիք, այսինքն նոր շարիք, այստեղ Հարզուլումէն նշանակում է համընդհանուր գոլում:

38 Գարանաղցի, էջ 68—69:

39 Նույն տեղում, էջ 71:

40 Նույն տեղում, էջ 125:

41 Նույն տեղում, էջ 184:

42 Նույն տեղում:

43 Նույն տեղում, էջ 142:

44 Նույն տեղում, էջ 145:

ավելացնում է. «Անդ էր տեսանել զամենայն սիրտ ի տրտմութիւն եւ զաշտ յարտասուս եւ զկականումն մօր եւ մանկանց»<sup>45</sup>:

Գուրս քշվածները հավաքվել են Գարանաղցու մոտ, պարտավորեցրել նրան առաջնորդելու իրենց՝ զեպի հայրենիք: Եվ նա մեծ զժպարություններով 7000-ից ավելի հայերի ու թուրքերի հետ վերադարձել է Անատոլիա: Սակայն շուտով, ոչ միայն ինքը և իր հետ եկածներին, այլև նախկինում չգաղթածներից շատերը ստիպված են եղել նորից պանդխտութեան ցուպը բռնել ու գնալ զեպի Պոլիս և նրա շրջակաները:

Պատմագիրը հաղորդում է նաև, որ երբ իրենք եկել էին հայրենիք, էրզրումի փաշան էր Հասան անունով մեկը, որը զեպի հայերը լավ է տրամադրված եղել, բայց 6 ամիս հետո այդ փաշային փոխարինել է ոմն «այրն անողորմ եւ զազանաբարո»<sup>46</sup> Զիլֆիխան անունով, որի զորքը հիմնականում ջալալիներից էր կազմված. նրանց նկատմամբ մեր պատմագիրը խիստ ատելությամբ է խոսում: Այս անշուքությամբ նշում է, որ եթե որևէ գործի համար Հասան փաշան քաղաքներն ու զավատները հինգ ձիավոր էր ուղարկում, ապա «զազանս Զիլֆիխանս վաթսունական ձիավոր. «եւ սկսան զառաջին սովորութիւնն ի գործ ածել, զոր ի յապրտամարտութեանն կու գործէին: Եւ լցաւ երկիրն վայիվը եւ աղաղակօք ի բռնութենէ անօրէն նեղւացն»<sup>47</sup>: Այնուհետև Գարանաղցին նկարագրում է, թե ինչպես ինքը 1611 թ. փախել է այդ փաշայի հետապնդումներից, թագնվել է գոմերում, սպանությունից փրկվել ու գնացել է Բենկա վանքը, մեկ տարի մնացել է այնտեղ: Սակայն այստեղ էլ հանգիստ չի գտել, անգամ ծեծի է ենթարկվել, նրան մեղադրել են, թէ իբր ասել է, բոլոր մուսուլմանները շուն են և մուտտար, շները լավ են քան նրանք<sup>48</sup>: Մեծ զժպարություններ հաղթահարելով, նա մի կերպ կարողացել է փախչել, գնալ Տրապիզոն, այնտեղից էլ՝ Պոլիս, ուր հանդիպել է նորանոր անախորժությունների՝ Պոլսի պատրիարք Գրիգոր Կեսարացու կողմից:

«Բայց մեք,— գրում է նա,— անկաք ի փորձութիւնս անգերծանելիս ընդ յերկար ժամանակս, ի նեղութենէ եւ ի վշտաց սուտ եւ իրաւ, նախանձոտ եւ տաղկոտ եղբարց եւ ի քսմոս եւ ի բանսարկու քահանայից եւ ժողովրդականաց ոմանց, որ զբռնեցին ընդ մէջ մեր եւ ընդ Կեսարացի Մեծ Գրիգոր վարդապետին՝... որ բազում միշտս եւ անհանդուրժելի նեղութիւնս եւ առապանս կրեցաք ի միմեանց եւ հալածանս ընդ յեր-

45 Նույն տեղում, էջ 147:

46 Նույն տեղում, էջ 158:

47 Նույն տեղում, էջ 158:

48 Նույն տեղում, էջ 164:

կար ժամանակս»<sup>49</sup>: Ահա թե ինչպես է բնութագրում Գարանաղցին իր երգվյալ թշնամուն՝ Կեսարացուն. «Եկաւ Կեսարացին մեծաւ ամբոխի, եմուտ ի Բուզանդիա ահեղագոչ եւ խրոխտ կերպի որպէս զառիւծ, որ ամենայն հայոց աղզն սարսեցին ի նմանէ: ...Ունի խորհուրդ... զի ինքն միայն բնակելոյ յայսմ աշխարհի... կու հռչակէին հանապազ ամենայն ոք զանողորմ բարք եւ զընկերեղբայրատեցութիւնն եւ զգոռողաբար մեծամտութիւնն, նա՛ չէաք հաւատար թէ՛ զոնեա օրինադանցան անաշտ իրատելոյ և զոչ եկեալս յուղղութեան աղագաւ է: Նա՛ ոչ բնաւ, այլ ազահութեան ախտից եւ փառամոլութեան համար եւ ոչ վասն Աստուծոյ»<sup>50</sup>:

Պատմագիրն ինչպես ինքն է իրեն ներկայացնում, անհաշտ ու անողորմ է եղել տգետ, հետադեմ, ժողովրդին կեղեքող, նրա արժանապատվությունը ոտնահարող, խարդախ ու քսու սևագլուխների նկատմամբ, որոնց սակայն Գրիգոր Կեսարացին հովանավորել է և այդ հողի վրա քիչ շարիքներ չի պատճառել Գարանաղցուն: Նա գրում է, թե իր մոտ է կանչել Ըռասողուց ոմն Նազարեթ (Ղազար) անունով երեցի, Նազալ մականվամբ, հանդիմանել է նրան կատարած դավաճանությունն ու անօրինությունների համար. «նա կատաղեալ բարութն դարձաւ առ մեզ ի հայհոյութիւն եւ ի յաղտեղի խօսս անարգութեան: Եւ այլ ոչ կարացաք հանդուրժել՝ ասացի. ո՛վ կատաղի շարութիւն, օձ, իժ եւ քարք եւ մատնիչ Յուզայ, դու այնպիսի մեծահարաշ դատկի ատուրք յԸռասողու մեր քահանայիցն եւ առ հասարակ ժողովրդոց զլուխն ի՞նչ անհրաժեշտ շարիք է որ անցուցեր ես. կա՛ց, մնա՛, որ Կեսարացին գայ, ի հետ նորա դատաստանաւ քննութիւն անենք եւ դատապարտեմք զքեզ շարաշար, որ շատոց խրատ լինի»: Ապա դառնացած մեր պատմագիրն ասում է. «Այլ նա այսպիսեաց փոյթ չէ ունեցեր, այլ սա ի նմանէ (Կեսարացուց — Վ. Բ.) ուժ առեր եւ զօրացեր, նորին ուժովն լրբենի երեսօք իբր զուճ կատաղի՝ հաշելով ընդ երեսս մեր անասելի հայհոյութեամբ, զի ոչ կարացաք հանդուրժել, այլ յարեայ դաւադանաւ հարի զանզգամ լիրբն զայն եւ Տէր Սիմէոն աշակերտն մեր ընդ բռամբ եհար ընդդէմ բերանոյն եւ զլիւտն եւ ի դուրս եհան»<sup>51</sup>: Այնուհետև Գարանաղցին գրում է, թե այդ Նազարեթը գնացել զանգատվել է Կեսարացուն և նա ասել է. «Լուռ լեր, ես այնպիսեաց աղագաւ կու գամ յԸստամբօլ, զքո վրէժն այլ առնեմ եւ այլ շատ շարիք ունիմ առնել ընդ նոսա: Եւ այս եղեւ սկիզբն եւ պատ-

49 Նույն տեղում, էջ 107:

50 Նույն տեղում, էջ 116—117:

51 Նույն տեղում, էջ 116:

ճառ երկանց ցաւոց եւ յերկար ժամանակուան անհաշտ խոտովութեանցն եւ ատելի թշնամութիւն նորա ընդ մեզ»<sup>52</sup>;

Դարանաղցին ասում է, որ ինքը շատ է մտահոգված եղել պանդուխտների վիճակով, ամեն ինչ արել է թեթևացնելու նրանց դրութիւնը՝ նեղութիւններ պատճառողների նկատմամբ հանդես է եկել անողորմ դատավորի դերում, հրապարակաչորեն անարգանքի սլուծին է գամել պանդուխտներին կեղեքող հոգևորականներին, որ ինքը թուրքական դատարաններում ու պալատական մեծամեծ պաշտոնյաններին մոտ պաշտպանել է նրանց շահերը, հաճախ վաճառել ենթարկելով իր կյանքը: Պատմագիրն առանձնապես ատելութեամբ է խոսում Գրիգոր Կեսարացու մասին, առիթ բաց չի թողնում մերկացնելու նրա ու նրա հովանավոր-յալների մեքենայութիւններն ու նենգ ու դաժան, գուրդական գործունեութիւնը: Նա զայրույթով գրում է, որ Կեսարացին փոխանակ մխիթարելու պանդուխտներին, նրանց ծաղրի էր ենթարկում, հրապարակով խայտառակում, քաջ գիտենալով, որ գլուղական քահանաները գրագետ չեն, ստիպում էր գիրք կարդալ «ոչ թէ ուսուցանելուց աղագաւ առնէր դայն, այլ նազարէթին եւ այլոց վերակացուաց աշխարհականաց խրատովն (որոնց մասին գրում է. «Ղապալին ուժովն յառաջակայք» էին դարձել)<sup>53</sup> առնէր այնպէս, զի հաճոյ թուեսցի նոցա վասն առաւել ատելութեանն, որ ունին առ տառապեալ, աղքատ եւ տնանկ նժգեհից եւ պանդուխտ եղելոց քահանայիցն, որ պարտ էր եւ արժան՝ սփոփել եւ մխիթարիչ լինել հալածելոցն եւ ի մեծ վշտաց եկելոցն: Նա փոխանակ մխիթարութեանցն՝ կրկին վիրատրէին զվիրատրեալսն եւ զթալանեալսն եւ զտարագրեալս ի գաւառաց եւ ի հայրենի տանցն եւ ժառանգութեանցն»<sup>54</sup>:

Պատմագիրը զայրույթով է գրում նաև Կեսարացու կողմից քահանաներին հարկադրման մասին<sup>55</sup>:

Այնուհետև նկարագրում է Կեսարացու կողմից իրեն հալածելը եւ եկեղեցուց հեռացնելը: Նրան գցել են Ս. Նիկողայոս եկեղեցու խցերից մեկը, պահել իբրև բանտարկյալ, հաց ու ջուր չեն տվել, ստիպված երկու անգամ գրել ու խնդրել է իրեն բաց թողնելու մասին: Նրա նամակատարին Կեսարացին ասել է «թող ելնէ երթայ յատապով յայսմ աշխարհէ, եւ թէ ոչ՝ զինքն յէջ կու հեծուցանեմ, զերես կու մրեմ եւ քաղերդ կու ան-

ցուցանեմ ի պարանոցն եւ ամենայն քաղաքին նշաւակ կառնեմ զինքն»<sup>56</sup>: Այդ լսելով, գրում է պատմագիրը, թողել հեռացել է: Հակառակ Կեսարացու ու նրա համախոհների հալածանքներին, Դարանաղցուն ժողովուրդը հարգել ու սիրել է, նեղն ընկած տեղը զիմել է նրա օգնութեանը եւ փոխարենը նրա նեղն ընկած ժամանակն էլ ժողովուրդն է մխիթարել, թևավորել Դարանաղցուն, բնակութեան տեղ ու մեծ պատիվներ տվել<sup>57</sup>: Անգամ մեղադրել են նրան, ասելով. «Վասն է՛ր լուռ կաս եւ ոչ խօսիս ընդ Կեսարացին. մեզ մեծ ամօթ է եւ նախատինք դքեզ յայդ հասուցանելն... Մեք առ ժամս այսչափ մարդիկս (50 հոգի— Վ. Բ.) զանձներս ի մահ եղեալ եմք ի վերայ քեզ»<sup>58</sup>: Իրենց միջամտութիւնն ու օժանդակութիւնն են առաջարկել Դարանաղցուն՝ վերականգնվելու իր վիճակում, սակայն նա կտրականապես հրաժարվել է ու ուխտի գնացել Երուսաղեմ<sup>59</sup>:

Պատմագիրը նշում է, որ դրանից հետո էլ Կեսարացին չի դադարել իրեն հետապնդելուց: Նկարագրելով պատրիարքութեան համար ծավալված պայքարը, նա գրում է. «մինչ որ այս Կեսարացի Գրիգոր թիւնատը վիշապս եւ փառամուս ինքնին երեկ, բռնութեամբ անկաւ ի վերայ եւ յինքն գրաւեաց զպատրիարքութիւնն: Ահա երկու ամ է եւ ի մուտ երրորդին եւ զմեզ խիստ կու նենգէ եւ ջանք ունի՝ թէ զհին ռխն թափէ ի մեզ...»<sup>60</sup>: Ոմն Ազարիա փիլիսոփայի կապակցութեամբ էլ գրում է. «Այս շար վիշապս եւ անյագ գայլս՝ Կեսարացի Գրիգոր պատրիարք անուանեալս, որ այժմ շար խորհրդով է ընդ մեզ ի տարապարտուց, վասն ազահութեան խիստից աղագաւ անհաշտ թշնամութիւն ունի ընդ մեզ եւ որոգայթի կամի, ... Այս գազանացեալ Գրիգոր Կեսարացին հանգստութիւն չետուր նմա՝ (Ազարիային— Վ. Բ.) վարպետ անուն սակին, որ երկուտասան ամ զաշխարհ կողոպտելով տալով իւրն, մինչ ի հինգ հազար ղուրուշն եւ այլ յաւելի, շկարացի յագեցուցանել զանյագ բնութիւն նորա: Եւ առնոյր զժողովեալ ինչս նորա եւ ոչ կամէր տալ գաւազան, զի մինչ իր ծառայեսցէ, ինչս ժողովեսցէ եւ բերցէ առ ինքն, որ քան զՅուզային եւ զՍիմոնին առաւել ունի զախտ արժաթսիրութեան»<sup>61</sup>:

Դարանաղցին ընթերցողին հավատացնում է, որ ինքն ատում է փառամտութիւնն ու ազահութիւնը, զայրույթով է խոսում դրանցով

56 Նույն տեղում, էջ 172:

57 Նույն տեղում:

58 Նույն տեղում:

59 Նույն տեղում, էջ 172—173:

60 Նույն տեղում, էջ 397:

61 Նույն տեղում, էջ 411—412:

52 Նույն տեղում, էջ 117:

53 Նույն տեղում, էջ 113:

54 Նույն տեղում, էջ 124—125:

55 Նույն տեղում, էջ 127:

տարվողներին մասին, անկախ դեմքից ու դիրքից: Ասում է՝ «Եւ որք բանիրունք են՝ այսպիսի շարաշար ախտիւք լցեալք են, մանաւանդ որ մեծահոշակ գլուխ աթոռոց տեարք են, որպէս Յերուսաղէմայն, Սըսայն եւ Վաղարշապատուն, և Երուսաղէմայն եւ Կոստանդիանոսի Պօլսոյ սուտ անուն պատրիարգ նստողքն, ով որ եւ իցեն՝ կու ջանան որ իւրեանք միայն բնակիցեն յաշխարհի... եւ վիշապօրէն կամին զամենեսեան կլանել, մանաւանդ զմեզ, որպէս Կեսարացի Գրիգորն... ազահութեան եւ փառամուրթեան ախտից աղաքաւ, որ զյափշտակութիւն գայլոց կու գործեն»<sup>62</sup>: Այնուհետեւ նկարագրում է այդպիսիների կողմից ժողովրդին կողոպտելու մեքենայութիւնները «բազմահնար շարեօք խարէութիւն առնելը»<sup>63</sup> (Չանկչի, Վարդան, Ոսկան, Մելքիսեթ և ուրիշներ): Ի դեպ այդ Չանկչի սեպուխի օրինակով Գարանաղցին բացահայտում է XVII դարում Հայաստանի տարածքում կաթողիկ միսիոներների կողմից մասսայական բնույթ ստացած սրբերի մասունքների գողութիւն, հափշտակութիւն, առ ու ծախի, (որոնց մասին դարի պատմագիրները շատ վկայութիւններ ունեն), նպատակն ու պատճառը. ասում է, թէ դա մեծ եկամտների ձեռք բերման հատուկ աղբյուր էր դարձել: Ոստան գավառից Նիկիայի կողմերն է գնացել այդ Չանկչի կոչվածը, ուր հայկական գլուղեր շատ կային, հետը տարած է եղել մի սուտ աչ և «ի պատճառս նորա բազում ոճրագործութիւնս առնէր եւ հիացուցանէր զտգէտ եւ զկոյր դասս ուամիկ շինականաց»<sup>64</sup>:

Մեկ անգամ Ստամբուլի Պեշիկտաշի թաղում Չանկչին իր շուրջը հավաքված կանանց «այնչափն էր ջերմացուցեր ի սէր սուտ սնոտի փաթեթմանն, որ մերկացեր էին ի վարդուց ոսկեղինաց եւ արծաթեղինաց՝ թէ՛ ապարանջան, թէ՛ գինդ, թէ՛ մատանի, թէ՛ մեհեանդ, թէ՛ լանջագեղ կամար, թէ՛ դիպակ լաշակ եւ պաստառակալ ասղանկար, թո՛ղ զբազմութիւն զուրուշից եւ դենարից եւ դրամոցն, եւ յայնժամն էին դիւահարել ողջ եւ առողջ հինգ կանայքն»<sup>65</sup>:

Այդ գրելուց հետո Գարանաղցին ընդգծում է, թէ «Եւ սուտ աչն այն գոր ունէր, կարծեմ՝ թէ յԼստամբուրէս տարեալ լինէին վաճառականքն եւ նորա վաճառեալ էին, որպէս մեզ պատահեալ եղև, որ հոռոմ արեղայ մի տաճկացեր էր եւ այսպիսի շարաշար հնարօք զբաղումս պատրէր, երթեալ ի գերեզմանացն զմեռելոց ոսկերսն բովանդակ հանէր եւ հոռոմ

ձիթով քաջ եփէր, զաֆրանով եւ միսկով անուշահոտ առնէր եւ գաղ-  
ազողի վաճառէր ումանց»<sup>66</sup>:

Պատմագիրը այսպիսի պատմութիւններով բարի ծառայութիւններ է մատուցել միամիտ հավատացյալ ժողովրդին. «զգուշացուցանելոյ աղազաւ գրեցի ձեզ, զի մի վաղվաղկոտ լիցիք եւ դիւրահաւանք յանձանօթս պատահողաց ձեզ այսպիսեացս, որպէս գրեցար»<sup>67</sup>:

\*\*\*

Պանդուխտներին, որոնց մեջ և մեր պատմագիրն, պակաս վիշտ չի պատճառել 1635 թ. սուրգունը, և նա դառնութիւնք է գրում այդ մասին:

Նա նշում է, որ Մերաստիայում «յամենայն կողմանց մարդիկն՝ հայր և տաճիկք մնացեալքն որ անդ, զաղաղակ բարձեալ բողոքեցին առ կայսրն (սուլթան Մուրադին— Լ. Բ.) թէ մեր մնացեալք սակաւաւոր եմք եւ աշխարհնին աւերակք են, եւ հարկապահանջութիւնն անպակաս է, եւ այս աշխարհաց մարդիկն Ըստամբուլ եւ ի բոլորքն են, շեմք կարող հարկապահանջութեանցն դէմ կալոյ վասն սակաւութեանն մերոյ, կամ զնոսա զամենեսեան հրաման ա՛րա որ գան ի վեր յիւրաքանչիւր տեղիս, եւ կամ մեզ այլ հրաման տո՛ւր գնալ առ նոսա»<sup>68</sup>: Սուլթանը խիստ հրաման է տվել՝ բոլորին բշել իրենց նախկին բնակավայրերը: «Ողբովք եւ կոծովք լցաւ քաղաքն ամենայն» (Պոլիսը— Լ. Բ.) գրում է Գարանաղցին:

Հրամանով սուրգունից ազատվում էին նրանք, ովքեր 40 տարուց առաջ էին եկել, նրանք ովքեր նոր տեղում էին ծնվել ու մեծացել, ազատվում էին նաև այրիները, ծերերը, հիվանդները, կաղերն ու կույրերը<sup>69</sup>: Պատմագիրն ասում է, որ ունեւորները կաշառքով ազատվեցին, իսկ ինքը թաքիդաղցիների հետ կարողացել էր երկարաձգել ժամկետը և դրա համար «մօտ երեք բեռն ստակ գնաց յեա՝ եւ յառաջն»<sup>70</sup>:

«Եւ մեզ մնացելոցս,— դառնացած գրում է Գարանաղցին,— բազմահնարութեամբ կերպից մնացար մինչ ի գալ թագաւորին ի պատերազմէն պարսից, եւ յամենայն աշխարհ ի կասկածի եւ ի դողման եմք, թէ թողո՞ւ՝ եւ կամ վա՞րէ, զիարդն եւ զորպէսն մեր ոչ գիտելով զապառնին»<sup>71</sup>:

Հայ պանդուխտների վիճակը շատ ավելի վշտալից է եղել Ազրիա-

62 Նույն տեղում, էջ 415:

63 Նույն տեղում, էջ 422:

64 Նույն տեղում, էջ 422:

65 Նույն տեղում, էջ 423:

66 Նույն տեղում, էջ 424:

67 Նույն տեղում, էջ 90:

68 Նույն տեղում, էջ 520:

69 Նույն տեղում, էջ 525—526:

70 Նույն տեղում, էջ 529:

71 Նույն տեղում, էջ 493:

նապոլտում: Քաղաքի կառավարիչը՝ «այր անօրէն եւ անողորմ, խստասիրտ եւ գազանաբարոյ»<sup>72</sup> անխտիր բոլորին բռնի բռն է քաղաքից<sup>73</sup>:

\* \* \*

Գարանաղցին մեծ հարգանքով է խոսում անապատականների մասին եւ վկայում է, որ 1606 թ. Երուսաղեմ ուխտի գնացած ժամանակ անապատականութեան գաղափարն ինքն է ներշնչել 15 հայ ուխտավորների, այդ թվում եւ Կիրակոս եւ Սարգիս եպիսկոպոսներին, որոնք եւ այդ շարժման հիմնադիրները դարձան Հայաստանում:

«Եւ ես, — գրում է պատմագիրը, — յառաջագոյն պատմեցի նոցա, որ յեզիպտոսէն գնացաք ընդ Սիմէոն աշակերտին մերոյ ի մեծն Իսկիտէ, եւ շրջելով ի յանապատսն, տեսանելով զամենայն կարգս եւ զսահմանս եւ զվարս նոցա, ոչ պակաս գոլով յառաջնոցն սուրբ հարանց վարուց սրբոցն: Եւ յորժամ պատմեցաք նոցա զամենայն լիով որպէս տեսաք իսկ, եւ նոքա ցանկացան եւ սկսան ասել մեզ թէ՛ ե՛կ, լե՛ր առաջնորդ մեզ եւ գնամք Իսկիտէ, զոր նոքա ողորմանօք խնդրէին լինել անդ, կամ զայլ որ յղարկել յազգէս հայոց, որ յառաջն բազումք են կացեր եւ շատ գրեանք կայր անդ: Եւ ես ասացի թէ՛ այնպէս եղիցի որպէս կամիր: Եւ խորհեցաք ի միասին հնգետասան ոգի, եւ ես յանձին կալայ վասն նոցա ամենայն կարեացն՝ ի հեռատանէ բերելով զամենայն պիտոյս նոցա»<sup>74</sup>: Այնուհետեւ հայտնում է, որ այդպէս որոշել էինք, բայց Կիրակոսը հետո միտքը փոխել էր, թէ՛ «ես ի մեր Հայոց երկիրն եւ յազգին մերձ կու գնամ: ... Եւ այս ի վերնական խնամոցն եւ ի տեսչութենէ Սուրբ Հոգոյն եղև նորա մտափոխութիւնն, որ նախասկիզբն եւ բազմաց օրինակ լինելոց էին յանապատաւորաց յաշխարհէ հրաժարելոցն, որ եւ եղեն իսկապէս եւ կատարեցին անթերի:

Յորժամ այս խորհրդովս հաստատեցին զերեսս իւրեանց յԱրեւելահայսն, մեզ այլ կամ եղև գնալ ընդ նոսա անփոփոխ մտօք»<sup>75</sup>: Ցավով, սակայն գրում է, թե ինքը չի կարողացել գնալ նրանց հետ, քանի որ քրոջն օգնելու նպատակով շտապ վերադարձել է Պոլիս:

Մովսես եւ Պողոս վարդապետների մասին հիացմունքով գրում, թե «Եղեն լուսավորիչք Վերին Աշխարհացն Հայոց եւ զարդք եւ զարդարիչք

անապատաւորաց... Եւ ուղղիչք ամենայն սահմանադրութեանց»<sup>76</sup>: Այնուհետեւ մանրամասն նկարագրում է Մովսես Սյունացու գործունեությունը «Ի մէջ երկուց ազգաց գերչաց»<sup>77</sup>:

\* \* \*

Գարանաղցին, ինչպէս առաջարանում ասվել է, խիստ ատելութեամբ է արտահայտվում կաթոլիկություն ընդունած հայերի մասին, որոնց անվանում է «հոռոմներ» եւ մանրամասն նկարագրում է այն շարիքները, որ նրանք պատճառել են հայագավան պանդուխտներին: Նշում է, որ նրանք ավելի նենգ ու ստոր էին քան իսկական կաթոլիկներն ու թուրքերը: Ամենուր այդ հոռոմները հայերին ծաղրուծանակի էին ենթարկում ու հալածում, այդ թվում եւ իրեն՝ պատմագիրին: Նա զայրույթով հաղորդում է, որ նրանք արքունիքի բարձրաստիճան պաշտոնյաների միջոցով «զթագաւորին սիրս» հաւանեցուցին հարիւր յիսուն բռն ստակ կաշառ դրին առաջի թագաւորին, ասելով ընդ թագաւորն թէ՛ հայոց ազգ ասածն մէկ սակաւիկ մե՛ն որչափ հոռոմոց ճինկանայքն են եւ դոցա շատքն ի զորլպաշէն, հանապազ դոքա հետ նոցա մի են, նոցա լրտեսք են եւ եարտում (օգնութիւն — Վ. Բ.) կենեմ յաստից ըստակ ուղարկելով: Զթագաւորն հաւատացուցեր էին՝ ...քո զույն (զորքն — Վ. Բ.) ամէնն, քո խաղինան ի հոռոմէն կու ելանէ: Շուն տափտարտարն ասելով թէ՛ ես կու ժողովեմ երկու տարին, հոռոմին հսապ (հաշիվ — Վ. Բ.) չկայ եւ ոչ թիւ հայուն ութն հազար խարաճ եղև ընդ ամէնն: ...զթագաւորն... հրամայեաց հրովարտակ գրել եւ տալ՝ թէ՛ դոքա առաջին են քան զհայք... եւ այլ հայոց երես շտուին: Եւ լքեալ յուսահատ եղաք...»<sup>78</sup>:

Պատմագիրն առիթը բաց չի թողնում մեկ անգամ եւ խարազանելու իր հիմնական ուսուցիչին: Նա գրում է. «Եւ յետ այսքան խոռովութեանցս եւ արինահոտ վրդովմանցս մրրիկ լինելոյն, մէր պատրիարք անուանեալն՝ Գրիգոր Կեսարացիին բնաւ հոգ եւ փոյթ շունէր հայոց ազգացս կոխան լինիլն եւ ծաղր եւ նախատ ի հոռոմոց, ... թէ՛ որ տաճկաց հասն որ չլինէր ի վերայ հոռոմոցն, վաղ ուրեմն բնաջինջ կամէին առնել զայս տեղաց պանդխտացեալ եւ տարագիր հայերս, նա՛ բնաւ հոգ եւ փոյթ չէր, այլ թուլացուցանէր զսիրտս արիացելոցն եւ լքեցուցանէր զձեռս զօրաւորացն ընդդէմ արեան ծարաւեաց մերոց՝ հին թշնամեացն հոռոմոց»<sup>79</sup>:

72 Նույն տեղում, էջ 530:

73 Նույն տեղում, էջ 531:

74 Նույն տեղում, էջ 103:

75 Նույն տեղում:

76 Նույն տեղում, էջ 288:

77 Նույն տեղում, էջ 299:

78 Նույն տեղում, էջ 262—263:

79 Նույն տեղում, էջ 263—264:

Ի վերջո դառնացած բացականչում է. «Ահա այսչափ ժամանակ եղև, որ նստող առաջնորդք եւ պատրիարզ անունք զարինն քրիստոնէից ծծեցին՝ թէ ըստամբօլցի աշխարհականքն, որ յանուն եկեղեցեացն բաղում դանձարանս լցին, որ յետոյ թշնամեաց ետուն ի կեր: նա՛ մեկ հոգետուն կամ հիւանդանոց կամ վանաց կամ անապատից եւ կամ ժողովրդեան, որ հեռի են յեկեղեցեաց, աղօթարանից եւ պատարագաց տեղի պատրաստելոյ փոյթ եւ հոգ շարարին, այլ արարողացն հակառակէին խափանելոյ»<sup>80</sup>:

Նկատենք, որ պատրիարք Գրիգոր Կեսարացու բնութագրություններում Դարանաղցու անձնական փոխհարաբերությունները իրենց կնիքն են դրել և, հասկանալի է, որ դրանք օբյեկտիվ չեն կարող լինել, միակողմանի են և Կեսարացու գործունեությունը ճիշտ գնահատելու համար հիմք չեն կարող ծառայել:

\* \* \*

Դարանաղցին ատելությունամբ է գրում նաև Սսի կաթողիկոսների ու նրանց նվիրակների մասին: Ասում է. Թագավորությունը վերանալուց հետո «եղեն կաթողիկոսք Սրսոյ թոյլք եւ անարիք եւ նուիրակք նոցա... էին արբշիւ եւ անառակ գործովք, լի ամենայն ցոփութեամբ եւ մանաւանդ, իբրև զգայլ յափշտակողք՝ հարեալ կուրութեամբ դաժան ատիւն ազահութեան, ...զձեռնադրութիւնն, որ արծաթով տալին առնել... նոքա վաճառէին զշնորհն աստուածային՝ ընշաւորացն, եւ զարժանաւոր աղքատսն խոտէին, որպէս այժմ ի ձեռնադրութիւն քահանայից եւ ամենայն աստիճանաւորաց եկեղեցականաց, եւ եպիսկոպոսէ մի առին հազար երեսուն ֆլորի եւ ապա եպիսկոպոս արարին»<sup>81</sup>:

Գրում է, թե Ղազար անունով մի նվիրակ մի քանի օր մնացել է ոմն մեծ տանուտեր Նիկիտայի տանը, հետո սուտ լուր է տարածել, թե իրենից քսան կարմիր է գողացել Նիկիտան: Վերջինիս երդումներին չեն հավատացել, Կոստանդին կաթողիկոսը անեծքի թուղթ է գրել ու ուղարկել: Նիկիտան զայրացել է ու ամբողջ տնով ուրացել իր դավանանքը, մահվան ժամանակ էլ «աղաղակէր թէ՛՝ Տէր Յիսու՛ս, զիմ հաւատոյ ուրացութեան պատճառն ի Կոստանդինէ խնդրէ եւ յամենապիղծն Ղազար նուիրակէն: Եւ այսպէս անպարտ անիծիք զաշխարհս մեր լցին, կաթողիկոս՝ զեպիս-

<sup>80</sup> Նույն տեղում, էջ 493:

<sup>81</sup> Նույն տեղում, էջ 306—307:

կոպոսն, եպիսկոպոսն՝ զքահանայսն, քահանայն՝ զժողովուրդն»<sup>82</sup>, եզրակացնում է Դարանաղցին:

Այնուհետև նկարագրում է կաթողիկոսության տեղափոխումը էջմիածին ու դրա պատճառները՝ նյութը վերցնելով Թովմա Մեծոփեցուց: Նորընծա կաթողիկոս Կիրակոս Վիրապեցուն գահընկեց անելը, նա անօրինություն է համարում<sup>83</sup>: Դարանաղցին նկարագրում է նաև 1441 թվից հետո Սսի կաթողիկոսների գործունեությունը մինչ իր ապրած ժամանակը, այդ օրերում Միջագետքի վարդապետների ծավալած եկեղեցական ու ուսումնակրթական գործունեությունը, Պոլսի պատրիարքությանը տիրելու համար Հովհաննես Խուլ մականվամբ վարդապետի, Գրիգոր Կեսարացու և Զաքարիա վարդապետի միջև ծավալված պայքարը, յուրաքանչյուրի գործադրած նենգ ու խարդախ ջանքերը, ապա կվովի Նիկողայոս վարդապետի կաթողիկ դառնալն ու դրա քայքայիչ հետևանքները կվովի հայ գաղթօջախի համար<sup>84</sup>:

\* \* \*

Դարանաղցին առանձին հիացմունքով է խոսում իր ժամանակակից վարդապետներ «ամենագովելի փիլիսոփա» Բարսեղ Բաղիշեցու և Կարապետ Մոկացու մասին: Վերջինիս կապակցությամբ ասում է, որ «եւ դամենայն վիպասական շարագրութիւն եւ պատմութիւնք ժամանակաց անցելոց ամենայն ազգաց, մանաւանդ հայկազանց պատմութեանց հնոց եւ նորոց առ ինքն հաւաքելով եւ վերծանելով զամենայն»: Եվ ավելացնում է. «Որ եւ մեք այլ շատ ինչ օգտեցաք ի նորին շարագրութեանցն... որ ...շնորհեաց մեզ յընթերցումն...»<sup>85</sup>:

Դարանաղցին այնուհետև մեծարում է Դարանաղի գավառում իրենց ուսումնակրթական գործունեությունը ծավալած վարդապետներին, սկսած Հովհան Որոտնեցուց ու Հովհաննես Պլուղից մինչև 1628 թվին մահացած Աղարիա փիլիսոփան: Համառոտ տեղեկություններ է հաղորդում նրանց մասին, տալիս յուրաքանչյուրի բնութագիրը:

Հետաքրքիր է Դարանաղցու վկայությունն այն մասին, թէ իր ապրած օրերում ինչ-որ քարոզիչներ են երևացել, որոնց գլուղբերում ժողովուրդը հետաքրքրությամբ ունկնդրել է և անգամ պաշտպանության տակ առել նրանց հալածողներից: Նա զայրացած գրում է, թե մի գլուղում

<sup>82</sup> Նույն տեղում, էջ 308:

<sup>83</sup> Նույն տեղում, էջ 309—316:

<sup>84</sup> Նույն տեղում, էջ 316—338:

<sup>85</sup> Նույն տեղում, էջ 394:

ինքը տեսել է մի մարդու՝ շրջապատված բազում կանանցով: Իր այն հարցին, թե ինչու՞ են կանայք հավաքվել այդ մարդու շուրջը, պատասխանել են, որ լուսարար է խրատ և պատմություն է ասում կանանց. «Ասացի թե՛ մեք բեռով գիրք ունիմք և խրատից համար կու շրջիմք և նոր եկեալ եմք յնրուսաղէմայ... ասա երեք օր է, որ եկեալ եմք աստ, մէկ այր մարդ կամ կին ի ժամ շեն իգար կամ խնդրել և կամ հարցանել թե՛ ո՞ւստի իցես և կամ ո՞ւստի գաս, նա՛ այն խաբուսկին վերայ այնչափն շեղչակուտեալ են: Եւ կոշեցի առ իս զխելագարն զայն և հարցի թե՛ ու՞ ես և ո՞ւստի ես և այդ ի՞նչ գործ է որ կառնես առաջի աչաց իմոց անամօթաբար և լրբենի դիմօք: Եւ նա իբր զկասաղեալ լիրբ շուն՝ ընդվայրհաջմունք արար և խիստ պատասխանի արար և սկսաւ անարգել և հայհոյել զմեզ թե՛ վասն է՞ր հարցանես զիս թե՛ ո՞վ իցեմ, և կամիս Յովհաննէս կաթողիկոսին պէս հարկան՞ել զիս, որպէս նա արար ի Հալապ և կամիս դո՞ւ այլ այնպէս առնել: Իբր ուսուցանելով զմեզ օրինական»<sup>86</sup>:

Այնուհետև նկարագրում է Սաղմոսավանքի մտտ գտնվող Սերկկի գյուղում մի կնոջ քարոզի մասին: Սատանան երևացել է այդ կնոջ բակում մի ուռի ծառի վրա, ասել է, որ ինքը Գարրիել հրեշտակապետն է. որ կինը պետք է իր բակն ուխտատեղի դարձնի: Կինն այդպես էլ անում է. «Եւ սկսաւ քարոզել գեղջն և այլ շրջակայ գեղորէիցն զերեսումն սատանային և զամենայն պատրողական բանս նորա ի լսելիս ամենցուն, ...Որոց ասէր՝ սիրով գային հնազանդէին նմա իբր երեւելի ոմն ի ծառայութիւն... գտակն շարեաց կամելով զերիտասարդսն և զկանայս եւս առնել և հրամայելով երիտասարդացն առնուլ ի ձեռս իրեանց հաստահոյլ և երկայն բիրտ՝ վասն զընդդիմակս իւր հարկանելով: Եւ ի Զատկի նոր կիրակէին զենմունք որ եղեն նմա յամենայն սուրբ կենդանեաց հարիւր թուով և այլ յաւելի, որ շատ քահանայք այլ սպասաւորէին նմա վասն արդեանց մտից նորա, և բազում կանայք այլ ոմանք մոմալիցք, ոմանք կերակրեփիչք և ոմանք սպասաւորութիւն առնելով եկելոց ուխտաւորացն, և սկսան զալ յամենայն կողմանցն»<sup>87</sup>: Դարանաղցին այնուհետև գրում է, թե գյուղի ամենախելոք քահանան երբ փորձել է հանդիմանել այդ կնոջը, նա երիտասարդներին հրամայել է ձեռնել այդ քահանային. միայն գյուղի գլխավորի՝ ռայիսի միջնորդութամբ կարողացել են քահանային փրկել նրանց ձեռքից: «Եւ մեք այլ ընդ այն մաքառ-

մանցն հասար ի վերայ և շատ նախատեցաք զինքն և զհաւանողք նորին»<sup>88</sup>, գրում է պատմագիրը: Նշելով նաև մի քանի այլ այդպիսի քարոզիչների մասին, Դարանաղցին, սակայն, բավարարվում է նրանց պիտակավորելով «պոռնիկ», «անառակ», «խաբեբայ», չի բացահայտում նրանց «պատրողական քարբաջմանց վայրահաջութիւնս-ի էութիւնը, որով նրանք կարողանում էին համակրութիւն ստեղծել իրենց շուրջը: Բայց անհրաժեշտութիւն է համարում ընդգծված ձևով շեշտելու, որ «Զայսբան վասն այն գրեցի, զի պատմեսցի ազգաց որ գալոցն է և ի զգուշութիւն տխմարաց, որպէս ասէ Տէրն. Զգոյշ լերուք ի նոցանէ, որ գայցեն առ ձեզ հանդերձիւք ոչխարաց»<sup>89</sup>: Նկատենք, որ նշված այդ քարոզիչների մասին միակ աղբյուրը Դարանաղցու ժամանակագրութիւնն է:

Ասվել է, որ ուշ միջնադարի պատմագիրներից շատերը սուրբեկափով ու միակողմանի մոտեցում են ցուցաբերել իրենց կողմից նկարագրվող երևույթների, զեմքերի ու զեպքերի նկատմամբ և այդ պայմանավորված է եղել ժամանակի ոգով և նրանց դասակարգային պատկանելիութեամբ: Դա ամենացցուն ձևով արտահայտված է առանձնապես Գրիգոր Դարանաղցի պատմագրի մոտ: Ահա, թե ինչպես է ներկայացնում նա XVIII դարի սկզբին Արցախի լեռնային շրջաններում ծավալված գյուղացիական շարժման ղեկավարին՝ ուտիացի վանական Մեխլուին ու նրա առնչութեամբ՝ Զուղայի խոջաներին. «Ոչ երիցոյ և ոչ աշխարհականաց հակառակութիւն շունէր, այլ միայն ի հետ սեւագլխոց: Հետ լաւացն և վատացն միապէս մարտընչէր և մաքառէր, և ոչ օրինօք աստուածաշունչ գրոց վկայութեամբ խօսէր և ոչ կանոնօք սուրբ հարցն երից սուրբ ժողովոցն և ոչ սուրբ հարանց գրոցն, այլ մտացածին բանիւք յինքնէ՛ զոր ինչ բղիւէր ի շար զիւական ոգոցն՝ զայն խօսէր և մաքառէր ընդ ուխտականսն»<sup>90</sup>:

Պատմագիրը Մեխլուին զիվաբնակ է անվանում, իսկ շարժման մասնակիցներին՝ մարախ: Մեխլուի ու նրա գլխավորած շարժման մասին նրա աղբյուրն, ինչպես ինքն է վկայում, ջուղայցի վաճառականներն են եղել, որոնց խիստ բացասական է բնութագրում և դա հասկանալի է, եկեղեցու դադափարախոսը չէր կարող այլ կերպ վարվել, քանի որ Մեխլուի շարժումն իր արձագանքներն էր գտել Զուղայի քաղաքացիների

86 Նույն տեղում, էջ 443:

87 Նույն տեղում, էջ 447—448:

88 Նույն տեղում, էջ 449:

89 Նույն տեղում, էջ 435:

90 Նույն տեղում, էջ 457:

չրչանում և վաճառականներն էին նրա համբավը տարածում ամենուր: Պատահական չէ, որ Դարանաղցին զայրույթով գրում է, թե «վասն առուել ատելութեանց հպարտ եւ անառակ ջուղայեցոցն, որ թողեալ զիրեանց աչաց գերանն եւ զսեւագլխաց շիւղն հանել կու ջանան»<sup>91</sup>: Այս այն դեպքում, երբ ոչ մեկն այնքան լավ չի տեսել սևագլուխների աչքերի գերանները և անարգանքի սյունին գամել նրանցից շատերին, ինչպես ինքը Դարանաղցին:

«Եւ գային այս ջուղայեցիք եւ հիացուցանէին զայս աշխարհի մարդիկ եւ սուտ սքանչելիս պատմէին թէ՛ բազմութիւն մարախոց ընդ իւր շրջեցուցանելով, եւ որք հակառակին եւ ոչ լսեն հրամանացն՝ զսեւագլուխն ի ձեռն շտալով նմա, նա հրաման տուեալ մարախոցն ուտել զամենայն վաստակ եւ զխոտ երկրին եւ սպառել զամենայն պտուղ անդոյ նոցա, եւ ստալօղութիւնս բազում»<sup>92</sup>: Հասկանալի է, որ ջուղայեցիներն այս ձևով չէին կարող հիացնել մարդկանց, այս մեր պատմագրի մեկնաբանությունն է: Զուղայեցիները «սուտ սքանչելիս»-ները պատմելով են հիացրել մարդկանց և «զօրացուցանելով զայս դիւարնակ Մխլոյս»-ին, նրանով, որ իբր «հրովարտակ հանելով ի Շահէն եւ այլ խաներացն, ուր եւ գտանիցէ (սևագլուխներին— Վ. Բ.)... սպանանիցէ եւ զբազումս հալածեսցէ յաշխարհէն Հայոց, որպէս արար բազմաց»<sup>93</sup>: Դարանաղցին սակայն խոստովանվում է, որ «Զարեանց հեղմունս գործէր (Մեխլուն— Վ. Բ.), եւ տեսանէր որ հաճոյ էր յաշս ամենեցունց ազէտ աշխարհականացն իւր անօրէն մոլի կատաղութիւնն, նա օր քան զօր յաւելոյր զգործ շարեացն»<sup>94</sup>:

Ի վերջո, ասում է պատմագիրը, Մեխլուն զնացել է Երուսաղեմ, ուր տեղի Գրիգոր եպիսկոպոսը բանտարկել է նրան ու ցանկացել է հանձնել իշխանությանը, սակայն «ուխտական տօլվաթատրքն բազում աղաչանօք հաղիւ գերծուցեր էին ի ձեռանէ Գրիգոր եպիսկոպոսին եւ եկեալ էր ի Հալպա: Եւ մեր երկրէն վաճառական Սաֆարն ասաց թէ՛ ի Հալպայ ես բերի մինչեւ ցԱմիթ եւ անտի ի յետ անյայտ եղեւ»<sup>95</sup>:

Զուղայեցիների նկատմամբ ունեցած խիստ բացասական վերաբերմունքը և պայմանավորել է վաճառականությանը տրված Դարանաղցու բնութագիրը: Դավրիժեցուց և դարի մյուս պատմագիրներից զիտենք, որ

XVII դարում հայ հասարակական կյանքում ինչ դեր են խաղացել առևտրավաշխատական կապիտալի ներկայացուցիչները, հատկապես Զուղայի խոջաները, ինչ դեր են կատարել հայ եկեղեցու վերանորոգչության բնագավառում: Պանդխտության մեջ դեգերող մեր այս պատմագիրը, սակայն, վարկաբեկիչ ձևով է ներկայացնում վաճառականությանը, «թողեալ են զաստուածապաշտութիւնն եւ մամոնայի ծառայք են՝ եղեալ, եւ ազահութեան ախտին կուրացեալք, եւ ամենեքեան մեծատունք լինելոյ կու ջանան եւ են քան զչափն յաւելի... թողեալ են զկին, զուստերս եւ զզոտերս իւրեանց անտէրունչս եւ կարօտեալս եւ նեղեալս, եւ իւրեանքն ցիր եւ ցան եւ տարածեալ ընդ ամենայն երեսս երկրի՝ որպէս զմարախ... ի պատճառս ազահութեան ախտից եւ մթերման գանձուց յաւելուածութեան»<sup>96</sup>: Հստ: Դարանաղցու, վաճառականությունն անհրաժեշտ է, սակայն այն պետք է չափ ու սահման ունենա: Մոտակա տեղերում այն պետք է տևի 3—4 օր, ամենից շատը 40 օր, իսկ հեռավոր ճանապարհներինը՝ մինչև 3 և ոչ ավելի տարի, մինչդեռ «Որչափ եմք տեսել, որ երեսուն տարով եւ յաւելի ի յերիտասարդական հասակին ելան ի տանց եւ ի ծերութեան հասակին եղեն եւ մեռան յօտարութեանն և ազահութեամբ ժողովեալն թշնամեաց եղեն կերակուր, որպէս որ բազմաց պատահեցաք եւ շատ ջանացաք՝ չկարացաք ի հաւանութիւն ածել ի տուն զնալոյ... մանաւանդ ջուղայեցիքն»<sup>97</sup>:

Դարանաղցին այնուհետև նշում է, որ նրանք օտար երկրներում ցոփ ու անբարոյական կյանք են վարում, տեղի բնակչությանը զրգոտմ իրենց դեմ: Օտարության մեջ նոր կին էին առնում, թողնելով իրենց ընտանիքը կարիքի ու կարոտի մեջ, հաճախ նոր կանանց պատճառով զավանափոխ էին լինում: Ապա բերում է մի շարք օրինակներ ու ավելացնում. «Զայսքան փոքրիշատէն զոր ես գրեցի, ամենեցուն ականատես եմք լեալ, եւ են ամենեքեան շատաշուրջքն միապէս վէսք, ամբարտաւանք, սնապարծք, անզութք, անողորմք, աննուէրք, անպատիւք եւ բնաւ ոչ զենն պատիւ ումեք բայց յերուսաղէմացոց եւ էջմիածնեցոց՝ վասն փառասիրութեան աղագաւ»<sup>98</sup>:

«Եւ ի նոցա միջումն այլ կու լինին լավ հասկացող եւ երկիւղած բարեսէր մարդիկ...»: Բայց, ցավով նկատում է պատմագիրը, «մինն ի հազարաց եւ ի բիւրոց»<sup>99</sup>:

91 Նույն տեղում, էջ 457:

92 Նույն տեղում, էջ 470:

93 Նույն տեղում:

94 Նույն տեղում: էջ 471:

95 Նույն տեղում, էջ 472:

96 Նույն տեղում, էջ 457—458:

97 Նույն տեղում, էջ 459:

98 Նույն տեղում, էջ 465:

99 Նույն տեղում, էջ 466—467:



Գարանաղցու «ժամանակագրությունը» կարևոր աղբյուր է Թուրքիայի XVII դարի առաջին կեսի, ու հատկապես 30-ական թվականների իրադարձությունների՝ ենիչերիների ապստամբության, սուլթան Մուրադի դեմ կազմակերպված դավադրության ու նրա ճնշման, կառավարման արատավոր բարբերի, հայ գաղթօջախի և արքունիքի փոխհարաբերությունների, հարկային բիրտ քաղաքականության, շահագործման ձևերի, Պոլսահայ համայնքի ներքին կյանքի, ստորին խավերի ծանր վիճակի և շատ այլ բնագավառների պատմության ուսումնասիրության համար:

Այն, ինչպես ճիշտ նկատում է Ա. Առաքելյանը, — հարուստ նյութ է պարունակում XVI դարի վերջերի և XVII դարի առաջին կեսի հասարակական-քաղաքական կյանքի վերաբերյալ: Նկարագրած դեպքերի ու դեմքերի մասին հաղորդումները մեծ մասամբ ճշմարտապատում են, որովհետև հեղինակն ականատես է եղել, անձամբ տեսել նկարագրվող անձերին, հարաբերության մեջ եղել նրանց հետ, իսկ որոշ դեպքեր լսել է ականատեսներից և զրի առել առանց ստուգելու երևույթների ճշմարտությունը: Լինելով նախապաշարված, հավատացել է դեբրի, հրաշքների և հաճույքով նկարագրել է դրանց մասին լսածը: Գարանաղցին «ժամանակագրության» մեջ ներկայացրել է իր ժամանակաշրջանի կենցաղը, սովորությունները և այլն<sup>100</sup>:

«ժամանակագրությունը» կարևոր է նաև XVI—XVII դարերի սոցիալ-տնտեսական բազմաթիվ տերմինների վերծանման համար:

100 Ա. Առաքելյան, նշվ. աշխ., էջ 517—518:

## ԱՌԱՔԵԼ ԳԱՎՐԻԺԵՅԻ

XVII դարի առաջին տասնամյակների հայ մտավոր կյանքի զարթոնքի ծնունդ է նշանավոր պատմագիր Առաքել Դավրիժեցին, որի Պատմությանը և նշանավորվեց ուշ միջնադարի հայ պատմագրության վերածընունդը:

Նա ծնվել է Ատրպատականի Թավրիզ քաղաքում և ծննդավայրի անունով էլ հորընդհանրապես «Դավրիժեցի»: Նրա ծննդյան թիվը հայտնի չէ, ենթադրում են XVI դարի վերջին տասնամյակը<sup>1</sup>, մահացել է 1670 թ., թաղված է էջմիածնում, տապանաքարի վրա գրված է՝ «Պատմագիրն այս է տապան Առաքել վարդապետի ՌՃԺԹ»:

Իր ուսումնասիրությունը նա ստացել է էջմիածնի միաբանությունում, աշակերտել է Փիլիպպոս Աղբակեցի կաթողիկոսին և նրանից ստացել վարդապետական աստիճան:

«Իսկ նուստս եւ տրուպս յամենեսին Առաքեալ կոչմամբս՝ սպասուոր բանի, գոլով իմ տեղեալ ի քաղաքէն Թարիզու, եւ յաշակերտութենէ սոյն տեառնս Փիլիպպոսի կաթողիկոսի, եւ ի միաբանութենէ լուսակառոյց աթոռոյն սրբոյ էջմիածնի, որ և աստէն իսկ սնեալ եւ վարժեալ, եւ յաւուրս ծերութեան ժամանեալ»<sup>2</sup>, գրել է իր մասին պատմագիրը:

Զաքարիա քանարեոցու «Պատմագրության» Մատենադարանում պահպանված մի ձեռագրից իմանում ենք նաև, որ Դավրիժեցին մեկ տարի եղել է Հովանավանքի վանահայրը (1636 թ.), որից հետո գնացել է էջմիածին<sup>3</sup>:

Ժամանակակիցները նրա մասին պատկառանքով են խոսել: Սուփանոս Լեհացին իր հիշատակարաններից մեկում, ուր խոսում է էջ-

<sup>1</sup> Տե՛ս Մ. Արեղյան, Հայոց հին գրականության պատմություն, գիրք երկրորդ, Երևան 1946, էջ 443:

<sup>2</sup> Պատմութիւն Առաքել վարդապետի Դարիժեցւոյ, Վաղարշապատ, 1896, էջ 668: Այսուհետև՝ Դավրիժեցի:

<sup>3</sup> Մատենադարան, ձեռ. № 3024, Թ. 143 ր:

միածնի ուսումնարանի մասին, գրել է. «Զայնու ժամանակաւ բազում էին երեւելի վարդապետք (յէջմիածին), քաջարանք, բանաստեղծք աստուածային գրոց, քաջք գիտունք և հմուտք, յորոց մի է և Առաքել վարդապետն վիպասան, որ զժամանակագրութիւնս հայրապետաց և թագաւորաց գեղեցիկ յարմար բանիւ դրոշմեալ»<sup>4</sup>:

Զաքարիա քանաքեռցին էլ գրել է. «Թարիզեցի Առաքել վարդապետն, որ տեղեակ էր ամենայն պատմագրաց, որ և արար զպատմութիւնս անբնական աշխարհիս Արարատեան ի մեծ Շահ-Արասէն»<sup>5</sup>:

Դավրիժեցու ծավալած գործունեութեան ու պատմութիւնն գրելու շարժառիթները մասին տեղեկութիւններն իմանում ենք նրա գրած պատմութիւններից, որ մեզ է հասել «Պատմութիւն Առաքել վարդապետի Դարիժեցոյ սակս դիպուածոց Հայաստանեայց եւ գաւառին Արարատայ եւ մասին Գողթան գաւառի, սկսեալ ի ՌՄԱ թուականին հայոց մինչ ի ՌՃԺԱ թ. «խորագրով և Պատմութեան» վերջում տրված նրա հիշատակարանից:

Ըստ երևույթին, Առաքել Դավրիժեցին էջմիածնի միաբանութեան ճանաչված դեմքերից մեկն է եղել, իբրև Փիլիպպոս կաթողիկոսի նմի-րակ շատ է ճանապարհորդել արևելքում և արևմուտքում, եղել է Հունաստանում, Ամասիայում, Սեբաստիայում, Ուոհայում, Հալեպում, Սպահանում և ուրիշ շատ քաղաքներում ու գավառներում<sup>6</sup>: Նա իրեն համարում է Փիլիպպոս կաթողիկոսի «ձեռնասուն աշակերտը»<sup>7</sup>: Լինելով այդպիսին, նա այդ կաթողիկոսից հրաման է ստացել գրելու ժամանակակից կարևոր իրադարձութիւնների պատմութիւնն ապագա սերունդների համար: Դավրիժեցին վկայում է, որ իր ժամանակակիցներից շատերն են խնդրել կաթողիկոսին «արձանացուցանել ի գիրս յիշատակի ի գիտութիւն յապայ եկեղոց, որք յանցնիւր դարս և ժամանակս յառաջագալին»<sup>8</sup>... Պակաս շահագրգռված չի եղել և կաթողիկոսը «Ճաւ և ինքն կաթողիկոսն Փիլիպպոս,— ընդգծում է Դավրիժեցին,— զառաւելագոյն փոյթ ունէր քան զամենեսեան սակս սմին իրաց, վասն որոյ հարկէր երբեմն զայս՝ և երբեմն զայն՝ զի կատարեսցեն զայս գործս»<sup>9</sup>, ինչպես նշում է պատմագիրը, բոլորն էլ հրաժարվել են իմանալով գործի դժվարութիւնն

ու բարդութիւնը և միայն ինքն է կատարել կաթողիկոսի «ահեղ հրաման»<sup>10</sup>-ը, այնուհետև պատճառաբանում է, թե ինչու է համաձայնվել կատարել հրամանը՝ գրել պատմութիւնը: Ասում է, շնայած ինքը շատ է աշխատել կաթողիկոսին համոզելու իր տկարութեան, հետևաբար և՛ անկարողութեան մասին, բայց իզուր: Հարկ է նշել սակայն, որ Դավրիժեցին կատարել է ոչ միայն Փիլիպպոսի, այլև նրան հաջորդած Հակոբ Զուղայեցու հրամանը, որովհետև առաջինի մահից հետո ինքը կիսատ է թողել պատմութիւնը «զի կարի բաղամախոնջ և աշխատաւոր և արժանի թուեցաւ ինձ այս գործ, վասն որոյ ի բաց կացի և հրաժարեցայ ի սորին առնելոյն»<sup>11</sup>: Սակայն հետագայում Զուղայեցին հարկադրում է պատմագրին շարունակելու ու ավարտելու սկսած գործը և այն նա ավարտում է 1662 թ., տալով 60 տարվա ռազմաքաղաքական բուռն իրադարձութիւնների հարուստ պատմութիւնը (1602—1662 թթ.): Դավրիժեցին «Պատմութիւնը» գրել է 9 տարում (սկսել է գրել 1651 թ. 1655 թ. դարեցրել է և 1658 թ. շարունակել):

Նրա պատճառաբանութիւնների մեջ կարևոր են երրորդը և չորրորդը, որոնք բնութագրում են պատմագրին իբրև ջերմեռանդ հայրենասերի: Այնտեղ կարդում ենք, «Երրորդ և ես ինձէն իսկ տեսանելով զաւերս Հայաստան աշխարհին, և զնուազիլն մերոյս ազգին, և զշարութիւն մահմեդականաց, կսկծալի մորմորմամբ այլիւր սիրտ իմ, վասն որոյ յօժատականաց, կսկծալի մորմորմամբ այլիւր սիրտ իմ, վասն որոյ յօժարեցայ յարձանագրութեան սոցին: Զորրորդ... զի հայելով ի յուզութիւն յանցանաց... իբրև զլոմայս այլոյն արկի ի գանձանակն Տեառն, զի թերևս սովաւ գտայց ներումն աններելեաց իմոցս պարտեաց»<sup>12</sup>:

Զերմ հայրենասիրութեան ներքին մղումն է ուժ ներշնչել ծերութեան հասակն առած ու տկար Դավրիժեցուն «յանձն առի զայսպիսի յոքնաշխատ և բազմաերկ և զտաժանելի գործս՝ և աւուրս յոլովս ի սմին զեզերելով ի յոլով երկիրս և յաշխարհս շրջագայելով ի խնդիր գրուցաց պատմութեան, ոչ միայն ի քրիստոնէից, այլ յայլոց ազանց հարցանելով, և ամենեցունց զասացեալսն գրելով, և վասն զստուգութիւն բանին գտանելոյ, եղև զի զմի պատմութիւն, տասն անգամ և այլ անելի կրկնելով գրեցի, և զամս ինն ի սմին զեզերելով և զինչս ծախելով, հագիւ թէ զայսքան պատմութիւնս ի մի վայր հաւաքեցի և գրեցի, և բնաւ ոչ ոք եղև ինձ ձեռնառու...»<sup>13</sup>:

<sup>4</sup> Տե՛ս Մ. Արեղյան, նշվ. աշխ., էջ 442:

<sup>5</sup> Զաքարիա Սարկաւազի Պատմութիւն, հ. Գ., գլուխ Գ., էջ 4, Վաղարշապատ, 1870:

<sup>6</sup> Տե՛ս Դավրիժեցի, էջ 414—418:

<sup>7</sup> Նույն տեղում, էջ 414:

<sup>8</sup> Նույն տեղում, էջ 667:

<sup>9</sup> Նույն տեղում, էջ 668:

<sup>10</sup> Նույն տեղում:

<sup>11</sup> Նույն տեղում, էջ 669:

<sup>12</sup> Նույն տեղում:

<sup>13</sup> Նույն տեղում, էջ 669—670:

Պատմագիրը գիտակցել է «այսքան պատմությունները ի մի վայր հավաքելու ձևով պատմություն գրելու պակաս ու թերի կողմերը: Գիմելով ընթերցողներին նա գրում է. «Իսկ թերին և թիւրն և այլ սոյնպիսիքն յիմս տգիտութենէ և ի տկարութենէ, վասնորոյ աղաշանօք խնդրեմ ի ձէնջ ներումն»: Եվ ավելացնում է. «Այլև գիպեցաւ պատահել ինձ այս գործ ոչ ի ժամանակս առոյգ երիտասարդութեան, այլ յողորմելի ծերութեան, վասն զի ծեր էի. նաև յոյժ ցաւագար մարմնով, և ի լուսոյ աշքս պակասեալ և ի պնտութենէ ձեռքս թուլացեալ զողայր. սոյնպէս և յայլոց յամենայն կարողութեանց տկարացեալ...»<sup>14</sup>:

Պատմության «նախադրութիւն»-ում Դավրիժեցին ընթերցողին ասում է, թե ինչի մասին է գրել և տալիս է իր շարադրանքի սկզբունքները: Պարզվում է, որ նա ժամանակագրությանը շատ մեծ և կարևոր տեղ է տվել: «Այլ և գիտելի է,— նշում է նա,— զի ըստ պահանջելոյ հարկին աստանօր պարտ է դնել զթուականն իբր զհիմն, և ապա յարել ի նոյն զպատմութիւն որպէս զշինուածս, ըստ օրինի պատմագրաց, բայց քանզի ազգս մեր յաւարառուաց և ի գերչաց և ի հարկապահանջողաց ցիր և ցան եղեալ են... ոչ գտաք գիտող այր այնպիսի, որ զի ընդ պատմութեան և զթուականն ևս ծանուցեալ էր: Բայց մեր յոլով աշխատութեամբ խոյզ արարեալ՝ զորս գտաք, կարգեցաք ընդ պատմութեանն և զթուականն ևս, և զորս ոչ գտաք, առանց թուականի պատմեցաք և դու ընկալ զայս այսպէս առանց մեղադրելոյ...»<sup>15</sup>:

Առաքել Դավրիժեցին անհրաժեշտ պատրաստություն չի ունեցել, էջմիածնի դպրոցը նրան սովորեցրել է գրաբարը, այն էլ ոչ դասականը, և «նա ավելի հետեւել է ժողովրդական պարզ շարագասութեանը, կենդանի ժողովրդական ձևերին ու դարձվածքներին, յխորշելով,— ինչպես ճիշտ նկատում է Մ. Արեղյանը,— ճշտութեան ու պարզութեան համար նույնիսկ գավառական ու թուրքերեն բառերից, որ և ոչ թե պատմագրի պակասություն, այլ առավելություն պետք է համարել, զի ամեն պատմություն կամ զրույցների ժողովածու, ինչպես և Առաքելի Պատմությունը, յուր կենդանությունը, գուցնն ու երանգը ստանում է միայն ժամանակի կենդանի լեզվով պատմվելով»<sup>16</sup>:

էջմիածնի դպրոցը պատմագրին բավական ծանոթություն է տվել նաև ս. գրքերի մասին, որոնց ոգով և նա դաստիարակվել է և իր «Պատմության» մեջ առատորեն օգտագործել դրանք: Նա ամեն կերպ հասկաց-

նել է տալիս, որ ինքը գիտե ս. գրքերը, նա դրանցից վերցրել է ոչ միայն գրելու ձևերը, այլև շատ խրատական ու նկարագրական օրինակներ ու տեղայնացրել, հարմարեցրել իր ապրած օրերին:

Առաքել Դավրիժեցին մինչ XVII դարը հայ պատմագիրների մեջ այն բացառիկ դեմքն է, որի կենդանության ժամանակ տպագրվել է գրվածքը: Նրա «Պատմությունը» հրատարակվել է 1669 թ. Ամստերդամում, հետևաբար հավանական է, որ նա տեսել է այդ հրատարակությունը: Հետաքրքիր է, որ «Պատմությունը» հրատարակ գալուց (1662 թ.) 6 տարի հետո տպագրվել ու լայն ընթերցող հասարակությանն է ներկայացվել: Կարծում ենք, որ այս հանգամանքը բացատրել միայն տպագրական հնարավորությունների առկայությամբ ճիշտ չէր լինի, այդ առկայությունը կար, երբ Դավրիժեցին ավարտել էր իր «Պատմությունը», բայց այնուհանդերձ, իր «յողորմելի ծերութեան» հասակում նա ստիպված է եղել, ինչպես վկայում է «Պատմությունը» 1666 թ. արտագրող— գրիչ Ավետիքը, թե «հոգաբարձութեամբ, ծախիւք և արդեամբք՝ Առաքեալ վարդապետի, որ է նոյն ինքն այս պատմագրքիս շինօղն և արարօղն... որ վասն զօրինակն բազմացուցանելոյ ետ գրել զայս գիրքս, որ և այս հինգերորդ գիրք է, որ ինքեան Առաքեալ վարդապետի ձեռագրադիր օրինակէն գաղափարեցաւ, որ յոլով ջանիւ և բազում հոգաբարձութեամբ ծախէ ինչս և ձեռամբ գրչաց գրել տայ առաջին վասն օրինակին բազմանալոյ, և երկրորդ վասն առ տէր յիշատակի...»: Ավետիք գրիչը իր հիշատակարանում նշում է նաև, որ Դավրիժեցին «զանազան և պէսպէս կերպիւ բազում աշխատանս կրեաց վասն պատմագրքիս, և տակաւին ևս ի նոյն աշխատանս կայ...»<sup>17</sup>:

Պատահական չէ, որ հայ պատմագիրների թողած հարուստ պատմագրական ժառանգությունից առաջինը հրատարակվել է Դավրիժեցու «Պատմությունը»: Արդ, ինչով էր պայմանավորված այդ, ինչու XVII դարի 60-ական թվականներին ապրած հայ մշակույթի գործիչները հրատարակության գործում առաջնությունը տվել են Դավրիժեցու «Պատմությանը» և ոչ թե ամբողջ միջնադարում, չհասնելու ս. Գիրքը, հայ պատմական ու պատմագրական մտքի վրա իշխած Պատմահոր Մովսես Խորենացու «Պատմությանը», որը տպագրվել է Դավրիժեցու գրքի լույս ընծայումից 16 տարի հետո միայն՝ 1685 թ. նույն Ամստերդամում: Մեր կարծիքով այդ թելադրված էր Դավրիժեցու Պատմության պարունակած բովանդակությամբ, որն էլ իր հերթին կյանքի էր կոչվել ժամանակի պահանջով:

<sup>17</sup> Դավրիժեցի, էջ 673:

<sup>14</sup> Նույն տեղում, էջ 671:

<sup>15</sup> Նույն տեղում, նախադրութիւն:

<sup>16</sup> Մ. Արեղյան, նշվ. աշխ., էջ 444:

XVII դարը հայ ժողովրդի համար սկսվեց ավերիչ ու օրհասական իրադարձություններով: Մեծավոր արևելքում գերիշխող դիրք գրավելու և Անդրկովկասը նվաճելու համար աշխարհակալության ձգտող Իրանի և Թուրքիայի միջև հակամարտություններն իրենց գազաթնակետին էին հասել, Հայաստանն ու հարևան շրջանները շարունակում էին մնալ պատերազմական գործողությունների հիմնական թատերաբեմ, ոտնատակ տրվում փոփոխակի հաջողություններ ունեցող իրանա-թուրքական բանակների կողմից: Դարի առաջին տասնամյակում հայ ժողովրդին վրա հասավ ամենասոսկալի և ամենակործանարար հարվածը՝ շահ-արբասյան բռնազաղթը, երկրի շատ նահանգների ավերումն ու ամաչացումը, որոնք զուգորդվում էին հայերի ազգային ու կրոնական հալածանքների անասելի ուժեղացմամբ ու դաժանությամբ: Հենց այդ տասնամյակի արյունալի իրադարձություններում, կրակի մատնված քաղաքների ու գյուղերի բոցերում, Արաքսի փոթորկալից ու արյունաշաղախ ալիքներում ծնվեց հայ քաղաքական կյանքի դարթոնքը: Հայ դավանանքը և ազգային ինքնատիպությունը խիստ վտանգված էր: Դրանք պահպանելու համար նորից էր ըմբոստացել հայի ազատատենչ ոգին, ժամանակը հերոսական էր, հայակործան իրադարձությունները գյուցազներ ու գյուցազնուհիներ էին ծնում:

«Կանայք և տղայք և աղջկունք՝ որք մնացին ի սպանմանէն,— գրում է Դավրիժեցին գառնեցիների մասին,— իբրև տեսին զինքեանս մատնեալս ի ձեռս անիրաւ մարդողէմ զազանաց՝ որ վարեն զնոսա ի գերութիւն՝ և պէսպէս աղտեղութեամբ ապականեն զսրբութիւն նոցա, վասն որոյ լաւ համարեցան զսրբութեամբ մահն իրեանց քան զապրուստ սուղ ինչ ժամանակեայ կենաց... Բազումք ի նոցանէ պատէին զերեսս փակեղամբ և ձործով իրեանց և յանբաւ բարձրութենէն ի յայրէ անտի ի վայր արկանէին զինքեանս և մեռանէին»<sup>18</sup>:

Դավանանքի համար նահատակվելը, մարտիրոսանալը հաճախացել էր և առատ նյութ էր դառնում վկայաբանական, վարքագրական պատմությունների համար, որոնք միշտ էլ սիրելի էին ժողովրդին, մեծ հետաքրքրությամբ էին ընթերցվում, և որ կարևորն է, խթանում էին ժամանակիցների ու գալիք սերունդների ազգային ինքնագիտակցության բարձրացմանը: Մ. Արեղյանը ճիշտ նկատում է, որ «բազմաթիվ քաջ նահատակներով ավելի ևս զորանում էր ժողովրդի մեջ ազգային եկեղե-

ցու հավատը, ջերմեռանդ փափագանք համբուրելով «զսուրբան», նրանց մարմնի մասունքը եկեղեցիների մեջ դնելով և բոլոր բաղմությամբ դիմելով սրբի թաղմանը, մի ազգային մեծ հանգես կատարելով այն տխուր ժամանակին, երբ հայը զրկված էր ամեն հանգեսից ու մի տեղ խմբվելու հնարավորությունից, թեպետ և մահմեդականներն այդպիսի տխուր հանգեսներ կատարելն անգամ արգելում էին:

Մինչդեռ ազգային մխիթարությունն այդպիսիների գլխին լույս է իջեցնում, շարաշար պատժում է հավատուրացներին, որ միևնույն է՝ ազգուրացներին»<sup>19</sup>:

Եկեղեցու հարազատ զավակ պատմագիր Առաքել Դավրիժեցին, նրա շրջապատը՝ արյունալի իրադարձությունների պատմությունը գրի առնելու անհրաժեշտությունը գիտակցողները ճիշտ էին ըմբռնել վկայաբանական պատմությունների դաստիարակիչ դերը և նրանք չէին կարող անտարբեր լինել նրանց նկատմամբ: Դրանով պետք է բացատրել, որ Դավրիժեցու Պատմությունը հագեցված է այդպիսի վկայաբանական պատմություններով, որոնք և նրա ժամանակակիցների վրա մեծ տպավորություն են թողել, այն ձևագիր վիճակում ժողովրդի մեջ մեծ հետաքրքրություն է առաջացրել, ինչպես ասում են, բռնել է իր քննությունը և անհետաձգելի պահանջ դարձրել նրա ապագիր հրատարակությունը:

Առաքել Դավրիժեցու «Պատմությունը» դարձել է սիրելի ու ժողովրդրդական մի գիրք: Նա միանգամայն ճիշտ է ըմբռնել իր ժամանակակիցների զգացմունքները, տենչանքներն ու ոգին և շատ գեղեցիկ կերպով արտահայտել է դրանք, և թերևս ժամանակակից հրատարակիչները ելնելով իրենց ժամանակի համար այդ երկի ակտուալությունից, առաջինը տպագրել են նրա «Պատմությունը»:

Կարծում ենք ղժվար է անվերապահորեն ընդունել Դավրիժեցու մասին Մ. Արեղյանի այն կարծիքը, որ իբր «նա չէր կարող, անշուշտ, պատմական առողջ դատողություն ունենալ և ոչ իսկ պատմական ընդարձակ աշխարհայեցողություն, որ կարողանար իրողությունները կշռադատել իրենց պատճառներով ու ծանրակշիռ հեռանկանքներով»<sup>20</sup>: Մեծանուն բանասերը գտնում է, որ պատմագիրը պատրաստություն չունի, նրա «բոլոր գիտությունը մի քանի կրոնական գրքեր կարդացած լինելն էր և շատ ճանապարհորդությունների ժամանակ յուր հարցասիրությամբ ձեռք բերած ժանտությունները»<sup>21</sup>: Մ. Արեղյանը նկատում է նաև, որ նա շատ

19 Մ. Արեղյան, նշվ. աշխ., էջ 450:  
 20 Նույն տեղում, էջ 451:  
 21 Նույն տեղում:

18 Նույն տեղում, էջ 51—52:

միամիտ ու սնտոխապաշտ է եղել և դրանով նա «ոչնչով բարձր չէ ու-  
միկ ու տգետ ժողովրդից»<sup>22</sup>: Ինչպես հայտնի է Դավրիժեցուն գրչակից  
գրեթե բոլոր նախորդները ավելի կամ պակաս շափով հավատացել են  
հրաշքներին, տեսիլներին, երազներին, սակայն նրանք բարձր են կանգ-  
նած եղել «ուսմիկ ու տգետ ժողովրդից», ուստի Դավրիժեցու՝ դրանց  
նկատմամբ հավասարն ու հասկացողությունը դժվար թե շափանիչ կա-  
րող է լինել նրա գիտելիքների ու կարողությունների աստիճանը որոշելու  
համար: Չպետք է մոռանալ, որ միջնադարի մեր պատմագիրները իրենց  
երկերում հրաշքների, տեսիլների, կանխագուշակ քնի, երազների մասին  
գրույցները օգտագործել են պրակտիկ նպատակների համար: Դրանցով  
նրանք սանձահարում էին եկեղեցու հակառակորդներին, ավելի ազդու  
դարձնում իրենց հետապնդած քարոզչական հոգևոր ու քաղաքական  
նպատակներն ու զաղափարները: Որպես կանոն, այդ կարգի գրույցնե-  
րում հիմնականում տեսիլները, հրաշքները, երազները վերագրված են  
հոգևոր վերնախավի ներկայացուցիչներին, որոնք աստուծո ու Քրիստոսի  
օգնությամբ ու միջոցով կատարում էին այդ հրաշագործությունները:  
Նկատենք նաև, որ նման գրույցները կամ պատմությունները ստեղծվել  
ու ավելի-տարածում են գտել հատկապես այն ժամանակաշրջաններում,  
երբ հայոց եկեղեցուն, հայերի հավատին վտանգ է սպառնացել և հոգևոր  
հայրերը, եկեղեցու զաղափարախոսները ամեն ինչ արել են ժողովրդի  
մեջ ամրապնդելու հավատը՝ հանդեպ իրենց դավանանքը:

Դավրիժեցու ապրած օրերում էլ հայոց դավանանքը խիստ վտանգ-  
ված էր և նա այլ կերպ չէր կարող վարվել, նա էլ թերևս շատ բաների չի  
հավատացել, բայց իր հետապնդած նպատակներն ավելի ազդու ու նը-  
պատակասլաց դարձնելու համար ստիպված է եղել իր «Պատմության»  
մեջ բերելու այդ գրույցները, պատմությունները՝ ժամանակի ժողովրդա-  
կան կենդանի ու պարզ լեզվով:

Վկայաբանական պատմությունների համողականությունը, վարա-  
կիչ ու ազդու լինելը պահանջում էր դրանք հագեցնել հրաշապատումնե-  
րով: Այդ էր պահանջում Դավրիժեցի պատմագրի ապրած ժամանակա-  
շրջանը և նրա «Պատմությունն» էլ այդ ժամանակաշրջանի արգասիք էր:  
Անհրաժեշտ էր ցույց տալ, համոզել ընթերցողին, որ դավանանքի հա-  
մար նահատակվածները «ամենեքեան արժանացեալք էին շնորհաց-  
սրբոյ հոգւոյն», այդպիսի պատմությունները Դավրիժեցին համարում  
է «արժանի լսելոյ... վասն զի Հոգին Աստուած վերակացու էր նոցա»<sup>23</sup>:

Մ. Աբեղյանը ճիշտ է նկատում, որ «ժամանակի վիճակն էր այդ-  
կրոնի պատճառով հայ ազգը հալածվում էր, և կարելի է ասել, որ Առա-  
քելի ամբողջ գրվածքը գրեթե մի համազգային վկայաբանություն և նա-  
հատակություն է ինչ որ ընդհանուր ազգին է վերաբերում, բայց և մաս-  
նավոր նահատակություններով էլ լի է Առաքելի «Պատմությունը»...  
որոնք մի տեսակ հավելված են Առաքելի «Պատմության», և կարևոր հա-  
վելված՝ ժամանակի վիճակը լավ ըմբռնելու համար»<sup>24</sup>:

Նշելով XVII դարում հայ պատմագրության վերակենդանացման մա-  
սին և Դանեղյանը միանգամայն ճիշտ գրում է, թե «Այս պայմաններում  
Դավրիժեցի պատմագրի ծնունդը օրինալափ ու անհրաժեշտ երևույթ էր,  
և նրա «Պատմությունը» օրգանական շարունակությունն էր սկսված նո-  
րոգություն»<sup>25</sup>:

Վերևում ասացինք, որ դժվար է անվերապահորեն համաձայնվել  
Մ. Աբեղյանի կարծիքին՝ Դավրիժեցու պատմագրիտական աշխարհայեցող-  
ություն մասին: Այս հարցում անվանի բանասերը, կարծես, հակասում  
է իրեն՝ գրելով. «չնայած յուր մեծ միամտությանը, նա (իմա՝ Դավրի-  
ժեցին — Վ. Բ.) լավ կերպով ըմբռնել է ժամանակի ոգին և մանավանդ  
Շահաբասի քաղաքականությունը, ձգտումներն ու նպատակը, գործ դրած  
խորամանկ միջոցները, մինչդեռ իր ժամանակակիցները շեն հասկացել  
այդ թագավորին, և նա զանազան գրույցների հերոս դարձած, նույնիսկ  
քրիստոնեասեր է համարվել»<sup>26</sup>: Ինչքան մեզ հայտնի է, «պատմական  
առողջ դատողություն չունեցող» մարդը չէր կարող լավ կերպով ըմբռնել  
իր ապրած օրերում հայրենիքին ու ժողովրդին սարսափներ ու աղետներ  
բերող թագավորի նենգ ու բիրտ, աշխարհակործան քաղաքականության  
էությունը: Ինչպես Եղիշեն ու Փարպեցին էին իրենց ժամանակին հաս-  
կացել Շապուհի՝ հայերի նկատմամբ վարած քաղաքականության հե-  
տապնդած նպատակները, ինչպես Սեբեոսն ու Ղևոնդն էին հասկացել  
բյուզանդական կայսր Մորիկի՝ հայերի նկատմամբ վարած քաղաքա-  
կանության էությունը, այնպես էլ Առաքել Դավրիժեցին էր խորը կերպով  
ըմբռնել շահ Աբբաս Ա-ի հետապնդած նպատակները, նրա՝ հայերի  
նկատմամբ վարած քաղաքականության կործանարար հետևանքները  
Հայաստանի ու հայերի ճակատագրի համար: Եվ ոչ միայն այդ, Դավրի-  
ժեցին քաջ գիտակցել է նաև անապատների ու անապատականների խա-

24 Մ. Աբեղյան, նշվ. աշխ., էջ 449:

25 Լ. Դանեղյան, Առաքել Դավրիժեցու երկը որպես Սեֆյան Իրանի 17-րդ դարի պատ-  
մության սկզբնաղբյուր, Երևան, 1978, էջ 11:

26 Մ. Աբեղյան, նշվ. աշխ., էջ 451:

22 Նույն տեղում:

23 Դավրիժեցի, էջ 258—259:

դացած դերը ժողովրդի ինքնագիակցութեան բարձրացման գործում, քաղաքական ու հոգևոր կյանքի վարժողների համար և զգալի առիթ է տվել իր «Պատմութեան» մեջ նրանց ծավալած բեղմնավոր գործունեութեան նկարագրութեանը:

Մուլի կրոնասիրութեան և անարատ բարոյականութեան հետ՝ պատմագիր Դավրիժեցու մոտ սակայն, հայրենասիրութեան ոգին գերազանցում է ամենին, այն ավելի հզոր է ու սրտառու: Միանգամայն ճիշտ է նկատում Մ. Աբեղյանը, որ Դավրիժեցին խորենացու հայրենասիրութեամբ, բայց և առանց խորենացու ճարտասանութեան, պարզ ու բնական, խորենացուց ավելի սրտառու է ողորում յուր հայրենիքը, որից ավելի գեղեցիկ չէր կարող ոչ մի իրեն ժամանակակից բանաստեղծ ողբալ»<sup>27</sup>:

Պատմագիրը նախքան շահ Աբբաս Ա-ի հայերին պատճառած ավերածութիւնների մասին պատմելը, դատնացած գրում է հայ ժողովրդի ճակատագրի մասին, որից հետո անցնում է իր հիմնական նպատակին՝ մեծ գաղթի՝ սուրգունի պատմութեան շարադրմանը:

«Ազգս հայոց, — գրում է նա, — որք մատամբն և կամօքն իրեանց կուրացուցին դաշս իրեանց. զի ինքեանք կործանեցին զթագաւորութիւնն իրեանց՝ նենգութեամբ և անհնազանդութեամբն իրեանց, և եղեն ոտից կոխան, և ծառայք և գերիք այլոց ազգաց և թագաւորաց, և ի ժամանել նեղութեանց իրիք ի վերայ ինքեանց, իրրև ոչ գտանեն օգնութիւն յուստեքէ, անճար մնացեալ փախստական լեալ ճողպարին այսր և անզր (ավանդաբար տիրող այս սխալ դրույթին տուրք է տվել նաև պատմագիր Դավրիժեցին — Վ. Բ.):

Արդ՝ եթէ յայսմ պատճառէ, և թէ կանխաւ պատմեալ մեծ սովին և Զալալոց պատճառէն, ամենայն ազգն Հայոց ելեալ վտարանդիք եղեն յւրաբանչիւր տեղեաց, ի հայրենի բնակութեանց և յաշխարհաց, և տարաղէմ գնացեալ ընդդէմ երեսաց՝ ցիր և ցան եղեալ սփռեցան ընդ ամենայն աշխարհ»<sup>28</sup>: Այնուհետև թվում է այն երկրներն ու քաղաքները, ուր ապաստան են գտել գաղթած հայերը:

Դավրիժեցին անդուսպ ատելութեամբ է լցված շահ Աբբաս Ա-ի և պարսկական արքունիքի նկատմամբ: Զայրույթով և ցավով բացահայտում է նրանց՝ հայերի նկատմամբ գործադրած միջոցառումների բուն էությունը քաղաքական, սոցիալ-տնտեսական և հոգևոր կյանքի բնագավառներում, քաջ առ քաջ մերկացնում է պարսիկ բռնակալների՝

Անդրկովկասի ժողովուրդների նկատմամբ վարած նենգ ու բիրտ քաղաքականութիւնը, մինչդեռ Դավրիժեցու ժամանակակիցները, իր իսկ վկայութեամբ, չեն հասկացել այդ քաղաքականութեան բուն էությունն ու հետապնդած նպատակները:

Դավրիժեցին այնքան խորն է ապրել իր հայրենիքին ու ժողովրդին Արևելքի այդ բռնակալի կողմից պատճառած արհամարհները, որ նրա ամեն մի ձեռնարկումը նկարագրելուց առաջ, կարծեք թե թափանցել է շահ Աբբասի ներաշխարհը, կռահել նրա շար դիտավորութիւնները:

Անարգանքի սլունին դամելով Դավիթ և Մելքիսեթ կաթողիկոսներին, որոնք մ. աթոռը ֆինանսական ծանր վիճակից փրկելու համար որոշել էին գնալ շահ Աբբասի մոտ, պատմագիրը գրում է. «Շորհեցան խորհուրդ՝ և ոչ տերամբ ըստ գրեցելումն, ի կորուստ անձանց իրեանց, ի կործանումն և ի տապալումն աշխարհին, և ի ջնջումն ազգին իրեանց»<sup>29</sup>: Այնուհետև նշելով Մելքիսեթ կաթողիկոսի և Երկու եպիսկոպոսների հանդիպումը շահի հետ Դավրիժեցին հենց սկզբից ընթերցողին տալիս է նրա բնութագիրը ու նրա հետո գնացող նպատակադրումները:

Ասում է նշված հոգևորականները «զեկուցին նմա զխորհուրդս իրեանց: Իբրև զայն լուա շահն և ծանեալ, ցնծացաւ ի յոգի, բերկրեցաւ ի միտս, զուարթացաւ ի մարմին, ... և ըստ խորամանկ բարուց իրոց Շահաբաս սկսաւ մեծարել և պատուել զնոսա տրօք և պարզեօք երեւելօք, և օր ըստ օրէ կռչեալ զնոսա առ ինքն՝ խօսէր ընդ նոսա ըստ մտաց նոցա, և զսիրտս նոցա յինքն յանկուցանէր և զինքն նոցին հաւատարիմ և բարեկամ ձեացուցանէր, և խոստանալու մեծաց բարեաց հասուցանել զնոսա, և այնքան սնտոի և պատիւ խաբելութեամբ կեղծաւորեալ զինքն նոցին մտերիմ ցուցանէր, մինչ զամենայն խորհուրդս սրտից նոցա յինքն գողցաւ. և զամենայն որպիսութիւն աշխարհաց նոցա զել և զմուտ և զաշխարհակալ արանց իմացաւ»<sup>30</sup>:

Նկարագրելով Զուղայում շահին ցույց տված ընդունելությունը Դավրիժեցին ավելացնում է. «Եսկ վիշապն անդրեղային Շահաբաս, որ ի սկզբանէ զբարս օձի ունի բնատրեալ յինքեան ընդդէմ քրիստոնէից, իրրև տեսանէր զայնքան հարստութիւն՝ և զբարեվայելութիւն քրիստոնէից՝ մախայր, և զգայուէր ի սրտի՝ թէ զիարդ պատճառ և ժամ գտցէ նենգել զնոսա: Բայց առ ժամն ծածկեալ զթոյնսն առ երեսս սրտահանուկ լինէր»<sup>31</sup>:

27 Նույն տեղում, էջ 448:

28 Դավրիժեցի, էջ 147:

29 Նույն տեղում, էջ 14:

30 Նույն տեղում, էջ 17—18:

31 Նույն տեղում, էջ 25:

Նշելով, որ «հանճարեղն ի խորհուրդս շարեաց Շահարասը»<sup>32</sup>, Դավիթ և Մելքիսեթ կաթողիկոսներին կանչել է իր մոտ և ասել թէ նրանք պարտավոր են օսմանցիներին վճարելիք պարտքը պարսկական գանձարանին տալ, Դավրիժեցին կարծեք հեգնանքով նկատում է. «Այս կաթողիկոսքս վասն պարսուցն փախեան և ապախնեցան ի շահն, զի թերևս շահն զնոսա ազատեսցէ ի պարտատեսարցն. արդ այժմ շահն ինքն յառաջ ածեալ պահանջէ ի նոցունց զպարտքն, արդ այս է օգնութիւն շահին յոր ապախնեցան նորա»<sup>33</sup>:

Նա զայրույթով է խոսում այն աշխարհիկ ու հոգևոր մարդկանց մասին, որոնք շտանելով թուրքական դաժան լուծք, կամովին հպատակութիւն էին հայտնում շահ Աբրաս Ա-ին, լքում էին հայրենիքը, գաղթում Պարսկաստան: Նրանց նա «անմիաներ» է անվանում: Հայրենիքի լքումը, գաղթը, գաղթականութիւնը Դավրիժեցին ամենամեծ շարիքն է համարում, ինչպես Հայաստանի, այնպես և ժողովրդի համար, և այդ միտքը կարմիր թելի նման անցնում է նրա ամբողջ «Պատմութեան» միջով:

Պարսկաստան գաղթեցրած հայերի մասին Դավրիժեցին դառնացած գրում է. «Իսկ արբշիտ, և անագորոջն, և անիմաստ, ...ազգս Հայոց՝ ոչ ի սկիզբն խորհեցան, և ոչ ի վերջն հայեցան՝ թէ զի՞նչ է լինելոց վերջ գործոյս այսորիկ, այլ... գոյով՝ զնացին և առին զթագաւորական գանձն, որ էր որպէս զմահարար թոշնս օձի, և պատճառ նոցին կորստեան. և ոչ եղեն մտախոհ, թէ որպէս զփուշս օձի է գանձն այն մահացուցանող»<sup>34</sup>:

Հայրենիքին անհուն նվիրված, սակայն սիրտը մորմորված պատմագիրը ցավով բացահայտում է «աւերիչն աշխարհաց՝ և վատնիչն քրիստոնեայ ազանց՝ ...թագաւորն Շահարաս»-ի<sup>35</sup> կողմից՝ 1604 թ. բռնագաղթի դրդապատճառները: «Եւ զոր ի վաղ ժամանակաց, — գրում է Դավրիժեցին, — ունէր ի մտի զբշելն ազգին քրիստոնէից՝ և զաւերելն աշխարհին Հայոց... Քանզի գիտէր ի միտս իւր՝ թէ ո՛չ կարէ պատերազմաւ զղէմ ունիլ Սինան փաշային... վասն որոյ հրամայեաց զամենայն բնակիչս աշխարհին Հայոց... բշել յաշխարհն Պարսից: Զի եկեալ Օսմանցուցն անբնակ գտանիցեն զերկիրն ի մարդկանէ: Եւ ո՛չ գտցի կերակուր և ոռճիկ և այլ ինչ պիտոյք նոցա և անասնոց նոցա, և առ ի շքոյէ հարկաւորաց վտանգեսցին զօրքն Օսմանցուց: Նաև տարեալ ժողովուրդքն

լինիցին նմա անդերծանելի հարկատուք՝ ծառայք, և հողագործք մինչև ցլաւտեան»<sup>36</sup>:

Լսելով թուրքական բանակի առաջխաղացման մասին շահ Աբրասը նրվանդակերտում իր մոտ է կանչում հայերի մեծամեծներին «և զինքն կեղծաւորաբար ցաւակից ցուցանելով ազգին Հայոց» ասում է, թե ահա տեսնում եք թուրքական անհուն զորքը գալիս է ձեր երկիրը, մեր զորքն էլ անթիվ է, երկու կողմերից էլ կլինեն ելուզակներ ու ավազակներ, որոնք ձեզ կկողոպտեն, կգերեն, ժողովուրդը կոչնչանա «վասն որոյ ողորմեալ ձեզ հնարիմ փրկել զձեզ այսու կերպիւ», բնակչութիւնը թող իրենց զավառներից դուրս գա և մի քանի օրվա ճանապարհ գնա դեպի արևելք, այդ ժամանակ մենք կպատերազմենք թուրքերի դեմ, եթե մենք հաղթենք դուք կվերադառնաք ձեր տեղերը, եթե թուրքերը հաղթեն, մենք կթողնենք կզնանք, իսկ դուք նորից կվերադառնաք ձեր տները: Հայ ավագանին, ասում է Դավրիժեցին, «ծանեան զդաւաճանեալ նենգութիւնն, և ոչ հաճեցան ի բանս նորա»<sup>37</sup>: նրանք պատճառաբանում են, որ ժամանակը աշնանային է և իրենք նախապատրաստված չեն դրան ու խնդրում են հետաձգել տեղահանումը գարնանը: Հայերի խնդրանքը շահը մերժում է և իր զորավարներին հրամայում բռնի ուժով գաղթեցնել: Պատմագիրն այդ հրամանը «աշխարհակործան» է համարում ու դառնութեամբ նկարագրում բռնագաղթը: «Իբրև հողմնախառն հուր ընդ եղէգն ընթացեալ, հապճեպ տազնապաւ վաղվաղակի զամենայն բնակիչս գաւառացն կորղեալք յիրաքանչիր բնակութեանց, և արտասահման արարեալ յիրաքանչիր տեղեաց, իբրև զշուիրս բազմութեան հօտից և անդէոց զառաջեաւ արարեալ՝ բռնութեամբ վարեալ՝ ածեալ բերեալ հասուցին ի գաւառն Արարատու, և զլայնանիստ գաշտն նորա լցին ծագէ ի ծագ. քանզի ի ստորոս: Է լիրանցն Գառնայ մինչ ի յեղրն Երասխայ մեծի գետոյն, լայնութիւնն էր բանակին, իսկ զերկայնութիւնն... ասեմ աւուր միոյ ճանապարհ և յայլուր տեսի՝ որ հինգ աւուր ճանապարհ էին գրեալ»<sup>38</sup>:

«Եւ եղեն երեք բանակք մեծամեծք և անհունք, — շարունակում է մեր պատմագիրը այդ հրեշավոր իրողութեան պատկերավոր նկարագրութիւնը, — առաջին՝ բանակն ժողովրդեանն, երկրորդն՝ բանակն Պարսից, երրորդն՝ բանակն Օսմանցուց: Եւ այնպէս դիպեցաւ պատահումն՝ զի յորժամ չուէր բանակ ժողովրդեանն, իջեալ բանակէր ի հանդրուանս նո-

32 Նույն տեղում, էջ 27, 32:

33 Նույն տեղում, էջ 28:

34 Նույն տեղում, էջ 150:

35 Նույն տեղում, էջ 39:

36 Նույն տեղում, էջ 38:

37 Նույն տեղում, էջ 39:

38 Նույն տեղում, էջ 40:

ցա Շահարասն զօրօքն Պարսից և ի չուելն նոցա բանակէր ի նոյն տեղին Ջլալօղլին զօրօքն Օսմանցոց»<sup>39</sup>: Այսպես առաջին երկու բանակները հասնում են Զուղա գյուղը, իսկ երրորդը՝ նախճավան: Հետո շարժվում են առաջ: Պարսիկները թուրքերի ահից դրանից հետո ժողովրդին հանգիստ չէին տալիս «սաստիկ տագնապաւ նեղէին զժողովուրդն, զոմանս մահու հարուածով դանելով, և զոմանց զունչս և զականջս հատանելով, և զոմանց զգլուխն կտրեալ ի ձող ցցէին... իսկ ողորմելի ժողովրդեանն հայէին յառաջ զանհուն գետն տեսանէին իբրև զծով՝ որ խեղդէր, և յետուստ զսուրն Պարսից՝ որ սպանանէր... և առհասարակ աղիողորմ ողբս, և յորդ արտասուս յաշաց հեղեալ առնէին երկրորդ Երասխ. և ձայն լաւեաց, և հառաշանաց, ճշանաց, վալոց, կսկծանաց, մորմոքանաց ընդ միմեանս խառնեալ գոչեցուցանէին ուժգին աղաղակաւ, իսկ ողորմութիւն և փրկութիւն ոչ ուստեքէ էր... եւ անողորմ զօրացն Պարսից վարեալ զժողովուրդն լնուին ի գետն... եւ որք անհմուտք էին լողելոյ և անզօրք, ծերք և պառաւունք, տղայք և աղջկունք, և մատաղ մանկտիք լցեալք էին յերեսս ջրոյն և գետն առեալ տանէր զնոսա իբրև զխուր ի ժամանակս գարնայնոյ, և գետատար մարդով ծածկեալ էր երեսն գետոյն, և թէպէտ անցին, որք անցինն, այլ բազումք այնք էին՝ որք հեղձմամբ ջրոյն մեռան»<sup>40</sup>:

Այնուհետև նկարագրում է գետն անցնելուց հետո գաղթեցրածների կրած տառապանքները մինչև Սպահան և այլ գավառներ:

Շահ Արրասի 1604 թ. այս գաղանարարոյ բռնագաղթի ողբ-նկարագրութիւնը հայրենասեր պատմագիրը վերջացնում է ցավով ու զայրույթով բացականչելով «զի թշուառութիւնք՝ և արհաւիրք անտանելիք հասին ի վերայ ազգիս մերոյ, և ոչ բաւեմ թէ որով տարազու հիւանցից ողբս դամբանականս և աշխարանաց ի վրայ բեկման հայկական սեռիս, որք այսքան շարակրութեանց եղեն ընդունակք»<sup>41</sup>:

Միանգամայն իրավացի է Մ. Աբեղյանը, որ «Այսպիսի նկարագրեր մեր պատմութիւն մեջ քիչ կպատահենք Եղիշեի ժամանակից ի վեր»<sup>42</sup>: Հիրավի, կարծում ենք սխալված չենք լինի եթե ասենք՝ Դավրիժեցի պատմագիրն էլ ողբասաց է, և վարպետ ողբասաց:

Դավրիժեցու՝ բռնագաղթի նկարագրութիւնները ամբողջութիւնով հաստատվում են ժամանակակից ականատես մարդկանց թողած հիշա-

տակարաններով ու ժամանակագրութիւններով, ինչպես նաև եվրոպական ճանապարհորդների հուշագրութիւններով»<sup>43</sup>:

Դավրիժեցին գոհունակութեամբ գրում է, որ բռնագաղթի ժամանակ գառնեցիներն ու Գեղարդի ձորի բնակիչները ուժեղ դիմադրութիւն են ցույց տվել բռնագաղթի իրականացնող Երևանի Ամիրգունա խանին, Հավուց Բառի Մանվել և Գեղարդի Աստվածատուր եպիսկոպոսների զլխավորութեամբ: Այդ եպիսկոպոսները, երբ լսել են բռնագաղթի մասին, անհրաժեշտ պաշարաներով իրենց մերձավորների հետ ամրացել են Գեղարդա ձորի այրերում և քարանձավների ծերպերում: Սակայն ի վերջո պարսիկները մեծ ջանքեր գործադրելով կարողացել են գրավել այդ այրերն ու հաշվեհարդար տեսնել նրանցում ապաստանածների, այդ թվում և Մանվել և Աստվածատուր եպիսկոպոսների հետ:

Այնուհետև նկարագրելով այրերում պարսիկների կատարած գազանութիւնների մասին, Դավրիժեցին դառնացած բացականչում է. «Եւ զայս ամենայն լսելով և գրելով մեր, ճմլին սիրտք մեր, և գալարին աղիք որովայնի մերոյ, և աչք մեր վտակս արտասուաց թորեալ իջուցանեն, վասն եկելոյ հասելոյ թշվառութեանս ժողովրդեանս մերոյ... քանզի անմարդաբնակ արար միահաղոյն զամենալի և զյուտթի աշխարհս Հայոց: Վասն զի ի քշելն զերկիրս՝ ո՛չ թէ զմի կամ զերկու գաւառս վարեաց ի Պարսկաստուն, այլ զբազումս»<sup>44</sup>: Ապա թվարկում է այն գավառներն ու քաղաքները, որտեղից պարսիկները գաղթեցրել են բնակչութիւնը<sup>45</sup>:

Շատ ավելի սրտառուչ, բայց և զեղեցիկ է ողբում պատմագիրը բռնագաղթի հետևանքները ավերակ ու անմարդաբնակ դարձած «զվայելուչ աշխարհս Հայոց»-ի համար:

«Որ և այժմ տեսանեմք զարգաւանդ և զբերրի զհողս զարտ և զանդաստանս սորա, և զաւերակս բազմապատիկ զեղօրէիցն և զմեծանիստ աւանացն:

Նա և զաւերումն և զտապալումն և զքայքայումն զանառիկ և զամուր և զհաստահեղոյս վիմարդեամբք և կրով մածուցեալ զանմատոյց բերդօրէիցն...

...Եւ զայլ ամենայն վայելչութիւնս սորա տեսանելով հեղձամղձուկ

39 Նույն տեղում, էջ 41:

40 Նույն տեղում, էջ 42—44:

41 Նույն տեղում, էջ 44:

42 Մ. Աբեղյան, նշվ. աշխ., էջ 446:

43 Տե՛ս Ավգուստինոս Բաբեցի (կաթոլիկ հայ քահանայ), Նշխարք մատենագրութեան հայոց, Պետերբուրգ, 1884, էջ 6—7; Դ. Эзов, Сношения Петра Великого с армянским народом, СПб, 1898, с. 468—474; Հայ ժողովրդի պատմութիւն, հ. IV, էջ 98, 100, 103, 104:

44 Դավրիժեցի, էջ 52:

45 Նույն տեղում, էջ 53:



նդեալ փղծկիմք և հարեալ յարաատուս ողբամք և աշխարեմք՝ զի անապատ եղև վայելուչ և քաղցր աշխարհս մեր: Եւ ազգ և ժողովուրդ մեր խլեալք ի տեղեաց և անշատեալք ի հայրենի և բնիկ ժառանգութեանց, ... եղեն վտարանդեալք և տարամերժեալք յերկիր օտար և յազգ այլասեռ և այլալեզու, որ և թշնամիք հոգւոյ և հաւատոյ, և արեան ծարաւիք մարմընոյ:

Որք և անդէն օր աւուր առ սակաւ սակաւ նուազին, ոմանք մահուամբ և կորստեամբ, և ոմանք հաւատոյ ուրացութեամբ...»<sup>46</sup>:

Պակաս սրտառուչ չէ պատմագրի մոտ «զամենափարթամ գիւղաքաղաքն Զուլայու» բնակչութեան բռնագողթի նկարագրութիւնը: Այդ կապակցութեամբ Մ. Արեղյանը նկատում է, որ այն «որքան սրտառուչ և տխուր իր պարզութեան մեջ, կարծես ամբողջ վիշտ լինի և իրավ, արտասուքով գրված մի բանաստեղծութեան կենդանի պատկեր է»<sup>47</sup>:

Կիրառելով նույն գաղափարներն ու բռնութիւնները, ինչ մյուս գավառներում, կողոպտելով բնակչութեանը, պարսիկները ջուղայեցիներին շտապ դուրս էին հանել քաղաքի պարիսպներից և քշել:

Պատմագրին պակաս չափով չի անհանգստացրել ու հուզել Պարսկաստան և այլուր գաղթածների՝ «ղարիպականքի» ճակատագիրը և նա առիթ բաց չի թողնում ընթերցողին տեղյակ պահելու նրանց առօրյա կյանքի, սնանկացման, զանազան պատճառներով նոսրացման ու ազգային ու կրօնական հալածանքների մասին: Այդ բոլորի մասին նա գրել է իբրև ականատեսի, եղել է գաղթավայրերում, զրուցել գաղթականների հետ, «յորոց հարցեալ տեղեկացալ»<sup>48</sup>, «գոր մերով աշօք տեսաք»<sup>49</sup>, «նաև ի յիշատակարանաց գրոց՝ զորս ընթերցալ»<sup>50</sup>: Կարևոր է նշել, որ պատմագրին առաջին հերթին հետաքրքրել է ամբողջ ժողովրդի և հիմնականում ստորին խավերի վիճակը և այդ զգացվում է ամեն քաջափոխում: Սպահանում ու նրա շրջակայքում բնակեցրած հայերի մասին ասում է, թե բացի ջուղայեցիներից և երևանցիներից մյուսները «չբաւորեցան» զի զոր ինչ ունեէին վաճառեցին և կերան»<sup>51</sup>, որովհետև, պատճառաբանում է նա, Սպահանում ամեն ինչ շատ թանկ էր,

46 Նույն տեղում, էջ 53—54:

47 Մ. Արեղյան, նշվ. աշխ. էջ 448:

48 Դավրիժեցի, էջ 148:

49 Նույն տեղում, էջ 68:

50 Նույն տեղում, էջ 148:

51 Նույն տեղում, էջ 149:

ունևորները զբաղվում էին առևտրով ու արհեստներով, իսկ մնացածները հավանաբար այդ քաղաքների ստորին խավերից էին: Մայր աստիճան չքավորութեան հասածները զիմում են ամեն տեղ, օգնութիւն խնդրում, լուրը հասնում է շահին: Վերջինս իր մոտ է կանչում նրանց առաջնորդներին՝ մեկիքներին ասում է. ես ձեզ արբունի գանձարանից դրամ կտամ՝ պայմանով, որ երեք տարուց հետո դուք այդ գումարը վերադարձնեք, իսկ ով չի կարողանա ստացած գումարը վերադարձնել, նա կամ պետք է դավանափոխ լինի, կամ որդուն և դուստրին դարձնի «թագաւորական ծառայ»: Հայերը ստիպված համաձայնվում են և ստանում 400 թուման դրամ: Երեք տարուց հետո շահը պահանջում է դրամը, շատերն իհարկե ի վիճակի չէին ետ վճարելու, եղած միջոցներն էլ ստիպված էին կաշառք տալ դրամը գանձող զինվորներին, կերակրել նրանց ու նրանց ձիերին, որպեսզի մի կերպ ազատվեն տանջանքներից, ծեծից, կախաղանից ու բանտից: Նրանց բոլոր աղերսանքները շահին ապարդյուն են անցնում և «իբրև կարի ստորանկեալ խոնարհեցաւ կողմն Հայոց», գառնացած գրում է Դավրիժեցին, վերջնում են իրենց տղաներին ու աղջիկներին տանում թագավորի մոտ ու ասում. քանի որ դրամ չունենք տալու, վերցրու սրանց դրամի փոխարեն, ինչպես նախօրոք պայման էիր դրել: «Ընդ ուստերաց և դստերաց՝ զորս հարք նոցա ածեալ էին՝ և առ զուր աղետի նոցա եկեալ էին և ամենայն ազգականք նոցին, մարք, և եղբարք և այլք, որք միազումար կային և բարձրակական ողբովք և արտասուք լային որ զտեսողացն ամենեցուն զսիրտ և զաղիս մորմորմամբ ճմլեցուցանէին»<sup>52</sup>: Պատմագիրն ասում է, շահը հրաժարվել է վերցնել որդիներին և ավելացնում է, թե ոմանք ասում են որ չվեցնելու պատճառը հայերի ողբն ու հառաչանքն է եղել, ոմանք էլ՝ թէ չի վերցրել, որպեսզի բոլորին ստիպի մահմեդական դառնալ: Դավրիժեցին նշում է, որ վերջին պատճառաբանութիւնն իրեն ավելի հավանական է թվում, հաշվի առնելով երկու հանգամանք: Նախ շահը վերապահութիւն վրա զայրացել է, որ նա հայերին բերել է իր մոտ և ասել է «զի՛նչ օգուտ է մեզ յածելն քո զտղայսն, զի կամիմ ես դամենեսեան դարձուցանել ի տաճկութիւն»<sup>53</sup>:

Այստեղից էլ խորաթափանց պատմագիրը սկսում է բացահայտել շահ Արբասի հեռու գնացող նենգ քաղաքականութիւնը հայերի նկատմամբ, ինչպես ասում են՝ բացել նրա խաղաթղթերը:

Ըստ Դավրիժեցու, շահ Արբասը «ղարիպականքի» ստորին խավերի

52 Նույն տեղում, էջ 152—153:

53 Նույն տեղում, էջ 153:

նկատմամբ անզիջող ու դաժան է եղել, ամեն վայրագություն գործադրել է նրանց տնտեսական սնանկության հասցնելու և ստիպելու դավանափոխ լինել, մինչդեռ հայ առևտրավաշխատուական կապիտալի ներկայացուցիչների, հիմնականում ջուղայեցիների նկատմամբ, որոնց բնակեցրել էր Սպահանում, ելնելով իր պետության շահերից, բարյացակամ է եղել, ավելին, արտոնություններ է շնորհել նրանց<sup>54</sup>:

Այնուհետև բացատրում է, թե ինչու Սպահանում բնակութուն հաստատածները չհեռացան, այլ շարունակեցին բնակվել այնտեղ:

Ըստ Դավրիժեցու, շահ Աբբասը մտադրված է եղել Սպահանում նոր էջմիածին կառուցել և մայր աթոռը տեղափոխել այնտեղ: Եվ իբր դրա պատճառն այն է եղել, որ գաղթեցրած ժողովուրդը «յոյժ բաղձային գնալ յաշխարհն Հայոց»<sup>55</sup>: «...Լուաք յոմանց,— գրում է պատմագիրը,— թէ զայն ևս ասացեալ են, թէ կամի շահն որ հաստատուն մնան ազգն Հայոց յաշխարհիս Պարսից. պարտ է նմա բերել զաջն սրբոյն Գրիգորի Լուսաւորչին յԱսպահան, և անդ շինել նոր էջմիածին...»: Եվ ավելացնում է «Արդ օծն դարանակալ և խորամանկ թշնամին կենաց, և հոգւոց, և հաւատոց քրիստոնէից, որ յար հանապաղ ի տարակուսի կայր վասն ազգին Հայոց... հաստատուն և անփոփոխելի եզ ի մտի իւրում՝ քակել զսուրբ էջմիածինն և խափանել որ անդ զկաթուղիկոսութիւնն և բերել զաջն Լուսաւորչին, և զքարինսն էջմիածնի յԱսպահան, և անդ շինել նոր էջմիածին. զի անդ նստցի կաթուղիկոսն, և անտի սփռեցի մեռոն ընդ ամեայն աշխարհ. որպէս զի այնու մնացեն ազգն Հայոց ի Պարսկաստուն, այլ և շահք և մուսք ամենայն աշխարհաց ժողովեցի ի քաղաք և յազգ իւր»<sup>56</sup>:

Այնուհետև ասում է, սակայն արշավանքը դեպի Վրաստան խափանել է նրա այդ մտադրության իրականացումը<sup>57</sup>:

Արդ, ինչով բացատրել, որ շահ Աբբասը «զարիպականքի» վերնախավի նկատմամբ ոչ միայն հանդուրժողական, այլև շահագնաց բարյացակամ է վերաբերվել և օժտել արտոնություններով: Թերևս պատմագիրն իր հետագա շարադրանքում, ընթերցողին ավելի համոզելու և իր ասելիքը ավելի ցցուն դարձնելու համար, շահագնացութունների մեջ է ընկել, այնուամենայնիվ այդ հարցի սպառիչ պատասխանը հենց ինքն է

54 նույն տեղում:

55 նույն տեղում, էջ 198:

56 նույն տեղում, էջ 199—200:

57 նույն տեղում, էջ 201:

տալիս ու բացատրում նման վերաբերմունքի հետապնդած բուն նպատակները:

Բնական է, որ շահ Աբբասի այդ վերաբերմունքը մոլեռանդ պարսիկների հոգևորականության ու մեծամեծների շրջաններում, զայրույթ պետք է առաջացներ, և Դավրիժեցին հաստատում է այդ: Նա գրում է, թե նրանք դիմել են շահին, ասել «ընդ էր այնքան թույլ տաս քրիստոնէից (խոսքն արտոնյալ խավի մասին է— Վ. Բ.) համարձակիլ, և կամ ընդ էր ոչ դարձուցանես ի մոլար օրինացն այն, ի ճշմարիտ օրէնս Մահմետի»<sup>58</sup>:

Շահն իր մեծամեծների հարցերին հետևյալ պատասխանն է տվել. «Դուք ընդ սուղ ինչ սնտոի սէրն իմ, զոր առնեմ ընդ նոսա, մի վշտանայք՝ և մեղադրէք ինձ, զի ես բազում ծախիւք, ջանիւք և հնարիւք հաղիւթէ կարացի բերել զնոսա յայս աշխարհ. ո՛չ թէ վասն օգտի նոցա՝ այլ վասն օգտի մեր՝ զի աշխարհս մեր շինեսցի՝ և ազգն մեր յաւելցի: Եւ այժմ եթէ զմարդիկս ազգին քրիստոնէից որք յաշխարհէն իւրեանց եկեալ են՝ և այժմ կան, եթէ զամենեսեան զնոսա մասն մասն կոտորեալ յօդ յօդ բաժանէք, ո՛չ որ ի նոցանէ դառնայ յօրէնս մեր: Նա և այլքն խրտուցեալ սկսանին մի մի թաքնաբար փախչիլ՝ և դառնալ յաշխարհն իւրեանց. և վաստակն մեր լինի ընդունայն: Եւ վասն այնորիկ առնեմ ես զայս սէրս ընդ նոսա, զի այսու կապեալ մնայցեն յաշխարհս մեր, և նոցին հին մարդիկքն, որք յաշխարհին Հայոց ծնեալք են և եկեալ աստ նոքա ամենեքեան մեռանին, և ի նոցանէ ծնեալքն՝ որք յայս աշխարհս ծնանին, նոքա ամենեքեան առանց մեր կոշիւոյ և աշխատելոյ ինքեանք ինքեանց յօժարութեամբ գան յօրէնս մեր: Արդ՝ եթէ դուք ևս կամիք զօգուտն ազգին մերոյ՝ դուք ևս արարէք որպէս և ես առնեմ: Եւ ապա նոքա հաճեալ ի բանս շահին, և զովելով զիմաստութիւն նորա գնացեալք են ի բաց»<sup>59</sup>:

Պատմագիր Դավրիժեցին ցավով գրում է, որ իր ապրած օրերում իրականություն էր դարձել շահ Աբբասի ծրագիրը: Եվ ոչ միայն իրականություն էր դարձել, այլև ազգակործան շարիք: Այնտեղ ծնվածներից շատերը դավանափոխ էին եղել ու պարսիկների օգնութեամբ ստոր ու նենգ միջոցներով հալածում էին հայոց դավանանքում հաստատուն մնացողներին, կողոպտում ու հափշտակում նրանց ունեցվածքը, անելանելի վիճակ ստեղծում նրանց համար: Պատմագիրն ասում է, նրանց վիճակը շատ ավելի անտանելի դարձավ շահ Աբբասին հաջորդած շահ Սեֆիից հետո գահակալած շահ Աբբաս Բ-ի ժամանակ: Պարսիկներն ու հայ

58 նույն տեղում, էջ 66:

59 նույն տեղում:

ուրացողները ավելի սանձարձակ էին դարձել և ավելի բիրտ միջոցներ էին գործադրում քրիստոնյաների նկատմամբ<sup>60</sup>, և նրանք ի վիճակի չէին վերագառնալ հայրենիք քանի որ պարսիկները չէին թուլլատրում<sup>61</sup>:

Պատմագիրը հավասար շափով ողբում է նաև Վրաստանից գաղթածների վիճակը: «Բայց գնացեալ ժողովուրդքս... զոր ինչ ունէին վաճառեալ կերին. և ի պատճառէ շքաւորութեան բողոք բարձին ազգն Վրաց առ շահն... Եւ շահն պատասխանի արար նոցա, թէ ուրացէք զձեր հաւատըն... և ես տամ ձեզ յոլով ինչս, որով ապրիք՝ և ուտէք: Եւ նոքա, — ցավով գրում է Դավրիժեցին, — հարկեալք ի կարեաց սովուն՝ արարին զհրամանս շահին, և եղևն Մահմետականք և շահն ոչ ետ նոցա զինչս յոլովս բոս իւրում խոստմանն՝ այլ ստեաց, քանզի խաբեաց զնոսա»<sup>62</sup>: Այնուհետև նշում է, որ 1658 թ. երբ գրել է իր «Պատմութիւնը», բոլոր բռնագաղթված վրացիները դավանափոխ են եղած եղել և ճանապարհին պատահելիս իրենց բարեւ չեն ընդունել, մեղք էին համարել քրիստոնյաներին բարեկը<sup>63</sup>:

Ժողովրդի տառապանքներով մորմոքված Դավրիժեցին, որ խոր գիտակցել էր շահի՝ հայ առևտրական դասի և հոգևոր վերնախավի նկատմամբ վարած քաղաքականության բուն էությունը, թերևս մխիթարվել է այն բանով, որ նոր Զուլան դիտել է իբրև հայապահպանման օրրան և շահ Աբբասի հաջորդներին, կարծեք, հասկացնել է տվել, թե նա ոչ թե քրիստոնեասիրության, — այլ իր երկրի շահերից ելնելով է նման վերաբերմունք ցուցաբերել երկիրը շենացնողներին, հայ առևտրականների նկատմամբ և դուք էլ հետևեցեք նրան: Պատահական չէր, որ մեծ գաղթի ժամանակ 5 հարյուր տուն բնակեցրել էին Շիրազի նահանգում. «Քանզի Ալահվէրտի խանն, — գրում է պատմագիրը, — որ էր տէր Շիրազում՝ խնդրեաց ի Շահաբասէն շնորհել նմա մասն ինչ յազգէն Հայոց վասն բարեմտութեան և հաւատարմութեան ազգին Հայոց, զի լիցին նմա ի ժողովուրդ»<sup>64</sup>:

Մի պահ թվում է, թե պատմագիրը շահ Աբբասի բնութագրման մեջ հակասության մեջ է ընկել, սակայն դա միայն թվում է, դրանում համոզվում ենք Դավրիժեցուց ստորև բերվող ընդհանրացումից: «Արդ՝ որք զովնն զայս շահս, — գրում նա, — թէ քրիստոնէասէր և աշխարհաշէն

60 Նույն տեղում, էջ 69:

61 Նույն տեղում, էջ 67:

62 Նույն տեղում, էջ 133:

63 Նույն տեղում, էջ 134:

64 Նույն տեղում, էջ 46:

և խաղաղարար թագաւոր էր, այս է նորա քրիստոնէասիրութիւնն, որ զամենայն աշխարհն քրիստոնէից զՀայոց և զՎրաց աւերեաց, և զամենեսեան սպառեաց սրով և սովու և գերութեամբ, և զմնացեալսն վարեալ տարաւ ի Ֆահրապատ և յԱսպահան, որ նոքա ևս օր աւուր անդէն սպասին պէս պէս կերպիւ: Եւ ով որք որ զովել կամի զնա, թող յառաջ հայեցեալ նկատեսցն զարարեալ գործս նորա, զոր արար ընդ քրիստոնէից՝ և ապա զովեսցէ զնա»<sup>65</sup>:

Դավրիժեցին շահ Աբբաս Ա-ին համարում է «աւերողն Հայաստան աշխարհին և կործանողն Հայոց ազգին»<sup>66</sup>:

Ահա թե ինչպես է նա ներկայացնում պարսկա-թուրքական հակամարտությունների թատերաբեմ դարձած Հայաստանի վիճակը իր ապրած օրերում. «...զբանդումն տանց և այգեստանաց, և զկոխումն արտորէից՝ և զհանումն համբարաց՝ ցորենոյ և զայլ սերմանեաց, և աւարումն, և յափշտակումն ընչից և ստացուածոց, զուտերաց և զղստերաց, և սպանումն անպարտ անձանց, զորս ի յայտնի և զորս ի գաղտնի, և զայլ ամենայն շարիսն զոր ամին ի վերայ աշխարհի, մեզ ոչ գոյ կար թուելոյ, այլ այնմ, որ թուէ զբազմութիւն աստեղաց, և ստեղծ զայնքան անձինս որք մատնեցան անողորմ և մարդազէմ գազանացն այնոցիկ»<sup>67</sup>:

\* \* \*

Մանրամասն նկարագրելով շալախների պատճառած ավերածությունների, կողոպուտի, կոտորածի, գերեվարման մասին, պատմագիրը գրում է. «Եւ ոչ միայն այս Ջալալիքս այսպէս առնէին. գոյին և այլք Ջալալիք՝ ոմանք յոլովք՝ և ոմանք սակաւք, որ ի տեղիս տեղիս զկայ առեալ և որչացեալք էին՝ զայսպիսի գործս գործէին»: Այնուհետև դառնացած նշում է թե «Այլ և ի քրիստոնէից ազգէ՝ արք ոմանք, որք ոչ ունէին զերկիւղն Աստուծոյ յինքեանս. իբրև տեսանէին թէ այլազգիքն որպէս առնեն. ինքեանք ևս սկսան այսպէս առնել. վասն զի աշօք տեսին և սրտիւ յօժարեցան, եթէ յայտնի յափշտակութեամբ՝ և թէ զաղտնի գողութեամբ այնպէս առնէին. քանզի երկիրն անտէր և ամայի էր յաշխարհակալ բռնաւորաց. և ամենայն ոք զախորժակս կամաց իւրոց կատարէր»<sup>68</sup>:

Դավրիժեցին ընդհանրապես խիստ բացասական է տրամադրված

65 Նույն տեղում, էջ 134:

66 Նույն տեղում, էջ 447—448:

67 Նույն տեղում, էջ 78—79:

68 Նույն տեղում, էջ 85:

ջալալիներին նկատմամբ, նա չի ըմբռնել այդ շարժումների բնույթն ու էությունը, դրանք «աշխարհաւերք և աշխարհակործանք» է համարում: Ասում է, թե «ուր և լսէին զհամբաւ շինութեանն, դիմեալ անդր հասանէին, տարեալ կոչուպտէին և զշինուածսն հրդեհեալ այրէին»:

Ի մերձակայից Կոստանդնուպոլսի՝ մինչև ցերեան քաղաք. ի Բաղդատայ մինչև ցՊամուրղափուն, զսպիտակ ծովու մէջն և զսեաւ ծովու մէջն. այս եզերքս՝ զորս ծրագրեցի. զսոցա մէջն զայսքան աշխարհս յաւեր և յապականութիւն դարձուցին:

Եւ յայսմ պատճառէ հողագործք և երկրագործք՝ որք յիրաքանչիւր տեղիս գոյին, յերկիրդէ և յահէ փախուցեալք ի բերդս և ի դղեակս, և ի փապարս լեռանց ամրանային. և ոչ կարէին առնել զերկրագործութիւն, վասն որոյ սերմանել և հնձել և կալ և կուտ բարձաւ ամենեին և սկսաւ լինիլ սղութիւն հացի և ամենայն ուտելի իրաց և ոչ գտանիւր, և թէ ուրեք ուրեք ևս գտանիւր, և այն ևս ծանր գնոյ»<sup>69</sup>: Այնուհետև ցավով ավելացնում է, «Եւ յայսմ ժամանակի եղեն ցիր և ցան ազգն Հայոց և զհացին իւրաքանչիւր ոք հանդէպ երեսաց իւրոց գտանել տեղի կելոյ և ապրելոյ»<sup>70</sup>:

Ապա պատմագիրը նույնպիսի ցավով նկարագրում է 1606—1610 թթ. սաստիկ սովը, պատճառած ավերածութիւնները, մարդակերութեան տարածվելը<sup>71</sup>:

Դավրիժեցիին զայրույթով է գրում շահ Աբբասի՝ Կախեթի և Քարթլիի թագավորների նկատմամբ գործադրած հենց ու ստոր միջոցառումների մասին<sup>72</sup>: Կարևոր ու հետաքրքիր տեղեկութիւններ է հաղորդում վրաց Քամրազ և Լավասափ (ճիշտը՝ Լուարսար), թագավորների՝ պարսից զորքին ցույց տված դիմադրութեան<sup>73</sup>, ինչպես նաև Գեորգի Սահակաձե թագավորի՝ թուրքերի դեմ ապստամբելու ու նրա հաղթանակների մասին ու իր համակրանքը դրսևորում նրանց նկատմամբ<sup>74</sup>:

Ինչպես ջալալիների, այնպես և սովի մասին Դավրիժեցու նկարագրութիւնները հաստատվում են ժամանակակից, ականատես ու ականջալուր գրավոր հայերեն ու պարսկերեն աղբյուրներով և հատկապէս

Գրիգոր Դարանաղցու կողմից<sup>75</sup>: Սակայն Դավրիժեցիին նրանց համեմատ ավելի լայն ու բազմակողմանի է ծավալում մեր առջև ժողովրդի ահռելի թշվառութիւնը<sup>76</sup>:

Պատմագրին շատ է ուրախացրել 1639 թ. թուրք-իրանական երեսնամյա հաշտութեան պայմանագիրը:

Դավրիժեցի պատմագիրն իր ապրած ժամանակաշրջանի մղձավանջային պայմաններում, հայրենիքին ու ժողովրդին վրա հասած աղետները ողբալու հետ, տեսել է և լուսավոր ծալքեր ու հիացմունքով ու հպարտութեամբ գրել նրանց մասին:

Այդ լուսավոր ծալքերը, հայ հոգևոր կյանքի, մշակութի զարթոնքի սկիզբն էին աղղարարում և մեր պատմագիրը չէր սխալվել, որ մեծ հույսեր էր կապել դրանց հետ և մորմոքված սիրտը մխիթարել ու ժամանակակիցներին հուսադրել:

Սաղմոսավանքի Սարգիս եպիսկոպոսի կապակցութեամբ, որը որոշել էր «հետևել լուսաշաւիղ երկնաշու ճանապարհին առաքինական վարուց», Դավրիժեցիին ցավով գրում է. «Բայց ոչ գոյր ի ժամանակին յայնմիկ անապատ և կամ գիտող կարգաց կրօնաւորական վարուց, վասն բազում հինից թշնամեաց եկելոց ի վերայ և վրդովմանց՝ և աւերանաց աշխարհիս Հայոց, ամենեին բնաջինջ եղեալ էր և բարձեալ նշոյլ և նըշմտրան առաքինի գործոց՝ և բարի կարգաց յաշխարհէս Հայոց»<sup>77</sup>:

<sup>75</sup> Ժամանակագրութիւն Գրիգոր վարդապետի կամ Դարանաղցու, Երուսաղեմ, 1915, էջ 13—14, 24—26 և այլն:

<sup>76</sup> Առաքել Առաքելյանը միանգամայն սխալ և հակապատմական ընդհանրացում է անում: Գրում է, թե, «ջալալիների մասին պատմելուց առաջ Դավրիժեցիին նշում է, թե Շահ-աբասը հայտնի ավարտութիւնից հետո բաշվում է իր որջը, իսկ Ջղալօղլին մեռնում է: Այդ ժամանակ Արարատյան գաւտին չէր տիրում դրանցից և ոչ մեկը, նրանք միարան չէին (հայտնի է) որ այդպիսի վիճակ չի ստեղծվել, Արարատյան դաշտը ոտնատակ էին տալիս մերթ պարսկական մերթ թորսական հրոսակները, չի հասկացվում թի նրանք ինչու չէին միարան—Լ. Բ.): Այդ անտեր վիճակից հայերը չեն օգտվում, չեն կազմակերպում իշխանութիւն և երկրի զեկավարութիւնն իրենց ձեռքը չեն առնում: Եւսեց միտքը կարճուցեց էր, քաղաքական անկախութեան ձգտումը մեռել: Հայի գիտակցութիւնն այն աստիճան բանձրացել էր ստրկահոգութեան և ուրիշին հպատկվելու մտայնի մեջ, որ եւ օրինաւոր երեւոյթ էր համարում օտարին ծառայելը և օտարի լծի տակ կիվելը: Քիչ չեն պատմական բարեպատեհ պայմանները, երբ հայութիւնը կարող էր հանգես գալ որպէս մի կոմպակտ շանգված, քաղաքական մի զորեղ միացյալ ուժ և անկախութեան դրոշ բարձրացնելով ստեղծել ինքնուրույն պետական կյանք (Ա. Առաքելյան—Նշվ. աշխ., էջ 533):

Մեկնաբանութիւններն այստեղ ավելորդ են, ասենք միայն, որ նման ընդհանրացումը մի ժողովրդի մասին, որ օտար նվաճողների դեմ հերոսական մաքառման 1000-ամյա հաջողատ պատմութիւն ունի, հակապատմական է:

<sup>77</sup> Դավրիժեցի, էջ 250—251:

<sup>69</sup> Նույն տեղում, էջ 87:

<sup>70</sup> Նույն տեղում, էջ 88:

<sup>71</sup> Նույն տեղում, էջ 87—92:

<sup>72</sup> Նույն տեղում, էջ 98—105:

<sup>73</sup> Նույն տեղում, էջ 115—132:

<sup>74</sup> Նույն տեղում, էջ 617—619:

Այնուհետև նույնպիսի ցավով, ինչպես ասվել է առաջարկում, նա նկատում է, թե «անպիտացեալ էր զիրքն յաշս մարդկան, և իբրև զկոճեղս փայտից անկեալ յանկեան ուրեք՝ լցեալ հողով և մոխրով»<sup>78</sup>:

Սարգիս եպիսկոպոսը, որին հետևել է և տրապիզոնցի Կիրակոս քահանան (տէր), գնում են Երուսաղեմ: Այնտեղ մտերմանում են. «յեսու աւուրց ինչ,— գրում է պատմագիրը,— առ միմեանս կելոյ, գտին զիրեարս միով դիտաւորութեամբ և միով յօժարութեամբ և կրիւք ախտացեալս. և միակամ և միաբան և միախորհուրդ եղեալ յայնմ օրէ և առ յապա կենցաղավարի ի միասին»<sup>79</sup>: Նրանք փնտրում են անապատ տեղ, իմանում են, որ Սյունիքում հին ժամանակներից կան այդպիսի տեղեր, Երուսաղեմից գալիս են Տաթև, բնտրում են հարմար տեղ և շինում մեծ անապատ, կառուցում են եկեղեցի, մենակյացների խցեր: Շուտով նրանց բարի համբավը տարածվում է և նրանց շուրջն են համախմբվում «անուանի արք», աշխարհականներ և հոգևորականներ՝ վարդապետներ, եպիսկոպոսներ, քահանաներ: Նշված Սարգիսը և Կիրակոսը, այսպիսով, Հայաստանում հիմք են դնում անապատական շարժմանը: Անվանի վարդապետներն ու եպիսկոպոսները միառժամանակ մեծ անապատում մնալուց հետո գնացել են Հայաստանի զանազան գավառները և տեղերում շինել անապատներ ու իրենց շուրջը համախմբել ուսումնասեր մարդկանց: Ներսես Մոկացին գնացել էր Լիմ կղզին, Քումա եպիսկոպոսը՝ Շամախի, Կարապետ եպիսկոպոսը՝ Սևան և այլն:

«Սորբա երկոքին արքս,— գոհունակութեամբ նկատում է Գավրիժեցին,— եղեն սկիզբն անապատիս, և անապատս եղև մայր և ծնող ամենայն անապատաց, և առիթ լուսաւորութեան աղգիս Հայոց»<sup>80</sup>:

Մեծ անապատից էր և Մովսես Խոտանանցի, կամ Սյունեցի կաթողիկոսը, որը և զլիաւորել է ժամանակի առաջադեմ հոգևորականութեան պայքարը հետամնաց, տգետ հոգևորականութեան դեմ:

Այնուհետև գրում է, թե Սարգիսն ու Կիրակոսը և նրանց շուրջը հավաքվածները «սկսան յընթերցմանէ և յուսուցանելոյ գրոց վերստին նորոգել և յարգարել գամենայն կարգս բարիս անապատաց և վանօրէից և ժամատեղաց»<sup>81</sup>: Ապա մանրամասն տալիս է նրանց կողմից սահմա-

78 Նույն տեղում, էջ 255:

79 Նույն տեղում, էջ 252: Թե այդ գործում ինչ դեր է կատարել Գրիգոր Գարանաղցին, ասվել է՝ նրա մասին շարադրանքում:

80 Նույն տեղում, էջ 254:

81 Նույն տեղում, էջ 255—256:

նած անապատականների ներքին կանոնները, կյանքը, նիստ ու կացը, օրվա սեփմը, ուտելիքը, հագուստը և այլն:

Հրճվանքով ասում է՝ «. հոգին «բանայր առաջի մաքուր մտաց նոցա (Սարգիս և Կիրակոսի— Վ. Բ.) զգրունս գիտութեան, և խելամուտ անէր զնոսա շաղաց գրոց, որովք լուսաւորեցան ինքեանք, և լուսաւորեցին զմերձակայս և նոքօք՝ զաղգս Հայոց»<sup>82</sup>:

«Եթե Մեխլուն և իր հետնորդները կամենում էին վերջ տալ գյուղացիների կեղերումներին՝ վանականներին ոչնչացնելու ճանապարհով,— գրում է Աշ. Հովհաննիսյանը,— նրա հակառակորդների շարքերից դուրս եկան եռանդուն քարոզիչներ, որոնք ձգտում էին վեջ տալ պորտապարար վանականութեանը՝ մտավոր աշխատանքով զբաղվելու և անապատական կենցաղ կազմակերպելու միջոցով»<sup>83</sup>:

Չի կարելի, սակայն համաձայնվել Աշ. Հովհաննիսյանի այն կարծիքի հետ, որ իբր «Անապատական շարժումը շփման որոշ կետեր ունէր Մեխլու աղանդապետի զլիաւորած շարժման հետ: Անապատականները ևս մերժում էին վանականների մասնավոր սեփականութունը, սակայն ի տարբերութուն Մեխլուի, նրանք ոչ թե գյուղական համայնքների այլ վանքերի «հասարակաց սեփականութուն» էին հռչակում վանականների մասնավոր գույքը:

...Եթե Մեխլուի շարժումը հանգում էր վանականութեան ժխտմանը, ապա անապատական շարժման գաղափարախոսները ձգտում էին բարենորոգման ենթարկել վանական կարգերը, վերականգնել հայ եկեղեցու հեղինակութունը և ընդլայնել նրա գործունեության ոլորտը»<sup>84</sup>:

Գրանք միանգամայն ստորեր նպատակներ էին՝ թելադրված դաստիարակչին պատկանելիութեան շահերից և դրանց մեջ «շփման որոշ կետեր» տեսնելը սխալ է իհարկե:

Ժողովրդի անգրագիտութեան ահռելի դժբախտութեանը խոր գիտակցել է մեր պատմագիրը և նրա դեմ ուղղված պայքարի ամենափոքր փորձը, միջոցառումը ուրախացրել է նրան:

Նա քաջ գիտակցել է, ևեոյի թևավոր խոսքերով ասած, որ շահ Աբբաս Ա կարող էր բնաջինջ անել հայ ազգաբնակչությունը, բայց սպանել մի ազգի պատմական բնազդը, սպանել նրա մեջ այն դարավոր եռանդը, որ պատմութունն ստեղծել է տալիս հայրենի հողի վրա,— այդ արդեն

82 Նույն տեղում, էջ 255:

83 Տճ՝ս Հայ ժողովրդի պատմութուն, հ. IV, էջ 118:

84 Նույն տեղում:

դուրս էր գալիս նույնիսկ պարսից մեծ բռնակալի կարողությունից<sup>85</sup>։ Այդ գաղափարը Դավրիժեցին կարմիր թելի նման անց է կացրել իր «Պատմության» մեջ ու ժամանակակիցներին ու հետագա սերունդներին հասկացնել տվել, որ հայերի մեջ պատմական բնազդն ու դարավոր եռանդը մեռած չէ, որ իր ապրած օրերում արդեն հանդես են եկել մարդիկ, ճիշտ է դես անհատներ, որոնք իրենց կյանքը նվիրել են այդ բնազդին ու եռանդին նոր շունչ ու ոգի տալուն։ Մտավոր վերածնությունը, որ սկսվել էր Հայաստանում XVII դարի սկզբներին, շատ է ոգևորել մեր պատմագրին և նա հրքճվանքով նկարագրում է Սյունյաց, Բաղեշի և Սպահանի դպրոցների, Սարգիս, Կիրակոս, Մովսես, Պողոս, Բարսեղ, Ներսես, Մելիքսեթ, Խաչատուր, Ստեփանոս, Սիմեոն վարդապետների ծավալած կրթական ու գիտական քրտնաջան, բեղուն ու հայրենանվեր գործունեությունը<sup>86</sup>։ Առանձին հիացմունքով է մեր պատմագիրը գրում հատկապես վերջին չորս վարդապետների կողմից արտաքին գիտության վերակենդանացման ու ուսուցման մասին։ Մելիքսեթ գիտնական վարդապետի մասին գրում է. «Նւ լինէր յորժամ Մելիքսեթ վարդապետն կանխեր ի դաս և ի քարոզ, իբրև զյորձանս ուղիսից և հեղեղաց ընթանայր բանն ի բերանոյ նորա, յորոյ իմաստութիւնն ամենեքեան ապուշ եղեալ՝ հիանային և բաղձային»<sup>87</sup>։

Պատմագիրը Մովսես վարդապետի, հետագայում կաթողիկոսի բերանով կոչ է անում հայ մտավորականությանը անապատական շարժումը սկսել բուն Հայաստանում։ Մովսեսը Սարգիս և Կիրակոս վարդապետներին ասում է «յաշխարհին յայնմիկ (Սյունյաց— Լ. Բ.) կարի առաւել պատշաճ է շինել զանապատ. զի բուն Հայաստան է»<sup>88</sup>։

\* \* \*

Պատմագիրը հիացմունքով է խոսում նաև առաջադեմ հոգևորականության խուլ և բացահայտ պայքարի դրսևորումների մասին՝ հետագեմ, տգետ հոգևորականության դեմ։ Նա անզուսպ ատելությամբ է խոսում վերջիններիս մասին, բացահայտում ու անարգանքի սյունին գամում նրանց՝ արատավոր բարքերի ու վարքագծի, կաշառակերության ու ազահուստի համար, հայրենի դավանանքի դողմաններն ու ավանդական սովորությունները ոտնահարելու, օտար բռնակալներին քծնելու ու շողոքորթելու համար։ Հակառակ դրան, մեծ գովեստով ու բերկրալի հրճվանքով

է գրում հայոց դավանանքի անաղարտության վերականգնման, հայոց եկեղեցու վերանորոգչության, տղիտության ու խավարի վերացման համար պայքարի ելածների մասին։ Դավրիժեցու «Պատմության» կարևոր արժանիքներից մեկն էլ այն է, որ նա որոշակի պատկերացում է տալիս Հայաստանում վերանորոգչության սկզբում հոգևոր վերնախափի շրջաններում ծավալված այն պայքարի մասին, որ տեղի էր ունեցել հին սերունդի՝ ի դեմս Դավիթ, Մելիքսեթ, Սահակ կաթողիկոսների և նրանց համախոհների, որոնք հետապնդելով իրենց նեղ անձնական շահերը մայր աթոռը հեղինակազրկել էին, ֆինանսական անասելի ծանր վիճակի հասցրել, և նոր սերունդի՝ ի դեմս Մովսես և Փիլիպպոս կաթողիկոսների, Պողոս վարդապետի, որոնք համառ պայքարում հաղթանակ էին տարել հին սերունդի նկատմամբ և լայն գործունեություն ծավալել ու կաթողիկոսարանը դուրս բերել ճգնաժամային վիճակից։ Մեր պատմագիրն էլ պատկանում էր այդ նոր սերունդին ու նրա ջատագովին էր։ Սխալված չենք լինի եթե ասենք, որ նա հայ վարժուքի պատմագիրն է՝ իր ամբողջ էությունով։

Նկարագրելով մեծ անապատի սան Կարապետ վարդապետի աշակերտ Պողոս վարդապետի առաքինություններն ու Գողթան գավառում նրա ծավալած գործունեությունը, Դավրիժեցին ընդգծում է, որ մինչ նրա այդտեղ գալը «ի խոր խաւարի անգիտութեան նստեալ կային, որպէս թէ ի ժամանակս կռապաշտութեան,— գալուց հետո,— ...բացաւ զուրն հաւաստոյ աշխարհիս արեւելեան, քարոզութեամբ և ամբիժ և անկեղծ վարդապետութեամբ սորա, զի առաքելաբար շրջէր յամենայն տեղիս, քարոզէր զԲանն կենաց, կարգէր զքահանայս, շինէր ղեկեղեցիս. և հաստատէր զբարի կարգս յեկեղեցիս և ի գիւղս, ժողովէր մանկունսն յուսումն սրբոց դրոց, և ի տեղիս տեղիս հաստատէր զպրատունս, և յիրոց աշակերտաց կացուցանէր զպրապետս...»<sup>89</sup>։

Պատմագիրը դառնությամբ նշում է, որ պավոսի հոգևորականությունը ըմբոստանում է Պողոսի դեմ, և երբ վերջինս հիասթափված հեռանում է Աստապատ գյուղաքաղաքից, «ժողովուրդքն իբրև զգացին ըզգրնալն վարդապետին, յայնժամ ղիմեալ ի վերայ արեղայիցն, հարկանելով քարիւ և փայտիւ արտաքս վարեցին ի գեղջէն, և վաղվաղակի ընթացեալ զկնի վարդապետին՝ բազում աղաշանօք դարձուցեալ զնա ածին ի գիւղ անդր. և սկսան շինել ղեկեղեցին...»<sup>90</sup>։

85 Լեւո, Հայոց պատմություն, հ. 9, Երևան, 1946, էջ 272։

86 Դավրիժեցի, էջ 390—409։

87 Նույն տեղում, էջ 398։

88 Նույն տեղում, էջ 286։

89 Նույն տեղում, էջ 269։

90 Նույն տեղում, էջ 271։

Ժողովրդի պաշտպանությունն ու աշակցությունը վայելող Պողոս վարդապետին, դառնացած ասում է պատմագիրը, հետապնդում ու հալածանքների են ենթարկում ոչ միայն տեղի հոգևորականությունը, այլև Մելքիսեթ կաթողիկոսը: Նա «բազում անգամ առաքեաց առ վարդապետն բանս սպառնականս և յանդիմանութեան. թէ ելցես յերկրէս մերմէ, և զնասցես յերկիր քո՝ ուստի եկեալ ես, զի ոչ է պիտոյ մեզ խաբերայ և նորահանուկ քարոզութիւն քո, և ոչ կեղծաւոր վարքն քո, ապա թէ ոչ, առակ նշաւակի, և այսպէս կատականաց լինիցիս ի ձեռս իմ»<sup>91</sup>:

Պողոսի հայրենանվեր գործունեությունը հետագեմ հոգևորականությունն ու նրանց պարագլուխ կաթողիկոսը «խաբերայ և նորահանուկ քարոզութիւն» են համարել: Վերջինս անգամ սպառնացել է թե Պողոսին կմատնի «ի ձեռս աշխարհակալ իշխանաց»<sup>92</sup>: Դավրիժեցին ասում է, թե Պողոսին ոչ որ շէր կարողանում օգնել, «վասն զի ամենեքեան երկնշէին ի կաթողիկոսէն, զի թագաւորական իշխանութեամբ վարէր զկաթողիկոսութիւնն»<sup>93</sup>:

Այնուհետև գրում է, թե Պողոսը հարցրել է իր աշակերտներից. «զի՞նչ բարութիւնի ձեզ, արիանալ ընդդէմ փորձութեանս, և դիմակայիլ խոտվութեանս այսմիկ և քարոզել զԲանն կենաց, թէ՞ տեղի տալ և հեռանալ ի շփոթէ սոցա»: Աշակերտները նրան պատասխանում են, «զուինքնին տեսանես զխաւար անգիտութեան, թէ որպէս սփռեալ է ի վերայ ժողովրդեանս, և զայն ևս թէ, որպէս երաց Տէր զդուռն քարոզութեան. քանզի զոր ինչ և քարոզես՝ վաղվազակի արդիւնանայ: Արդ՝ մի գուցէ վհատիցիս, ... պարտ է քեզ արիանալ և համբերել փորձութեան վասն օգտի ժողովրդեանն և քարոզել զԲանն կենաց»<sup>94</sup>:

Պատմագրի ապրած օրերում «զԲանն կենաց»-ը լուսավորություն էր, հոգևոր կյանքի վերածնունդը, վերանորոգչությունը, և պատմագիրը Պողոսի աշակերտների բերանով կոչ է արել Պողոսին և նրա նմաններին շվհատվել, այլ շարունակել դիմակայել թշնամիներին՝ հետագեմներին, տգետներին ու համառորեն առաջ տանել սկսած գործը:

Պողոսը շարունակել է իր գործունեությունը բավական լարված ու թշնամական մթնոլորտում: Դավրիժեցին, սակայն, ցավով գրում է, թե տղիտությունն ի վերջո հաղթանակել է: «Բայց ներհակքն կարի յաւէտ և քաղմահնար պարաւանդիւք խորամանկութեան և զրպարտութեան, մեքե-

նայիւք ճմլեալ կորացուցին զնա ասելով. դու մի ևս յաւելցիս ի շրջել առ ժողովուրդս և քարոզել, այլ տուր մեզ ձեռագիր վկայութեամբ մահմանականաց, թէ այսուհետև քարոզես՝ լինիցիս թշնամի թագաւորին, և մահու և սպանման պարտական»<sup>95</sup>:

Պատմագիրը դառնացած գրում է, որ Պողոսը ստիպված կատարել է նրանց պահանջը և քաղվել Մեծ Անապատը, ուր և իր մահկանացուն է կնքել:

Պակաս վիշտ չի կրել և Մովսես Սյունեցին: Պատմագիրն ասում է, թե երբ նա եկել է Տաթև, սկզբում սիրալիք ընդունելություն է գտել տեղի եպիսկոպոսներից ու արեղաններից, սակայն շուտով «յետոյ յետս շոգան ի նմանէ, քանզի ոչ ընկալան զքարոզութիւն նորա»<sup>96</sup>: Մովսեսը տեսնելով այդ, հեռացել է Տաթևից, գնացել Մեծ Անապատը: Դավրիժեցին ընդգրծում է, թե «Իսկ զքարոզութիւն Մովսէս վարդապետին ամենայն ժողովուրդք խնդութեամբ ընդունէին և յոժարութեամբ կատարեին, և ուրախութեամբ փառաւորէին... Բայց եպիսկոպոսք գաւառաց, և արեղայք վանօրէից ոչ հաճէին ի քարոզութիւնն Մովսէսի»<sup>97</sup>:

Պողոս վարդապետին ասպարեզից հեռացնելուց հետո, «միայն գրտեալ զՄովսէս վարդապետն, սկսան սաստիկ մրցանօք մարառիլ ընդ նմա»<sup>98</sup>: Այնքան են նեղել նրան, որ նա ստիպված իր փիլիսոսն ու գավազանը ուղարկել է Մելքիսեթին, հրաժարվել վարդապետությունից, սակայն կաթողիկոսի խորհրդատուները չեն թողել կաթողիկոսին ընդունելու նրա հրաժարականը: Պատմագիրն ասում է, թե «Թէպէտ ետ հրաման քարոզութեան Մելքիսէթն Մովսէսի, այլ ի նենգելոյ ոչ դադարեաց, զի հանապազ հարստահարէր, դատափետեալ պարտաւոր առնէր, և զըրպարտէր, ինքն և համախոհքն իւր անխնայաբար նեղութիւնս ի վերայ նորա ածէին»<sup>99</sup>:

Մովսեսը որոշում է գնալ էրզրում, սակայն Ամիրզունայ խանը<sup>100</sup> թույլ չի տալիս, պահում է Երեանում: Դավրիժեցին հպարտութեամբ ասում է, թե շուտով Մովսէսի համբավը «հաւակեցաւ ընդ ծագս աշխարհի, ի Հոռոմաստան, ... ի Վրաստան, ի Պարսկաստան. զի յամենայն աշխարհաց վաճառականք դային անդր և տեսանէին, և զհամբան տա-

95 Նույն տեղում, էջ 282—283:

96 Նույն տեղում, էջ 287:

97 Նույն տեղում, էջ 288:

98 Նույն տեղում, էջ 293:

99 Նույն տեղում, էջ 293:

100 Նույն տեղում, էջ 294:

91 Նույն տեղում, էջ 271—272:

92 Նույն տեղում, էջ 272:

93 Նույն տեղում:

94 Նույն տեղում, էջ 272—273:

նէին»<sup>101</sup>: Եվ անմիջապես ավելացնում է. «Ջայս ամենայն յաջողութիւնս, զառաջադիմութիւնս Մովսէս վարդապետին տեսանելով Մելքիսէֆ կաթողիկոսին զլարէր և հեղձամղձուկ լինէր ի սրտի, բայց ոչ կարէր զլարինչ տունել Մովսէսի վասն երկիւղի խանին, զի նա յոյժ սիրէր զվարդապետսն»<sup>102</sup>: Այնուհետև նշում է, որ «մաքրակենցաղ և սրբասուննդ, երկայնամիտ և ողորմած»<sup>103</sup> Մովսեսը կաթողիկոս եղած ժամանակը շատ գերիներ է ազատել փրկագնով ու մեծ բավականությամբ ավելացնում է. «Եւ եկաց սա ի բարձրագահ Աթոռն ի սուրբ էջմիածին՝ ուղիղ վարդապետութեամբ նորոգեաց զաւերակսն նորոգ շինութեամբ, և պայծառացոյց միաբանօք և վարդապետօք, և յարմար և հաստատուն ժամանակարդութեամբ, և փարթամացոյց եկեղեցական անօթով և մարմնական ստացուածով»<sup>104</sup>:

Դավրիժեցին գովաբանում է նաև Մովսեսի աշակետ ու նրան հաջորդած Փիլիպպոս կաթողիկոսին, որն ավելի մեծ թափով ու մասշտաբներով շարունակել է Մովսեսի սկսած վերանորոգչական գործունեությունը. նկարագրում է Փիլիպպոսի գործադրած ջանքերը Կոստանդնուպոլսի պատրիարքարանի պարտքերը մարելու ուղղությամբ, ծավալած շինարարական աշխատանքները էջմիածնում և այլուր, կրթական գործը ամուր հիմքերի վրա դնելու համար նրա ձեռնարկած միջոցառումները և այլն: Այնուհետև հանգամանորեն բնութագրում է Փիլիպպոսին: «Այլ և էր,— գրում է պատմագիրը,— այր կարի խորհրդական և հանճարեղ աշխարհաշէն և արդիւնարար. և ի գիրս աստուածային՝ սրամիտ և նրբաքննին, և ի խրատս և ի քարոզս համեղարան և արդիւնաւոր... Վասն որոյ յոյժ հոշակեալ համբաւեցաւ անուն նորա յամենայն աշխարհ, ոչ միայն ի մէջ Հայոց, այլ և մահմետականաց և Վրաց. և ամենեքեան սիրէին և պատուէին զնա... յոյժ երկնչէին ի ոմանէ, ոչ թէ ուամիկք, այլ և աշխարհակալք՝ իշխանք և զօրազուխք. քանզի զբազումս տեսին ի թրշնամեաց նորա, որք կործանեալ բարձան ի միջոյ, և ի սիրելեաց նորա՝ որք զօրացեալ յառաջադէմ եղեն»<sup>105</sup>:

Դավրիժեցուն ուրախացրել են ոչ միայն Մեծ Անապատի՝ սաների ու հոգևոր գործիչների ծավալած գործունեությունը, այլև իր ապրած օրերում նշանավոր նկարիչ-վարդապետներ Մինասի և Հակոբջանի գոր-

ծերը: «Այլ և պարտ վարկանիմ մեզ ականատես եղելոցս,— գրում է պատմագիրը նրանց մասին,— ոչ գանց առնել և այլովք ևս շնորհալից արամբք. թէպէտ և են աշխարհականք,... որք են պարծանք և օգուտ մերում ազգի»<sup>106</sup>: Այնուհետև մեծ գոհունակությամբ նկարագրում է Մինասի՝ Սպահանի հայ խոջանների տներում և շահ Սեֆիի արքունիքում կատարած գործերի մասին<sup>107</sup>:

Պատմագրի համար լուսավոր ծախքեր են հանդիսացել և Սիմեոն վարդապետի գրած տրամաբանության գիրքը «իբր ներածութիւն արտաքին գրոց»<sup>108</sup>, վերջինիս և լվովցի Ստեփանոս վարդապետի՝ անտիկ պատմագիրների և փիլիսոփաների գրքերի թարգմանությունները և այլն.

\* \* \*

Ինչպես հայտնի է, սկսած Մ. Խորենացուց ու Ղազար Փարպեցուց, հետագայում նաև մեր մի քանի այլ պատմագիրներ, դառնությամբ ողբացել են հայ հասարակախավերի և առանձնապես հոգևորականության շրջաններում արմատացած արատավոր բարքերը: Առաքել Դավրիժեցի պատմագիրն էլ անհուն ատելությամբ է գրել այդ մասին «...իւրաքանչիւր սևազուլս ունէր իւր զինչս առանձին, այգի և բուրաստան, փէթակ և տուն, և մարան, և համբարանոցս, և զմուտս ստացուածոց. նաև զմուտս հասարակաց վանիցն մասունս արարեալ՝ յինքեանս բաժանէին: Եւ զայն ամենայն ինքեանց, և ազգայնոց և իւրեանց հաճելեաց արանց ծախէին ի պէտս կարեաց: Եւ զնուիրեալ տեղիսն Աստուծոյ... լցեալ էին զայնոսիկ կանամբք և տանտիկնօք, և իւրեանց ազգայնօք»<sup>109</sup>: Ապա ընդգծում է. «Սոյնպէս և զեղական երիցունք՝ անուամբ միայն քահանայք. այլ ոմանք առեալ զիշխանութիւն մէլիքութեան, և ոմանք տանուտէրութեան՝ և ոմանք պոռնիկք և երկկանայք, ոմանք յարեցեալք յիշխանս այլազգեաց. արրանեակք շարեաց գործոց նոցա՝ և մատնիչք քրիստոնէից, ոմանք ի մարմնաւոր արուեստս և ի հողագործութիւնս պատաղեալ իբրև զաշխարհականս. և բնաւին թողեալ զժամ և զպատարագ»<sup>110</sup>: Այնուհետև, սրտի անհուն կսկիծով պատմագիրն ավելացնում է. «Եւ ոչ միայն գեղական երիցունք և արեղայք ըստ ասացելումս անուղղայ կարգօք լեալ թափառականք,

101 Նույն տեղում, էջ 295:

102 Նույն տեղում:

103 Նույն տեղում, էջ 312:

104 Նույն տեղում:

105 Նույն տեղում, էջ 325:

106 Նույն տեղում, էջ 409:

107 Նույն տեղում, էջ 410—413:

108 Նույն տեղում, էջ 406:

109 Նույն տեղում, էջ 288:

110 Նույն տեղում, էջ 289:



այլև կաթուղիկոսքն՝ զի ոչ թէ մի էր, այլ երեք և չորս կաթուղիկոսք, վասն զի յաղագս փառամուրթեան, և ազահուրթեան իբրև զմաքսաւորս դարաւայլի և հարկի ի Պարսից թագաւորէն առնուին զիշխանութիւն կաթուղիկոսութեան՝ և զսուրբ Աթոռն էջմիածին. և ի շրջագայութեան իւրեանց ի մէջ ժողովրդեանն, թագաւորական ծառայ և այլազգի զօրականս շրջեցուցանէին ընդ ինքեանս, և զիրաւունս և զհասս՝ որք ի ժողովրդեանն էն ճշդի և բռնութեամբ ուժգին առնուին...<sup>111</sup>;

Իր հավատքին ջերմորեն նվիրված մեր վարդապետն այդ գրելուց հետո զառնացած բացականչում է, թե եթե եկեղեցականներն են այդպէս, «զի՞նչ և սասցից զաշխարհականաց»<sup>112</sup>: Այդ բոլորի հետեանքով «Եկեղեցիք և վանօրայք, ամենեքեան անշուք և անպատիւք, բնաւին կողոպտեալք ի զարդուց և ի սպասուց... Բազմաժամանակեայ փակեալ դրամքք, խաւար և անլոյս, լռեալ ի պաշտամանց և ի պատարագաց. աւերեալ և խախտեալ շինուածք նոցա, տանիք և որմունք, իբրև զանտէր և այրի զրկեալ ի փեսայէն և օտարացեալ յորդուց՝ նստեալ թախծեալ ոգւով և անմխիթար լայր ընդ երեսս մարդոյ»<sup>113</sup>:

Վաղարշապատի եկեղեցիների մասին գրում է. «էին աւերեալ խախտեալ և խարխալեալ և անշքացեալ, իբրև զսաղաւար յայգուց մրգապահաց և իբրև զհոլմանի ի մէջ սեխենեաց... Եւ յէջմիածին կային միայն միաբանք սակաւք, և այնք ևս յոյժ տգէտք և զոեհիկք: Իսկ Գայիանեայ և Հոփսիմեայ ամենեին անբնակ և անպարիսպ»<sup>114</sup>:

Պատմագրին առանձնապես հուզել ու զայրացրել է էջմիածնի մայր աթոռի՝ XVII դարի առաջին տասնամյակների ողբալի վիճակը և նրան այդ վիճակին հասցնողներին՝ Դավիթ, Մելքիսեթ և Սահակ կաթողիկոսների գոփողական, կաշառակերական, փառամուրական գործունեությունը: Այստեղ է, որ նա շի խորշել անգամ անզուսպ ատելությունը գրելու նշված կաթողիկոսների և պարսից պաշտոնյանների խարդախ ու նենգ դործարքների ու մեքենայությունների մասին, որոնք ոչ պակաս շարիքներ ու ավերածություններ էին պատճառում երկրին և ժողովրդին:

Ասում է՝ Դավիթ կաթողիկոսը ստանձնելով զահը, միառժամանակ անցնելուց հետո, կաթողիկոս է ձեռնադրել Աղջոց վանքից ոմն Մելքիսեթի: Ժամանակակիցներից ոմանք այդ պատճառաբանել են նրանով, որ այլազգիների հարկապահանջությունը այդ ժամանակ խիստ ծանրա-

ցել էր, մայր աթոռն էլ էր հարկազրկել: Բայց Դավիթը իվիճակի չէր պահանջված հարկազումարը վճարել, ստիպված փախստական կյանք էր վարում հալածանքներից խուսափելու համար և, իբր, ձանձրանալով այդ վիճակից՝ որոշում է ընկերակից կաթողիկոս ձեռնադրել, որպեսզի իրար օգնեն, կարողանան դուրս գալ ծանր վիճակից: Ուրիշներն էլ այդ բացատրել են Մելքիսեթի փառամուրթյամբ, վերջինս կաթողիկոս դառնալու համար բոլորին առաս պարզներով սիրաշահել էր և տեղի իշխանին կաշառք տվել: Սա էլ հարկադրել էր Դավիթին, Մելքիսեթին կաթողիկոս ձեռնադրել: Պատմագիրն իր կարծիքը՝ թե այդ պատճառաբանություններից որն է իրականության համապատասխանում, չի ասում, բավարարվում է միայն գրելով. «Արդ թէ այսպէս և թէ այնպէս՝ եղեն երկու կաթուղիկոսք միոյ աթոռի ի միում ժամանակի»<sup>115</sup>:

Միաժամանակ առաջին պատճառաբանության կապակցությամբ ասում է, որ Մելքիսեթը փոխանակ օգնական դառնալու՝ «Եղև խոշնդակն և հակառակ նմա, որպէս և զկնի պատմութիւնքն ցուցանեն»<sup>116</sup>: Սակայն նրա կողմից՝ Մելքիսեթի գործունեության մասին բերված պատմությունները հենց կասկած չեն թողնում երկրորդ պատճառաբանության հավանականության վերաբերյալ:

Առաքել Դավրիժեցին դառնացած գրում է «Թէպէտ երկու կաթողիկոսք... զի թերևս թեթևացուցեն զպարտսն, և ևս առաւել բազմացուցին, զի մինչև ցարդ մի էր կաթողիկոսն, և մի էր մսխող, այլ այժմ եղեն երկու կաթողիկոսք և երկու մսխողք: Արդ եթէ ի ծախելուն նոցա և թէ ի հարկապահանջութենէ ժամանակին, և թէ յայլ ինչ պատճառէ, սակայն բազմացաւ բարդեցաւ, զիղացաւ պարտքն ձեռամբ նոցա ի վերայ սրբոյ աթոռոյն էջմիածնի»<sup>117</sup>:

Պատմագիրը նշում է, որ նրանք պարտատերերից և թագավորական ու իշխանական հարկահաններից թաքնվում էին, փախուստի դիմում, որովհետև որինչ շունչին, որ կարողանային վճարել, մի տեղում երկուերեք օր չէին կարողանում մնալ, մի գլուղից մյուսը գնում էին զիշերները, որ ոչ ոք չտեսնի նրանց: «Յոյժ ողորմելիք էին կեանք նոցա... որպէս և պատմեն տեսողքն»<sup>118</sup> հավաստում է Դավրիժեցին:

Այնուհետև ասում է՝ կաթողիկոսները երկար մտածելուց հետո փրկություն ելքը գտնում են. նամակ են գրում Տիգրանակետի առաջնորդ

111 Նույն տեղում, էջ 289:

112 Նույն տեղում, էջ 290:

113 Նույն տեղում:

114 Նույն տեղում, էջ 180:

115 Նույն տեղում, էջ 7:

116 Նույն տեղում, էջ 6:

117 Նույն տեղում էջ 8:

118 Նույն տեղում, էջ 9:

Սրապիոն վարդապետին, որ մեծ դիրքի և կարողութեան տեր էր, հրավիրում են էջմիածին՝ պայմանով, որ նա վճարի բոլոր պարտքերը և դառնա կաթողիկոս, իսկ իրենք իրենց կամքով կհրաժարվեն: Պատմագիրը գրում է, թե Սրապիոնը ոչ թե փառքի, այլ աթոռի փրկութեան համար համաձայնվում է, գալիս էջմիածին և օծվում կաթողիկոս ու սկսում է բարենորոգչական գործունեություն: Շուտով, սակայն, Դավիթն ու Մելքիսեթը ըմբոստանում են Սրապիոնի դեմ, հեռանում են էջմիածնից և մտածում են ինչպես անեն, որ կաթողիկոսությունը իրենց ձեռքից բաց չթողնեն, և ելքն, ինչպես վերը ասվեց, գտնում են, գնում և իրենց հպատակությունն են հայտնում շահ Աբբասին:

Երևանը գրավելուց հետո Սրապիոն կաթողիկոսը ներկայանում է շահ Աբբասին, սակայն վերջինս նրան չի ընդունում, քանի որ ցանկանում էր Մելքիսեթին կարգել կաթողիկոս:

Դավրիժեցին այնուհետև հաղորդում է, որ Սրապիոնին Զուղայում պարսիկները բռնել են, տանջանքների ենթարկել, նա ունեցած շունեցածը տվել է, սակայն նրանք չեն բավարարվել, ստիպված նա մեծ գումար է փոխ վերցրել, տվել է և հագիվ աղատվել ու գնացել է Տիգրանակերտ:

Դավիթն ու Մելքիսեթը այսպիսով շարունակել են մնալ կաթողիկոս, սակայն Դավիթն արդեն Մելքիսեթի կողմից հետին պլանն էր մղվել վերջինս միանձնյա էր հանդես գալիս, էր «հետևող նախագահ իշխանություն»<sup>119</sup>: Պատահական չէ, որ պատմագիրը գրում է. «Ի ժամանակ առաջնորդութեան Մելքիսեթ կաթողիկոսին»<sup>120</sup>: Եվ միաժամանակ մի քանի անգամ ընդգծում է. «որ ղեշխանություն կաթողիկոսութեան դարաւառ առեալ էր ի Պարսից թագաւորէն»<sup>121</sup>: Այս Մելքիսեթը մեծ սուրդունի ժամանակ կես ճանապարհից ետ է դարձել էջմիածին և վարել կաթողիկոսությունը: «Բայց,— դառնացած նշում է պատմագիրը,— ինքն Մելքիսեթ կաթողիկոսն ոչինչ բնաւ փոյթ ունէր վասն շինութեան, և պայծառութեան, և ժամակարգութեան, և հաստատութեան էջմիածնի, այլ իւր տեղի բնակութեան կալեալ յԵրևան քաղաքի... և ի վերայ իւր ժողովեալ զազգականս և զմերձաւորս իւր և նոքօք յօրահայր լոյծ և ընդարձակ կենօք, մտիքն և արդեամբքն սրբոյ Աթոռոյն էջմիածնի»<sup>122</sup>: Նա միաժամանակ հայտնում է, որ էջմիածնում եղել են մի քանի եպիսկոպոսներ և արեղաներ, որոնք զայրացել են կաթողիկոսի նման վարքա-

գծի համար, և հանդիմանել նրան, սակայն վերջինս արհամարհել է նրանց, նրանք ստիպված դիմել են Ամիրզունա խանին, որի կողմից հովանավորվում էր Մելքիսեթը<sup>123</sup>:

Խանը սկզբում տուգանել է կաթողիկոսին, հետո զղջացել և նրան սիրաշահելու համար տուգանել է բողոքող եպիսկոպոսներին: Նրանցից կարապետ եպիսկոպոսը հուսալքված, հեռացել է էջմիածնից, իսկ Մարտիրոս եպիսկոպոսին Մելքիսեթը խանի միջոցով արտաքսել է էջմիածնից<sup>124</sup>:

Պատմագրին անշափ վրդովեցրել է Մելքիսեթի պատճառով մայր աթոռը շահի կողմից տարեկան 100 թումանի հարկադրման՝ մուղադայի հանգամանքը: «Ի նորին պատճառէ անկաւ մուղադայն ի վերայ սրբոյ Աթոռոյն էջմիածնի,— դառնացած գրում է նա,— և մնաց Աթոռն ի ներքոյ դարալի: Եւ այս եղև բեռն ծանր, և լուծ տաժանելի, և անուր անխզելի ի վերայ սրբոյ Աթոռոյն էջմիածնի ի զուր և ի տարապարտուց, և ամենայն աղին Հայկայ սուգ անմխիթար և տրտմութիւն անփարատելի եկեղեցականաց և աշխարհականաց»<sup>125</sup>:

Նկատենք, որ պատմագիրը մայր աթոռի վիճակի, Դավիթ և Մելքիսեթ կաթողիկոսների մրցակցության, հետագայում Սահակ կաթողիկոսի գործելակերպի նկարագրություններում օբյեկտիվորեն ցույց է տվել, թե ինչպիսի նենգ ու բիրտ մեքենայություններով էին պարսիկ ու թուրք կառավարող շրջանները հայ եկեղեցին ու հոգևորականության վերնախավին, ծառայեցնում իրենց շահերին, նրանց մեծամեծ եկամուտների աղբյուր դարձնում: Դրան հասնելու համար էր, որ նրանք ոչ միայն ընդառաջում էին, այլև շատ անգամ իրենք էին հրահրում այն ամենը, ինչը խորացնում էր եկեղեցու տնտեսական քայքայվածությունը և ուժեղացնում նրա տնտեսական կախումը իրենցից: Դրա համար էր, որ նրանք հովանավորում էին հայ եկեղեցու անմիաբանությունը, նրա խախուտ վիճակը խորացնող մարդկանց, հանդուրժում՝ երկու երեք կաթողիկոսների միաժամանակյա առաջնորդությունը:

Դավրիժեցին Դավիթի և Մելքիսեթի կոնկրետ օրինակով ասվել է, թե ինչպես շահ Աբբասը նրանց միջև մրցակցությունը նենգաբար ծառայեցրել է անվանապէս ապահարկ մայր աթոռը «օրինականացված» ճանապարհով հարկատու դարձնելու համար: Պատմագիրը նշում է, որ շահը հակված է եղել դեպի Դավիթ կաթողիկոսը, որովհետև նա սուրգունի

119 Նույն տեղում, էջ 7, 204—205:

120 Նույն տեղում, էջ 178:

121 Նույն տեղում, էջ 271:

122 Նույն տեղում, էջ 202:

123 Նույն տեղում, էջ 209:

124 Նույն տեղում, էջ 203—204:

125 Նույն տեղում, էջ 221—222:

հետ գնացել էր Սպահան և հլու հպատակվել էր իրեն, մինչդեռ Մելքիսեթը ոչ միայն Սպահան չէր գնացել, այլև շահի կողմից գահընկեց արվելուց հետո էլ շարունակել էր կաթողիկոսությունը, կաշառքով սրբերի ոսկորներ է վաճառել: Այդ բոլորը շահին հայտնի դառնալուց հետո, որոնց մասին նրան հայտնել էր Մելքիսեթի դեմ բողոքի գնացած Դավիթը, նրան ձերբակալել են, տանջանքների ենթարկել, երեք հարյուր թուման տուգանել: Սակայն հալածանքներից ազատվելու և կաթողիկոսությունում վերստին հաստատվելու համար նա շահին խոստանում է տալ «ամ յամ է ի դիւան թագաւորին յիրաքանչիւր տարի հարիւր թուման ոռճիկս ծառայից թագաւորին: Իսկ թագաւորին տեսանելով օգուտս յուրվս իւրոյն կողման, վասն որոյ... Ետ նմա զիշխանութիւն կաթուղիկոսութեան՝ հանդերձ թագաւորական նոմոսի գրեալ և կնքեալ»<sup>126</sup> և արքունական զիվանի մատյանում էլ գրում է թե «Մելքիսեթ կաթուղիկոսն խնդրեաց զէջմիածնի կաթուղիկոսութիւնն, և խոստացաւ ի տարին հարիւր թուման մուղադայ տալ ի դիւան թագաւորին, վասն որոյ և մեք շնորհեցաք նմա զիշխանութիւն կաթուղիկոսութեան, զի նա վարեցէ»<sup>127</sup>:

Պատմագիրը ընդգծում է, որ որոշողը դրամն էր, կաշառքը և ոչ արդարությունը: Դավիթը, որ մեծ ակնկալություններ ուներ շահի միջոցով վրեժ լուծելու Մելքիսեթից, իր նպատակին չի հասնում և փաստորեն արջի ծառայություն է մատուցում՝ առիթ տալով շահին հայ եկեղեցին հարկատու դարձնելու:

Նրա մասին Դավրիժեցիին գրում է. «և Դաւիթ կաթուղիկոսն կայր ի բացեալ՝ մախալով նհանջեալ ի ներհակութենէ, և իրր զգազան կապեալ ի գառագեղի, սպասէր և ըղձայր զիպող ժամու»<sup>128</sup>:

Այնուհետև դառնորեն նկարագրում է Մելքիսեթ կաթողիկոսի՝ ժողովրդին պատճառած շարիքները: Մեկ տարի լրանալուց հետո շահը «մուղադայն» գանձելու համար Մելքիսեթի մոտ է ուղարկել իր ծառաներից շորս բեկ իրենց սպասավորներով ու զինվորներով «Եւ այս եղև վտանգ և աղէտ դառնագին,— զայրույթով գրում է պատմագիրը,— և անուր անխղելի ի վերայ կաթուղիկոսարանին, զի բռն ի վերայ բռնին բարձեալ եղև», որովհետև Մելքիսեթը 100 թուման շունքն որ վճարեր և եկածները մնացել էին էջմիածնում, նրանց բոլոր ծախսերն ու պահանջները պիտի հոգար կաթողիկոսը: Պահանջված գումարը հավաքելու համար Մելքիսեթը շրջել է գավառները, նրա հետ են եղել և շահի ուղար-

կած մարդիկ, որոնք ծանր բեռ են դարձել ժողովրդի համար իրենց շոռայ ու անդուսպ կյանքով: Մելքիսեթը պարսիկ զինվորների միջոցով ապօրինի գումարներ էր հափշտակում, կողոպում հողերականներին և աշխարհականներին՝ ենթարկելով նրանց անասելի տանջանքների:

«Այլ և այլու պատճառով, գրում է Դավրիժեցիին,— մտին բազում անկարգութիւնք և օրինազանցութիւնք յազգս Հայոց, կաշառք անարժանից ձեռնադրութիւն տալ՝ եթէ եպիսկոպոսաց, եթէ քահանայից, և կաշառք զսեփհական լիճակն այսմ վանացս կտրել և այլում վանաց շնորհել և չհասի, և մեղօքի, կնաթողութեան, և երկակնութեան համարձակ հրաման տալ ամուսնութեան: Զայսուսիկ և որ սոցին նման բազում անկարգութիւնս գործէին կաթուղիկոսն և եպիսկոպոսունքն իւր»<sup>129</sup>: Ժողովրդից վայրագ միջոցներով հափշտակած գումարներն իրենց վրա էին ծախսում և «մուղադայն» Մելքիսեթը չէր կարողանում վճարել ու այն անընդհատ կուտակվում էր, հասնելով 800 թումանի: Բացի այդ, նա մեծ գումարներ էր փոխ վերցնում բարձր տեղանքերով, որ կարողանար բավարարել իր հետ գտնվող պարսիկների անհագորդ պահանջները:

Դավրիժեցիին ասում է. ի վերջո Մելքիսեթը որոշում է հրաժարվել կաթողիկոսությունից, այն հանձնել մեկ ուրիշին, որ նա վճարի «մուղադայն»: Կաթողիկոս է ձեռնադրում իր եղբորորդուն՝ Սահակին, նրա իսկ խնդրանքով, որին ինքն էր եպիսկոպոսություն տվել: Սահակը մեկնում է Սպահան շահի համաձայնությունը ստանալու, իսկ Մելքիսեթը որոշ ժամանակ մնում է էջմիածնում, հետո գաղտնի փախուստի է դիմում. «Այսպէս թաղնաբար գաղտագողի զնացութեամբ զերծաւ Մելքիսեթ կաթուղիկոսն ի մասն բաժնի աշխարհի Օսմանցոց»<sup>130</sup>, գրում է Դավրիժեցիին: Այնուհետև նշում է, որ նրան Կոստանդնուպոլսում շեն բնդունում, այնտեղից նա գնում է Լվով, ուր մինչև իր կյանքի վախճանը (1626 թ.) նորից ծավալում խարդախ գործունեություն:

Լեոյի խոսքերով ասած՝ «եկեղեցու այս ոճրագործ պետի»<sup>131</sup> Մելքիսեթ կաթողիկոսի վարքագծի խիստ բացասական բնութագրումը պատմագրի կողմից՝ հաստատվում է նաև այլ աղբյուրներով<sup>132</sup>:

Պատմագրին քիչ չափով չի հուզել նաև հայ գաղթօջախների ճա-

129 Նույն տեղում, էջ 223:

130 Նույն տեղում, էջ 228:

131 Առ, նշվ. աշխ., էջ 281:

132 Տե՛ս Դարեանացի, նշվ. աշխ., էջ 52: և Վանի Թեմի հոգևորականների՝ Մելքիսեթին ուղարկած հրահանգը, որ նկարագրված են նրա արարքները, տե՛ս Գ. Վ. Սրահան-ձրտեան, Թորոս Աղբար, հ. Բ., Պոլիս, 1884, էջ 280—293:

126 Նույն տեղում, էջ 220:

127 Նույն տեղում, էջ 221:

128 Նույն տեղում, էջ 220:

կատագիրը և առանձնապես կվոլինը, որը զոհ էր դարձել Հոռմի պապի և ճիզվիտների խարդախ մեքենայություններին և համառորեն պայքարի էր ելել նրանց դեմ: Դավրիժեցին քիչ էջեր չի նվիրել այդ իրադարձությունների նկարագրությանը և իր վերաբերմունքը դրսևորել զրանց նկատմամբ: Այդ մասին առավել հանգամանորեն քիչ հետո:

\* \* \*

Դավրիժեցին ատելություններ է խոսում նաև թուրքական արքունիքի ու պաշտոնեության մասին, անաչառ մերկացնում է նրանց կատարած մեքենայությունները հայ եկեղեցու ու հոգևորականության նկատմամբ:

Խոսելով Կոստանդնուպոլսի պատրիարքարանի վճարելիք 40 հազար ղուրուշ պարտքի մասին, նա բացահայտում է այդ պարտքի առաջացման պատճառները. «Եւ պատճառ պարտուցս էին,— գրում է Դավրիժեցին,— նախ սոսկ միայն կոշմամբ և եթ պատրիարքք անուանեալ առաջնորդքն, որ նստին թագաւորական իշխանութեամբ, և արծաթոյ ընտրութեամբ սպրդեալ ի ներքս մտանեն՝ յանձանց, և ի սուտակասպասից ընծայեալք, և ոչ յԱստուծոյ: Եւ երկրորդ՝ խաղմասէրքն և խոտվարարքն ի ժողովրդականաց, որք վասն փառասիրութեան, և վասն նախանձու, և վասն մարմընատըր շահուց ակնկալութեան, գումարաակ լինէին, ոմանք ի վերայ այսմ առաջնորդի, և ոմանք այնմ առաջնորդի, և սուտակասպաս արքանեակք, և զօրավիգք լինէին նոցա. և ապա գնացեալ առ դավթարդար, և առ վէղիր և առ Թագաւորն, տային կաշառս յոլովս նոցա, և վանէին զախոյնանն, և առնուին զիշխանութիւն սոսկ անուն պատրիարգութեան և առաջնորդութեան: Եւ այլ ևս բազմապատիկ կաշառս ի գրունս իշխանացն ցրուէին աստ և անդ, և այսպէս տոնելով բազմացաւ բարդեցաւ, և զիզացաւ պարտքն և եհաս մինչ ի ԽՌ (40 հազար) ղուրուշն»<sup>133</sup>: Այնուհետև պատմագիրը սրտի անհուն կսկիծով նկարագրում է մայր աթոռի և Մովսես կաթողիկոսի դեմ՝ Սահակ կաթողիկոսի ծավալած պառակտիչ ու նենգ գործունեությունը Արևմտյան Հայաստանում, որի նրպատակն էր այնտեղ ինքնուրույն կաթողիկոսություն ստեղծել, անջատվել էջմիածնից, դրանով իսկ տնտեսական հարված հասցնել ֆինանսական խիստ հզոր ժամի մեջ գտնվող էջմիածնին: Նրան գործակցել ու հովանավորել են Սսի կաթողիկոսի եղբորորդին՝ Պողոս վարդապետը, Կոստանդնուպոլսի առաջնորդ Զաքարիա վարդապետը և ուրիշները:

Զնայած էջմիածնին հավատարիմ հոգևորականներն ու աշխարհականները խիստ հանդիմանել են, խնդրել, խոստացել նյութապես ապահովել նրա կյանքը, սակայն Սահակը անդրդվելի է մնացել և իր հովանավորյալների միջոցով արքունի մեծ վեզիրին գրել է. «Խնդրեմք զի շնորհեսցես մեզ զիշխանութիւն կաթողիկոսութեան ազգին Հայոց... մեք յաւելումք ի գանձարանն արքունի ամ յամէ իւրաքանչիւր տարուչ ժն ղուրուշ... տամք»<sup>134</sup>: Պատմագիրն ասում է. մեծ վեզիրը «ընթերցաւ և մտօքն հաւանեցաւ»<sup>135</sup>: էջմիածնականները, որոնց թվում և մի քանի հարուստ ու անվանի խոջաներ, նույնպես դիմել են մեծ վեզիրին, թե «մի մատնեսցէս զաղբատ և զտառապեալ ժողովուրդս ի ձեռս զոցա, զի դոքա վասն փառամոլութեան և ազահութեան իւրեանց մասնեն զողորմելի սխալն ի ներքոյ ծանր հարկի, որ է ժողովրդեանն մեծ սխալմ (տուգանք) և գործողացն մեղք»: Դավրիժեցին գրում է, թե այդ կարգալուց հետո նա բերողներին ասել է. «անխելք Հայեր, զի ա՛րդ ոչ տամ նոցա զկաթողիկոսութիւն, զի նոքա ի տարուշն զժն ղուրուշ յաւելուն ի գանձարան թագաւորին»<sup>136</sup>: Պատմագիրը ցավով նշում է, թե այդ լսելով էջմիածնական՝ վանեցի խոջա Թուհիջանը, որ անվանի էր և հավատարիմ մեծ վեզիրին, ասել է վերջինիս. «եթէ զողորմելի և զտառապեալ ազգն Հայոց վասն գանձի վաճառես նոցա, ինձ վաճառես, և ես ոչ թէ ժն ղուրուշ, այլ իմ ղուրուշ տամ»<sup>137</sup>: Վեզիրը կատարել է նրա պահանջը: Այստեղ էլ կաթողիկոսության հարցը կաշառքով է լուծվել, Սահակը և նրա գործակից Պողոս վարդապետը տանջանքների են ենթարկվել ու միայն խոջաների միջամտությամբ ազատ են արձակվել ու հեռացել: էջմիածնում կաթողիկոսությունը շարունակել է վարել այդ իրադարձությունից առաջ նոր ջուղայեցի խոջաների միջնորդությամբ ձեռնադրված Մովսես Սյունեցի վարդապետը, որը և հիմք է դրել էջմիածնի վերանորոգչությունը ու արժանացել մեր պատմագրի մեծարմանը:

Դավրիժեցին մեծ գոհունակությամբ հայանում է, որ շահ Աբրաս Ա-ի մահից հետո, նրան հաջորդած շահ Սեֆիի ժամանակ Մովսես վարդապետին հաջողվել է նոր ջուղայեցի խոջա Նազարի միջնորդությամբ, մեծ գումարներ տալով և շատ շարշարվելով, հաղիվ վերացնել տալ 100 թումանի «մուղադայն» նորրևծա շահի կողմից և կաթողիկոսության հրաման ստանալ նրանից:

<sup>134</sup> Նույն տեղում, էջ 244:

<sup>135</sup> Նույն տեղում:

<sup>136</sup> Նույն տեղում, էջ 244—245:

<sup>133</sup> Դավրիժեցի, էջ 335—336:

Հավատքում անզիջող պատմագիր Դավրիժեցու մերկացումից շեն վրիպել նաև Հոռոմի պապը և ճիզվիտները, որոնք հովանավորել են Լվովի կաթոլիկություն ընդունած Նիկոլ(Նիկողայոս Թորոսովիչ) եպիսկոպոսին, թևավորել նրա սանձարձակ ու կամայական գործելակերպը: Պատմագիրը ցավով գրում է, թե Մելքիսեթ կաթողիկոսը երբ Լվով է գնացել, այնտեղ բազում ոսկի կաշառք ստանալով տեղացի Նիկոլ աբեղային, հակառակ ժողովրդի համառ դիմադրությանը, գաղթօջախի եպիսկոպոս է ձեռնադրել, ժողովուրդը չի ընդունել նրան, իր նպատակին հասնելու համար նա ներկայացել է Լվովի ճիզվիտների միաբանությանը, ընդունել կաթոլիկություն: Նրանց միջոցով քաղաքի իշխանից ստացել զինական ուժ ու բռնի տիրել է եկեղեցիներին ու վանքերին, իր հակառակորդների շատերին բանտարկել ու տուգանել է, բոլորին ստիպել ընդունել կաթոլիկություն, հափշտակել ու վատնել եկեղեցիների հարստությունն ու ունեցվածքը, կողոպտել ժողովրդին, թաղման, պսակի, մկրտության և շատ այլ բաների համար դրամ պահանջել, խախտողներին մեծ տուգանքների ենթարկել: Հայ գաղթօջախի բոլոր ջանքերը ազատվելու նրանից՝ ապարդյուն են անցել, ճիզվիտները միշտ ձախողել են այդ ջանքերը, անգամ արգելել Լեհաստանի թագավորին, որին զիմել էր Մովսես կաթողիկոսը, խառնվելու այդ գործին: Նրանք պապի մոտ էլ խափանել էին Մովսես և Փիլիպպոս կաթողիկոսների դիմումներն ու Լեհաստանի թագավորի և հոգևոր առաջնորդի միջնորդությունը: «...անդ ևս,— զայրացած գրում է Դավրիժեցին,— անիրաւ եզվայիդայքն (ճիզվիտները— Վ. Բ.) ներհակացան Հայոց և ձախեցին զբանս նոցա»<sup>137</sup>: Այսպես, մոտ 25 տարի պապի և ճիզվիտների պատճառով բախտախնդիր այդ Նիկոլը տանջել է Լվովի գաղթօջախի հայությանը:

Պատմագիրը Նիկոլի հետ կապված այս իրադարձությունների կապակցությամբ հետաքրքիր ու կարևոր տեղեկություններ է հաղորդում Լվովի գաղթօջախի ներքին ինքնավարության, կառավարման սիստեմի, դատավարության, կենցաղի և պապականության դեմ համառ ու անզիջում պայքարի մասին, որոնք և հաստատվում են արխիվային փաստաթղթերով<sup>139</sup>:

137 Նույն տեղում:  
 138 Նույն տեղում, էջ 382:  
 139 *St' u Araxel Davrijeci, Книга историй, перевод с армянского, предисловие и комментарии Л. А. Ханларян, М., 1973, стр. 34, примеч. 12.*

խորաթափանց պատմագիր Դավրիժեցին քաջ գիտակցել է հայ հասարակական կյանքում տեղի ունեցող նոր երևույթների խաղացած դերն ու նշանակությունը, որոնք և պայմանավորել են նրա զարթոնքն ու զարգացումը:

Պատահական չէ, որ նա իր «Պատմության» մեջ զգալի տեղ է տվել հայ առևտրավաշխատական կապիտալի վերնախավի ծավալած գործունեությանը XVII դարի սկզբին Հայաստանում, Պարսկաստանում ու Թուրքիայում, բազմաթիվ կոնկրետ փաստերով համակողմանիորեն ցույց տվել նրա որոշիչ ու կարևոր դերը հայ քաղաքական-հասարակական, տնտեսական-մշակութային ու շինարարական կյանքում, հայ ժողովրդի վերապրած զարթոնքում: Այդ խավի գործունեության մեջ հակառակ Դարանաղցու, նա տեսել է լուսավոր այն ծալքերը, որոնք հող են նախապատրաստել զարթոնքի ու ազգային ինքնագիտակցության բարձրացման համար և մեծ հույսեր կապել այդ գործունեության հետ ու մխիթարվել:

Պատմագիրը հիացմունքով ու հպարտությամբ է գրում Հին և Նոր Զուղաների հարստության ու փարթավության մասին և ցավագին ողբում Հին Զուղայի ճակատագիրը: Նա գոհունակությամբ է խոսում նաև Արևելաթավորների մասին: Նկարագրելով Հին Զուղայում շահ Աբրաս Ա-ի ընդունելության արարողությունը, նա նշում է. «Ելչանք՝ և ծերք, և երիտասարդք՝ ի զբող և ի զէնս ոսկէհունս սխրատեսիլ հանդերձից պրճնուղարդեայլք ընդ առաջ ընթանային: Եւ նորաբողոք ղեռահաս մանկունք ոսկի բաժակաւ զանուշահամ, և ազնիւ գինի մատուցանէին...»

...Եւ զճանապարհս անցից արքայի զարդարեցին. և յեզերէ գետոյն մինչև ցապարանս խօջայ իաշիկին արկին փայանդաղ տաթուր թագաւորին, պատուական և վայելուչ կումաշս, որոց վերայ էանց թագաւորն... Եւ ի տան անդր, խօջայ իաշիկն ոսկի սկուտեղ լցեալ ոսկով եղեալ ի ձեռն որդւոյ իւրոյ մատոցց առաջի թագաւորին, նոյպէս և ամենայն մեծամեծքն Զուղայու մատուցին ընծայ... Եւ զաւուրս երկր եկաց անդ շահն, և ջուղայեցիք պատուեցին զնա համազամ կերակրօք և ծաղկեհամ գինեաւ»<sup>140</sup>:

Նոր Զուղայի մասին հիացմունքով գրում է, որ ջուղայեցիները «շիւնեցին յարկս և բնակութիւնս ինքեանց՝ հրաշալի յօրինուածովք, կամարակապ փողոցօք, թևաւոր ապարանօք, և ամարասուն հովանոցօք, բարձ-

140 Դավրիժեցի, էջ 24—25:

բարերձ և արքայակերպ շինուածօք, զարդարեալ և յօրինեալ ի ծաղիկս ոսկւոյ և լաջվարդի՝ և պէս պէս երանգաց ակնախտիղ տեսողաց: Սոյնպէս շինեցին և զեկեղեցիսն հրաշազան յօրինուածովք... Լրկնանման խորանօք, և գերամբարձ կաթուղիկէիք, բովանդակ ծաղկեալ պէս պէս երանգովք ոսկւով և լաջվարդով... Եւ ի գլուխ կաթուղիկէից ամենայն և կեղեցեաց կառուցեալ զնշան սրբոյ խաչին նոցին եկեղեցեացն ի պսակ և ի պարծանս քրիստոնէից»<sup>141</sup>:

Դավրիժեցին ցասումով նկարագրելով Սպահանի մահմեդական բրնակչութեան պահանջով քաղաքից հայ բնակչութեան տեղահանումը 1655—1658 թթ. և նոր Զուլայի մոտ բնակչութեան տեղ հատկացնելը, բացահայտում է այդ տեղահանման դրական կողմերը, հանգամանորեն տալիս է և դրա պատճառները և հայերի համար դրանից ստացած օգուտները: Հարկ է նկատել, որ Դավրիժեցու կարևոր առանձնահատկութիւններից մեկն էլ այն է, որ նա վերհանում է իր կողմից նկարագրվող իրադարձությունների պատճառները, ամեն իրողութիւն նրա մոտ փաստարկված է, այդպես է և տեղահանման պատմութիւնը: Ըստ նրա՝ տեղահանման պատճառն իբր քաղաքում տարածված հարբեցողութիւնն է եղել, մահմեդականները դրանում մեղադրել են քաղաքի հայ բնակչութեանը, որի դրադմունքի մի ճյուղը եղել է գինեգործութիւնը և գինեվաճառքը, հետևապէս հայերն են մեղավոր, որ պարսիկները զբաղվում են հարբեցողութեամբ: Այս իհարկե պատրվակ էր և ոչ պատճառ: Հիմնական պատճառը, որ մեր պատմագիրը չի կռահել, քաղաքի տնտեսական կյանքում այն խորացող մրցակցութիւնն էր, որ սկսել էր ծավալվել հայերի ու պարսիկների միջև առևտրավաշխատութեան և արհեստագործութեան բնագավառներում:

Պատմագիրը միաժամանակ նկատում է, որ չկա շարիք առանց բարիքի: Նրա կարծիքով, այդ տեղահանումից հայերը շատ են շահել: Սկզբում դժվար էր թողնել տուն-տեղն ու հեռանալ, բայց հետո զոհ են եղել «վասն բազում պատճառի» ու թվարկում է դրանք: Նախ, — քրիստոնյաների և մահմեդականների համատեղ բնակչութիւնը պարարտ հող էր ստեղծում հայ «թերահավատ մարդկանց» զավանափոխ դառնալու համար: Նրանք ապրելով մահմեդականների միջավայրում, կրելով նրանց ազդեցութիւնը, հեռանում էին քրիստոնեութիւնից: Երկրորդ՝ քրիստոնյաների աղջիկներին ու տղաներին «ծածուկ ու գաղտնի» միջոցներով համոզում ու ամուսնացնում էին իրենց աղջիկների ու տղա-

ների հետ և մահմեդական դարձնում: Յավով նշում է, որ «Եւ զայսպիսիս բազումս անասք մերովք աշօք»...

Երրորդ՝ քրիստոնյաների տեղը քաղաքում նեղ էր և սակավաջուր, որի համար շատ դժվարութիւններ էին կրում: Իսկ նոր տեղում ստացան ընդարձակ հողեր և շինեցին մեծածախ ու վաճառու տներ «վերամբարձ վերնայարկօք և ամարասուն հովանոցօք, որոց առաջի տեղիք դրօսանաց, պարտէզք, և ծաղիկք, և ծառք մրգաբերք: Զորրորդ՝ զի անշատեալ տրոհեցան յօձարարոյ ազգէն մահմեդականաց, որ հանապազօր խածատեալ նենգէին և զղուէին զքրիստոնեայան, և այժմ ամենայն քրիստոնեայան ի միում տեղուջ գումարեալ կան և ուրախութեամբ գոհանան...»<sup>142</sup>:

\* \* \*

Դավրիժեցին գոհունակութեամբ ընդգծում և կոնկրետ փաստերով ցույց է տալիս, որ հայ առաջադեմ և ետադեմ հոգևորականութեան միջև տեղի ունեցած համառ պայքարում հայ խոջաններն ու դավաթավորները զորավիգ են հանդիսացել առաջիններին, նյութական ու բարոյական աջակցութիւն ցույց տվել նրանց, ամեն ջանք գործադրել ձախողելու ետադեմների պառակտողական ձգտումները: Այսպէս, շնորհիվ Արևմտահայ հայաստանի «բարեպաշտ քրիստոնյա»<sup>143</sup> խոջանների ու դավաթավորների, Սահակ կաթողիկոսին չի հաջողվել արևմտահայ հատվածն անշատելու էջմիածնի մայր աթոռից, չնայած գործադրած մերենայութիւններին:

Նրանք, գրում է Դավրիժեցին «բազում ատուրս զնային առ Սահակ կաթողիկոսն, աղաչէին ու խնդրէին, մի մատներ զտառապեալ ազգս Հայոց ի բերան այլազգի բնաւորաց և մարդադեմ գաղանաց»<sup>144</sup>: Տեսնելով վերջինիս և Մելքիսեթ կաթողիկոսի անվայել վարքագիծը, արևելահայ և արևմտահայ խոջանները արհամարհել են նրանց և ամեն կերպ նպաստել ու ապահովել են առաջադեմների հողթանակը, դրանով իսկ էջմիածինը դուրս բերել անկումային վիճակից:

Դավրիժեցին զայրույթով գրելով վրովի հայ գաղթօջախի նիկոլ եպիսկոպոսի մասին, միաժամանակ հպարտութեամբ ու շեշտված ձևով, ցույց է տալիս, որ պապականութեան ու ճիզվիտների դեմ լվովցիների ցույց է տալիս, որ պապականութեան ու ճիզվիտների դեմ լվովցիների ավելի քան քսանամյա համառ պայքարը հաղթանակով էր ավարտվել

<sup>142</sup> Նույն տեղում, էջ 453—454:

<sup>143</sup> Նույն տեղում, էջ 242:

<sup>144</sup> Նույն տեղում, էջ 243:

<sup>141</sup> Նույն տեղում, էջ 63—64:

շնորհիվ գաղթօջախի ժողովրդի, այդ թվում և մեծահարուստների ու իշխանավորների անդրդվելիություն, չնայած թշնամիները հզոր էին ու նենգ:

Պատմագիրը երախտագիտությամբ է նշում հայ առևտրական վերնախավի ցույց տված նյութական ու բարոյական օգնությունը անապատական շարժման ծավալման ու զարգացման, ուսումնակրթական ու հոգևոր-բարոզչական գործերի վերածննդի, վերանորոգչության ու հայոց հոգևոր կենտրոնի դիրքերի վերականգնման ու ամրապնդման բնադավառներում:

Նկարագրելով Պողոս Մոկացի վարդապետի՝ Թավրիզում ծավալած քարոզչական գործունեությունը, Գավրիժեցին նկատում է. «Քանզի յամենայն կողմանց եկեալ վաճառականքն, որք գային ի Թարվէզ, իբրև պատահէին լրոյ քարոզութեան սրբոյ վարդապետին՝ մխիթարեալ զուարճանային հոգևով, և օրհնութիւն մատուցանէին Աստուծոյ՝ տուողին այնպիսեաց շնորհաց»<sup>145</sup> և այնուհետև ավելացնում է. «Եւ ժողովուրդքն յոյժ սիրէին զնա վասն ճշմարիտ վարուց նորա, և վաճառականքն՝ որք էին յերկրէն Գողթնեաց, աղաչէին զնա զնալ յերկիրն իրեանց ի քարոզութիւն, յորոց մի էր Ֆղնեցի խօջայ Հայրապետն և այլք ևս ընդ նմա և զայս բան ի բազում աւուրս թախանձէին»<sup>146</sup>:

Պատմագիրը զոհունակությամբ նշում է, որ նույնպիսի վերաբերմունքի է արժանացել Մովսես Սյունեցին Կոստանդնուպոլսում: Երուսաղեմից նա զնացել է Պոլիս Գրիգոր Կեսարացի վարդապետի մոտ, որն այն ժամանակ տեղի պատրիարքն էր, Մովսեսն իր վարքագծով շատ շուտով վայելել է ժողովրդի համակրանքը: «Առ որ հաճեալ և հաւանեալ ամենայն ժողովուրդքն Կոստանդնուպոլսի, եկեղեցականք և աշխարհականք, և երևելի արք՝ որպէս Շահին յալապին, որ էր այր նշանատր ի զրան թագաւորին, և այլք ևս յոլովք: Նաև վաճառականք արևելեան աշխարհին, որք պատահեցան ի Կոստանդնուպոլիս, և մանաւանդ Զուղայեցիք և Գողթնացիք. զի գիտէին թէ Մովսէսն յարևելեան աշխարհէն է. ամենեքեան մատուցեալ առ Գրիգոր վարդապետն խնդրէին տալ տէր Մովսէսի՝ վարդապետութիւն»<sup>147</sup>:

Այնուհետև նշելով, որ Ամիրգունա խանը Մովսես վարդապետին պահել էր Երևանում ու առաջարկել վերաշինել քաղաքում գտնվող Անանիա առաքյալի դամբարանի վրա վաղուց կառուցված, բայց հնդոտ ավե-

րակ ու անմարդաբնակ դարձած մատուռը և այն դարձնել իր բնակատեղին, Գավրիժեցին ընդգծում է. «այլ և ամենայն ժողովուրդք քաղաքականք և վաճառականք աղաչելով զնոյն խնդրէին ի վարդապետէն»: Մովսեսը համաձայնվում է և «արդեամբք և ձեռնտուութեամբ քրիստոնէից տեղեկանաց և վաճառականաց, որք յօժարութեամբ տային տուրս ողորմութեան ի շինումն տեղոյն, վասն սիրոյ վարդապետին... բնակեցաւ անդէն վարդապետն իւրովք միաբանօքն, կարգան և սահմանան այն, զոր կարգեցին ի մեծ անապատն: Առ որ ժողովեցան միաբանք բազումք, միայնակեացք և զրոց աշակերաք իմաստունք և սրբակեացք. կային ի միասին մեծք և փոքերք սիրով հանդարտեալք ի խցի, հանապազօր կանխեալ յաղօթս և լընթերցումն սուրբ զրոց»<sup>148</sup>:

Պատմագիրն ասում է, որ այդ տեղը անվանել են Անապատ<sup>149</sup>:

Զուղայեցի վաճառականները, որոնք ներկա են եղել էջմիածնում մեռու օրհնենքին Մովսեսի կողմից արված «զբարեվայելուչ արարողութիւնան»-ին, վերագառնալով Սպահան, պատմել են այդ մասին ջուղայեցիներին, բոլորը փափագել են տեսնել Մովսեսին իրենց մոտ, պատվիրակություն են ուղարկել ճրա ետեկից, «նա և զլուսն Զուղայեցուց, ողորմութեանցն Քրիստոսի արժանին խօջայ Նազարն գրեաց ի վերայ որդոյ իւրոյ խօջայ Սարֆրազին, որ յաւուրսն յայնոսիկ էր յաշխարհն Ատրպատականի, մեծարել զվարդապետն Մովսէս յԱսպահան»<sup>150</sup>:

Ի դեպ այդ խօջայ մասին պատմագիրը հպարտությամբ գրում է. «որոց պետ և զլուսն էր խօջայ Նազարն, ոչ միայն Զուղայեցուց ալ և ամենայն հայազուն քրիստոնէից բնակելոցն ընդ թագաւորութեամբքն Պարսից, քանզի յոյժ հզօր և երևելի էր խօջայ Նազարն, նաև սիրելի թագաւորին Պարսից Շահաբասին»<sup>151</sup>:

Բջնիի ավերված տաճարը Փիլիպպոս կաթողիկոսի հրամանով վերանորոգվել է «ծախիւք և արդեամբք քրիստոսասէր մեծի պատրկի Զուղայեցի խօջայ Պետրոսին»<sup>152</sup>:

Աշտարակի կամուրջը, որ կիսավեր վիճակում էր, երևանցի մահտեսի խոջա Գրիգորը բանգել էր, տեղը փոխել և նոր՝ ամուր ու գեղեցիկը կառուցել<sup>153</sup>: Այնուհետև պատմագիրը զոհունակությամբ թվարկում է

148 Նույն տեղում, էջ 294—295:

149 Նույն տեղում, էջ 296:

150 Նույն տեղում, էջ 297:

151 Նույն տեղում, էջ 524:

152 Նույն տեղում, էջ 352:

153 Նույն տեղում:

145 Նույն տեղում, էջ 266—267:

146 Նույն տեղում, էջ 267:

147 Նույն տեղում, էջ 286—287:

այն քաղաքներն ու գյուղերը, որոնցում նորոգվել են վանքերն ու կառուցվել եկեղեցիներ, տեղի կամ դրսի մեծահարուստների աջակցությամբ ու ծախսերով<sup>154</sup>։

Պատմագիրը երախտագիտությամբ է խոսում նաև բուրսացի մեծահարուստ Անտոն Չելեբիի մասին, որի աված դումարներով կառուցվել է էջմիածնի դանգակատունը։ «Այս Անտոն շալապի յոյժ երևելի և հուշակեալ այնքան,— գրում է Դավրիժեցին,— մինչ ղի յայտնի էր ի դուռն թագաւորին Օսմանցոց, նա և ի հեռաւոր աշխարհս ի Ֆոանկաց, ի Պարսից, ղի կառի ընչաւէտ և փարթամ էր ստացուածովք։ Եւ էր իւր գործ վաճառականութիւն...»<sup>155</sup>։

Նորաթափանց Դավրիժեցին գիտակցել ու թերևս կանխատեսել է նաև հայ մելիքությունների խաղալիք դերը գալիք բուռն իրադարձություններում։ Նրան շատ է ուրախացրել, որ շահ Աբբաս Ա Գեղարքունիքի Մելիք Շահնազարին մելիքության իշխանություն է տվել։ Նշելով, որ շահը գնացել է Մազրա և իջևանել է Մելիք Շահնազարի տանը, Դավրիժեցին գրում է. «Եւ էր Մելիք Շահնազարս յազգէն Հայոց՝ և հաւատով բրիստոնեայ, իշխան հզօր և փառաւոր... էր ինքն բարեկամ և մտերիմ և արգոյ առաջի թագաւորին։ Վասն որոյ և թագաւորն պատուական և ազնիւ զգեստով շքեղացուցեալ խիլայեաց. և պարգևեաց նմա զիշխանութիւն մէլիքութեան գաւառին, և այլ ևս դաստակերտս և գեղօրայս ետ նմա եւ եղբարց նորա։ Եւ հաստատուն նոմոս գրեաց և կնքեաց թագաւորական կնքով և ետ նոցա զի անփոփոխ լիցի ժառանգութիւնն այն նոցա և զաւակաց նոցա յազգէ յազգ մինչև յաւիտեան»<sup>156</sup>։

Սխալված շնք լինի եթե ասենք, որ Դավրիժեցին գիտակցել է հայ հոգևոր վերնախավի առաջադեմ թևի և «բարեպաշտ քրիստոնյա» խոջանների համագործակցության անհարժեշտությունը ժողովրդի ազգային ինքնագիտակցության բարձրացման և ուժերի համախմբման գործում, որ և հետագայում նպաստավոր հող պիտի հանդիսանար ազատագրական մտահղացումների և ավելի ուշ խմորումների ու բացահայտ շարժումների համար։

Հարկ է նշել սակայն, որ պատմագիր Առաքել Դավրիժեցին, լինելով հոգևոր առաջադեմ վերնախավի ու հայ առևտրավաշխատական կապիտալի ներկայացուցիչների շահերի արտահայտիչն ու գաղափարախոսը, գերազնահատել ու իղեալականացրել է նրանց խաղացած դերը

հայ հոգևոր ու մշակութային կյանքում։ Խավարի, մղձավանջային իրողության, ոճբագործ հոգևոր պետերի դեմ պայքարի ելած իղեալիստ պատմագիրն այլ կերպ չէր կարող վարվել, նրան հարկավոր է եղել դրանց դեմ հակադրել նորոգչական, առաջավոր գաղափարներն ու դրանց կրթողներին, ավելի ցցուն դարձնելու համար իր ապրած օրերում տիրող իրավիճակի պատճառները և դրա դեմ պայքարի անհրաժեշտությունը։

Դավրիժեցին չի տեսել, կամ ավելի ճիշտ, չի ցանկացել տեսնել հայ առևտրավաշխատական կապիտալի ներկայացուցիչների գործունեության արատավոր կողմերը, նրանց շրջաններում արմատավորված բարքերը, շվայտ կենցաղվարությունը, որոնց մասին ցատումով գրել է Դարանաղցին և մասամբ Չաքարիա Ագուլեցի օրագրողը։

\* \* \*

Դավրիժեցին որոշ տեղեկություններ է հաղորդում կաթոլիկ միսիոներների՝ Պարսկաստանում և Հայաստանում ծավալած գործունեության մասին և իր վերաբերմունքը ցուցաբերում նրանց նկատմամբ։ Բացառությամբ մի ֆրանկ «երևելի և փարթամ» եպիսկոպոսի, որն այն ժամանակ, երբ Սպահանի հայերը շարաշար տանջանքների էին ենթարկվում պարտքը չվճարելու համար, գտնվել էր Սպահանում և տեսնելով նրանց անկյանելի վիճակը, 250 թուման էր տվել նրանցից պահանջածը վճարելու համար<sup>157</sup>, մյուսների նկատմամբ բացասական է տրամադրված։ «Նորա,— գրում է պատմագիրը,— ըստ մարդելոյզ և երեսահաճ և խարտիկ բարոյից իւրեանց զամենեսեան հաճեցուցանէին լինքեանս»<sup>158</sup>։ Նրան շատ են զայրացրել ֆրանկ պատրիկները, որոնք եկել էին էջմիածին, կաշառել Մելիքսեթ կաթողիկոսին և սկսել սրբերի նշխարները գաղտագողի հայտնաբերել ու յուրացնել։ Դավրիժեցին ասում է. նրանք ունեցել են իրենց լեզվով զրված մի գիրք-աշխարհացոյց, ուր «հաւաստեալ և անվրէպ ցուցանէր թէ ուրանօր իցեն գերեզմանք և դամբարանք սրբոցն՝ որք կան ի վանօրայս Հայոց... այն գրովն գտանէին զնշխարս սրբոցն, և տային ինչս բնակչաց վանիցն՝ և զնշխարսն առնուին»<sup>159</sup>։ Հոփսիմի կույսի նշխարների հայտնաբերման կապակցությամբ էլ զբրում է, թե նրանք «ըստ մարդելոյզ հնարից իւրեանց հաւասարիմք երե-

154 Նույն տեղում, էջ 353։

155 Նույն տեղում, էջ 338—339։

156 Նույն տեղում, էջ 96։

157 Նույն տեղում, էջ 154։

158 Նույն տեղում, էջ 178։

159 Նույն տեղում, էջ 178—179։



«Լեալք յաչս վանականացն և գեղականացն՝ հաճեցուցեալ են զնոսա լին-  
քեանս»<sup>160</sup>:

Դավրիժեցիին չի ասում, թե այդ պատրիկներն ինչ նպատակով են նշխարներ հավաքել, թերևս պետք է ենթադրել, որ նրանք նշխարները վաճառելու և հարստություն ձեռք բերելու նպատակ են հետապնդել, ինչպես այդ ցույց է տվել Դարանաղցիին իր «Ժամանակագրության» մեջ:

\* \* \*

Միջնադարի պատմագիրների նման Դավրիժեցիին էլ ժողովուրդներին վրա հասած սարսափները նրանց՝ աստծու հանդեպ գործած մեղքերով է բացատրում:

Նկարագրելով մեծ սուրգունի ժամանակ գետանցը, ողբերգու պատմագիրը գրում է. «բանզի յորդութիւնք մեղաց մերոց փակեցին ընդդէմ մեր զղուռն ողորմութեան գթածին Աստուծոյ»<sup>161</sup>: Նա էլ հավատացել ու գրել է զանազան հրաշքների, տեսիլների, երազների մասին<sup>162</sup>:

Իր ապրած օրերի շատ թե քիչ կարևոր իրադարձությունները չեն վրիպել պատմագրի տեսադաշտից և նա գրել է դրանց պատմությունը իբրև ականատեսի, շատ բաների մասին էլ, ինչպես ինքը բազմիցս նշում է, իրեն պատմել են ականատեսները, կամ գործող անձինք<sup>163</sup>: Դավրիժեցու հարցասիրությունը որոշ շափով վնասել է դործին: Առանձին ղեկաբերի մասին տարբեր մարդկանց պատմածները գրի առնելու հետևանքով, «Պատմության» մեջ կրկնողությունները շատ են, հատկապես բըռնազաղթի, շահ Աբբասի, Մելքիսեթ ու Մովսես կաթողիկոսների, Պողոս վարդապետի մասին:

Քրիստոնյաների նահատակությունների նկարագրությունները, որոնց նվիրված է հինգ գլուխ (44—48) գրեթե նույնն են, միայն անուններն են փոխված<sup>164</sup>:

Դավրիժեցու պատմության ամենաստվերոս կողմը գրքի բովանդակության հետ առնչություն չունեցող կողմնակի նյութերի առատությունն է, որոնք որոշ ղեկաբերում խճողել են շարադրանքը, խախտել տրամա-

բանական կապը: Պատմագիրը հաճախ ընդհատում է այս կամ այն իրադարձության և կամ անձի մասին պատմածը, մեջ է բերում բոլորովին կողմնակի զրույց ու նորից վերադառնում ընդհատված պատմությանը:

Այս կապակցությամբ լեռն գրում է. Դավրիժեցիին «մի հավատացյալ վանական է, լցված մի վառ սիրով ղեպի հայրենի աշխարհը, ղեպի ազգային մտավոր-կուլտուրական ստացվածքը ներկայացնող եկեղեցին: Այդ սեռը դարձնում է նրան երկարաբան, ուշադիր ղեպի բոլոր մանրամասնությունները, ղեպի ամեն մի հանգամանք, որ հարադատ ժողովրդի նահատակության փաստերն էր ցուլացնում»<sup>165</sup>:

Դավրիժեցու «Պատմության» մեջ զետեղված են նրա բովանդակությանը շանչվող և ուրիշների գրած այլ պատմվածքներ, որոնցից են Կոստանդնուպոլսի հրդեհի (գլուխ Ծ) նկարագրությունը՝ ականատես Ստեփանոս Մեղրեցի վարդապետի հեղինակությամբ, Աղվանից աշխարհի պատմությունը՝ (գլ. ԾԵ) ծարեցի Հովհաննես վարդապետի, թանկարժեք քարերի նկարագրությանը նվիրված գլուխները (ԾԳ—ԾԴ)՝ հալեպցի Սարգիս անունով մի ակնագործ քահանայի, հրեաների մասին հատվածը (էջ 651—665):

Կոստանդնուպոլսի հրդեհի կապակցությամբ Դավրիժեցիին ասում է թե այդ մասին Ստեփանոսը գրել էր ու ուղարկել էջմիածին և ինքը նրա գրածը «նովին շարադրութեամբ արդէն աստ զծագրեցի» և բացատրում է թե ինչու. «Նախ՝ զի զառ ձեռն պատրաստ գրեալն ոչ ի զէպ համարեցայ երկրորդել. և երկրորդ՝ վասն իմոյս բաղմակի աշխատանացս, որով ձանձրացեալ եմ, զի արդէն ի մետասան ամն մտի, որ աշխատիմ ի վերայ այսր պատմագրիս... և տակաւին աշխատիմ ի վերայ սորա. և երրորդ՝ զի ծերացեալ եմ և կարի պակասեալ ի զօրութեանց, և մահն եկեալ հանապազօր յանդիման իմոյս աշաց կանգնեալ է, և գիտեմ թէ ես մեռանիմ և այս գիրքս մնայ կիսակատար, կրեալ աշխատանքն իմ ամենայն ընդ վայր կորնչին, զի ոչ ումեք փոյթ է մտանել յաշխատութիւն իմ գրաւ հանեալ կատարել, վասն որոյ փութամ, ճեպիմ, զի թերևս հանից յաւարտ՝ զի մի անկատար մնասցէ, և աշխատանքն իմ կորիցէ»<sup>166</sup>:

Թանկարժեք քարերի կապակցությամբ էլ գրում է, որ ինքն է խնդրել ակնագործ Սարգսին, «զոր բանիւ ասես, գրով շարադրեալ տուր մեզ

160 Նույն տեղում, էջ 179—180:

161 Նույն տեղում, էջ 43:

162 Նույն տեղում, էջ 262—263, 323—324, 530, 539, 559...

163 Նույն տեղում, էջ 88, 148, 194—195, 214, 219—221, 426, 432—433:

164 Նույն տեղում, էջ 526—560, լեռն գտնում է, որ դրանք ուրիշների գրածներն են, սե՛ս նշվ. աշխ. էջ 363:

165 Լեռ. նշվ. աշխ., էջ 362—363:

166 Դավրիժեցի, էջ 561—562:

վասն օրինակի, և նա վասն մերոյ խնդրոյ գրեալ ետ, և մեք վասն հասարակաց օգտի ի մէջ այս պատմագրիս շարակարգեալ գրեցաք»<sup>167</sup>:

Պատմութեան 620—650 էջերում (գլուխ ԾԶ) ղետեղված է մի շատ համառոտ ժամանակագրութիւն, որն ընդգրկում է մեր թվարկութեան 613 թվից մինչև մեր պատմագրի ապրած օրերի իրադարձութիւնների ժամանակագրական թվարկումը: Անխորագիր այդ ղվից առաջ հեղինակը պատճառաբանում է այդ ժամանակագրութեան գրելու անհրաժեշտութիւնը. այնտեղ կարգում ենք. «Քուականաւ նշանակեալ համառօտ բանիցս՝ թէպէտ օրինակն յառաջնոյ ժամանակաց զոյր, այլ ոչ էր կարգաւ ըստ կարգի թուականին, և մեք կարգաւորեցաք: Երկրորդ՝ ոչ էր ժողով ի մի վայր՝ այլ մասն ինչ անդ, և այնպէս ցիր և ցան, իսկ մեք ժողովեցաք ի մի վայր գորս և գտաք: Երրորդ՝ և զոր ինչ ի մեր ժամանակս գործեցաւ նշանաւոր բանք՝ զայնս ևս ընդ սոցին դասաւորեալ գրեցաք զիրաքանչիրան յիրում տեղուց և հոգալով տքնութիւնս յոլովս կրեցաք. և յայն սակս ի գիրս մեր դասակարգեալ գրեցաք...»<sup>168</sup>:

Ինչպէս այս ժամանակագրութեան, այնպէս և «Պատմութիւնում» ղետեղված ԾԱ և ԾԲ գլուխներում, ուր տրված են օսմանական ու պարսկական տիրակալների առհմաբանութիւնն ու ժամանակագրութիւնը, ինչպէս նաև ԱԱ և ԱԲ գլուխներում՝ Սսի և էջմիածնի կաթողիկոսների ու վարդապետների ժամանակագրութիւնը, հայագետների մի մասը վերագրել է ուրիշ հեղինակների, մի մասն էլ՝ Դավրիժեցուն: Կոստանդնուպոլսի հրդեհի մասին Ստեփանոս Մեղրեցու կապակցութեամբ Դավրիժեցու վերը բերված պատճառաբանութիւնը թերևս խոսում է վերջին կարծիքի օգտին: Երբութիւնը հնարավորութիւն չի տվել ավարտելու, ամբողջացնելու սկսած գործը և նա ստիպված, որպէսզի իր կատարած քրտնաջան աշխատանքը չկորչի իղուր, հավաքած նյութերը ժամանակագրական կարգով շարադրել է իր ժամանակներում տարածված ժանրի՝ մանր ժամանակագրութիւնների ձևով:

Պատմագիր Դավրիժեցին ունի և մի այլ կարևոր առանձնահատկութիւն: XV—XVI դարերի պատմութիւնը շարադրելիս, նա ամենայն բարեխղճութեամբ նշում է իր աղբյուրները: Այսպէս. Զահանշահի կողմից Շամշուղն բերդին պատճառած աղետների մասին նա նյութը վերցրել է.

<sup>167</sup> նույն տեղում, էջ 595—596: (Լեոն կարծում է, որ այդ երկու գլուխները ուրիշներն են ղետեղել Դավրիժեցու գրքում: Տե՛ս նշվ. աշխ. էջ 363):

<sup>168</sup> նույն տեղում, էջ 619:

«Գնացեալ յԱսպահան քաղաք ի մէջ Զուղայեցոց, գտաք Յայսմաուրք մի որոյ յիշատակարանն էր այսպէս գրեալ»<sup>169</sup>:

Զարարիա կաթողիկոսի այցը Զահանշահին և դրա արդունքների պատմութեան նյութը վերցրել է Անկյուրիա քաղաքի եկեղեցում գտնված մի հայսմավուրքի հիշատակարանից «կարի երկարաբան, բայց վասն՝ կարևոր գոյոյ բանին դամենայն բանն նոյն շարադրութեամբն անպակաս գրեցի աստ. և վասն երկարութեան ոճոյն մի ինձ լիցիս մեղադիր և մի առաջին շինողին, զի ոճ պատմութեան այնպէս պահանջէ, քանզի երկար է պատմութիւն»<sup>170</sup>:

էջմիածնում կաթողիկոսութիւնը վերահաստատվելու մասին նյութը վերցրել է Թովմա Մեծոփեցուց. ասում է «որպէս և պատմէ Թովմայ վարդապետն»<sup>171</sup> և այլն:

\* \* \*

Դավրիժեցու «Պատմութիւնը» կարևոր աղբյուր է նաև XVII դարի առաջին կեսի Անդրկովկասի, Քուրքիայի և Պարսկաստանի սոցիալ-տնտեսական կյանքի պատմութեան ուսումնասիրութեան համար: Այն արժեքավոր տեղեկութիւններ է պարունակում Քուրքիայի և Պարսկաստանի կառավարչական սիստեմի, հարկային դիշտաիչ քաղաքականութեան և դրանց ծանր ու ավերիչ հետեանքների մասին: Պատմութիւնը ոչ պակաս կարևոր աղբյուր է նաև այդ ժամանակահատվածում նշված երկրների հասարակական-քաղաքական կյանքի հետազոտման համար: Նրանում քիչ էջեր չեն նվիրված ջալալիների շարժմանը, հայ աշխատավորական պանգովածների կրոնական շղարշով բողարկված ընդվզումներին ու պայքարին՝ ուղղված թուրք-պարսկական ռազմաֆեոդալական կարգերի դեմ, վրաց ժողովրդի ազատագրական շարժումներին, պապականութեան դեմ լվովցիների համառ պայքարին:

Դավրիժեցու «Պատմութիւնը» ստուգապատում աղբյուր է հատկապէս նշված երկրների այդ ժամանակաշրջանի քաղաքական իրադարձութիւնների ուսումնասիրութեան համար: Հանգամանորեն նկարագրված են Հայաստանի տարածքում տեղի ունեցած թուրք-պարսկական պատերազմական գործողութիւնները, դրանց կործանարար հետեանքները Անդրկովկասի ժողովուրդների ու երկրների համար:

Հ. Փափազյանը նշում է, որ «Մատենադարանի պարսկերեն հրո-

<sup>169</sup> նույն տեղում, էջ 417:

<sup>170</sup> նույն տեղում, էջ 420:

<sup>171</sup> նույն տեղում, էջ 456:

վարսակներին» երկրորդ պրակի մեջ ընդգրկված մեծ թվով վավերագրերը կրկին անգամ հաստատում են Դավրիժեցու «Պատմության» տվյալները և ավելի քան ամրապնդում ուսումնասիրողների հավատը նրա հաղորդած պատմական կարևոր տեղեկությունների նկատմամբ<sup>172</sup>:

Ճիշտ է նկատում Լ. Դանեղյանը, որ Դավրիժեցու երկր որպես արժեքավոր պատմական աղբյուր սկսվում է օգտագործվել հենց XVII դ.: Կարելի է ասել, որ Դավրիժեցու «Պատմությունից» հետո հայ պատմագրության մեջ չկա շատ թե քիչ խոշոր որևէ երկ, որտեղ XVII դ. առաջին կեսի պատմական իրողությունների նկարագրման համար լայնորեն օգտագործված չլինեն Դավրիժեցու հաղորդած տեղեկությունները<sup>173</sup>:

Իր դարաշրջանի ճշմարիտ արտացոլումը լինելով, գրում է Դանեղյանը, Դավրիժեցու երկը մինչև օրս էլ նպաստում է վեր հանելու և ճիշտ լուսարանելու պատմության որոշ հարցեր: Մերկացնելով թուրք կեղծարարների այն պնդումները, ըստ որոնց՝ հայերը թուրքական գերիշխանության նեբքո մինչև 1878 թ. իրենց շատ լավ են զբաղեցրել, գերմանացի պրոֆեսոր Յ. Մարկվարտը գրում է, որ բավական է ծանոթանալ Առաքել Դավրիժեցու «Պատմությանը»՝ պատկերացնելու համար օսմանցիների վերաբերմունքը հայերի և ընդհանրապես քրիստոնյաների նկատմամբ դեռևս XVI դ.<sup>174</sup>:

Իր արժարժած հարցերով ու ընդգրկումներով Դավրիժեցու աշխատությունը դուրս է գալիս Հայաստանի պատմության շրջանակներից, այն հավասար չափով կարևոր աղբյուր է Վրաստանի, Ադրբեջանի, Պարսկաստանի, Թուրքիայի, անգամ Պարսկական Իրաքի XVII դարի առաջին կեսի պատմության համար: Իր այդ բնույթով այն անզուգական կոթող է արևելագիտության համար ընդհանրապես:

Դավրիժեցու «Պատմության» մեջ բազմակողմանի ցույց է տրված հայ հասարակախավերի բռնած դիրքն օտար բռնակալների նկատմամբ, ինչպես և հատկապես ժողովրդի ստորին խավերի անկյանելի դրությունը: Մխաված շինք լինի, եթե ասենք, որ նա հիրավի Անդրկովկասի ժողովուրդների պատմագիրն է: Նա միաժամանակ հայ հոգևոր ու մտավոր կյանքի զարթոնքի, խավարի դեմ լուսավորության պայքարի պատմագիրն է: Գտնվելով օտար բռնակալների դաժան լծի տակ, նա է, որ խիզախ է ի լուր ամբողջ աշխարհի ու հետագա սերունդների, անարգանքի

սյունին գամելու իր հայրենիքն ու ժողովրդին մտայն կացության հասցրնողներին, լինեն դրանք պարսիկ թե թուրք շահեր ու սուլթաններ, գորավարներ, պետական պաշտոնյաներ, թե հայազգի ոճրագործ հոգեվոր պետեր, թե պապականության ներկայացուցիչներ: Ֆիզիկական գոյությունը պահպանելու համար թափառաշրջիկ կյանք վարելով, գավառից գավառ, քաղաքից քաղաք շրջելով, Դավրիժեցին ստեղծել ու գարեբին է թողել Հայաստանի ու հայ ժողովրդի 60-ամյա պատմության անկրկնելի կոթող:

300-տարուց ավելի է, ինչ այդ հուշարձանը հուզում է ընթերցողին, հայրենիքին ու ժողովրդին անհուն սիրով նվիրված Առաքել Դավրիժեցի պատմագիրը, «հայ միջնադարյան հարուստ պատմագրության վերջին խոշոր երախտավորն» է<sup>175</sup>: Միանգամայն իրավացի է Լևոն, երբ գրում է. «Առաքելը հանդիսանում է առաջնակարգ գրական մի աստղ, որ լուսնի իր նմանը թէ նախորդ դարում և թէ իր ժամանակակիցների մեջ»<sup>176</sup>:

175 Նույն տեղում, էջ 11:

176 Առ, նշվ. աշխ., էջ 362:

172 Տե՛ս Մատենադարանի պարսկերեն հրովարտակները, պրակ 2, Երևան, 1968, էջ 27, կազմեց Լ. Փափազյան:

173 Լ. Դանեղյան, նշվ. աշխ., էջ 34—35:

174 Նույն տեղում, էջ 45:

## ՉԱՔԱՐԻԱ ՍԱՐԿԱՎԱԳ ՔԱՆԱՔԵՌՅԻ

XVII դարի հայ պատմագիրներից էր քսնաքեռցի Ղապույենց (Գարո) Չաքարիա սարկավագը, որը հաճախ հորջորջվում է նաև Չաքարիա Քանաքեռցի: Իր իսկ վկայությամբ ծնվել է 1627 թ.: 1687 թ. 60 տարեկան է եղել<sup>1</sup>, մահացել է 1699 թ.: Պատանեկությունը հասակում սովորել է ոսկերչության արհեստը, 1637 թ. իր եղբոր՝ Խաչատուրի հետ «գնացաք ի գիւղն Միափոր (Ղազախի գավառում)». և ի տան Մելիք Աթաբեկյան կալաք խանութ, և գործէաք արուեստ ոսկերչութեան»<sup>2</sup>: Սակայն այդ արհեստով նա երկար չի զբաղվում, 20—25 տարեկան հասակում թողնում է այն, գնում է Հովհաննավանք, ուր և անց է կացնում իր ամբողջ կյանքը՝ 50 տարի: Հովհաննավանքում նա աշակերտել է Չաքարիա և Հովհաննես վարդապետներին: Իր ժամանակի կրթված հոգևորականներից է եղել, շատ ճանապարհորդություններ կատարել, եղել է Ղազվինում, Սպահանում, Թավրիզում, Ջմյուռնիայում, Պոլսում և այլուր: Աշխարհատեսությունն էլ նրան, անկասկած, շատ բան է սովորեցրել<sup>3</sup>: Մ. Աբեղյանը ճիշտ է նկատում, որ շնայած այդ բոլորին, Չաքարիան կատարյալ պարզամիտ է մի լեռան հովվի, մի ուղտապանի շափ: Խիստ նեղ հայացքով, գրեթե ամեն բանի, որ լսել է, հավատացել է<sup>4</sup>:

Չաքարիան մանկությունը հասակում տեսել ու զգացել է պարսիկների բիրտ ու վայրագ իշխանությունը: Իր ապրած օրերի դաժան իրողությունը դրոշմվել է նրա հիշողության մեջ և իր արտացոլումը գտել նրա գրած պատմական երկում: Այսպես, նա պատմում է, թե ինչպես են իր հորը տանջամահ արել: Գրում է, որ խանի հարկահանը Քանաքեռում ցուցակագրել է հարկատուներին և որոշել, թե ով պիտի հարկ տա և ով

պիտի հարկից ազատվի: Չաքարիան կաղ էր ծնվել և պետք է որ հարկից ազատվեր: Հայրը շալակել է նրան, իսկ մյուս որդուն, Խաչատուրին առաջը գցած, անցել է հարկահանի առջևով. «Եւ իբրև ետես զմեզ փոքր և կաղ՝ թիւր ոտամբ, բարկացաւ՝ և ասէ, զառողջ որդիսն քո պահեալ ես, և դանդամալոյծքդ բերեալ ես. և հրամայեաց արկանել յերկիր իվերայ երեսացն. և բերեալ ջուր թափեցին ի վերայ անձինն, յտաց մինչև ցալուխն՝ ջրողող արարին. և նստոյց այր մի ի վերայ զլխոյն և այր մի ի վերայ ոտիցն. և հրամայեաց շորից զինուորաց՝ երկու կողմամբ հարկանել, և աքնբան հարին, մինչ զի մորթն ի մարմնոյն ի բաց ոստեալ, և ինքն անշնչացաւ. և համարեցին զնա մեռեալ, և ապա քարշեալ զնա թաղեցին ի մէջ փայիսի»<sup>5</sup>:

1687 թվին իր վաթսունամյա հասակում, նա ժամանակի Հովհաննավանքի առաջնորդ «Ի Սարգիս վարդապետէ խոհեմայ և բանասիրէ» հանձնարարություն է ստացել գրելու «Կոնդակ սուրբ ուխտին Յովաննուս Վանից» այլ խոսքով Հովհաննավանքի պատմությունը, որ և նույն թվականին ավարտել է: Այս կապակցությամբ նա գրում է. «Յամենայն օր դեգերէի՝ թէ ընդէր ոչ գոյ հաստատուն կոնդակ վանացս, որ ամենայն արձանք որմոցն գրեալ լինի ի նմա, և վարանէի միշտ առ այն»<sup>6</sup>: Չաքարիան գրում է, որ ինքը միշտ մտածել է այդ անել, բայց ձեռնամուխ չի եղել, որովհետև իր առաջին ուսուցիչները՝ Չաքարիա և Հովհաննես վարդապետները նրան մարմնավոր գործերով են զբաղեցրել և միայն բանասեր Սարգիս վարդապետն է գիտակցել դրա անհրաժեշտությունը ու հանձնարարել գրելու:

Եվ Չաքարիան գրել է Հովհաննավանքի կոնդակը, «Թէ ի պատմագրաց, թէ ի յիշատակարանաց, թէ յարձանաց, և թէ ի լրոյ իմաստուն արանց և ի գիտուն ծերոց, նշանակեցից զամենայն ստուգութեամբ. զի որք զկնի մեր գայցեն՝ ընթեռնելով ի միտ առնուն»<sup>7</sup>:

Ընդհանրապես նկատենք, որ շնայած իր պարզամտությանն ու պատմության մասին ունեցած խիստ նեղ հայացքին, Չաքարիան պատմություն գրելուն մեծ կարևորություն է տալիս: Կոնդակի Ա զխի վերջում բերում է Մովսես մարգարեի հետևյալ միտքը. «Հարցչիր հարց քոց, և պատմեսցի բեղ ի ծերոց, և ուսցիս զամենայն՝ որպէս և կամիս»<sup>8</sup>:

<sup>1</sup> Չաքարիայ Սարկավագի պատմագրութիւն, Վաղարշապատ, 1870, հ. Գ., էջ 2: Այսուհետև՝ Չաքարիա:

<sup>2</sup> Նույն տեղում, հ. Ա., էջ 26:

<sup>3</sup> Առ, Հայոց պատմություն, հ. Գ, Երևան, 1946, էջ 365:

<sup>4</sup> Մ. Աբեղյան, Հայոց հին գրականության պատմություն, գիրք երկրորդ, Երևան, 1946, էջ 454:

<sup>5</sup> Չաքարիա, հ. Ա., էջ 66:

<sup>6</sup> Նույն տեղում, հ. Գ., էջ 2:

<sup>7</sup> Նույն տեղում:

<sup>8</sup> Նույն տեղում:

Կոնդակն էլ սկսում է այսպես. «Յուցմունք ժամանակաց և պատմութիւնք նոցին գրեալ եղև յառաջնոց պատմագրաց. որք ի ժամանակս և ի դարս գրեցին՝ որպէս գիտացին՝ ըստ իւրեանց իմաստութեանն՝ զերից ժամանակաց, այսինքն՝ զանցեալն ընթեռնելով, զներկայն գրելով, և դապագայիցն յուշ առնելով՝ յայտ արարին: Ոմանք յաճախարանութեամբ, ոմանք համառօտելով. ոմանք յառաջագիրք, և ոմանք ժամանակագիրք՝ որպէս և պատմութիւնն իւրեանց ցուցանէ ըստ ոճին իւրեանց: Ոմանք փիլիսոփայական ճարտօտանութեամբ, և ոմանք Աստուածաշունչ զիտութեամբ: Ոմանք լի իմաստութեամբ, և ոմանք աշխարհօրէն: Եւ որով իւրք և է՝ մեզ ծանուցին զանցեալն. զի և մեք ներկայումս ուսանելով՝ ապագայից ծանուցուք»<sup>9</sup>: Ավելին, նա ընթերցողներին էլ է խորհուրդ տալիս պատմութիւն գրել. «Այլ և զոր ինչ և դուք գիտէք, դուք ևս գրեցէք՝ և զիմն ևս ընկալարուք զսեան, և շարագրեցէք ըստ զեղեցկագունիցն կարգի»<sup>10</sup>:

Կոնդակում Զաքարիան նախ շատ համառօտ գրում է, թե ընդհանրօրէն Հայաստանում երբ են շատ վանքեր շինվել և թե հատկապես երբ է կառուցվել Հովհաննավանքը, որի հնութիւնը նա հասցնում է մինչ Գրիգոր Լուսավորիչը: Այնուհետև, համեմատաբար մանրամասն, խոսում է այդ վանքի թեմի ու վիճակի մասին և թե երբ է այն նորոգվել ու ծաղկել:

Կոնդակի կապակցությամբ Մ. Աբեղյանը նկատում է. «բացի մատենագիրներից ու գրքերի հիշատակարաններից՝ օգտվում է և արձանագրութիւններից, նա ընդօրինակում է պատերի վրա եղած արձանագրութիւնները և մանրամասն ճշտութիւն մտցնում յուր Կոնդակի մեջ, որով Զաքարիան հանդիսանում է մեր հնագրական արձանագրական թանկագին հիշատակարանները ժողովողների նախահայրը: Մի բան, որ շատ կարևոր է»<sup>11</sup>: Դա իհարկեւ, անժխտելի է, սակայն դժվար թէ կարելի լինի Զաքարիային այդ բնագավառի նախահայր համարելը, քանի որ իր ժամանակին մասամբ Մ. Խորենացին և շատ ավելի ուշ Ստ. Օրբելյանը, առավել մեծ շափերով ընդօրինակել են վիմական արձանագրութիւնները և օգտագործել իբրև պատմական սկզբնաղբյուրներ:

Այնուհետև Կոնդակում Զաքարիան, ժամանակադրական կարգով, հիշատակում է Հովհաննավանքի առաջնորդների անունները, որքան որ կարողացել է ձեռք բերել, նշելով նաև իր աղբյուրները: Հատկապես նա

մանրամասն խոսում է իր ժամանակի երեք նշանավոր առաջնորդների՝ Զաքարիա, Հովհաննես և Սարգիս վանահայրերի գործունեության մասին: Վերջում տեղեկութիւն է տալիս Մողնու վանքի կառուցման մասին, վերջին գլխում էլ տալիս է իր նախորդների պատմութիւնը:

Զաքարիայի Կոնդակն իր պարունակած հարուստ նյութերով Հովհաննավանքի անտեսական կյանքի պատմութիւնն է: Մանրամասն թվարկված են վանքապատկան կալվածները և եկամտաբեր օբյեկտները: Միաժամանակ հանգամանորեն նկարագրված է վանքի ներքին և արտաքին տեսքը, որը աժեքավոր է և հայ ճարտարապետութիւն պատմութիւն համար<sup>12</sup>:

Թերևս ճիշտ լինի Մ. Աբեղյանի այն ենթադրութիւնը, որ Զաքարիայի այս Կոնդակը հավանութիւն է գտել և նրան մի քանի բանասերներ խորհուրդ են տվել պատմութիւն էլ գրելու, որին ինքն էլ դեմ չի եղել: Այս կապակցությամբ նրա մտ կարգում ենք. «Ի սպառել ժամանակիս և ի վերջին դարուս՝ ի նուաստանալ ազգիս Հայոց, և ի դօրանալ ազգին Պարսից, յորում նեղիմք և տառապիմք ազգի ազգի կեղեքմամբ և պէս պէս տարմամբ, ի թուիս մերում... (1699)... եղև աւարտումս պատմութեանս յերկրիս Արարատեան ի գաւառիս Անբերդու ի գերափառ մենաստանս... որ այժմ ասի Յօհաննուվանք... աշխատութեամբ իմում բազմավէր և փինատ Զարէոսի Քանաքեռցոյ՝ որ ի ծառայութեանէ նոցն վանացն Յովհաննու, ի խնորոյ ոմանց բանասիրաց՝ և մերում յօժարութեամբ: Արդ որպէս առաջագոյն ծանուցաք, թէ զոր ինչ լուաք ի համբաւոյ՝ դայն գրեցաք, թէ սուտն և թէ ճշմարիտն, և թէ գովութիւն լիցի և թէ սուտ պարսաւանք՝ նոցա լիցի. և մեք զհրամայեալսն արարաք. և դուք որպէս և կամիք՝ այնպէս արարէք»<sup>13</sup>:

Շահ Աբբասի կապակցությամբ էլ ասում է. «Զսորա ամենայն գործ գրեալ է Առաքել պատմագիրն՝ անդակաս զամենայն: Ո՞վ որ կամիցի գիտել զստոյգն, ընթեռնուցու դայն, և ի նմանէ ուցի: Այլ ևս զոր ինչ լուեալ եմ վասն այս Շահ-Աբբասիս, թէ սուտ և թէ առասպել, և թէ ճշմարիտ և չիրաւ, զամենն գրեմ, թէ պարսաւանք և նախատինք լինի(ն), և թէ գոհութիւնք և գովութիւնք լիցի(ն), նոցա լիցի՝ որոց պատմեցին մեղ: Քանզի նորա՝ որք ահանատեսք էին, զստոյգն պատմեցին: Իսկ նորա՝ որք ահանաջալուրք էին, վեր ի վերոյ ասացին, սակայն մեք զոր լուաք, զնոցն պատմեցուք՝ թէ սուտն և թէ իրան»<sup>14</sup>:

<sup>9</sup> Նույն տեղում, էջ 1:

<sup>10</sup> Նույն տեղում, հ. Ա., էջ 45:

<sup>11</sup> Մ. Աբեղյան, նշվ. աշխ., էջ 455:

<sup>12</sup> Տե՛ս Հայ ժողովրդի պատմութիւն, հ. IV, Երևան, 1972, էջ 497:

<sup>13</sup> Զաքարիա, հ. Բ., էջ 142—143:

<sup>14</sup> Նույն տեղում, հ. Ա., էջ 14—15:

Ահա պատմության մասին մեր այս հեղինակի հայացքը: Այդ բոլորը նա պատմություն է համարում և անհրաժեշտ գտնում գրի առնել՝ հաջորդ սերունդներին թողնելու համար:

Ի տարբերություն Առաքել Գավրիթեցու, որի «Պատմությունից» և առատորեն օգտվել է և որի մասին գրում է, թե «Որպէս և բազում անգամ հարցեալ եմք յԱռաքել վարդապետէն, և ուսեալ եմ ի նմանէ...»<sup>15</sup>, Զաքարիան քննադատական վերաբերմունք չունի դեպի իր նյութը և այդ, ինչպես տեսանք, ինքն էլ չի ժխտում, հենց սկզբից նյութի ընտրության հարցում պատասխանատվությունն իրենից հեռացնում է, թողնելով այն ընթերցողի հայեցողությանը:

Միանգամայն իրավացի է Մ. Աբեղյանը, որ Զաքարիայի «Պատմությունն» իսկապես պատմություն չէ, սուտ ու ճշմարիտ, առասպել ու իրողություն վայրիվերո, խառնիխառն ժողոված են մի տեղ՝ առանց որոշ դասավորության, առանց որևէ կարգի: Ժամանակագրական ճշտություն, իհարկե, պահանջել կարելի չէ մի պարզամիտ մարդուց, որ պարզ սուտը ճշմարտից ջոկել չի կարողանում և առօրյա շեշին, մանր ու մուսր դեպքերը իրրև կարևոր պատմական եղելություն՝ արձանագրում է»<sup>16</sup>:

Զաքարիայի «Պատմագրությունը» բաղկացած է երեք հատորից, առաջին հատորը հիմնականում սկսվում է Զահանշահից և ավարտվում է Երևանի Քահմազ-կուլի խանի տված ճակատամարտով՝ թուրքական դորքերի դեմ ու վերջիններիս պարտությանը:

Հատորի սկզբում էջուկեսի վրա տված է «Պատմութիւն և կարգ թագաւորացն Պարսից», մեկ էջի վրա «Թագաւորք Հայոց» և մոտ մեկ էջի վրա էլ Սասանյան Արտաշիրի թագավորելու մասին:

Երկրորդ հատորը սկսվում է Մուրադ սուլթանի կողմից Երևանի գրավումով, ապա պարսիկների կողմից նրա վերագրավումով և ավարտվում է մի քանի նահատակությունների նկարագրությամբ: Այն ընդգրկում է 1635—1699 թթ. ժամանակաշրջանի իրադարձությունները:

Առաջին հատորի 40-րդ գլխից սկսած Զաքարիան նկարագրել է այն իրադարձությունները, որոնց ժամանակակիցն ու ականատեսն է եղել: Այդ մասին նա գրում է. «Այն ինչ՝ զոր գրեցաք ի սկզբանէ պատմութեանս մինչև ցատտ, զամենայն ի համբատոյ և ի լրոյ՝ և ի պատմութիւնէ զրոց և ի յիշատակարանաց էր: Այսուհետև ականատես եմ և ականջալուր մերձակայ իրաց. վասնորոյ գրեմ զամենայն անվրէպ»<sup>17</sup>:

15 Նույն տեղում, հ. Գ., էջ 26:

16 Մ. Աբեղյան, նշվ. աշխ., էջ 455:

17 Զաքարիա, հ. Ա., էջ 68—69:

Իրեն պատմողների նյութը շարադրելուց հետո, որպես կանոն, տալիս է նրանց անունները. «այս պատմեց Մարկոս Զուղայեցի վարդապետը»<sup>18</sup>, «Ասել ենք Զաքարիա վարդապետից»<sup>19</sup>, «պատմեց Հովհան Կարնեցի զարդապետը»<sup>20</sup>, «Հոռոմ Հովհան սարկավազը»<sup>21</sup> և այլն, որոնք իրենց պատմածներին ականատես են եղել: Մի քանի պատմություններ էլ իբր իրեն պատմել են նկարագրվող դեպքերի գործող անձերը՝ վիշապից փախչողը, զև կին ունեցողը, նահատակվածի ընկերը, պատերազմի մասնակիցը և այլն:

Երրորդ հատորը կազմում է Կոնդակը, որի մասին վերևում արդեն սովել է:

Մ. Աբեղյանը և լեոն միանգամայն ճիշտ նշում են, որ Զաքարիայի «Պատմությունն» առաջին երկու հատորները իրենց պարունակած նյութի արժեքով հավասարաշափ չեն: Առաջին մասի նյութերը, որոնք հիմնականում վերցված են հիշատակարաններից ու Գավրիթեցուց կամ ականատեսների պատմածներից, իբրև պատմական երկ արժեք չունեն, որովհետև զուտ ժողովրդական գրույցներից ու երգերից է բերված, որոնց հիմքը, սակայն, պատմական է: Նրանք իրավամբ գտնում են, որ այդ հատորը իսկապես, մի ժողովրդական բանաստեղծության ժողովածու պետք է համարել և ոչ պատմություն, որով և «Զաքարիան, այս միամիտ մարդը, անգիտակցորեն, իր պարզամտության պատճառով, հանդիսացել է հայոց ֆուլկլորի-ժողովրդագիտության առաջին հավաքողը խորհնացուց հետո, բայց և խորհնացուց ավելի հարուստ ու հարազատ կերպով, քանի որ նա, հավատացած լինելով թե պատմություն է տալիս, մեղ ժողովրդական անգիր բանահյուսության օրինակներ է տալիս և կամ բովանդակությունը, առանց փոփոխելու և հետաքրքիր մանրամասնություններով, որով նա հանդիսանում է իբրև ժողովրդական գրող, որի գրվածքի մեջ մնում են ժողովրդական պարզությունը, կուպիտ, բայց թարմ կյանքը»<sup>22</sup>:

Շարունակելով իր միտքը Մ. Աբեղյանը ընդգծում է, որ և՛ թե այդ գրույցները պատմություն չեն, ապա նրանց հիմքը պատմական է և նրանց մեջ շատ գեղեցիկ երևում է ժամանակակից կյանքը, բնավորություններ և դեմքեր ու կենցաղական գծեր: Իրանք ցույց են տալիս, թե

18 Նույն տեղում, էջ 56:

19 Նույն տեղում, էջ 59:

20 Նույն տեղում, հ. Բ., էջ 29:

21 Նույն տեղում, էջ 116:

22 Մ. Աբեղյան, նշվ. աշխ., էջ 454:

ինչով էր գրազվում իր ժամանակի հայ և պարսիկ մարզու միտքը, հայ ժողովրդի մտավոր կյանքն ու աշխարհայեցողությունը, բարքերը, նիստն ու կացը, սովորությունները, սնոտիապաշտությունները, հավատալիքը, և ցույց են տալիս ավելի պարզ, քան մեր որևէ ուրիշ պատմական կարե-վոր երկի մեջ<sup>23</sup>:

«Մեր գրականության մեջ, — գրում է Լեոն — դա մի շատ ինքնատիպ դեմք է, առաջինն իր տեսակի մեջ, տաղանդավոր մի շինական, աշխույժ, հետաքրքրվող և հետաքրքրող, պարզամիտ և հավատացող՝ երեխայի շափ, ժողովրդական պատմվածքների սիրահար և ամբողջովին ժողովրդական գրողի հոգեբանությամբ լցված: Շատ է սիրում իր Քանաքեռը և հաճախակի պատմություններ է տալիս նրա կյանքից: Մի խոսքով, Զաքարիա Ղապույենցը կարող է ամենայն հարազատությամբ համարվել XIX դարի մեծ Քանաքեռցու՝ Խաչատուր Աբովյանի գրական նախահայրը»<sup>24</sup>:

Լեոն, այնուհետև նշում է, որ «Իր անպաճույճ, վայրիվերո «Պատմագրություն» մեջ Զաքարիան հավաքել է բազմաթիվ փաստեր ժողովրդական կյանքից, մի բան, որ մենք չենք գտնում մեր համարյա ամբողջ հին գրականության մեջ: Այստեղ ավելի ևս պայծառ գծերով, քան երբևիցև առաջներում, երևան է գալիս Արարատյան երկրի գյուղը (գլխավորապես Քանաքեռը), և մենք տեսնում ենք շատ առօրյա երևույթներ, որոնք թեև չունեն պատմական նշանակություն, բայց մեծ հետաքրքրություն են ներկայացնում իբրև ժողովրդական նիստ ու կացի, հավատալիքների, կրած ճնշումների ու կեղեքումների պատկերներ: Հեղինակը մեզ մտցնում է ժողովրդի կյանքի մեջ — ահա ինչն է ամենագնահատելին»<sup>25</sup>:

Կենցաղային զանազան, հաճախ երկրորդական թվացող, մանրուքների պատկերման շնորհիվ Զաքարիայի պատմածները բացառիկ արժեք են ստանում նաև որպես ազգագրական նյութ<sup>26</sup>:

Զաքարիայի Պատմության առաջին և երկրորդ հատորների նյութերի մեծագույն մասը կազմում են պարսից շահերի՝ շահ Իսմայիլի, շահ Թահմասպի, շահ Աբբասի և շահ Սեֆիի մասին ժողովրդի մեջ տարածված գրույցներն ու երգերը: Մեծ տեղ է տրված առանձնապես շահ Աբբասին վերաբերող գրույցներին, որոնց հիմքի վրա Զաքարիան բերել է բազ-

մաթիվ ավանդություններ ու առասպելներ, իրադարձություններ ինչպես լսել կամ տեսել է և իրեն կարևոր է թվացել՝ երկրաշարժ, արեգակի խափարում, սով, մարախ, երկնային օդերևույթներ, առասպելագարդ պատմություններ:

Մ. Արեղյանը այս անշուքյամբ նկատում է. «Եկապիսի պարզամիտ մարդը բնականորեն ոչ միայն ինչ որ Շահաբասի վրա պատմվում է՝ պիտի բերեր իբրև Շահաբասի պատմություն, այլ և ուրիշ շատ առասպելներ ու սնտրիապաշտություններ և այնպիսի նկարագիրներ, որոնք պատմության հետ բնավ կապ չունեն»<sup>27</sup>:

Շահ Աբբասի կապակցությամբ, Լեոն ճիշտ նկատում է, որ Ասիական այս ահարկու բռնավորի արարքները, ինչպես երևում է, ժողովրդին խոսակցության առատ նյութեր են տվել, կազմելով շատ այնպիսի պատմվածքներ, որոնց մեջ Հայաստանի ավերողը բավական համակրելի գծեր է բնորոշել<sup>28</sup>, և Զաքարիա պատմագիրն էլ հավատացել է դրանց ու գրի առել թերևս և իր կողմից էլ որոշ շափով ծաղկեցրել:

«Սովորութիւն էր Շահ-Աբասին՝ որ երբեմն երբեմն՝ յայլակերպս եղևալ շրջէր: Լինէր՝ զի երբեմն երիվարաւ և փայլեկաւ զնայր՝ ուր և կամէր, երբեմն միայն, երբեմն ի կերպ փօրեղկի՝ որ է շարշի: Եւ այսպէս շրջէր ի մէջ մեծամեծաց և ուսմկաց: Հարցանէր և տեղեկանայր յամենայն՝ ի Շահէն և յերկրէն, ի հարկաց և յամենայն իրաց»<sup>29</sup>: Եվ Զաքարիան տալիս է շահ Աբբասի այդպիսի այլակերպյալ-կերպարանափոխյալ այցելությունների մի քանի նկարագրություններ:

Գուլփիքան գլուղաբաղաբում շահը հորդ անձրեկից պատսպարվելու նպատակով մտնում է մի տուն, դիմում է տանտիրոջը՝ ստելով «Վասն սիրոյ Շահին ընկալ զիս, զի պաղեցայ ի ցրտոյ: Տանտերը պատասխանում է «Որովհեն զՇահն յիշեցէր, էջ ի ձիոյդ» և շատ լավ ընդունում է, հյուրասիրում, ուտում և խմում են ու մինչև կես դիշեր «ճոսէին յաշխարհէ և ի Շահէն: Իսկ այլն միշտ բարօք զոհանայր ի Շահէն: Հետո տանտերը բերել է տալիս «մահիճս ազնիս» Շահին և փայլեկին»: Առավոտյան շահի հարցին, թե որքան պետք է վճարեմ ընդունելության և հյուրասիրության համար, տանտերը ասում է. «Աստուած մի արասցէ, զոր Շահի անունն յիշողն և վասն Աստուծոյ եկեալ հիւրն՝ պատաս մի

27 Մ. Արեղյան, *Նշվ. աշխ.*, էջ 457: Այդ էջի ծանոթության մեջ Մ. Արեղյանը նշում է Զաքարիայի Պատմության մեջ զետեղված այդպիսի՝ պատմության հետ կապ չունեցող նյութերի խորագրերը: Մենք այստեղ անհրաժեշտ շահարեցիցիք դրանք թվարկելու:  
28 Ան, *Նշվ. աշխ.*, էջ 336:  
29 Զաքարիա, *հ. Ա.*, էջ 15, 20:

23 Նույն տեղում, էջ 456—457:  
24 Ան, *Նշվ. աշխ.*, էջ 365:  
25 Նույն տեղում, էջ 365—366:  
26 Տե՛ս Հայ ժողովրդի պատմություն, հ. IV, էջ 497:

հաց կերիցէ, զգինս նորա առից, և կորուսից զվարձս իմ, և այսպէս ար-  
ձակեաց զնա»<sup>30</sup>,

Շահը տանսիրոջ ծառայից իմանում է, որ նրա անունը Ալլահվերդի է: Իր բանակատեղը հասնելուց հետո, հրամայում է իր մոտ բերել այդ Ալլահվերդուն, նրան բերում են, վերջինս ճանաչում է իր հյուրին: Շահը նրան մեծ պարգևներ է արժանացնում և նշանակում է Շիրազ քաղաքի խան: Զաքարիան այս բոլորը գրելուց հետո ավելացնում է. «Այս այն Ալլահվերդին է՝ զոր Առաքել պատմագիր յիշէ ի պատերազմին Արժկոյ և Վանայ, որ է ստոյգ այսպես, որպէս և գրեցաք: Զայս լուաք մեր Մուրաս խան անուն յառնե միողէ: Այլև սակաւ ինչ ի մօրէ իմմէ»<sup>31</sup>: Եվ բացատրում է, որ շահ Աբբասի բնագաղթի ժամանակ իր մորն ու նրա ծնողներին նույնպես քշած են եղել ու բնակեցրած այդ Գուլփիբան գյուղաքաղաքում և մայրն այդ մասին այնտեղ է լսել, «որ և զպատմութիւնս զայս արար մայրն իմ»<sup>32</sup>: Շատ հավանական է, որ այս հեքիաթը իմացել է և Գավրիթեցին, սակայն չի հավատացել ու գրի չի առել: Վերջինիս մոտ այդ Ալլահվերդի խանը շահ Աբբասի սիրած զորավարներից է, ակտիվ մասնակցութիւն է ունենում նրա մղած պատերազմական գործողութիւններին օսմանցիների դեմ և շահը, հաշվի առնելով նրա ծառայութիւնները, կատարում է նրա խնդրանքը՝ գաղթեցրած հայերից 500 տուն ուղարկում է Շիրազ այնտեղ բնակեցնելու համար:

Շահը մանրավաճառի դերում կնճան գյուղում գնում է ոմն Գավրիթ Երեցի տունը, ուր գոիչ էր և հայսմավառք էր գրում: Նա մանրավաճառից գնում է փոքրիկ գրչահատ: Այնուհետև երկար զրուցում են իրար հետ: Շահի հարցին, թե շահից դո՞հ եք, նա պատասխանում է. «դեռ ոչ լան գիտեմք Շահի, ոչ վատն, այլ զի թագաւոր է, ոչ է արժան վատ ասել նմա»<sup>33</sup>: Շահի հարցին, թե ի՞նչ գիրք է, որ գրում էր, Գավրիթը պատասխանում է, որ այն նահատակների մասին է և կարդում է Հակոբ նահատակի մասին ու ասում, որ այն կատարվել է Հազկերտ թագավորի օրոք:

Արքունիք վերադառնալուց հետո, մի օր իր մոտ է կանչում արքունիքի մեծամեծներին, ասում, թե իբր երազ է տեսել և պատմում է այն, ինչ լսել էր Գավրիթ երեցից Հակոբ նահատակի մասին, սակայն Հազկերտի տեղը իբր իր հրամանով է այդ նահատակութիւնը կատարվել. «յորժամ կատարեցաւ հրամանն իմ, ապա լոյս յերկնից սաստիկ և ահեղ էջ

ի վերայ նորա (Հակոբի— Լ. Բ.), այնքան՝ որ զլոյս արեգականն արդեւաւ: Արգ ես ասեմ ձեզ. գրեցէք ի գիրս ձեր կանոնս՝ և նդովիւք փակեցէք, զի թե քրիստոնէայք տաճկանան, և յետոյ դառնան ի հաւատս իւրեանց, մի՛ արգելուք կամ՝ շարշարէք, այլ թոյլ տուք նոցա կալ ի հաւատրս իւրեանց. մի գուցէ սպանանէք զնոսա, և իջանէ լոյս ի նոսա, և տեսցեն զայս Մահմետականք և երկմտեսցին ի հաւատոց իւրեանց. և լիցի պակասութիւն մեծ ազգի մերոյ. այլ յորժամ դան առ ձեզ, տուք նոցա զիր պաշտել զհաւատն իւրեանց և լինին մուրթատ (ուրացող), և տան հարկս ձեզ: Եւ կատարի հրամանս այս մինչև ցայսօր: Զի թէ ոք պատճառանօք իւրք տաճկացեալ իցէ, երթեալ առնուն նոմոս (հրովարտակ) արքունի, և եկեալ պաշտեն համարձակ զհաւատս իւրեանց և ի տաճկաց ոչ ոք ասէ ինչ»<sup>34</sup>: Եվ որպեսզի իր ասածին հավատա ընթերցողը, ավելացնում է. «Իսկ մեր գնացաք ի Ղազուին քաղաք... սակս վանից գործոյ: Եւ վասն Փարպեցի տաճկաց առաք նոմոս ի Շահ-Սուլէյմանէն՝ Ե(5) արանց. և ահա կան քրիստոսական հաւատով...»<sup>35</sup>:

Շահ Աբբասի մասին այս հեքիաթ-գրույցը մի պահ հիշեցնում է Եղիշեի մոտ Հազկերտի և հազարապետ Դենշապուհի միջև տեղի ունեցած խոսակցութիւնը իրենց զլիավոր մոզպետներից մեկի քրիստոնէութիւնը րնդունելու կապակցութեամբ:

Առաքել Գավրիթեցուց գիտենք, որ Պարսկաստան բշխած հայերի մի մասն իր ֆիդիկական գոյութիւնը պահպանելու համար հարկադրված հավատափոխ էր եղել: Շահ Աբբասը ոչ բոլոր հայերի հավատի նկատմամբ էր հանդուրժողական քաղաքականութիւն վարել, այլ միայն հայ առևտրավաշխատուական կապիտալի և հոգևոր վերնախավերի նկատմամբ՝ ելնելով Պարսկաստանի շահերից, այդ մասին Գավրիթեցու «Պատմութեան» անշուքով հանգամանորեն խոսվել է, այստեղ կրկնելու անհրաժեշտութիւնը չկա: Հավատափոխութեան պրոցեսը, երևում է, գաղթականութեան մեջ հետադառնում ավելի ու ավելի է խորացել: Զաքարիան ասում է, որ ինքը միջնորդել է միայն Փարպի գյուղից հինգ դավանափոխ եղածների մասին: Շահ Սուլէյմանի տիրապետութեան շրջանում քրիստոնէականների բնի հավատափոխութիւնը ոչ միայն խիստ սահմանափակվել էր, այլև հանցանք չէր համարվում, եթէ ուրացողը նորից իր հավատին էր անցնում, միայն թե հարկը վճարեր պետութեանը:

Սակայն Զաքարիայի բերած այս գրույցը, թերևս վկայում է այն

30 նույն տեղում, էջ 16:

31 նույն տեղում, էջ 18:

32 նույն տեղում:

33 նույն տեղում, էջ 20:

34 նույն տեղում, էջ 20—22:

35 նույն տեղում, էջ 22:



մասին, որ հայ գաղթականության ստորին խավերի մարդկանց մեջ, որոնք հավատափոխ էին եղել, մտավախություն է տիրել և նրանք միջնորդներ կարիք են ունեցել: Ահա այդ մտավախությունը ցրելու նպատակով է, որ Զաքարիան բերել է այդ գրույցը, ցույց տալու համար, որ իբր դավանանքի ազատությունը, նորից իրենց դավանանքը պաշտելու իրավունք տվել է ոչ այլ ոք, քան շահ Աբբասը, ուստի բոլոր հայերը, որոնք ժամանակին հարկադրված հավատուրաց են եղել, կարող են և պետք է վերադառնան իրենց կրոնին: Ահա հոգևորական պատմագրի նպասակը:

Պատմագրի այդ նպատակին է ծառայում նաև հայ Գյոզալ անունով կնոջ մասին բերված հեքիաթ-գրույցը: Բռնագաղթի ժամանակ Աստապատ գյուղից քշված և Սպահանում բնակություն հաստատածների թվում է եղել և այդ գեղեցիկ արտաքինով կինը, որին Սպահանում շահ Աբբասը տեսել, հրապուրվել էր ու երկար ժամանակ պահել իր մոտ. «Բայց ոչ երկմտեցաւ ի հաւատոյն (Գյոզալը — Վ. Բ.), և ոչ Շահն ասաց ինչ վասն հաւատոյն և կայր նա այնպէս ի հաւատս քրիստոնէութեան»<sup>36</sup>: Ավելին, իբր հետագայում շահը նրան տալիս է ազատության գիր. «Ես Շահ-Աբբաս ետու գիր ազատութեան Գոզալ անուն կնոջ. զի ուր և իցէ՛ պաշտեսցէ զհաւատն քրիստոնէից. և մի ոք լիցի հակառակ դժա վասն հաւատոյն. զի դա քրիստոնեայ է»<sup>37</sup>:

Որոշակի նպատակ է հետապնդել Զաքարիան նաև բերելով ոմն հովիվ Աթալի մասին գրույցը: Այստեղ էլ շահ Աբբասը մանրամասնորդերում Միափոր գյուղում այցելում է մի տուն, ուր տանաիրուհին նստած գուլպա զործելիս է եղել, հինգ տարեկան աղջիկն էլ մոտը նստած: Տեսնելով մանրամասնորդին, կինը հարցնում է, թե ուլունքներ ունի թե ոչ, վերջինս պատասխանում է, որ ունի և նրա առաջն է դնում իր արկղերին: Հարցին, թե որքան արծե ուլունքները, հետևում է պատասխանը՝ որքան որ վճարես՝ այնքան է: Սուտ վաճառականը ուտելիք է ուզում ուլունքի արծեքի դիմաց: Կինն ասում է. «Մի՛թէ հաց տամք մարդոյ՝ և գին առնու՞մք և լինի՞մք վարձավաճառ»<sup>38</sup>: Այնուհետև երկար գրույցում են, շահը բազում հարցեր է տալիս, ապա իմանում է, որ կնոջ ամուսինը հովիվ է, անունն է Աթալ: Շահը կնոջը ապարանջան է նվիրում, երեխային ուլունքներ ու հեռանում է: Դրանից հետո հրաման է արձակում ամբողջ երկրով մեկ. «Եւ առաքեաց յերկիրն ահարկու, թէ՛ ով ոք ի Պարսից ազգէ

բռնութեամբ ինչ առնու ի ոսմկաց, զգլուսն հատանեմ. այլ զոր ինչ առցեն, տացեն զգինն, քանզի, — ավելացնում է Զաքարիան, — գանգատեալ էր կինն»<sup>39</sup>:

Պատմագրի ապրած օրերում պարսիկների կողմից ուսմիկների ունեցվածքի ապրոհի հափշտակումները բավական տարածված են եղել և Զաքարիան անհրաժեշտ է համարել այս գրույցն իր «Պատմության» մեջ բերել, որպեսզի ցույց տա, որ իբր ուսմիկներին կողոպտելն արգելել է ոչ այլ ոք, եթէ ոչ շահ Աբբասը և ժամանակակիցներն ու գալիք սերունդները պետք է որ այդ լավ իմանան:

Արդ, ինչով կարելի է բացատրել Զաքարիայի կողմից իր «Պատմության» մեջ շահ Աբբասի մասին եղած զրույցներին այդքան զգալի տեղ հատկացնելը և պատմության առջև մեղանշելը: Նա շահ Աբբասի ռազմաքաղաքական գործունեության մասին գրեթե չի գրում, եթե չհաշվենք մի քանի ակնարկները՝ սկզբնական շրջանում նրա նվաճումների և հայերի բռնագաղթի մասին, այլ ընթերցողին հղում է այդ բոլորի մասին կարգալի Գավրիժեցու «Պատմությունը», իսկ ինքը մեծ հաճույքով ու մանրամասնություններով պատմում է այդ հեքիաթ-գրույցները, որոնք բոլորն էլ կապված են հասարակ մարդկանց հետ, կենցաղային բնույթ ունեն, սակայն կենսական, ժողովրդին հուզող հարցեր են շոշափում՝ դավանանքի ազատություն, ապաշխարության իրավունքի ձեռք բերում, ուսմիկների ունեցվածքի հափշտակումների արգելում և այլն:

Զաքարիայի՝ պարսիկ առանձին շահերի ու խաների դրական բնութագրումները, հասկանալի է, շափազանցված են, նա չի գիտակցել, որ այդ «բարի», «քրիստոնեասեր» շահերն ու խաները այս կամ այն միջոցառումը արել են, ելնելով իրենց և իրենց պետության շահերից, պետություն, որն արգեն բռնել էր քայքայման ուղին, և ոչ թե ուսմիկ հարկատուների նկատմամբ սեր տածելուց: Զաքարիայի բնութագրումների շափանիչը հանդիսացել է այն, թե տվյալ անձնավորությունը ի՞նչ դիրք է բռնել հայոց եկեղեցու և նրա կաթողիկոսների նկատմամբ, ինչպի՞սի հարաբերությունների մեջ են գտնվել վերջիններիս հետ, հաշի՞ն նստե՞լ են նրանց հետ թե՞ ոչ:

Զաքարիայի կողմից պարսիկ պաշտոնեության ներկայացուցիչների դրական բնութագրումներն, սակայն, շատ քիչ են և նա ցույց է տալիս, որ նրանց բարեգործությունները պատահական բնույթ են կրել, ժողովուրդը գտնվել է ծանր ու անտանելի վիճակում:

<sup>36</sup> Նույն տեղում, էջ 34:

<sup>37</sup> Նույն տեղում, էջ 35:

<sup>38</sup> Նույն տեղում, էջ 24:

Այս իմաստով չի կարելի համաձայնվել Առաքել Առաքելյանի հետևյալ եզրակացությունների հետ, որ իբր «Զաքարիան պարսկական ժողովուրդի և պարսիկ ղեկավարների նկատմամբ բացասական վերաբերմունք չունի, նա կրոնական մոլեռանգություններ կուրացած, կրթա ատելություն չի դրսևորում պարսիկների նկատմամբ, ինչպես նրա նախորդ կամ ժամանակակից մի շարք գրողներ»: Առաքելյանը, սակայն միաժամանակ նկատում է, թե «ընդհակառակն, աշխատության մեջ ընթերցողը կարող է հանդիպել շատ դեմքերի ու դեպքերի, որոնք հաստատում են միանգամայն հակառակը»<sup>40</sup>: Եթե այդ այդպես է, ապա էլ ուր մնաց բացասական վերաբերմունք չցուցաբերելը:

Այդ բանի վառ ապացույցն է հենց Զաքարիա Քանաբեհոցու ամբողջ երկը և հատկապես ստորև բերվող նրա վկայությունները:

Նա գրում է, թե խորով խանից հետո Երևանի խան նշանակված Մամադ-կուլի խանը գոռոզ էր, ինքնահավան և ազահ, «Վասնորոյ և քաջքայնաց զամենայն ուղղութիւնս՝ զոր եզեալ էր խորով խանն: Վասնորոյ ծանրացոյց զհարկն, և հաստատեաց զմաքսն ճանապարհաց, և զոր ինչ վաճառիւր ծանրագին թէ ցորեան և թէ այլ ինչ: Այլ և յամենայն ամի առաքէր քննիչս արտորէից գրել, և զհնգորդն ամ յամէ յաւելուին: Նայնպէս զթուօղս խաշանց, զշափօղս այգեաց, և զզլխագիրս, և այսպէս ի ներքոյ հարկի եզ զամենայն, և զոր ինչ խորովն թեթևացուցեալ էր, սա ծանրացոյց և մեծագին արար: Եւ եղև թշնամի և հակառակ աղգիս մեր»<sup>41</sup>:

Զաքարիան, ատելություններ է խոսում թուրամորթ, ազահ վատնող շահերի ու խաների մասին:

Այսպես, շահ Իսմայիլին հաջորդած շահ Խուդաբանտի մասին ասում է, որ նա անարի և անպիտոյ էր պատերազմներում, սրա ժամանակ օսմանացիները գրավել էին Երևանը, Գանձակը, Թավրիզը, Շամախին և այլ վայրեր: «Եւ վասն անարի լինելոյ նորա՝ զովիչք Պարսից ասացին նմա երզ արհամարհանաց. և ի մէջ երգոյն ասացին, քակեցիր զՊարսէզ, և աղբեցիր ի Մարանդ: Նաև առասպելս յողեցին այսպէս. թէ ասէին, թագաւոր այս ինչ քաղաք առին Օսմանացիք, և դու զի՛ կաս նստեալ: Իսկ նա սաստէր նոցա ասելով, լուռ լերուք, զի հարսանիս են կատուաց և ինքն զարդարէր զկատուն՝ դիպակ հանդերձի, և կախէր զանգակ ի պարանոցէ կատուացն, և հրամայէր փողս հնչել. և ինքն ծափս հարկանէր և խնդայր»: Զաքարիան ավելացնում է. «Զայս առասպելեցին վասն տկար

և անարի գոլոյն, որ նշանակէ թէ՛ որպէս կատու ի տուն բնակի, և ոչ ելանէ արտաքս, նոյնպէս և սա որպէս կատու անկեալ էր ի տան, ոչ ունէր փոյթ վասն աշխարհին»<sup>42</sup>:

Երևանի Սաֆի-կուլի խանի մասին պատմագիրը ասում է. «Սա եկեալ նստալ յԵրևան, և սկսաւ նորաբոյս շարիս գործել... Եհան հրաման թէ յաւուր անձրևու քրիստոնեայք արտաքս մի ելցեն ի տանց, զի հոս գարշ ելանէ ի նոցանէ, և զտաճիկսն ապականէ»<sup>43</sup>: Հրաման է տվել, որ առանց իր թույլտվության չթաղեն մեռած մեծամեծների և օտարականների՝ լինեն քրիստոնյա, թէ պարսիկ: «Այլ և բազմացան աւաղակք ի ճանապարհի, և գողք ի շէնս, վասն այս պատճառի ո՛չ ոք կարէր գնալ ի ճանապարհ, զի կողոպտէին... եւ այսպէս կայր երկիրս ամենայն ի մէջ բազում տառապանոց»<sup>44</sup>, ընդժում է Զաքարիան: Այնուհետև գրում է, որ շտանելով այդ բոլորը, պարսիկները՝ քաղաքի ստորին պաշտոնյաները, որոնք իրենց անվանել են «զարափաշա», Ֆաթալի բեկի գլխավորությամբ հավաքվել են, խորհուրդ են արել, որոշել են նրան հեռացնելու համար զիմել շահին, նրան տնային կալանքի են ենթարկել: Անձրև օրերին քրիստոնյաներին տներից դուրս գալն արգելելը շեշտելով, գրել են. «Մեք ահա դրացի եմք քրիստոնէից և խառն ի խուռն կամք ընդ նոսա. առևտուր ի միասին լինի, և շահս բազումս ունիմք ի նոցանէ, և սա կամի զրկել զմեզ ի շահից մերոց... Հարկս կամի առնուլ ի մեռելոց»<sup>45</sup>:

Պատմագրի այս վկայությունը ցույց է տալիս, որ նման խաներից զժողո՛հ են եղել ոչ միայն հայերն ու այլ հպատակները, այլև պարսիկները:

Այս դավադրության մասին վկայում է նաև Զաքարիա Ազուլեցին իր «Օրագրության» մեջ<sup>46</sup>:

Զաքարիա Քանաբեհոցին զայրույթով գրում է, թե ոմն Մուրթուզ-կուլի խան, որ նշանակվել էր Երևանի խանի տեղապահ և մեծ հույսեր ուներ մնալ այնտեղ, դառնալ խան, և դրա համար շատ կաշառքներ էր ուղարկել արքունիքի մեծամեծներին, սակայն երբ համոզվել էր, որ իր հույսերը չի իրականացվելու, «կամեցաւ հնարիւր իմն կողոպտել զերկիրն»: Արգելել է զինու վաճառքը, կնքել է տվել բոլոր կարասները, իսկ լեռնային զավառներում, ուր զինի երբեք չի եղել, կնքել են մաժնի և

42 Նույն տեղում, հ. Ա., էջ 13—14:

43 Նույն տեղում, հ. Բ., էջ 89:

44 Նույն տեղում:

45 Նույն տեղում, էջ 90:

46 Զաքարիա Ազուլեցու օրագրությունը, Երևան, 1938, էջ 135:

40 Ա. Առաքելյան, Հայ ժողովրդի մտավոր մշակույթի զարգացման պատմություն, հ. 2, Երևան, 1964,

41 Զաքարիա, հ. Բ., էջ 44—45:

Թանի պտուկները և միայն մեծ կաշառք ստանալուց հետո իր հրամանը փոխել է<sup>47</sup>:

Ցասումով է խոսում Զաքարիան նաև Երևանի մի այլ խանի՝ Ֆար-դալիի մասին: Նա էր «այր ազա՜ և ոհշտ, կողոպտող և գերփող, և կաշառող, անիրաւի և դատաստանի, և կաշառք թիրէր զդատաստանն. յորժամ որ գանգատէր յումեքէ, առանց բնութեան առնոյր տուգանս, որք մի փողոյ տեղիք էին, նա Ի (20) փող առնոյր, այսպէս իմա զամենայն: Բաղմացան և գողք ի շէնս և աւազակք ի ճանապարհս և յանդաստանս: Քանզի աւազակք համարձակ մտանէին ի փարախս խաշանց, և քշեալ, տանէին, և գողք մտանէին ի գոմս, և զանասունս հանեալ տանէին աներկիր: Եւ թէ ըմբռնէին զգողսն՝ և տանէին առ իշխանն, և նա առնոյր տուգանս և արձակէր առանց պատժոց, և նոքա գնային, և դարձեալ առնէին գողութիւն: Եւ էր սազնապ մեծ յաշխարհին Արարատեան»<sup>48</sup>:

Պատմագիրն ատելությամբ է գրում նաև Երևանի՝ ծագումով լեզգի Սաֆի խանի մասին, որը հանգանել էր Հակոբ Զուղայեցի կաթողիկոսին բանդարկել: Այդ խանը կաթողիկոսից պահանջել էր իրեն տալ էջմիածնի լիճն ու այգին, բայց մերժում էր ստացել, զայրացել էր և որոշել վրեժխնդիր լինել: Կաթողիկոսին արգելել է գնալ Սպահան, ներկայանալ շահին: Կաթողիկոսը նրան չի լսել, մեկնել է: Խանն իմանալով նրա գնալու մասին անմիջապես զինվորներ է ուղարկել, որոնք և Աստապատից բռնությամբ ետ են վերադարձրել կաթողիկոսին Երևան, ուր խանը նրան կալանքի տակ է առել: Զաքարիան գրում է, որ Զուղայեցու Սպահան գնալու շարժառիթներից մեկն էլ կաթողիկոսարանի պարտքերը մարելու խնդիրն էր եղել: Խանը նրան ասել էր, որ տեղի վաճառականներից գումար վերցնի, վճարի պարտքերը, սակայն կաթողիկոսը չէր համաձայնվել՝ պատճառաբանելով, որ հետո նա ի վիճակի չի լինի այդ գումարը վերադարձնել նրանց:

Կաթողիկոսին կալանավորելուց հետո, խանը «ժողովեաց դամենայն փարթամ և մեծատուն մարդիկ, և էսո ի նոցանէ ՌՅ թուման դրամ, և պատճառ եղ՝ թէ աթոռին պարտն տամք, և յետոյ ձեզ հատուցեն էջմիածնի նստողքն: Եւ պատրեաց դամենեսեան և ինքն լափեաց, և ոչ ետ նմա փող մի»<sup>49</sup>: Զաքարիան գոհունակությամբ գրում է, որ Զուղայեցուն, սակայն հաջողվել է փախչել Երևանից, գնալ Պոլիս, այնտեղից էլ՝ Սպահան, ներկայանալ շահին, պատմել նրան Սաֆի խանի վարքագծի մասին:

Զաքարիա Քանաքեղոցին պակաս ատելությամբ չի խոսում և ժողովրդին կեղեքող, զոփող, կաշառակեր հայ իշխանավորների մասին: Գեղարբունիքի Մմակ զավառի դավառապետի ոմն Մելիք Փարսադանի մասին գրում է. «էր կարի ազա՜ և յափշտակող, հպարտ և գոռոզ: Եւ Երէցն Մխիթար խրատէր զնա, զի ի բաց կացցէ յայնմ անիրաւ գործոյն՝ և մի կեղեքել և զրկել զոսմիկսն: Իսկ Մելիքն Փարսադան փոխանակ զղջանալոյն և դառնալոյն ի շար գործոյն՝ յաւել ևս ատել զպատուական երէցն»<sup>50</sup>:

\* \* \*

Զաքարիա պատմագիրն արժեքավոր տեղեկություններ է հայտնում շահ Աբրահիմ կողմից իրականացված մեծ բռնագաղթի՝ Հայաստանին պատճառած հետևանքների մասին և դրանով լրացնում է Առաքել Գալփիժեցուն և հնարավորություն է տալիս մեզ ավելի շատ բան իմանալու այդ հետևանքների մասին: Նախ նա թվարկում է այն վայրերը, որտեղից գաղթեցրել են հայերին և որտեղ բնակեցրել են նրանց: Նա գրում է. «Վասնորոյ մեք կարևոր համարեցաք շարադրել աստէն, զինչ երկիր որ աւերեաց, որք են այսորիկ յանունէ յետ և թէ առաջ, և դու ի միտ առ սկսեալ ի կողմանցն Նախիջևանոյ՝ զԵղեզաձոր, զԳեղամ, զԼօռի, զՀամզաչիման, զՆիդ, զՇարապխանայ (Շապին-Գարաբար), զՇիրակ, զԶարիշատ, և զգեղորայսն Կարուց, և զձորն Կաղզուանայ, զԱլաշկերտ, զՄակու, զԱղբակ, զՍալամաստ, զԽոյ, զՈրմի, և զկողմն Թարիզու, զդաշտն Աբարասու, զԵրևան քաղաք, զԿոտէս գաւառ, զՄաղկնուձոր, զԳառնուձոր, զՈւրնաձոր, և որ զգաւառն Կարնոյ և զԲասննոյ՝ զԽնուս, և զՄանազկերտ, զԱրծկէ, զԱրճեշ, զԲերկրի, և զամենայն գաւառս Վանայ, և այլ ամենայն տեղիս գերեաց և աւերեաց, այրեաց և հրդհեաց զամենայն բնակութիւնսն, զի մի մնացէ շէն... յայս տեղուցեն՝ զորս բնակեցոյց. Արտախիլ, Ահար, Ապահար, Ազուլին, Համատան, Շիրազ, Գուլիէքան, Քրման, Ասպահան, Խունսար, Սիլախօտ, Փարիա, Փուսվարի, Գէնտուման, Լնճան, Ալինճան, Խոյիկան, Շիւշարան, և այլ գաւառսն Պարսից... և առաջ քան զոսա՝ երկիրն Կախեթու և Քարթլայ ևս քշալ տարաւ ի Ֆահրապատ, և յԱշրափ, ի Քուշան: Եւ այսպէս բնակեցոյց զնոսա յաշխարհն Բաղա (Իրազայ)»<sup>51</sup>:

Պատմագիրը ցավով հաղորդում է նաև. «Մնաց երկիրն Արարատեան

47 Զաքարիա, հ. Բ., էջ 134:

48 Նույն տեղում, էջ 135:

49 Նույն տեղում, էջ 78:

50 Նույն տեղում, հ. Ա., էջ 82:

51 Նույն տեղում, էջ 19—20:

ուր տեսանէր արեղայ, մերկացուցանէր, և բրածեծ առնէր: Եւ ասէր ցժողովուրդն, ո՛վ որ արեղայի տայ ինչ, ինքն ի դժողքն իջանէ: Քանզի ո՛չ է արժանի արեղայն առնել պատարագ, վասնզի շնացողք են և պիղծ: Այլ երիցուն արժան է առնել պատարագ, զի սուրբ ամուսնաւ կայ, և այլ աչապիսի խաբեբայ բանի պատրեաց զաշխարհն Աղուանից: Եւ եկեալ յարեցան ի նա մարդիկ աւելի քան զՇ. և ոչ միայն գոեհիկ աշխարհականք և ոամիկք, այլև տգէտք երիցունք, և փարթամ և մեծազգի մարդիկք»<sup>58</sup>:

Պատմագիրն ասում է, թե Մեխլուն իր հարյուրավոր համախոհներէն ընտրել է 12 «թոփուզավորներ» որոնք մահակներով կամ լախտերով գինված, կատարում էին նրա հրամանները՝ ծեծում էին վանքերի հաշվին հղիացած արեղաներին, կալանավորում նրանց, ուրիշներից՝ կեղծավորելով, ոչինչ էր վերցնում, այլ ամեն ինչ ստանում էր այդ 12 հոգու միջոցով և բաժանում 500 մարդկանց միջև ու ասում. «Քրիստոսի աշակերտացն չէ պիտոյ ստանալ ոսկի կամ արծաթ, և կամ զգենուլ հանդերձս ազնիւս, այլ մազ և շալ պիտոյ է նոցա զգենուլ»<sup>59</sup>: Շքեղազգեստ արեղաներից տարբերվելու համար նա կրել է երկու մեխով ամրացրած աչժի մազից հյուսված փալաս: Մուսուլմանական որոշ աղանդապետերի պես Մեխլուն ևս հանդես է եկել քողարկված դեմքով, շուռ տված վեղարով ծածկել է երեսը, իբր թե իրեն արժանի չհամարելով նայելու երկընթին<sup>60</sup>: Աշ. Հովհաննիսյանը նկատում է, որ որոշ կողմերով Մեխլուի շարժման մեջ կարելի է տեսնել պավլիկյան և թոնդրակյան կամ Առաջավոր և Միջին Ասիայում աւարածված աղանդների հեռավոր արձագանքները, որ Մեխլուի քարոզների մեջ խաշաձեւում էին քրիստոնեական և մուսուլմանական աղանդների հալացքները<sup>61</sup>: Դրա համար էլ Զաքարիան ասում է՝ պարսիկները նրան Մեխլու բաբա անունն են տվել, իսկ հայերը՝ Մեխլու վարդապետ<sup>62</sup>:

Աղվանից կաթողիկոսի և հոգևորականության պահանջով Մեխլուն իր համախոհներով հեռացվել է Գանձակի բեկլարբեկության սահմաններից: Նա Գեղարքունիքի վրայով եկել է Կոտայք և ապա Երևան: Այստեղ նույնպես հաջողություն է ունեցել հայ և ալլազգի գյուղացիների մեջ: Մինչև իսկ Քանաքեռի տնարգել աղջիկներն էին ենթարկվել նրա խոս-

քերի «բժժանքին» և իրենց երեսները քսել նրա հանդերձանքի փեշերին<sup>63</sup>: Ավետիս, Զաքարիան ստիպված խոստովանում է թէ Երևանից նրան հեռացնելուց հետո «տգէտ ոամիկքն Քանաքեռոյ՝ յորժամ լուան զգալուստ նորա, գրոհ տուեալ ելին ընդ առաջ նորա... Եւ բազում ողջադուրելով ընդունէին զնա»<sup>64</sup>:

Քանաքեռցի մի պառալ կնոջ հորթն էլ բռնութեամբ վերցրել են ու մատաղ արել Մեխլուի համար<sup>65</sup>: Գնալով աճել էր Մեխլուի հետևորդների թիվը, և նրա քարոզները սպառնալից էին դառել պորտաբույծ սևազուխների համար: Զաքարիան վկայում է, որ «տգետ քանաքեռցիները» նրան տարել են եկեղեցի «եւ ի շրանել տեղոյն, ելեալ նստաւ ի վերայ սեղանին (Մեխլուն— Ա. Բ.) և զոտան կախեալ ի վայր՝ և զողանջէր զէպ յարեղայան՝ և ասէր, ո՛վ որ՝ որ սպանանէ արեղայ մի, այլ ո՛չ գոյ հարցումն մեղաց նորա, այլ երթայ յարքայութիւնն Աստուծոյ»<sup>66</sup>:

Այնուհետև գրում է, թե Մեխլուն վկայութուններ էր բերում ինչ որ «ժողովածուից», որի հիման վրա վատաբանում էր վանականներին և հավաստիացնում, թե սևազուխներին սպանողներն արժանանալու են արքայութեան:

Մեխլուն, երբ իր հետևորդների հոծ բազմութեամբ մտել է Երևան, Ամիրգունա խանը նրան հարցրել է, թե այդ բազմութեամբ պատրաստվել ես պատերազմի՞ գնալ, Մեխլուն պատասխանել է. «ո՛չ ուրեք գնամ, այլ զի ես քարոզեմ զճշմարտութիւն, վասնայնորիկ շրջին դորս ընդ իս»<sup>67</sup>: Պատմագիրն այնուհետև հայտնում է, որ նրան հեռացրել են քաղաքից: Քանաքեռից է՛լ Ավետիս կաթողիկոսն ու խանի զինվորները Մեխլունին քշել են և նա գնացել է էրզրում, ուր կեղացի Պողոս վարդապետը, որին մինչ այդ էջմիածնից հայտնել էին նրա ով լինելու մասին, բռնել է նրան, վերցրել է վեղարն ու փիլոնը, և որովհետև Մեխլուն ասել էր, թէ գնալու է Երուսաղեմ, Պողոս վարդապետը Երուսաղեմ գնացող ուխտավորներին պատվիրել էր նրան իրենց հետ շտանելու «Եւ նա,— վերջացնում է իր խոսքը Զաքարիան,— այնպէս կորեաւ և բարձու ի միջոյ՝ ընկալեալ զյաւիտենական կորուստն»<sup>68</sup>:

58 Նույն տեղում, էջ 48—49:

59 Նույն տեղում, էջ 49:

60 Տե՛ս Հայ ժողովրդի պատմություն, հ. IV, էջ 117—118:

61 Նույն տեղում, էջ 117:

62 Զաքարիա, հ. Ա., էջ 49:

63 Նույն տեղում, էջ 50:

64 Նույն տեղում, էջ 53:

Գր. Դարանաղցու կապակցութեամբ ասվել է, որ նրա վկայութեամբ Մեխլուի քարոզներն արձագանք են գտել նաև Նոր Զուղայի բնակչության մեջ:

\* \* \*

Զաքարիա Քանաքեռցին էլ Դավրիժեցու նման, հիացմունքով է գրում հայ եկեղեցու վերանորոգիչներ Մովսես և Փիլիպպոս կաթողիկոսների ու նրանց հետևորդների մասին: Մովսեսը նրա համար երկրորդ ևուսավորիչն է: Միաժամանակ անհուն ատելութեամբ է արտահայտվում երևանցի Օնոփրիոս վարդապետի մասին<sup>69</sup>, որն ուսումնառութունը ստացել էր էջմիածնում, արեղայի աստիճան ձեռք բերելուց հետո ուղարկվել է Սևանի անապատը որպես առաջնորդ, հետո վերադարձել է էջմիածին, եղել է կաթողիկոսի տեղակալը, հետո գնացել է Տիգրանակերտ իբրև նվիրակ: «Իսկ նա այնուհետև յատնեաց զչարութիւնն իւր ըստ գրեցելոյն, անհնար է օժի թողուլ զթոյնն, և Եթովպացոց՝ զթխպութիւնն, և կարճի՝ զխայթոցն: Ըստ նոյն սարասի ունէր և սա մթերեալ զչարութիւնն ի սրտի իւրում, և ժայթքեաց ի գարշ սրտէ իւրոյ զպիղծ մաղձիւր: Եւ առեալ թուղթ բազում և կցեաց ընդ իրեար, և գրեաց առ սուրբ Աթոռն էջմիածին, և առ կաթողիկոսն Յակոբ, և առ միաբանք Աթոռոյն՝ և առ ամենայն վանորայս՝ և առ առաջնորդս նոցա՝ բազում հայհոյանս, և զխօսս անարգս, բարբանջմունս և զօղանջումն սուտ և զուր, վալրապար հաշմունս որպէս շուն կատաղեալ ընտ Տեանն իւրոյ»<sup>70</sup>:

Սակայն Զաքարիան չի ասում, թե նա ինչ է գրել, բավարարվում է նշելով, թէ «Եթէ զչարութիւն սորա զամենայն պատմեմք, բազում են, և լսողքն գայթակղին, և մեք ժ-նէն զմինն գրեմք համառօտ»<sup>71</sup>:

Զաքարիան հաստատում է Դավրիժեցու այն վկայութունը, որ թուրքական և պարսկական արքունիքներն ու բարձրաստիճան պաշտոնեությունը հայոց եկեղեցին դիտել են իբրև իրենց եկամտի աղբյուր: Նա գրում է, որ մի վեզիր սուլթանին ասել է, «Բ գլխաւոր տեղի աղօթից գոյ Հայոց, մինն ի քում իշխանութեան է, որ կոչի Երուսաղէմ... և յա-

մենայն ամի գան ուխտ անդ ի կողմանցն Պարսից բազումք և անթիւք, և տան մաքսս բազումս ի ճանապարհին և Երուսաղէմի անթիւտան դրամս, և յաւելու ի գանձ արքունի: Այլ և յԳ ամին միանգամ առաքեն յԵրուսաղէմայ յերկիրն Պարսից՝ և ժողովեն զբազում ոսկի և արծաթ և զղիպակ հանդերձս, և բերեն յԵրուսաղէմ, և է նա օգուտ ազգի մերում: Իսկ ի մերս կողմանէ ոչ գնան բազումք յէջմիածին. և թէ գնան ևս, ոչ տան նոցա այնքան որ իւրեանց կերածն և ըմպածն վճարէ: Եւ նոքա ևս առաքեն յԳ ամին միանգամ Նուիրակ ի մերս կողմ, բայց ոչ տան որպէս նոքա սան, այլ սակաւ, մեր ժ տունն՝ նոցա մի տանն շափ ոչ տան, և զայն ևս Եղիազարն կամի շտալ: Եւ զայս ծանուցանեն Շահին, և նա պնդապահս տայ առնել աշխարհին իւրոյ շննալ յԵրուսաղէմ, և զնուիրակն ևս արգելուն, և այն պակասութիւն մեծ լինի թագաւորութեան մերում, նա թէ և խոտվութիւն ևս անկանի ի մէջ Բ ուց թագաւորութեանց»<sup>72</sup>:

Քանաքեռցին այնուհետև գրում է, թե Հակոս Զուղայեցի կաթողիկոսը Թուրքիայից վերադառնալուց հետո, գնացել է Սպահան շահի մոտ, երևանի Սաֆի կուլի խանից բողոքելու և իր կաթողիկոսութեան հրովարտակը ստանալու համար: Ասում է. «Նախ պատրաստեաց յիսուն ոսկին՝ որ սահմանեալ էր առաջին կաթողիկոսացն տալ Շահին վասն իւր ռադամին»<sup>73</sup> (հրովարտակին): Ուրեմն, որպես կանոն, կաթողիկոսները այդ հրովարտակը ստանալու համար, պարտադիր կարգով, 50 ոսկի են տվել շահին, որը փոքր գումար չի կազմել այն ժամանակ: Կաթողիկոսն իր բողոքագրում գրել էր. «Ի բնէ է ամենայն ազգ Հայոց՝ ուր և իցէ՝ թէ յաշխարհին Օսմանցոց, թէ ի Ֆրանգաց, թէ Հնդկաց, թէ Մոսկովաց, և ուր և գտանի յազգէն Հայոց, ամենեքեան հնազանդին էջմիածնի՝ որ է ի ներքոյ տէրութեան քում. և ըստ օրինաց մերոց հարկս տան բնակչաց էջմիածնին, և նոքա զարքունեական հարկն տան: Եւ ի մերում ժամանակի յաշխարհին Օսմանցոց բարձին զայն՝ և ոչ կամէին տալ. և թագաւորական հրամանաւ հատին զայն: Եւ մեք յուսացաք ի Շխ-Սաֆու օճախն, և գնացաք առ իսնթկարն բազում պարտօք և շարշարանօք, թագաւորի խաթիշարիֆովն, և հազիւ կարացաք դարձուցանել առ ի ներքոյ տէրութեան քում»<sup>74</sup>:

69 Արագախոսութեան պատճառով նա կրել է «Կարկուտ» մականունը:

70 Զաքարիա, հ. Բ., էջ 67:

71 Նույն տեղում, էջ 66: Օնոփրիոսի կապակցութեամբ, Աշ. Հովհաննիսյանը գրում է. «Նորերս հրապարակվեցին մի շարք նամակներ, որոնք առատ լույս են սփռում Հակոբ Զուղայեցու դմ էջմիածնի վանական, միաբանութեան ներսում զլուս բարձրացրած այս խլրատունների վրա», տե՛ս Աշ. Հովհաննիսյան, Դրվագներ..., հ. 2, էջ 153—154:

72 Զաքարիա, հ. Բ., էջ 75—76:

73 Նույն տեղում, էջ 80:

74 Նույն տեղում, էջ 81:

Զաքարիա Քանաքեռցու «Պատմությունը» բացառիկ կարևորություն է ներկայացնում Հայաստանի և հարևան երկրների սոցիալ-տնտեսական կյանքի ուսումնասիրության համար: Մեր պատմագիրների մեջ, Ղազար Փարպեցուց հետո, Զաքարիան առաջինն է, որ հիացմունքով գովում է Արարատյան երկիրը: «Արդարև,— գրում է նա,— բարելի է երկիրն Արարատեան՝ ծառովք և տնկովք պտղովք և սերմանեօք, ծաղկովք և բուսովք, լեռամբք և դաշտիք, գետովք և աղբերօք, այգեստանեօք և բուրաստանօք, թռչնովք և շորքոտանեօք, էրէիք և որսովք, և ամենայն բարութեամբ լի և առատ»<sup>75</sup>:

Մեր և ոչ մի պատմագիր այնքան մանրամասներով չի տվել հայ գյուղի կյանքն ու կենցաղը, նրանց վիճակը, ինչպես Զաքարիա Քանաքեռցին, հատկապես իր ծննդավայրի կյանքը: Ժողովրդական մեր այս պատմագրի գործող անձերի մեծագույն մասը շարքային, հասարակ մարդիկ են, հիմնականում գյուղացիները: Միանգամայն ճիշտ է նշում Մ. Գարբինյան-Մելիքյանը, որ ինչի մասին էլ որ Զաքարիան խոսում է, լինի դա պատերազմների կամ շահերի և նշանավոր մարդկանց, նահատակությունների կամ վիշապների ու դևերի մասին, բոլոր դեպքերում ընթերցողի առաջ հանդես է գալիս հասարակ մարդն իր վերաբերմունքով՝ հանդեպ պարսկական պաշտոնեությունը, գյուղական իշխանությունները, եկեղեցին և իրեն հավասարներին<sup>76</sup>:

Պատմագրի ուշադրության կենտրոնում ուսմիկն է՝ անկախ ազգային պատկանելիության, իր ապրումներով ու հոգսերով և նա ցավով է նկարագրում այդ ուսմիկի՝ ծանր վիճակը և, ինչպես վերևում տեսանք, նա առիթ բաց չի թողնում անարգանքի սյունին գամել ու նրան կեղեքողներին, լինի նա օտար նվաճող, թէ հայ իշխանավոր: Մի Մխիթար եպիսկոպոսի բերանով նու գավառապետ Մելիք Փարսաղանից ու նրա նմաններից պահանջում է «մի կեղեքել և զրկել զուսմիկան»:

Զաքարիան արժեքավոր տեղեկություններ է հազորդում գյուղական համայնքի ներքին կյանքի, տանտեսերի ընտրության կարգի, համայնքին հաշվետու լինելու նրանց պարտականության մասին:

Քանաքեռում մի ոմն Ամիրջան անունով հպարտ ու գոռոզ մարդ է եղել: Գյուղացիները նրա հպարտությունը սանձելու նպատակով, որոշել

են նրան տանուտեր դարձնել: Ոմն Մկրտիչ անունով ճարտար ու գրագետ մարդու էլ նոտար են նշանակել նրա մոտ, «զի զոր ինչ առևտուր լիցի վասն գեղչն՝ ձեռամբ Մկրտչին եղիցի, և գրեսցէ զամենայն, զի մի ինչ կորիցէ ընդ վայր»<sup>77</sup>:

Նրանք երկուսով երեք տարի միասին համերաշխ աշխատել են: Մի անգամ գյուղի մեծամեծները հավաքվել են ու խոսել իրենց հուզող հարցերի մասին: Նոտար Մկրտիչն էլ է մի բան ասել գյուղի օգտի մասին. տանուտերը վայրացել է նրա վրա՝ ասելով. «Քեզ ո՞ւր ես հրաման խօսել ի հրապարակի»<sup>78</sup> ու հայհոյել է նրան: Մի քանի օր հետո մարդ է ուղարկել, Մկրտիչից պահանջել նրա գրառումները, վերջինս հրաժարվել է առև թղթերը և ասել է, «Ես նորա հրամանսն ոչ եմ գրեալ, այլ հրամանաւ աւագաց գեղչս»<sup>79</sup>: Գրանից հետո գյուղի ավագները հավաքվել են, տանուտերին կանչել հաշվետվություն տալու իր գործունեության մասին: Մինչ նրա խոսելը Մկրտիչը կարգացել է առևտրի իր գրառումները. «Գամենայն՝ զոր ինչ տուեալ էին ի ձեռն տանուտեան՝ մինչև ձու մի՝ զոր գրեալ էր. և կուտեցին ի վերայ նորա Գ ամաց հարկն Յն թուման», հետո պահանջել են, որ նա հաշվետու լինի դրա համար. տանուտերը վայրացել է, հայհոյել նրանց բոլորին. «Գուք զի՞նչ շուն իցէք՝ որ ես ձերով բանիս համարս տայցեմ»<sup>80</sup>, որ ինքը հաշվետվություն կառ միայն խանի ոստիկանի ներկայությամբ: Գյուղի ավագները Մկրտիչին ուղարկել են խանի մոտ, որին նա անձամբ ճանաչել է պարսկերեն իմանալու տանջությունամբ, խանը լսել է Մկրտիչին ու նրա հետ ուղարկել Գուլ-Նազար անունով մի ոստիկանի: Տանուտերը բացատրություններ է տվել ծախսած գումարների մասին, բայց չի կարողացել ասել, թե 60 թումանը ինչ է արել: Ոստիկանի հրամանով նրան գլխիվայր կախել են ու ձեծել, պահանջել այդ գումարը, բարեկամները ազաչել են գյուղացիներին՝ գոնե մի մասը դիջել, նրանք համաձայնվել են և 30 թումանը դիջել են: Տանուտերը հուսալքված ասել է. չորս տալ և մի գեղեցիկ դուստր ունեմ, թող խանը նրանց վերցնի ու ինձ ազատի: Խանը չի համաձայնվել ու պատվիրել է 30 թումանը զանձել նրանից: Ավելի ուժեղ են ձեծել ու տանջել տանուտերին, բայց, ասում է Զաքարիան, այդ ժամանակ ուժեղ կարկուտ է տեղացել, բոլորը փախել են, տանուտերը մնացել է կախված, միայն որոշ ժամանակ անցնելուց հետո մի կին նկատել է նրան, եկել կապանքները

77 Զաքարիա, հ. Բ., էջ 1—2:

78 Նույն տեղում, էջ 2:

79 Նույն տեղում, էջ 2:

80 Նույն տեղում, էջ 3:

75 Նույն տեղում, էջ 59:

76 Տե՛ս Закарий Канакерци, Хроника, перевод с армянского, предисловие и комментарии М. О. Дарбинян-Меликян, М., 1969, предисловие, с. 17.

արձակել ու ստիպել, որ նա փախչի: Զարարիան գրում է, թե նա գնացել է մինչև Աղստեֆ դրանով ազատվել տանջանքից<sup>81</sup>:

Պատմագիրը Գողթան գավառի Շոռոթ գյուղի (Քանաքեռու մոտ՝ Շաղկերտ) տանուտեր «անղգամ» Մալխասի մասին էլ է զայրույթով գրում: Գյուղացիները նրանից պահանջել են հաշվետվություն, նա խարել է նրանց՝ թե երեք օրից հետո կտա, և ինքը գնացել է նախիջևանի խանի մոտ, խնդրել է նրան իր աղջկան նրա որդու համար կնույթյան վերցնել ու իրեն ազատել գյուղացիների ձեռքից: Խանը սիրով համաձայնվել է ու գրել Շոռոթի գյուղացիներին. «ես առի զհամար դորա, և ինձ եհաս զամենայն. և դուք շունիք հրաման խոսել ընդ դմա»<sup>82</sup>: Զաքարիան դրանով ցույց է տալիս, թե նման մարդիկ համագյուղացիների հաշվեհարդարից ազատվելու համար ինչպես ստոր միջոցների են դիմել և ինչ ողբերգական հետևանքներ է ունեցել այդ վաճառքը: Այդ մասին նա պատմում է «նահատակութիւն կատարեալ կուսին» խորագրի տակ: Մալխասի դատերը՝ Քամամին բանույթյամբ տարել են Երևան խանի որդու հետ, ամուսնացնելու որն այնտեղ տեղապահ էր: Քամամը որոշում է փախչել, մտածելով. «Բարուք է իմով կամա և Քրիստոսի հաւատովն մեռանել, քան ուրացութեամբ մնալով կենդանի»<sup>83</sup>, և մի գիշեր իրեն ձորն է գցել, բայց կենդանի է մնացել ու գնացել Եղվարդ գյուղը, մտել մի քրիստոնյայի տուն, խնդրել քահանա կանչել հաղորդվելու համար, բանի որ համոզված է եղել, որ իրեն բռնելու և սպանելու են:

Կույսը քահանային պատմել է իր գլխին եկածը: Գյուղի տերը, որը պարսիկ էր, լսելով այդ մասին ասել է՝ բաց թողեք ուր ուզում է թող գնա, «Իսկ ոմն պիղծ՝ Սահակ անուն, որ էր տանուտէր գեղջին Եղավարգայ»<sup>84</sup>, ասել է թե ինքը վախենում է խանից, մի գուցե նրա պատճառով իրեն վնաս հասնի, գնացել պատմել է խանին, նա հրամայել է սպանել Քամամին: Երկու պարսիկ այդ Սահակի հետ գնացել են կապկպել աղջկան, տարել գյուղից դուրս, ուր և Սահակը խեղդել է նրան<sup>85</sup>:

Տալով վերը նշված երեք տանուտերերի բացասական նկարագրերը, Զաքարիան նրանց հակադրում է գյուղացիների հոգսերով ապրող, նույն Եղվարդի հաջորդ տանուտերերից՝ Ավագին. «այր ճարտար և ատենախօս, և պնդերես, և առաջի մեծամեծաց յարգոյ և պնդասիրտ: Եւ գեղականքն

առանց հրամանաց նորա ոչ առնէին ինչ»<sup>86</sup> Այնուհետև գրում է, թե գյուղը ջրի պակասութիւն է ունեցել, գյուղից հյուսիս ընկած ձորում ջուր են գտել և շատ շարշարանքներով ու մեծ ծախսերով առու են փորել ու ջուրը Ղարայօրան գյուղի անդամատաններով բերել խառնել են իրենց ջրին: Դրանից հետո Ղարայօրան գյուղի տերը, որն ազգութիւնով ղաջար էր, փակել է տվել առուն, զրկել եղվարդցիներին օգտվելու այդ ջրից և ինքը տնկել է նոր այգի ու պարտեզ և այդ ջրով «արար բուրաստան»: Եղվարդցիների աղաչանքներն ապարդյուն են անցել, նա ամեն անգամ հայհոյել, ծեծել է նրանց ու ետ ուղարկել: Վերջիններս ստիպված դիմել են Երևանի խանին, նրա հրամանն էլ գյուղատերը արհամարհել է, չի կատարել, այլև հայհոյել է խանին ու եղվարդցիներին: Խանը իմանալով այդ մասին, կարգադրել է եղվարդցիներին՝ գնալ սպանել նրան ու նրա համախոհներին, բռնադատվել ունեցվածքը: Զաքարիան նկարագրում է, թե ինչպես վերջիններս «ելին ամբոխի ամենեքեան զուռնալով և դահուլով՝ ծափօք և պարուք, խաղալով և խնդալով ամենայն արուք մինչև կանայք ևս երգելով»<sup>87</sup>, գնացել են այդ հրամանը կատարելու: Երբ մոտեցել են նրա գյուղին, Ավագը ղգուշացրել է եղվարդցիներին բավարարվել միայն ծեծով, արյուն չթափել: Ղարայօրանցիք տեսնելով մոտեցող բազմութիւնը, իմաց են տվել իրենց գյուղատիրոջը՝ Հապուշ-Ղասիմին, իսկ «անիծալը», գրում է Զաքարիան, կարծել է, թե նորից գալիս են իրեն աղաչելու ջրի համար: Եղվարդցիները բռնել են նրան, գետին գլորել ու լավ ջարդ տվել: Նա ընկել է Ավագի ոտքերը, համբուրել, աղիբսել, ասել, որ ինքն Ավագի շունն է: Ավագը գթացել է նրան, ընկել է նրա վրա, չի թողել ծեծելը շարունակել, փրկել է նրա կյանքը: Ի հատուցումն դրան այդ գյուղատերը որոշ ժամանակ հետո գիշերով սպանել է իր փրկարարին ու փախել: Զաքարիան ընդգծում է, որ «Աւագն նահատակեալ վասն ժողովրդեանն»<sup>88</sup>:

Թե ինչպես է Զաքարիա պատմագիրն ատել գյուղացիների շահերը ոտնահարող մարդկանց՝ վերևում մի քանի օրինակներ բերվեցին, այստեղ բերենք նրա՝ նշված Հապուշ-Ղասիմ գյուղատիրոջ նկարագիրը: «Լիրք և անղգամ, հայհոյիչ և պղծաբերան, յանդուգն և անհնազանդ, շարագործ և շնացող, ինքնահաւան և զոռող, ամենևին կամարար՝ և ծառայ՝ և հաճոյական սիրելի սատանայի»<sup>89</sup>:

81 նույն տեղում, էջ 3-4:

82 նույն տեղում, էջ 128:

83 նույն տեղում, էջ 129:

84 նույն տեղում, էջ 130:

85 նույն տեղում:

86 նույն տեղում, էջ 116:

87 նույն տեղում, էջ 118:

88 նույն տեղում, էջ 120:

89 նույն տեղում, էջ 117:

Բերելով եղվարդցիների ջրի այս պատմությունը, Զաքարիան ցույց է տալիս այն ժամանակ ջրօգտագործման բնագավառում տիրող կամայականությունները և գյուղացիների պայքարը դրանց դեմ:

\* \* \*

Զաքարիա Քանաքեռցին այն բացառիկ պատմագիրներից է, որ տվել է հայ կնոջ խիզախության, հերոսության մասին արժեքավոր տեղեկություններ:

Մի քուրդ անընդհատ հետապնդել է Շնորհավոր անունով այրի մի կնոջ: Մի օր նա դրսում բռնել է և ցանկացել համբուրել այդ կնոջը, կինը համառ դիմադրություն է ցույց տվել, այդ ժամանակ վրա է հասել կնոջ եղբայրը և պանել քրդին ու հեռացել: Երբ եկել են եղբորը բռնելու, Շնորհավորն ասել է. քրդին ես եմ սպանել ու նահատակվել է<sup>90</sup>:

Վերևում տեսանք, թե ինչպես եղվարդցի կանայք տղամարդկանց հետ միասին հարձակվել են պարսիկ գյուղատիրոջ վրա ու ծեծել:

\* \* \*

Զաքարիան էլ իր նախորդների նման, բոլոր սարսափների ու շարիքների, լինի դա մարախ, թե սով, թե երկրաշարժ, թե ավերում, պատճառը համարում է աստծու հանդեպ մարդկանց գործած մեղքերը:

Նկարագրելով 1651 թ. Զմյուռնիայի (Իզմիր) սովը, պատմագիրը դառնություն է նշում է. «բազում քրիստոնեայք զուստերս և զգստերս իւրեանց սակաւ գնոյ վաճառէին տաճկաց առ ի կեցուցանել զինքեանս. և բազումք զմանկունս իւրեանց տարեալ արկանէին առ դրունս տաճկաց՝ և փախչէին, և տաճիկքն առեալ զնոսա տանէին առ ինքեանս՝ և առնէին զնոսա տաճիկ: Բարձաւ սէրս զուրբ բարեկամաց, ողորմութիւնք և սուրբևառք և խնամք վերացան, բարեկամք և սիրելիք օտարացան ի միմեանց»<sup>91</sup>: Ի դեպ Զաքարիան գրում է, որ այդ ժամանակ նա եղել է այդ քաղաքում<sup>92</sup>:

Նկարագրելով Երևանի 1679 թ. ահավոր երկրաշարժը նա գրում է. «Զի թէպէտ յամենայն տեղիս ոչ կարացի իմանալ զմեռեալսն, այլ ի հայրենի գիւղն իմ Քանաքեռ թուեցին զմեռեալսն ՌՄԻԸ (1228) ոչ մնաց շուն, ոչ կատու և ոչ հաւ»<sup>93</sup>:

90 Նույն տեղում, էջ 125—126:

91 Նույն տեղում, էջ 112:

92 Նույն տեղում, էջ 111:

93 Նույն տեղում, էջ 105:

\* \* \*

Զաքարիա Քանաքեռցին որոշ կարևոր տեղեկություններ է հաղորդում վրացիներին՝ պարսիկների դեմ մղած պատերազմների մասին: Եթե Դավրիժեցին Տփիսիսի իշխան Մովրավին (Գեորգի Սահակաձեին) ներկայացրել է իբրև զավաճանի, որն առաջնորդել է շահ Աբբաս Ա-ի բանակները ու նպաստել Վրաստանի գրավմանը պարսիկների կողմից, ապա Զաքարիան տալիս է այդ Մովրավի հետագա գործողությունների մասին, երբ նա կարդացել էր իրեն սպանելու շահ Աբբասի տված հրամանը և դարձել էր նրա ռիսերիմ թշնամին ու քիչ շարիքներ չէր պատճառել պարսկական զորքին<sup>94</sup>: Այնուհետև նկարագրված են Քարթլիի և Կախեթի գահակալների ու իշխանների ներքին պայքարը, նրանց և պարսկական շահերի փոխհարաբերությունները<sup>95</sup>, ի վերջո Քարթլիի Գեորգի թագավորի ապստամբությունը շահ Հուսեյնի դեմ<sup>96</sup>:

\* \* \*

Զաքարիա Քանաքեռցու «Պատմության» երկրորդ հատորի ԿԳ(63) զուտիւր, որը կրում է «Պատմութիւն պարոն Այվազին և սւան նորա» խորագիրը, իր պարունակած նյութով նույնպես որոշակի արժեք է ներկայացնում: Միջնադարի հայ պատմագիրներից և ոչ մեկը այնպես, մանրամասնություններով չեն տվել հայ նահապետական ընտանիքի կյանքի նիստ ու կացի, սովորությունների ու ավանդությունների մասին, ինչպես գրել է Զաքարիան: Այստեղ նա, հիրավի, բացառություն է կազմում: Այդ զլխում նա մեծ բավականություն նկարագրում է Կարբի գյուղաքաղաքի մեծատուն ու փարթամ վաճառական խոջա Այվազի, 30 հոգուց բաղկացած, իսկական նահապետական ընտանիքի ապրելակերպը ամենայն մանրամասնություններով: Պատմագիրը գրում է, որ Այվազի պապը, հայրը և հորեղբայրները մեծ առևտուր էին ծավալել Թուրքիայի քաղաքներում և մեծ հարստություն էին կուտակել, որի մի մասը ներդրել էին գյուղասնտեսության մեջ և շատ բարեգործություններ էին կատարել առանձնապես եկեղեցու ու նրա սպասավորների նկատմամբ: Այվազն էլ նրանց ուղիով է գնացել: «Այս պարոն Այվազ, — գրում է Զաքարիան, — եղև հետևող բարի գործոց առաւել քան զհայր իւր: Նախ սկսաւ տունն իւր կարգաւորել. զի արար զամենայն ընտանիս իւր միաբան, միակամ,

94 Նույն տեղում, հ. Ա., էջ 26—30:

95 Նույն տեղում, հ. Բ., էջ 94—98:

96 Նույն տեղում, էջ 98—102:



միախորհուրդ, միասիրտ, որպէս թէ մի շունչ և մի հոգի: Ո՛չ որ ասէր վասն իւր աւագ գոլ, կամ մեծ, կամ առաջին, ամենայն արուքն կային հրամանաւ պարոն Այվազին. և կանայքն կային հրամանաւ բարեպաշտօն և աստուածապաշտ մօր նորա Մարիամո՛ւ՝ հլու և հպատակ, հնազանդութեամբ և խոնարհութեամբ և ամենայն բարեձևութեամբ: Զկնի նորա շինուածոց և ընչից հետեցաւ. և բազմացոյց զինչսն, և զարարս, և զանասունս և զխաշինս, զծիս և զկիսաէշո, և տնկեաց զայգիս և զորւաստանս, շինեաց և ծով մի մեծ ի տեղին՝ որ կոչի Կարբոյ-դաշտ... սիրող էր նա վանականաց և անապատաւորաց, և զամենայն պիտոյս նոցա կատարէր՝ թէ հոգևորն և թէ մարմնաւորն, վասնզի յեղբարց իրոց մի մի առաքէր ի վաճառականութիւն, ոմն՝ յաշխարհն Պարսից, ոմն՝ Յունաց՝ ի գնել և վաճառել և շահուցն տայր ի պէտս եկեղեցեացն... էր ազբատասէր և ողորմասիրտ, և վասն համեստութեան ամենայն որ սիրէր զնա և զխօսս նորա ամենայն որ ընդունէր. զի ա՛յոն այո էր, և ո՛չն՝ ոչ»<sup>97</sup>: Այնուհետև Զաքարիան նշում է, որ Այվազը շատ մոտ է եղել Նահապետ կաթողիկոսի հետ, Կարբիում մեծ ու շքեղ եկեղեցի է կառուցել ու պարսպապատել, խողովակներով Որդկան գյուղից ջուր է բերել մինչև այդ եկեղեցու դուռը, որպեսզի գյուղը ձմեռ ժամանակ չբի պակասութիւն չզգա և այլն<sup>98</sup>:

Պետք է նկատենք, որ Զաքարիա պատմագիրն էլ Գավրիժեցու նման, բարձր է գնահատել հայ խոշոր առևտրավաշխատուական կապիտալի ներկայացուցիչների գործունեութիւնը, կոնկրետ ցույց է տվել նրանց խաղացած դերը հայ հասարակական ու հոգևոր կյանքում: Գրեթե բոլոր դեպքերում կաթողիկոսները, եպիսկոպոսները, անդամ գյուղական համայնքների ներկայացուցիչները պարսկական ու թուրքական արքունիքներում իրենց հարցերը լուծել են այդ խոշաների միջնորդութիւնով ու օժանդակութիւնով:

\* \* \*

Ասվել է, որ Զաքարիա Քանաքեռցու «Պատմութիւնը» պարունակում է շատ առասպելներ ու առասպելախառն գրույց— հերիաթներ և նահատակութիւնների նկարագրութիւններ: Նրանցում հանգիպում ենք վիշապների, դևերի, օձերի, նահատակաների վրա երկնքից լույս իջնելու և այլ հրաշապատում երևույթների, որոնք ճանաչողական ու պատմագի-

<sup>97</sup> Նույն տեղում, էջ 132—133:

<sup>98</sup> Նույն տեղում, էջ 133:

տական ոչ մի արժեք չունեն, բայց իբրև ժողովրդական բանահյուսութիւն, կարևորութիւն ներկայացնում են:

Զաքարիայի «Պատմութիւնը» պարունակում է նաև շատ փաստական սխալներ: Հայտնի է, որ ակ-կոյունլուների տիրապետութիւնը Պարսկաստանում վերջ է տրվել 1502 թ. և որ Սեֆյան դինաստիայի հիմնադիրը եղել է շահ Իսմայիլը: Ըստ Զաքարիայի, սակայն, ստացվել է այնպէս, որ իբր Սեֆյան հարստութիւն հիմնադիրը կարա-կոյունլու Զհան-շահն է: «Զհան-Շահ թագաւորեալ՝ յորդոց որդի մինչև ցմերս ժամանակ»<sup>99</sup>:

Քիչ թյուրիմացութիւնների առիթ չեն տվել Զաքարյան իշխանական տանը նրա կողմից քրդական ծագում վերագրելը և շատ ուրիշ մեծ ու փոքր փաստական սխալները:

Այդ բոլորով հանդերձ. Զաքարիա Քանաքեռցու «Պատմութիւնն» իր պարունակած հարուստ նյութերով ու մատուցման ձևերով, պատկերավոր լինելով, գեղջկական անմիջականութիւնով ու պարզութիւնով իր պատվովոր տեղն է գրավում հայ պատմագրութիւն մեջ: Այն հիրավի պատմագրի ու նրա ապրած օրերի կենդանի հուշարձանն է: Իրավացի է Ա. Առաքելյանը, որ նկատում է, թե «Զաքարիայի այս գիրքն արժեքավոր գրական մի կոթող է XVII դարի հայ գրական անշուք անդաստանում»<sup>100</sup>:

<sup>99</sup> Նույն տեղում, հ. Ա., էջ 3:

<sup>100</sup> Ա. Առաքելյան, նշվ. աշխ., էջ 568:

ԶԱՔԱՐԻԱ ԱԳՈՒԼԵՑԻ

Հայաստանի XVII դարի երկրորդ կեսի տնտեսական կյանքի, հայ առևտրավաշխատական կապիտալի ներկայացուցիչների ծավալած գործունեության, նրանց և Երևանի ու Նախիջևանի խանների, ինչպես և պարսկական արքունիքի փոխհարաբերությունների, պետությանն ու եկեղեցուն տրվող հարկերի, կառավարող շրջաններում սիրող արատավոր բարբերի պատմության ուսումնասիրության համար ստուգապատում ու կարևոր սկզբնաղբյուր է Ազուլեցի վաճառական՝ Քրզունց Չաքարիայի «Դավտարը»՝ օրագրությունը<sup>1</sup>։ Այն հիմնականում տեղեկատու բնույթ ունի, գրված Երևանի և Նախիջևանի խանությունների սահմաններում տեղի ունեցած քաղաքական իրադարձությունների հենքի վրա։

Չաքարիան ծնվել է 1630 թ. Ազուլիս գյուղաքաղաքում, վաճառականի ընտանիքում և պատանեկության հասակից վաճառականությանը է գրադվել, մահացել է 1691 թ.։ Առևտրական աշխույժ գործունեություն է ծավալել Պարսկաստանի և Թուրքիայի քաղաքներում, եղել է նաև Խտալիայում, Հոլանդիայում, Իսպանիայում և Պորտուգալիայում։

Թէ ինչ կրթություն է ստացել Չաքարիան, հայտնի չէ, իր հավաստմամբ սովորել է հորեղբորորդու՝ քահանա Տեր-Մելքումի մոտ «Ես Չաքարէս այս Տէր-Մելքումիս մօտ կարդացի»<sup>2</sup>։

Ազուլեցու «Օրագրությունը», ըստ պարունակած բովանդակության, տպագրության ժամանակ Ս. Տեր-Ավետիսյանը ճիշտ կերպով բաժանել է երեք մասի։ Առաջին մասը (1—26 էջ), որ Ս. Տեր-Ավետիսյանը պայմանականորեն անվանել է «Ուղեշարություններ», բովանդակում է առևտրական երթուղիների նկարագրությունը։ Նրանում տրված են այն քաղաքները, գյուղերը, իջևանատները, որոնցով անցել են Չաքարիան և մյուս առևտրականները։

Ցույց են տրված բնակավայրերի ու կայարանների միմյանցից ունե-

լցած հեռավորությունը, փոխադրամիջոցները, մաքսերի չափերը, օգտագործվող կշիռները, չափերն ու դրամները։ Երկրորդ հիմնական մասը (27—155 էջ) Չաքարիայի ճանապարհորդական հիշատակությունն է կամ օրագրությունը, ուր մանրամասն նկարագրված են նրա ճանապարհորդությունները, սկսած 1647 թ. մարտի 5-ից մինչև 1681 թ. հոկտեմբերի 11-ը։ Այստեղ ամենայն մանրամասներով գրի են առնված Չաքարիայի, նրա եղբոր ու հորեղբոր տղաների ընտանիքների հետ կապված բոլոր անցուդարձները՝ ամուսնություն, ուխտագնացություն, ծնունդ, մահ, շարժական ու անշարժ ունեցվածքի ձեռք բերում, շինարարություն, սնանկություն, ծանր տնտեսական կացություն, ժառանգության բաժանում և շատ այլ իրողություններ։ «Օրագրության» երրորդ մասը, որ Ս. Տեր-Ավետիսյանը խորագրել է «Ավարտաբանություն և ընտանեկան ժամանակագրություն» (155—165 էջ), պարունակում է Չաքարիայի հոր՝ Քրզունց Աղամիրի գերդաստանի ժամանակագրությունը։

Պարզամիտ վաճառականի նպատակն է եղել՝ «որ ես Քրզունց Աղամիրի որդի Չաքարիայ այսօր Ազուլաց դուս գնացի... ուր որ գնամք, թե գիւղ և եթէ քաղաք թէ մտանիցեմ, կամ թէ զատիկ արարիցեմ, կամ թէ նշանաւոր բան կամ թէ օր հանդիբիցէ, գրիցեմ, պատճառն այս է. որ ով հարցնէ, սուրբ հօգին տացէ պատասխանին, այս է, որ կայ, յառջև գրած է»<sup>3</sup>։ Եվ գրել է «ոչ թէ մին մարդ, Գ կամ Գ մարդ կուհարցնեմ անուն՝ կամ քանի աղաչ կայ կամ չկայ կամ մին աղաչ յետ կամ թէ առաջ, ոչ թէ չափելով իմացայ, այլ իմաստուն մարդիկ հարցանելով։ Ոչ թէ մին անզամ գնալով այս գրեցի. ՌՂՁ յամի Ազուլաց դուրս գնացի մինչի ՌՂԺԳ յամն շուռչ գալով, գնալով, հարցանելով գրեցի ըստուքն»<sup>4</sup>։

Ըստ Ազուլեցու էլ բոլոր պատուհասների՝ սով, երաշտ, համաճարակ հիվանդություններ, գերառատ ձյուն, երկրաշարժ և այլն, պատճառը մարդկանց՝ աստծու հանդեպ գործած մեղքերն են<sup>5</sup>։

Առանձին դեպքերում Ազուլեցին մանրամասնություններ է հաղորդում, որոնք չկան ժամանակակից պատմագիրների մոտ և դրանով լրացնում է նրանց ու հնարավորություն ընձեռնում մեզ այնպիսի իմանալու այս կամ այն իրողության մասին։ Այսպես, Չաքարիա Քանաքեռցին գրել է Հակոբ Զուլայեցի կաթողիկոսի՝ 4. Պոլիս մեկնելու շարժառիթների ու այնտեղ մայր աթոռի շահերը պաշտպանելու մասին, սակայն Ազուլեցուց ենք իմանում, թե ինչ գնով է նա պաշտպանել այդ շահերը։

<sup>3</sup> Նույն տեղում, էջ 29.  
<sup>4</sup> Նույն տեղում, էջ 6.  
<sup>5</sup> Նույն տեղում, էջ 62, 74, 85, 94։

<sup>1</sup> Չաքարիա Ազուլեցու Օրագրությունը, Երևան, 1938։ Այսուհետև՝ Ազուլեցի։  
<sup>2</sup> Նույն տեղում, էջ 93։

Նա գրում է, թե Երուսաղեմի վարդապետ Եղիազարը և Հակոբ Զուղա-  
յեցին Կ. Պոլսում ծախսել են ԲԳՃՆ մարշիլ և «Վերջն թագաւորէն ամբր  
զուրս եկաւ, որ կաթողիկոսն Օսմանցու երկրէն սրգուն բշեցին. ԲՆԹ  
թուման պարտքով փախաւ»<sup>6</sup>:

Կաթողիկոսը Կ. Պոլսից վերադառնալուց հետո, թեմերից փող է հա-  
վաքել պարտքը վճարելու համար: Ազուլեցին նշում է, որ այդ նպատա-  
կով նա 1672 թ. դեկտեմբերին գնացել է Նախավկայի վանքը, ուր հա-  
վաքվել են Գողթանի բոլոր շրջաններից՝ «կաթողիկոսին պարտքի ջու-  
ղաք արին, վասն շատ պարտք ունէր: Զերայ Ըսասմբօլու մարդ էր եկել,  
թէ՛ կաթողիկոսն ԻԳՆ մարշիլ Մահմուդ աղային տալու այ, տվեք: Զու-  
միաթ ջուղար արին, թէ շունքի կաթողիկոսն Օսմանցու երկրէն սրգուն  
են արել, պարտքն Օսմանցու երկրին հայերն տայ»<sup>7</sup>:

Այնուհետև Ազուլեցին հայտնում է, որ իբր կաթողիկոսի պարտքի  
մարման պատրվակով Երևանի Սաֆի-կուլի խանը մարդիկ է ուղարկել  
գավառները զինված ջոկատներով, փող հավաքելու: Ազուլեցին արձանա-  
գրում է նաև, թե ինչպիսի դաժանութիւններ են գործադրել այդ մարդիկ  
տեղերում: Այսպես, Ազուլիս էր եկել Քալբայուղ բեկը կաթողիկոսի տե-  
ղակալ Սահակ վարդապետի, Նախիջևանի քալանթարի և 30 զինվորնե-  
րի ուղղեկցութեամբ և պահանջել է 1000 թուման: Այդ բեկը, դառնու-  
թեամբ նշում է Ազուլեցին, «մին գիշերի Լն մարդ կախեց, շատ անհա-  
մութին, վերջն՝ Աքուլիս, Դաշտն, Վանքն ամենեցուն ԳՃՄ թուման դուս  
էլաւ: Ոչ թէ միայն Աքուլիս, ամէն երկրէ առին, որ մինչի ԲՆԹ թուման  
կիտեց»<sup>8</sup>: Խանն այդ գումարը չի տվել կաթողիկոսին, որի պատճառով  
նրանց հարաբերութիւնները սրվել են և կաթողիկոսը ծածուկ փախել է,  
գնացել Սպահան<sup>9</sup>:

Քանաքեռցին մանրամասն նկարագրել է Հակոբ Զուղայեցու կաթո-  
ղիկոսութեան ժամանակ երևանցի ոմն Օնոփրիոս վարդապետի՝ էջմիած-  
նին պատճառած շարիքների մասին, սակայն Ազուլեցուց ենք իմանում,  
որ այդ Օնոփրիոսը Երևանից կաթողիկոսի փախուստից հետո կաշառք է  
տվել Սաֆի-կուլի խանին, որպեսզի նա բոլոր վարդապետներին կանչի  
Երևան ու իրեն աթոռակալ ընտրեն, հետո էլ, երբ ջրօրհները մոտեցել է,  
նորից խանին կաշառք է տվել, որ նա վարդապետներին նորից հավաքի,  
որ ինքը ջուրն օրհնի, վարդապետները հավաքվել են և բոլորը դեմ են

եղել Օնոփրիոսին, պատճառաբանելով, թե կաթողիկոսը նրան անիծել է  
և նա չի կարող օրհնել<sup>10</sup>:

Ազուլեցին գրում է նաև, որ Յղնա գյուղի՝ ազգութեամբ վրացի, պա-  
րոն Փարսազան-բեկը այդ Օնոփրիոսի հովանավորողներից է եղել, և  
երբ իմացել է վերջինիս մահվան մասին, դայրացի է կաթողիկոսի վրա,  
ասելով, թե նա նախանձից է սպանել Օնոփրիոսին, գնացել Երևանի խա-  
նին դանդաղել է, խանը, կաթողիկոսին կանչել է իր մոտ «Բ ամիս  
մնաց, աստ, անդ կաշառք տալ, Ե, ԶՃ թուման դուրս էլաւ. պատճառն  
Օնոփրիոսն»<sup>11</sup>:

Զաքարիա Ազուլեցու կողմից լրացումները կարելի է շարունակել,  
բայց բավարարվենք այսքանով:

Լինելով առևտրական, Ազուլեցուն առաջին հերթին հետաքրքրել է իր  
դրի առած անցուդարձերի նյութական կողմը: Մեր միջնադարյան ոչ մի  
պատմագիր ժողովրդի տնտեսական կյանքը, շահագործումը, կեղեքումն  
ու կողոպտուքը դրամական արժեքներով ու շահերով չի տվել, ինչպես դա  
արել է Ազուլեցին: Նրա փոքրածավալ «Օրագրութիւնը» իր մեջ պարու-  
նակում է կոնկրետ ու շահագանց արժեքավոր տեղեկութիւններ Հայաս-  
տանի, Պարսկաստանի, Թուրքիայի, ինչպես նաև Եվրոպայի մի շարք  
երկրների XVII դարի երկրորդ կեսում ապրանքների գների թանկութեան  
ու էժանութեան, գյուղատնտեսական ու շինարարական ծախսերի, պար-  
հակների, հարկաշահների, ռազմական տուրքերի, հողի արժեքի, առև-  
տրական գործարքների, կաշառքների, ընտանեկան ծախսերի և շատ  
այլ բնագավառների մասին: Այն պարունակում է նաև հարուստ ազգա-  
գրական նյութ: Խիստ արժեքավոր են հատկապես Ազուլեցու վկայու-  
թիւնները պաշտոնեթիւն վրա ժողովրդի կատարած ծախսումների մա-  
սին: Նա ցույց է տալիս, որ պաշտոնյաների ժամանումները գյուղերի ու  
քաղաքների համայնքների համար մեծ շարիք են եղել: Ասում է. նրանք  
գալիս էին իրենց շքախմբերով, զինված ջոկատների ուղեկցութեամբ և  
մնում էին ամիսներով: Ազուլիսի օրինակով տալիս է, թե յուրաքանչյուր  
օր ինչքան են ծախսել նրանց վրա, ինչ են նստել այդ ժամանումները  
Ազուլիսի համայնքին:

Ազուլիսի հարկահան-դարուղա, ոմն Բահրամ բեկ 1669 թ. 20 ձիա-  
վորով գնացել է Ազուլիս, 9 օր մնացել է այնտեղ, նա «Օրն մին թուման  
խարջ ունէր»<sup>12</sup>: Բացի այդ, գնալիս էլ 17 թուման «ղուլուղ» էր վերցրել:

6 Նույն տեղում, էջ 66:

7 Նույն տեղում, էջ 110:

8 Նույն տեղում:

9 Նույն տեղում, էջ 111:

10 Նույն տեղում, էջ 120:

11 Նույն տեղում, էջ 128:

12 Նույն տեղում, էջ 94:

Մի այլ անգամ 1671 թ. այդ նույն Բահրամ բեկը 14 ձիավորներով 40 օր մնացել է Ագուլիսում, օրական ծախսը կազմել է ԲՌ (2000) դիան, գնալիս էլ 60 թուման է վերցրել<sup>13</sup>: Մի ոմն էլ նախի աղա նույն 1671 թ. իր մարդկանցով նույնպես 40 օր մնացել է Ագուլիսում, հայերը նրանց վրա ծախսել են 50—60 թուման, իսկ Ագուլիսում ապրող թուրքերը՝ 200 թուման<sup>14</sup>:

Մի երրորդ անգամ 1673 թ. նշված Բահրամ-բեկը 10 ձիավորով մեկ ամիս է մնացել, օրական ծախսը կազմել է 3000 դիան<sup>15</sup>: 1674 թ. մի այլ դարուղա Բեհզատ-բեկ անունով 10 ձիավորներով երկու ամիս մնացել է Ագուլիսում և Դաշտում, օրական ծախսը կազմել է 3000 դիան, գնալիս էլ 80 թուման է տարել. «Թէ նաղտ, թէ ջնս, թէ ղուլուղ, թէ ահ-տազ»<sup>16</sup>: Գեռ շենք խոսում մի քանի օրով այցելութունների մասին, որոնց վրա նույնպես քիչ ծախսեր չեն կատարել ագուլեցիները:

Ագուլեցիները գրում է, թե խաս գյուղերի մեկիքները այդ դարուղաների ժամանումներից խուսափելու նպատակով, գնացել են Երևան, ուր զբտնրվել է այդ ժամանակ Ադրբեջանի (Ասրպատական) վեզիր Միրզա Իբրահիմը. «մի քանի թուման փէշքաշ արարին, որ այս տարի (1675 թ.— Լ. Բ.) դարուղայ չաղարկի»<sup>17</sup>:

Նա բերում է մի քանի փաստեր այն մասին, որ գյուղերի, քաղաքների բնակիչները շտանելով խաների ու գավառապետերի կամայականությունները, բողոքել են շահին և թէ ինչպես շահերն առիթ են դարձրել այդ բողոքները և դարձյալ ժողովրդից գումարներ կորզել:

Այսպես նաև՝ 7—8 ցղնացիներ գնացել են շահի մոտ, բողոքել իրենց գավառապետ, վերևում նշված Փարսաղան բեկից, «Շահն բուտրմիշ (հրաման— Լ. Բ.) կանէ, թէ ցղնեցիքն գուղէն վիզն դենն, տանեն Յղնայ, դիանն էնտեղ անեն: Զերայ շահին ծուռ ին արզ արել, շահն Ռ (1000) թուման ջարիմայ գցեց ցղնուց վիզն»: Փարսաղանը նույնպես գնացել է շահի մոտ գանդատավորներին «ոմն գնդած, ոմն բուխաված» հետը բերել է Յղնի, 6 ամիս այդպես պահել է մինչև ջարիմեն վերցրել է ու բաց թողել: Ագուլեցիներ ավելացնում է «Ահա այս է (7) յամ է, այս Փարսաղանս տնով, ախպէրով որ Յղնայ ուտում ալ, շահի յօքմով»<sup>18</sup>:

Նա տեղեկություններ է հաղորդում նաև իր ապրած օրերում սնանկացած վաճառականների մասին, որոնց թիվը քիչ չէր և որոնց անվանում է «սատակածներ» և «Քրիստոսի դատաստանին սևերեսներ»: Այդ «սատակածների» թվում է եղել և իր եղբայր Շմավունը, որի մահից հետո պարզվել է, որ նա շատ պարտքեր է ունեցել և դրա համար օրագիր Զաքարիան շատ շարչարանք է կրել, անգամ Սպահանում շահի հրամանով բանտարկվել է, և ստիպված, մեծ դժվարություններ կրելով ու կաշառք տալով մարել է եղբոր պարտքերը: Մի ոմն մեծատուն Ավագի մահվան կապակցությամբ Ագուլեցիներ բացականշում է. «Ով մահկանացու, մի շատ ազահութին անիլ, վերջն այսպէս կու լինի»<sup>19</sup>:

Ագուլեցիներ նույնպես նկարագրում է իր հայրական տան վերակառուցումը, իր կատարած ծախսումները. «Ես Զաքարիայ,— գրում է նա,— ամէն շինեցի, թէ՛ ուստի, թէ՛ արկաթեղէնի, թէ՛ փայտի, թէ՛ դուրգար ու թէ՛ գաջի, թէ՛ քարի, չուրի Բ տարին մի ըստ միոջէ դավտարումն ջոկ գրեցի: չուրի մին դինարն գրած եմ ուրիշ դավտարումն, թէ՛ խորակ: Ամենայն հասարն տէսայ, ջամն տէղս գրեցի, որ էլաւ ԿԵ (65) թուման»<sup>20</sup>: Իր ունեցվածքի օրինակով Ագուլեցիներ պատկերացում է տալիս նաև հայ միջին վաճառականի կարողության մասին: Եղբոր մահից հետո նա հոր թողած ժառանգությունից բաժին է տվել եղբոր ժառանգներին: Նա գրում է «Ես Զաքարէս վեր առի մին խալի՝ էՌ դիան, մին կանաֆէս՝ գինն ԳՌ դիան, մին բուրսու լխէր՝ գինն ԵՌ դիան, մին բուրսու ջէջիմ՝ ԵՌ դիան, մին բոյլու թվանգ՝ ԲՌ դիան, մին գէղին Ֆանար՝ ԲՌ դիան, մին շամդան՝ Ռ դիան, մին Ֆնթայ՝ Ռ դիան, մին թամբի թաքալթու՝ Ռ դիան... Դարցեալ, արծաթէղէնն այս է. մին գուլաղան, Բ փարշ, մին Բուխրղան, Բ. բարակ թափշի, մին ջամ, մին դահվաղան, մին գինու թաս, մին կուլայ, մին պումպ քաշելու, ջամն ԺԱ ճոթ, քաշն ամեն ՌԵՃ դրամ»<sup>21</sup>:

Արժեքավոր ու արժանահավատ ակնարկումներ ունի Ագուլեցիներ ճանապարհների անապահովության, աղքատացման, ջալալիների, Ամստերդամից Մոսկվայի թագավորին թանկարժեք ջահ ուղարկելու, Գիլանի ու Ռեշտի վրա դադախների հարձակման, ներքին հակամարտությունների, եկեղեցուն տրվող հարկերի, կոռուի և ներքին կյանքի շատ բնագավառների մասին:

Էջմիածնի 1678 թ. խորհրդածողովի կապակցությամբ Աշ. Հովհաննիսյանը ճիշտ նկատում է, որ «Բուրո պարագաներում էջմիածնի խորհրդ-

13 նույն տեղում, էջ 111:

14 նույն տեղում, էջ 112:

15 նույն տեղում, էջ 118:

16 նույն տեղում, էջ 121:

17 նույն տեղում, էջ 126:

18 նույն տեղում,

19 նույն տեղում, էջ 85:

20 նույն տեղում, էջ 91:

21 նույն տեղում, էջ 115—116:

դաժողովի դումարման համար պիտի շտկելի համարենք 1678 թվականը և հավանական նկատենք 1677 թվականը, հիմք ընդունելով դեպքերին համընթաց տարեգրություն կազմող Ջաքարիա Ագուլեցուն, որի մոտ ժամանակագրական սխալներ չկան գրեթե, ուստի և նրա նշումների արժանահավաստությանն ապավինած՝ պիտի ճշտվեն անցքերից տարիներ կամ տասնյակ տարիներ հետո մյուս հեղինակների արձանագրած իրողությունների ու դեպքերի կատարման թվականները»<sup>22</sup>:

Լեոն միանգամայն ճիշտ է նկատում, որ Ագուլեցու «Օրագրությունը» շատ հետաքրքրական է նախ և առաջ լեզվական տեսակետից, քանի որ ներկայացնում է այն ժամանակվա գործածական աշխարհաբարբ, որը մանավանդ առևտրականի լեզու էր: Բայց դրանից, հայ վաճառականի կյանքն այնտեղ պատկերացած է զոկին հատուկ ռեալիզմով և մանրապատում ճշտությամբ<sup>23</sup>:

Աշ. Հովհաննիսյանն էլ գրում է, որ Ջաքարիա Ագուլեցու «Գավտարը» XVII դարի հայ աշխարհիկ լեզվի և պատմագրության մեծարժեք հուշարձաններից մեկն է»<sup>24</sup>:

22 Աշ. Հովհաննիսյան, Գրվագներ հայ ազատագրական մտքի պատմության, գիրք երկրորդ, Երևան, 1959, էջ 208:

23 Ան, Հայոց պատմություն, հ. 3, Երևան, 1946, էջ 156:

24 Աշ. Հովհաննիսյան, նշվ. աշխ., էջ 208:

## ԱՐՐԱՀԱՄ ԿՐԵՏԱՅԻ

XVII դարի վերջում և XVIII դարի առաջին շրջա տասնամյակներում ապրած պատմագիր Աբրահամ Կրետացու մասին կենսագրական տվյալներ չեն պահպանվել. հայտնի չեն ծննդյան թիվը, ուսումնառության հանգամանքները, երբ և ում կողմից է ստացել վարդապետական աստիճանն ու եպիսկոպոսական կոչումը և այլն: Սակայն գիտենք, որ նա ծնվել է Կրետեի Կանդիա քաղաքում: Երկու տարվա իրադարձությունների մասին իր գրած «Օրագրից», ավելի ճիշտ անձնական հիշատակարանից (որը նրա հրատարակիչները խորագրել են «Աբրահամ կաթողիկոսի Կրետացույ պատմագրություն անցիցն իւրոց և նատր-Շահին Պարսից<sup>1</sup>»), իմանում ենք, որ ինքը 25 տարի եղել է Թեքիրդաղի (Հոռոս) հայոց հոգևոր առաջնորդ, 1734 թ. որպես ուխտավոր եկել է էջմիածին Աբրահամ Բ կաթողիկոսի ժամանակ և նույն տարում, կաթողիկոսի մահից հետո, հակառակ իր կամքի, հաջորդել է նրան:

Միմեոն Երևանցու «Ջամբո»-ից էլ իմանում ենք, որ այս Աբրահամ կաթողիկոսն էր «...մեծանձն և խելօք, ճարտարալեզու և հանճարեղ... քան զամենեսեան առանել առաք զբարեբարոսիւնս և զօգուտս սրբոյ Աթոռոյս և ազգիս և բոլոր երկրիս մերոյ... զբազումս աղատեաց ի մահուանէ, զշատս իջոյց ի կախաղանէ, զբազմաց աշսն և զականջան և զայլ անդամսն աղատեաց ի հայտանելոյ և ի բրեկոյ: Զանհամար զերիս աղատեաց ի գերշաց: Եւ զբազումս՝ զորս տաճկացուցեալ էին կամաւ և թէ բռնութեամբ. յետս դարձոյց և առ ի ձեռաց այլազգեաց: Եւ զայլ անհամար բարերարութիւնս արար Տաճկաց, և Հայոց, Պարսից և Օսմանցոց: ... Ապա ի ՌՃՁԵ թուին հանգեալ ի Տէր և սուգ մեծ էած ի վերայ բոլոր երկրիս արևելեան, և թաղեցաւ ի Շողակաթի ի ձախակողմն զաւթինորոյ յիշատակն օրհնութեամբ եղիցի: Ունի և զգրեանս օգտարարս արքու-

<sup>1</sup> «Աբրահամ կաթողիկոսի Կրետացույ պատմագրութիւն անցիցն իւրոց և նատր-Շահին Պարսից», Վաղարշապատ, 1870: Այսուհետև՝ Կրետացի Այս աշխատանքը թարգմանված է ռուսերեն՝ Абраам Кретацци, Повествование, Ереван, 1973, Критический текст, перевод, предисловие и комментарии Н. К. Корганяна.

նական և դատաւորական հոգացեալ, զորս յետոյ գրեսցուք: Սա թէ իւր և նոյն ժամանակի անցից պատմութիւնն ինքնին յատուկ ունի գրեալ»<sup>2</sup>:

Կրետացու մեզ թողած անձնական հիշատակարանը հավաստում է Միմենոն կաթողիկոսի տված բնութագիրը նրա մասին:

Այդ անձնական հիշատակարանում նկարագրված են ընդամենը երկու տարվա, քաղաքական բուռն իրադարձություններ ընդգրկող ժամանակաշրջանում Աբրահամ Կրետացու կյանքում տեղի ունեցած անցքերը, զրի է առնված նրա հանդիպումները Նադիր-շահի հետ, այդ հանդիպումների արդյունքները, ճանապարհորդությունը դեպի Մուղան և վերադարձը: Նկարագրված են Նադիրի թագադրման արարողությունները Մուղանի դաշտում, պարսկական բայրամի՝ կրոնական տոնի, ծիսակատարությունները: Հետաքրքիր տեղեկություններ է պարունակում «օրագիրը» պարբերական պալատական կանոնների, վարչակարգի, բանակի կառուցվածքի ու սպառազինման, պարսից բարքերի, նիստ ու կացի մասին, ինչպես նաև պարսկա-թուրքական վերջին կոիվների, հատկապես 1735 թ. Եղվարդի ճակատամարտի մասին: Այդ բոլորը գրված են ականատես և, որ զլխավորն է, գործող անձի կողմից:

Կրետացին հավաստում է մեզ, որ ինքը գրել է նշմարիտ պատմություն: Գրվածքի վերջում կարդում ենք. «Աւարտ պատմութեանս խնդրի ի ընթերցողաց սիրելի որդոց իմոց, զի վասն երկարաբանութեան և պարզաբան լինելոյն անմեղադրելի ունել զմեզ, զի որքան իմ կարն էր՝ շանացի, որ կարճ՝ համառօտ և պարզ լիցի՝ առ ի հասկանալ ամենայն ումեք. զի եթէ ամենայն անցս մի ըստ միոջէ գրեալ լինէի, ոչ քարտէզ և ոչ մելան բաւական լինէր, այլ այսքան գրեցաւ, զի ցանկացողք առ ի յիմանալ զանցս և զորպիսութիւնս սուրբ Աթոռոյս և զիմ, ահա այս նշմարիտ պատմութեանս վերահասու լիցի և զովացի, և եթէ ըստ հաճոյցի ձերոց իցէ... ապա թէ ոչ՝ ներեցէ՛ք իմում դանդաղութեանս, զի ի մէջ տառապանաց և ի մէջ զբաղմանց, վշտաց, և շարշարանաց, և նեղութեանց գրեցի, հիւանդ՝ և խօթացեալ՝ անզօր անձամբ...»<sup>3</sup>:

Մ. Արեղյանը գտնում է, որ «այդ պատմությունն իսկապես պատմություն չէ, այլ անձնական հիշատակարան (mémouires), և իբրև այդպիսին՝ մեր պատմության մեջ մի առանձին տեղ է բռնում և, կարելի է ասել, նշակի է իր տեսակի մեջ, քանի որ մեզանում պատմական հիշատակարաններ շատ չկան: Աբրահամն այն է մանրամասն արձանագրում, ինչ

2 Միմենոն Երևանցի, Ջամբո, Վաղարշապատ, 1873, էջ 30—31:

3 Կրետացի, էջ 90:

որ ինքն արել ու գործել է, կամ մտածել է. շատ քիչ բան՝ ուրիշներից լսած: Հենց այդ պատճառով ևս Աբրահամի հիշատակարանը շատ հետաքրքիր է, նա ուրիշներին նկարագրելով հանդերձ՝ դարձյալ ավելի ինքն իրեն է նկարագրում, յուր ճաշակը, հասկացողությունները, առաքինութուններն ու արիությունը»<sup>4</sup>:

\* \* \*

Աբրահամ Կրետացին 1734 թ. գալիս է էջմիածին, մեծ փափագ ունենալով գնալ նախ Տարոնի Ս. Կարապետ և այլ վանքեր, սակայն Աբրահամ Բ կաթողիկոսը, որին առաջին իսկ պահից Կրետացին շատ էր դուր եկել, թույլ չի տալիս, ասելով, «զքեզ ինձ աստուած առաքեաց տեսանելով զիղճութիւնս իմ, վասնորոյ յայսմ ամի գոնէ ոչ թողում գնալ, այլ կա՛ց մնա՛ ի գիրկս Մօր քո Լուսոյ սուրբ էջմիածնիս, և լեր ինձ խորհրդակից, ցաւակից և կարեկից...»<sup>5</sup>: Կրետացու աղաչանքներն ու պաղատանքներն արդյունք չեն տալիս և նա հարկադրված մնում է «Եւ այնուհետև ամենայն օր ընդ իւր ունելով զիս ի տուն՝ և առտնին, ի գրուցատրութիւնս և ի խորհրդակցութիւնս միշտ մինչև ցաւուրս»<sup>6</sup>:

Այնուհետև գրում է, որ կաթողիկոսի և միաբանների հետ գնացել են Շովհաննավանք, սակայն երկար չեն կարողացել մնալ այնտեղ «վասն զբաղմանցն և մեծի հոգունակութեան սուրբ Աթոռոյն», և ավելացնում. «զի նրբահայեաց գոլով Վեհն և յոյժ ցաւեցող վասն ամենեցուն, ոչ կամէր բնաւ զձանձրանալն ումեք. վասնորոյ աճապարէր դառնալ ի սուրբ Գահն, մանաւանդ զի էր և ժամանակն խառնակ. և ազգի ազգի գրոյցք դային ի լսելիս Վեհին՝ վասն գալստեան Թահմազխանին, և շարժել զօրացն Պարսկային. փութացաւ զդարձն, անդրէն առ սուրբ Աթոռն, զի հոգացէ զհոգս ամենեցուն»<sup>7</sup>: Որովհետև, ցավով ասում է Կրետացին, «այսպէս բնաւորեալ է ի բնութիւնս մերազնեացս ի բնուստ անտի ոչ հոգալ, և ոչ ցաւել, և ոչ փոյթ ունել յամենայնէ. այլ իւրաբանչիւր զիւր հանգտութիւնն ջանալ և ապահովել, և պաշտիչ ուրուականին իւրոյ լինել. իսկ զամենայն ցաւս ընկենուլ ի վերայ զխոյն, և մինչ կենդանի է, թէ իրաւի և թէ անիրաւ՝ սակաւ մի ցաւեցող ցուցանել զինքն մեծաւորին իւրոյ. և այնպէս

4 Մ: Արեղյան, Հայոց հինգ գրականության պատմություն, զիրք երկրորդ, Երևան, 1946, էջ 459:

5 Կրետացի, էջ 2:

6 Նույն տեղում:

7 Նույն տեղում, էջ 4:

թուի ինձ, վասն օգտի անձին իւրոյ իսկ և բարեկեցութեան. և յետ վախճանին՝ այլ ոչ յիշեալ ամենեւեմբ և ոչ ցաւիլ, այլ փոխանակ ցաւելոյ և կոծելոյ, եպերել և հեգնել որպէս ի բնուստ անտի ունին զայն ազգն մեր, որոյ զպատճառն,— շեշտում է Կրետացին,— ոչ այլ ինչ գիտեմ, եթէ ոչ զտգիտութիւն և զապերախտութիւն»<sup>8</sup>:

Անշուշտ, Կրետացին այստեղ նկատի ունի հիմնականում հայ հոգեվորականութեանը, որի նման վարքագիծը ստիպել է կաթողիկոսին «հոգացէ՛ զհոգս ամենեցուն»: Եթե XVII դարի պատմագիր Առաքել Դավրիժեցին իր ժամանակաշրջանի հոգևորականութեան խավարամտութեան պատճառը տգիտութիւնն էր համարել, ապա Կրետացին ընդհանուր գործի նկատմամբ հոգևորականութեան անտարբերութեան, անհոգութեան պատճառը՝ տգիտութիւնը:

Երախտապարտ Կրետացին ողբում է Աբրահամ կաթողիկոսի մահը և նշում, որ իրեն կանչել են Երևանի փաշայի մոտ և հարկադրել ստանձնել կաթողիկոսութիւնը. «Իսկ ես հրաժարեալ—գրում է նա,—յայնմանէ՛ սկսայ ասել, թէ չեմ բաւական այդմ գործոյ, և ոչ ունիմ կարողութիւն յամենայն կողմանց, մանաւանդ զարիպ և օտար եմ»<sup>9</sup>, սակայն փաշան անգրգվելի է մնացել: «Յգին ի ծառայութիւն և ի ներքոյ լծոյ սուրբ էջմիածնի և Աթոռոյն մեծի սուրբ հօրն մերոյ Գրիգորի Լուսաւորչին. որ էր թուականն մեր ՌՃՁԳ»<sup>10</sup>:

Այս կապակցութեամբ նա հաղորդում է տեղեկութիւններ, որոնք պատմական առումով շփաղանց արժեքավոր են ու կարևոր: Նա հաստատում է Առաքել Դավրիժեցու այն վկայութիւնը, որ հայ առևտրական կապիտալի ներկայացուցիչները վճռական դեր են խաղացել հայ հասարակական կյանքում, նա գրում է, թե երբ իրեն ստիպել են ստանձնել կաթողիկոսութիւնը, ասել է թե «մեր նախնի սովորութիւնն այն է, որ մահսաբ անեն (տեղյակ պահեն, հարցնեն— Վ. Բ.) Սպահան և Ստամպուլ, որ այն Բ. քաղաքացիք միաբանին, և զմի ոմն ընտրեն և կացուցանեն: Ապա թէ ոչ՝ սուրբ Աթոռին և կաթողիկոս նստողին մեծ վնաս կլինի, գիր ևս ունիմք այսպէս հաստատեալ բազմաց զրով և կնքով»<sup>11</sup>: Ուրեմն առանց այդ երկու քաղաքների քաղաքացիների համաձայնութեան, (Կրետացին անշուշտ նկատի ունի խոջաներին և զովլաթավորներին), կաթողիկոսութեան թեկնածու չէին կարող առաջադրել:

Կրետացու պատկերացրած «նախնի սովորութիւնը» ընդամենը հարյուրամյա պատմութիւնն ուներ. և հիրավի, հայ առևտրական կապիտալի երկու այդ խոշոր օջախներն իրենց վճռական խոսքն էին ասում հայ հասարակական կյանքի գրեթե բոլոր բնագավառներում: Այդ գիտակցել է Կրետացին և աշխատել այդ պատճառաբանութեամբ խուսափել կաթողիկոսութիւնից: Նա գիտակցել է նաև այն կարևոր հանգամանքը, որ պարսկա-թուրքական պատերազմների պայմաններում, երբ պատերազմական գործողութիւնների վայրը հիմնականում Արարատյան դաշտավայրն էր իր հայաշատ բնակչութեամբ, էջմիածնի դերը, իբրև հայոց հոգեվոր կենտրոնի, պարսից արքունիքի համար խիստ մեծացել էր: Պարսից տիրակալները աշխատում էին ամեն կերպ ապահովել իրենց թիկունքը. փոփոխակի հաջողութիւնների պայմաններում տեղական բնակչութեան աջակցութիւնն ու ռազմական համագործակցութիւնը խիստ անհրաժեշտութիւն էր դարձել պարսիկների համար և, ստեղծված պատմական որոշակի իրադրութեան մեջ, դա հնարավոր էր ստանալ հայերի հոգևոր կենտրոնի միջոցով: Անհրաժեշտ էր այդ կենտրոնը ծառայեցնել պարսկական պետութեան շահերին ու նպատակներին:

Խորաթափանց Աբրահամ Կրետացին շատ լավ է ըմբռնել էջմիածնի և իր նկատմամբ արևելքի բռնակալ Նադիրի հետապնդած նպատակները և իր հերթին աշխատել է օգտագործել այդ հանգամանքը հայոց կաթողիկոսութեան վիճակի բարելավման համար, քանի որ այն ֆինանսատնտեսական ծանր դրութեան մեջ էր: Գտնվելով տասնամյակներ հարատևող պատերազմական գործողութիւնների կիզակետում, էջմիածինը հաճախակի էր կողոպտվում մերթ թուրքերի, մերթ պարսիկների կողմից, նրա գոյատևման միակ միջոցը՝ բռնակալներին կաշառք տալն էր դարձել, սակայն հնարավորութիւնները վաղուց սպառվել էին և էջմիածինն ընկել էր ծանր պարտքերի տակ: Կրետացին ասում է. «Վասն պակասութեան փողից՝ որս ոչ գոյր ամենեւին, իսկ Վանից ծախքն բազում և անթիւ, յոժ վշտանայի, տառապէի... երբմն ի հողոյ արդեանց վաճառելով... և երբմն փոխ առնելով, մինչ զի բազում պարտք արարի մինչև ցայսօր. և այսպէս տանջանօք և խղճութեամբ կառավարեցի զսուրբ Աթոռն»<sup>12</sup>: Վերը նշված հանգամանքի գիտակցումը թեւավորել էր Կրետացուն, պահանջկոտ ու հանդուգն էր դարձրել և նա անխիթ բաց չի թողել այն ծառայեցնելու մայր աթոռի շահերին՝ ինչքան հնարավոր է շատ արտոնութիւններ կորզել գիշատիչ բռնակալից:

8 Նույն տեղում, էջ 4—5:

9 Նույն տեղում, էջ 8:

10 Նույն տեղում, էջ 10:

11 Նույն տեղում, էջ 9:

12 Նույն տեղում, էջ 10:

Կարսի վրա արշավելու նախօրյակին Նադիր խանը այցելել է էջմիածին, Կրետացին ըստ պատշաճի պատասխանել է նրա հարցերին. էջմիածնից դուրս գալուց առաջ էլ իր մոտ է կանչել Կրետացուն ու ասել. «մի՛ հոգար, և մի՛ տրտմիր, և բնաւ մի՛ երկնչիր, այս օճաղս մեր է, և դու մէկ եսխշի ծեր մարդ ես, տունդ աւատան լինի»<sup>13</sup>: «Այս օճաղս մեր է»-ի իմաստը բացահայտում է նաև Երևանի փաշան: Կրետացին գրում է, թե երբ ինքը նրա մոտ հրաժարվել է՝ պատճառաբանելով, որ առանց Սպահանի և Ստամբուլի քաղաքացիների համաձայնության հնարավոր չէ կաթողիկոս ընտրել, վերջինս բարկացել է նրա վրա և ասել, թե դա երկար կտևի, «ասա երկուց կողմանց զօրք և պատերազմունք երևին, և էջմիածին ի վերայ ճանապարհին է, մինչև ցայն օրն վանքն պիտի քակուի, և միաբանքն անզուլս գոլով մինն ոչ մնայ, այլ ցրուին, այնուհետև ի՞նչ օգուտ է ձեր ընտրութիւնն: Գնա՛. ահա հրամեցի քեզ, և յանձն առ, և ըստ օրինաց ձերոց կատարեսցեն զկարգ կաթողիկոսության ի վերայ (ձեր), և կառավարեալ գայն թէքքէն, զի ոչ միայն ձերն է, այլ մեր թագաւորին է, և մեզ ասպնջատեղ և պիտանացու...»<sup>14</sup>:

«Յետ այսորիկ մտածեցի,— գրում է նա,— վասն երկրին ազատութեան և տառապանաց. զի փողն կարի յոյժ նուազեցաւ և քարշեցաւ, և գրեթէ իսպառ հատաւ: Վասնորոյ խնդրեցի... խանէն՝ տալ հրաման վասն զառապիտանային բանալոյ յԵրևան և արդ արարի վասն Մէլիք Յակոբջանին»<sup>15</sup>:

Ապա խնդրել է, որ նահանգի քաղանթարն ու մելիքը, առանց իր գիտության, արքունիքից պահանջվածը (դրամ թե մթերք) չբաժանեն նահանգի գյուղերի ու քաղաքների վրա: Խանի հրամանով վերականգնել է մ. աթոռի մուլքադարական իրավունքը 7 գյուղերի նկատմամբ (թվարկում է այդ գյուղերի անունները): «Այլև խնդրեցի,— շարունակում է Կրետացին,— դրախամ (հրովարտակ, հրաման) մի, զի մի ոք եկեալ նեղացուցէ զնոսա գիւղական գոլով. նա և առանց իմ գիտութեան՝ գիւղորայից Քատխութայք թէվճիհ (բաժանում— Վ. Բ.) մի ձգեսցեն ի վերայ աղքատաց. զի շար սովորութիւն ունէին, որ զբոս իւրեանց ի վերայ աղքատաց շրջէին»: Կաթողիկոսը նշում է, որ այդ հրովարտակը ստացել է և ուրիշ հրովարտակներ էլ է խնդրել: Ընդհանուր թվով «առեալ եմ մինչև ցայսօր ավելի քան զլծ բախամ»<sup>16</sup> գրում է Կրետացին:

Թե՛ այդ բախամներն մեր կաթողիկոսն ի՞նչ գնով է ձեռք բերել և փոխհատուցման ի՞նչքան և ի՞նչ միջոցներ է ծախսել, չհաշված առատաձեռն նվերները՝ «զձիանքն և զշորիքն, և զայլ պատրաստութիւնս»<sup>17</sup>, այդ մասին նա ոչինչ չի գրում, եթե չհաշվենք մի քանի փաստերի ակնարկումը, այն էլ ոչ կաթողիկոսության հետ առնչված, և դա պատահական չէ: Մայր աթոռի կապակցութեամբ փոխհատուցման մասին գրելը կվնասեր Նադիրի և իր հետապնդած նպատակներին: Ստեղծված կոնկրետ պայմաններում Նադիրին ու նրա իշխանավորներին անհրաժեշտ էր հալոց հոգևոր պետից կորզել ոչ այնքան նյութական միջոցներ, որքան բարոյական օժանդակություն ու օգնություն: Նրանք ցանկանում էին, որ կաթողիկոսը ժողովրդի մեջ պատմի հայ եկեղեցու և իր նկատմամբ նրանց ցուցաբերած «հոգատարության», տրված արտոնյալ վիճակի և մյուս «բարեմաղթությունների» մասին, քարոզի ու աղոթի նրանց համար «օրհնութիւնս և զփառաբանութիւնս և երկրպագութիւնս»<sup>18</sup> մատուցանի: Այսպես. Թավրիզից էջմիածին վերադառնալու և Իբրահիմ խանի և Նախճավանի խանի՝ իրեն ցույց տված պատվի կապակցութեամբ կաթողիկոսը գրում է. «ընդ առաջ ելեալ էին (էջմիածնում— Վ. Բ.) ամենայն միաբանքն և գյուղականքն մեծ պայծառութեամբ. էին անդ ի գեղն և ի Օսմանցոց (իմա՝ պարսիկ և թուրք—Վ. Բ.) բազումք, որք տեսեալ զպայծառութիւն հաւատոյս և արարողութեանց մերոց՝ հիացեալ ապշեալ զարմանային, որ և մտեալ մեր ի սուրբ տաճարն մեծի ընդհանրական Կաթողիկէի... անկեալ առաջի սրբոյ իջման տեղոյն, զանչափական օրհնութիւնս և զփառաբանութիւնս և զերկրպագութիւնս մատուցանելով, ուրախութեամբ և արտասուօք ծանուցաք բոլոր միաբանից՝ և պատրա՛ստ եղելոց, յորմէ իսպառ լցեալ էր եկեղեցին մարդկամբք՝ ի մերազգեաց և յայլազգեաց, զպատճառ խնդրելոյն զմեզ՝ և մեր գնալոյն, զպատիւն, և զյուսագորութիւնն՝ զոր արար մեզ (Իբրահիմ խանը—Վ. Բ.), յորմէ լսողք հիացեալ զարմանային և փառս տային աստուծոյ. և ապա աղօթս արարեալ և օրհնութիւնս տուեալ արձակեցաք ի խաղաղութիւն»<sup>19</sup>: Ահա թե ինչն էր առաջին հերթին հարկավոր աշխարհակալության ձգտող Նադիրին ու նրա արքունիքին:

Օգտվելով իր դիրքից, Կրետացին քիչ ջանքեր չի գործադրել օգտակար լինելու իր ժողովրդին, հնարավորության սահմաններում զերծ պա-

13 Նույն տեղում, էջ 15:

14 Նույն տեղում, էջ 9:

15 Նույն տեղում, էջ 26:

16 Նույն տեղում:

17 Նույն տեղում, էջ 33:

18 Նույն տեղում, էջ 89:

19 Նույն տեղում:



հնու նրան հալածանքներից ու կողոպուտից, ֆիզիկական ոչնչացումից: Պատահական չէ, որ Նազիրին ասել է, թէ «մենք վասն Բ. իրաց ձեզ ծառայութիւն կանենք, մին վասն հաւատոց մերոց, զի յայտնի պաշտեսցուք զհաւատս և զքրիստոնէութիւնս, և միւս՝ զի պահեսցուք անարատ զսիրաթիւս բնտանեաց մերոց»<sup>20</sup>:

Մուղանի դաշտում եղած ժամանակ նա բազում գերիներ է ազատել, ուղարկել էլ միաժին, Աստապատ, Ազուլիս<sup>21</sup>: Բացի դրանից, գրում է, որ էլի Մուղանում «կրկին թափեցի ի գերեացն որքան որ կարողացայ. և կարացի հնարել և գտանել, փոխ ստակ առի և տուի զին գերեացն...»<sup>22</sup>: Հացի խիստ սղության պայմաններում պատվիրել է Ազուլիսում այդ ժամանակ գտնվող աղվանից ներսես կաթողիկոսին, հոգալ նրանց կարիքները: Ի դեպ, Կրետացին գոհունակութամբ նշում է վերջինիս մասին, թե «ինչ գրէի, վաղվաղակի տայր կատարումն»<sup>23</sup>: Ներսեսին նա իր տեղապահն է համարել, «վեքիլն ու նայիպը», և նրա համար էլ արտոնութուններ է ստացել Նազիրից, ասել է, թե Գյանջայի խաներն ու իշխանավորները «միշտ շամաթայ շլիթաղ (զրպարտութիւն— Լ. Բ.) անելով, ոչ տան թույլ հանգիստ մնալոյ, այլ միշտ կեղեքեն և կողոպտեն: Վասնորոյ խնդրի ի մեծութենէդ, որ յայսմ հետէ ո՛չ խան, ո՛չ Մուլթան կամ Ջապութ նորա հետ բան շունենան, զի իմ վեքիլ և նայիպ է, այլ թէ խօսք և զրոյց ունին, ընդ իս տեսցէն»<sup>24</sup>: Այդ հրովարտակը նա ստացել է ու տվել ներսեսին:

Հացի սղության ժամանակ Կրետացին հրաժարվել է գավառների մելիքների հրավերքներից. «զի ի միջի յոյժ սղութիւն և պակասութիւն էր հացի և գարոյ, և ընդ իս մարդ և անասուն բազումք»<sup>25</sup>:

Կրետացին հիացմունքով է խոսում ինձորեսկցիների մասին, որոնք ամրանալով ապառաժ վեմի քարայրներում, որ նա «հիանալի բան» է համարել, հերոսաբար դիմադրել են թուրքերին և Ղարաշաուլի քրդերին: Միաժամանակ դառնացած գրում է, որ ինձորեսկը առաջ ունեցել է 500 տուն, իսկ ինքն, որ տեսել է քարայրներում դրա կեսն էլ չի մնացել «զիր բազումք սպանեալք էին ի թուրքաց,— և ավելացնում է,— քանզի փա-

20 Նույն տեղում, էջ 86:

21 Նույն տեղում, էջ 84:

22 Նույն տեղում, էջ 66:

23 Նույն տեղում, էջ 64:

24 Նույն տեղում, էջ 74:

25 Նույն տեղում, էջ 74:

շայք դորոք իրեանց քանիցս անգամ եկեալ էին ի վերայ նոցա, և ոչ կարացին մուտ առնել, այլ պատերամեալ ընդ միմեանս՝ յետ դառնային ամօթով»<sup>26</sup>:

Նրա համար էլ լուսավոր ծալք է եղել անապատների ու անապատականների ծավալած հայրենանվեր գործունեությունը, ինչպես ժամանակին՝ Դավրիժեցու համար: Կրետացին գրում է, որ առաջին անապատականների մասին կարդացել է Դավրիժեցու «Պատմության» մեջ և մեծ հարգանքով է խոսում նրանց նկատմամբ: Հիացմունքով է խոսում նաև Սյունյաց աշխարհի վանքերի ու եկեղեցիների վերաբերյալ: Նրանք «հիանալի և զարմանալի տեսողաց» են<sup>27</sup>, Հարանց նախկին մեծ անապատը իր ապրած օրերում էլ «է մայր ամենայն անապատից յարեւել և յարեւմուտս Ազգիս մերոյ»<sup>28</sup>: Տեսել է և ավերված ու ամայացված վանքեր ու կուսանաց անապատներ ու ողբացել է: Դառնությամբ գրում է, թե Շնհերի Կուսանաց անապատում, ուր առաջ 150 կույսեր են ապրել, իր տեսած ժամանակ 20 ապաշխարողներ են եղել<sup>29</sup>:

\* \* \*

Ասվեց, որ Աբրահամ Կրետացին արժեքավոր տեղեկություններ է հաղորդում պարսկական պետության վարչակարգի մասին: Գրում է, թե պարսից սովորությունն էր, մանավանդ Նազիր շահի տիրապետության ժամանակաշրջանում, որ ամեն մի քաղաք երեքական մարդ նշանակի արքունական եկամտուների ու ծախսերի վրա (կեալուրի): «Առաջնոյն ասեն միրզէ վեքիլ, որ է զպիթ միրիյի հետ իլախայ ունողաց վերայ. և է երիցն մեծ հրամայող՝ և ի վեր նստող քան զմիւս երկուսն, և սա է առնող տուող և դատաստան անող՝ որպէս մեծ տէֆթէրաւար, բայց ոչ առանց միւսոցն գիտութեան, այլ համակամութեամբ: Երկրորդին ասեն՝ Վէզիր, որ է միջինն և ունի զտէֆթէրն նահանգաց, և ամենայն եղեալ կելուրի և կիտարի, իրատի և մասրաֆի (եւեմուտք— Լ. Բ.): Եւ զերրորդն ասեն՝ միրսօֆի՝ որպէս թէ տէֆթէր էմիր, որ զամենայն տէֆթէրներն նա ունի, և Արքունի տէֆթէրին շինողն է. և տեղն ի տեղ գիւղորայքն և պէլլիկ եղած մուլքեր նորա գիտութեամբ է և նորա ձեռին»<sup>30</sup>:

Կրետացին նշում է նաև վարչական շորս-հինգ այլ պաշտոններ՝

26 Նույն տեղում, էջ 74—75:

27 Նույն տեղում, էջ 77:

28 Նույն տեղում, էջ 76:

29 Նույն տեղում:

30 Նույն տեղում, էջ 59:

մուհրտար, Բախամլար, մայրապաշտոնուն կամ սահապայար<sup>31</sup> և մոլլապաշ<sup>32</sup>, էլիադանլի<sup>33</sup>,

Առաջինը նշանակում է կնիք պահող-կնքապահ, երկրորդը՝ Բախամներ՝ հրովարտական գրող, «այլ և ի վերայ գրողաց՝ որպէս ուէյիզ» (Ռայիս՝ պետ—Լ. Բ.), երրորդը՝ «գրամափորձ, պետ՝ որ ուղղէ գծամացոյցս, և կշռեալ փորձէ զգրամս հրահայելիս»<sup>34</sup>», չորրորդը՝ օրենսգետների գլխավոր պետ, հինգերորդը՝ շահին անմիջապես սպասարկողները՝ խանների օրդինները<sup>35</sup>:

Հետաքրքիր են նաև Կրետացու հաղորդումները Նադիրի պահակազորքի կառուցվածքի, նրա ռեժիմի, հանդերձանքի սպառազինման, ինչպես նաև հրամանատարական կազմի ռոճիկների շափերի մասին: Ըստ այդ հաղորդումների, պահակազորքը բաղկացած է եղել 7 հազար հոգուց: Յուրաքանչյուր օր պահակ են կանգնել 2 հազար զինվոր, որոնք 24 ժամ կանգնելուց հետո 2 օր հանգստացել են, նրանց փոխարինել է երկրորդ երկու հազարը, սրանց էլ՝ երրորդ երկու հազարչակը: Այնուհետև գրում է, թե մյուս հազարը կազմել են 350 սպասավոր նժույզաձիգները. 350 հանդերձապահները, 350 էլիադանլիները իրենց տասնապետներով ու հիսունապետներով: Հազարապետի ռոճիկը տարեկան եղել է ԺՃ թուման, հիսունապետինը՝ ԼԶ թուման և տասնապետինը՝ ԺԵ թուման<sup>36</sup>:

Այնուհետև պատմագիրը տալիս է պահակազորքի ինչպես՝ նաև ամբողջ բանակի հանդերձանքի ու զինվածութան նկարագրությունը: Նա մեծ գովեստով է խոսում հատկապես պարսկական այրուձիի մասին. «կարեն զօր մի ընդ դաշտ և ընդ ձոր և զառ ի վեր քարաժեռս լերանց և ընդ զառ ի վայր՝ իրրև զկաքառ ընթանալ, և խոնջ և տրտուջ բնառ ոչ գիտեն. են զի և երբեմն զապառաժուտ անցուկ տեղիս՝ զապառաժն հատանեն, և զհողն պեղեն, նոյնպէս և զձիւնն՝ իրրև ոչ աշխատեալ բնառ. մտանեն ի պատերազմ ընդ թշնամիս իւրեանց, և մարտնչին արիապէս և յաղթեն. զի թէպէտ՝ ԿՌ. լսի թիւ րոջաւորացն զօրաց, բայց թէ կամեսցի՝ Բ. և Գ. այնքան կարէ ժողովել ի սակաւ աւուրս»<sup>37</sup>:

31 Նույն տեղում, էջ 70:  
32 Նույն տեղում, էջ 68:  
33 Նույն տեղում, էջ 60:  
34 Նույն տեղում, էջ 119:  
35 Նույն տեղում, էջ 60:  
36 Նույն տեղում, էջ 72:  
37 Նույն տեղում, էջ 73:

Նկարագրելով Եղվարդի ճակատամարտն ու պարսիկների հաղթանակը, պատմագիրը գրում է, որ ինքը գրանից երեք օր հետո եղել է ճակատամարտի վայրում և իր աչքերով տեսել է նրա ողբերգական վախճանը թուրքերի համար:

«Ճանապարհին հանդիպեցայ դիականցն, սկսեալ ի Աշտարակայ հանտէն մինչև ցնդեարգ՝ անթիւ բազմութեան սպանելոցն. և դեռ ևս կային ոմանք կենդանի, որ և խուզէին Պարսիկք զայնպիսիսն և սպանէին, որպէս և տեսայ աչօք իմովք մինչ գնայի ի ճանապարհին. որ և վերայ հասայ հայու մի կիսամեռո՞ մինչ կամէին մահացուցանել, և թափեցի ի ձեռաց նոցա. և զիմ շաթիր Պողոսն ի հետ եղի բառնալով ի վերայ գրաստու, և ետու տանել ի յԱշտարակ ի խուցն եկեղեցուցն. և պատուիրեցի՞ զի քահանայք հոգ տարեալ խնամք տարցեն, որ և գտեալ զառողջութիւն... այլ և բազում վիրաւորեալք որք զերծան ի պատերազմէն, եկին երկրորդ օրն ի յէջմիածին, թուրք, հայ, հոռոմ, և բազմաց դեղ առնել ետու, և զիշերով զտաճկունսն յուղղոյ եղինք յԵրևան, և այլք ի մերայնոց և ի Յունաց, ոմանք մեռան և ոմանք առողջացեալ գնացին ուր և կամեցան»<sup>38</sup>, գրում է պատմագիրը:

Որոշ տեղեկութուններ է հաղորդում նաև ջիզլայի՝ գլխահարկի ծանր լինելու մասին: Ասում է, որ իրեն դիմել են Շամախեցի երկու քահանա և հինգ-վեց իշխան, խնդրել՝ միջնորդելու շամախեցիների համար այդ հարկը թեթևացնելու մասին, քանի որ «շատ պահանջէին, խնդրեցին առաջի սահմանին՝ տնով մարդու՝ Գ ղուշ և կէս»<sup>39</sup>:

\* \* \*

Կաթողիկոս պատմագիրն իր հիշատակարանում զգալի տեղ է հատկացրել Մուղանում Նադիրի թագադրման արարողությունների և պարսկական կրոնական տոնի՝ բայրամի, ծիսակատարությունների նկարագրություններ, որ առանձին արժեք է է ներկայացնում պարսիկների նիստուկացի ու բարբերի ուսումնասիրության առումով:

Արբահամը, հայ եկեղեցու շահերից ելնելով, միտումնավոր ձևով ձգտել է Նադիրին ներկայացնել իբրև քրիստոնեասեր, ամեն դեպքում հայերին ընդառաջող, իր և կաթողիկոսութան նկատմամբ բարյացակամ տրամադրված ու հոգացող: Իր մտածածն ու ցանկալին, Նադիրի հետ տեսակցությունների ժամանակ, արտահայտել է նրա բերանով,

38 Նույն տեղում, էջ 19:  
39 Նույն տեղում, էջ 65:

վերագրելով նրան դրանց նախաձեռնողի դեր: Հնարամիտ մեր կաթողիկոսը սակայն մի քանի նախադասություններ, բայց չափազանց դիպուկ բացահայտում է Նազիր բռնակալի դատանություններն ու պատճառած արհավիրքները, սակայն հենց իրեն Նազիրի բերանով: Նա գրում է, թե Մուղանում Նազիրը խորամանկություն է անում, դիմում է հավաքված իշխանավորներին, թե «ընտրեցէք ի ձէնջ զայլ ոմն, կամ ընտրեցէք զայլ մի՝ որ կարիցէ կառաարել զձեզ և զերկիրն. և ձեռք վեր առէք ինձմէ... և շատ անգամ հրաժարէր: Իսկ խաներն ստիպէին, աղաչէին, շողոճարեալ աղերսէին, և հաւանեցուցանէին... պատասխանի ետ... վայինամաթն (Նազիրը—Լ. Բ.) և ասաց... բազում ինձանէ պետամաղ եւ եղեալ, և իրաւունս ունին. զի բազմաց ապրանս խլեցի. զբազումս մահացուցի, զոմանս կորուսի. և յալովից զոսկին և զարծաթն խլեցի, և շատ տեղիս անբեցի և զերկիրս սասանեցուցի և աղքատացուցի, վասնորոյ բաւական է այս շափս, բող հանգչին մարդիկ գոնէ յայսմանտէ ի նեղութենէ յայսմանէ»<sup>40</sup>: Իր այս բնութագրումով, ուր մեր առջև հառնում է արևելքի իսկական բռնակալ Նազիրը, Աբրահամ կաթողիկոսը հողս է ցրնգեցնում իր իսկ իդեալականացրած Նազիրին, այս մի քանի նախադասությունն է իսկությունը, դրանք են, որ տալիս են բռնակալի ու նրա իշխած ժամանակաշրջանի ճիշտ ու օրյեկտիվ պատկերը, սակայն, նշենք, որ եկեղեցու և ժողովրդի ցավերով մորմոքված Աբրահամ Կրետացին այլ կերպ չէր կարող վարվել, նրա կողմից Նազիրին իդեալականացնելը թելադրված էր օրվա պահանջով: Այդ մի քանի նախադասություններն են կազմում Կրետացու հիշատակարանի ուղն ու ծուծը, բնութագրում նրա հեղինակի հնարամտությունը, հանդգնությունն ու խիզախությունը: Հայ պատմագիրների մոտ Հայաստանի բռնակալներից և ոչ մեկն իր բերանով նման ինքնախարազանում չի արել: Մեր պատմագիրները անարգանքի սյունին են դամել միայն մահականացուները կնքած բռնակալներին, մինչդեռ Կրետացին այդ տողերը գրել է ոչ միայն Նազիրի կենդանության, այլ ժողովման օրերին, այն էլ ի՞նչպես է գրել՝ ի լուր ամբողջ աշխարհի նա բացականչել է. «Բաւական է այս շափս. թող հանգչին մարդիկ գոնէ յայսմհետէ ի նեղութենէ յայսմանէ»: Ինչպես խաներն են Մուղանում Նազիրին, Կրետացու խոսքերով ասած, «շողոքորթեալ աղերսէին», այնպես էլ ինքն է, ահի ու սարսափի տակ, հարկադրված «շողոքորթեալ» գովերգել նրան, դարձնելով «երկրորդ Ալեքսանդր», սակայն միաժամանակ խիզախություն է ունեցել այդ մի քանի նախադասությամբ

ընթերցողին հասկացնելու, որ իրողությունը Նազիրի բերանով ասվածն է, և ոչ թե՛ իր շուրջած գովերգումը: Ի դեպ նկատենք, որ նրա այդ գովքը Նազիրի անձի ու գրաված դիրքի գովքն է և ոչ նրա կատարած գործերի: Ընդհակառակն երկրի ներքին կյանքի, ժողովրդի վիճակի նկարագրություններում չի երևում Նազիրի «մեծախելքությունը», «հանճարեղությունը», ամենուր հացի, ուտելիքի սղությունն է սիրել, դուրացին սերմ չի ունեցել ցանելու, քարշող ուժ չի ունեցել վարուցանք անելու, ճանապարհներն անապահով են եղել, անգամ իր՝ Կրետացու ձին են գողացել<sup>41</sup>. «Եւ ոչ եթէ միայն ի Մուղան էր նուագութիւն հացի,— գրում է Կրետացին,— այլ յամենայն տեղիս Թարվիզո՛ւ և յայր՝ և ի Տուզախ, ի Կէնճէ, ի Ղազախ, ի Լոռի, ի Վրացսուն, ի Գեղամայ ծովի եզերայքն, ի Սաղկնուձորն, ի Ղափան, ի Նախիջևան և յԵրևան... յետի օրերն թանկացաւ ցորեանն և գարին ի Մուղան, և եղև Թարվիզի լիտրն Ա. ղօլաթա (երեսունանոց—Լ. Բ.) և Ժ. թիմին, որ է Թճ դրամ. և ի փետրվարի ԻԱ...»<sup>42</sup>: Նա դառնացած գրում է, որ Շամախին ավերելուց հետո, Նազիրը հրամայել էր կենդանի մնացած շամախեցիներին բնակեցնել մի շատ անբարենպաստ տեղում, ուր օդն ապականված էր, ջուրը քիչ, և ավերացնում է. «տաճկունք՝ որք են Լակզիք և Մունիք՝ վշտացուցանէին և տառապեցուցանէին զԱզգն մեր»<sup>43</sup>: Այնուհետև գրում է, որ նրանք իր օգնությունն են դիմել և ինքը ստիպված է եղել դիմել շահին ու խնդրել՝ նրանց նոր բնակավայր շինելու համար տեղ հատկացնել, ջիզյան պակասեցնել և այլազգիներին սանձահարել<sup>44</sup>:

Այսպիսով, Կրետացու՝ Նազիրին տրված «մեծախելք», «հանճարեղ» պիտակներն օդից կախված են մնում, իսկ ինչ վերաբերում է «մեծաբախտ» «մեծազօր» մակդիրներին, ինչպես նաև «երկրորդ Ալեքսանդր» հորջորջմանը, ապա դրանք թերևս հանդիսանում են Նազիրի՝ պատերազմներում ձեռք բերած փառքի ու դրա շնորհիվ ստեղծած ահ ու սարսափի մթնոլորտի ազդեցություն տակ շուրջված «շողոքորթեալ» մեծարումներ եկեղեցու՝ հոգսերով տառապող կաթողիկոսի կողմից: Անհրաժեշտ էր խտացրած շափազանցություններով Նազիրին ներկայացնել, իր ժողովրդին, ցույց տալ, որ նա վարելով եղվարդի ճակատամարտը, փայլուն հաղթանակ է տարել՝ թուրքերը տվել են 40000 սպանված, իսկ պարսիկները ընդամենը 15—20 մարդ, անհրաժեշտ էր, որ Կրետացին գրեր.

41 Նույն տեղում, էջ 66:

42 Նույն տեղում, էջ 65:

43 Նույն տեղում, էջ 66:

44 Նույն տեղում, էջ 66:

<sup>40</sup> Նույն տեղում, էջ 54:

«Հիացումն էր կարկամիւն և կապիւն օսմանցոց առաջի Պարսից»<sup>45</sup> և որ ինքն իր աչքով է տեսել այդ բոլորը<sup>46</sup>: Որ ինքն իր ականջով է լսել թե ինչպէս երկրի խաղաղությունը ապահովելու նպատակով 40000 թուրք սպանող նազիրն, ի լուր ամբողջ աշխարհի, թուրքերին պարսիկների եղբայր է համարել: Կրետացին ասում է, թե թագադրումից առաջ նազիրը բոլոր մեծամեծներին երեք պահանջ է ներկայացրել, որոնցից երկրորդը վերաբերել է պարսիկների և թուրքերի փոխհարաբերությանը: Պահանջել է, որ պարսիկները շխախտեն հաշտութեան պայմանագիրը և «յորժամ քապէն գնան ի Պարսկաստանու, շի նեղացուցանեն և աւելի ինչ շի պահանջեն, այլ որպէս զիրեանց հաջիք պատուեսցեն, և որպէս զեղբայր համարիցեն»<sup>47</sup>:

Կրետացու վկայութեամբ «շողոքորթեալ» բանաստեղծութիւններ է գրել նազիրի մասին նաև Ատրպատականի վեզիրը, որը միաժամանակ և բանաստեղծ է եղել<sup>48</sup>:

Որ իսկապէս Կրետացու կողմից նազիրի իղեալականացումը շողոքորթեալ գովերգութիւն է եղել, ընթերցողին համոզում է նրանից մոտ 50 տարի հետո գրած իր «Պատմութիւն Պարսից» երկի հեղինակ Խաչատուր Զուղայեցին<sup>49</sup>: Այդ մասին քիչ հետո, նշենք միայն, որ Խաչատուրը նազիրի՝ Կրետացու վկայած ինքնախարազանումն այլ ձևով է ներկայացնում:

Արբահամը, սակայն չի զլացել ցույց տալ «երկրորդ Ալեքսանդրի» «արի» «մեծախելք», «մեծաբախտ», «մեծազօր», «հանճարեղ» նազիրի խոսքի և գործի միջև անհամապատասխանութիւնը: Այն նույն նազիրի հրամանով, որ թիֆլիսում իր մեծամեծներին ասել էր, թե «չի լինի թէ նեղացնէք զազգս Հայոց կամ՝ վնասէք»<sup>50</sup> հենց նույն ժամանակ էլ թիֆլիսից 300 հայ ընտանիք է բռնկել Խորասան, նույնքան էլ Արարատյան նահանգից: Վերջինիս կապակցութեամբ Կրետացին գրում է. «Բռնութեամբ հանեալ ի բնակութենէ իրեանց բշեցին ի Խորասան»<sup>51</sup>:

Իսկ թիֆլիսեցիները մասին՝ «Բազումք որ լսէին զգնալն և զգրա-

ւիւն իրեանց, գային յեկեղեցին՝ յորում ապաստանել էի, և կական բարձեալ ողբային և աղաղակն յերկինս ելանէր. լային, գոռային, գոչէին, յերկիր անկեալ թաւալէին, և աղերսէին, զի խնդրեցեմ ի խանէն աղատել զնոսա, և մի վարել ի յօտար երկիր: Իսկ տառապեալս տեսանելով զաղէտս ժողովրդեան՝ արանց և կանանց, փղձկեալ այրեցեալ սրտիկս, և արեան արտասուս իջուցանէի, և զեզերեալ աստանդական ի դրունս մեծամեծաց՝ պաղատէի, աղաչէի, հայցէի, և աղերսէի ազատիլ նոցա ի յայն վշտաց: Որ և... ի պատճառէ իմեքէ՝ քաղցրացաւ սիրտ խանին, և եթոյ զնոսա: Բայց Գ.թ. թուման, և Գ.թ. սօմար ցորեան, որ և ժողովեալ հասուցին և զերծան»<sup>52</sup>: Նազիրի սիրտը քաղցրացել է ոչ թե «ի պատճառէ իմեքէ» այլ խոստացած և ստացած կաշառքից: Սակայն նա, որ կարողացել էր նյութական փոխհատուցում տալ «բարերար» շահին իր խնդրանքը շնորհելու համար, հաշվի էր առել թիֆլիսեցիների նյութական հնարավորութիւնները, մի բան, որ չէր կարող հաշվի առնել արարատցիների կապակցութեամբ, քանի որ նրանք ի վիճակի չէին այդչափ փոխհատուցում տալու ու փրկվելու «նոյնպէս և վասն Արարատու երկրին 3. (70) տանն շատ և անխոնջ տանջեցայ և տառապեցայ, և ոչ եղև հնար...»<sup>53</sup>, — դառնացած գրում է Կրետացին:

\* \* \*

Կրետացու մի վկայութիւնն այն մասին, թե նազիրն իր նախկին գրագրին կարգել է պատմաբան՝ «գրել զպատմութիւն եղելոց իրաց և վասն թագաւորելոյն իր»<sup>54</sup>, հիմք է տալիս երկու հավանական ենթադրութեան հանգելու, մեկը, որ իմանալով այդ մասին Կրետացին ինքն է շտապել այն գրելու, մյուսն այն, որ այդպիսի պատմութիւն գրելու պատվեր թերևս նա ստացել է հենց նազիրից և որ վերջինիս պահանջով է նա իր գրվածքի մի օրինակը և կոնդակը ուղարկել Պոլսի պատրիարքին և Ադրիանապոլսի մահտեսիներին՝ արեւմտահայութեան իշխող վերնախավի մեջ էլ վստահութիւնն ձեռք բերելու և մեծարվելու նպատակով:

Ինչևիցէ Արբահամ Կրետացի կաթողիկոսի թողած ծավալով փոքր, բայց պարունակած նյութով խիստ արժեքավոր, անձնական հիշատակարանը, ստուգապատում աղբյուր է Հայաստանի և Պարսկաստանի XVIII դարի 30-ական թվականների պատմութեան ուսումնասիրութեան և նազիրի

45 Նույն տեղում, էջ 19:

46 Նույն տեղում:

47 Նույն տեղում, էջ 53:

48 Նույն տեղում, էջ 59:

49 Խաչատուր Արեղայի Զուղայեցու Պատմութիւն Պարսից, Վաղարշապատ, 1905, էջ 272—273:

50 Կրետացի, էջ 24:

51 Նույն տեղում, էջ 25:

52 Նույն տեղում, էջ 25:

53 Նույն տեղում:

54 Նույն տեղում, էջ 70:

ու նրա ժամանակաշրջանի մասին ճիշտ պատկերացում ունենալու համար:

Արրահամ Կրետացու «Պատմագրության» վերջում կցված է «Պատմութիւն Անի քաղաքին զոր գրեալ է Արրահամու բարունապետի եւ բանի սպասաւորի եւ առաջնորդին թրակիոյ»<sup>55</sup> խորագիրը կրող 9 էջանոց մի գրվածք: Նրանում խոսվում է Գագիկ երկրորդ Բագրատունու Պոլիս գնալու, Անիի իշխանների դավաճանության, քաղաքացիների բարոյալքման, արատավոր կողմերի, նրանց ուղղության բերելու՝ Հովհաննես Երզնկացու գործադրած ջանքերի, նրա կրած տանջանքների մասին: Այնտեղ խոսվում է նաև անեցիների գաղթի մասին: Ավարտվում է 1331 թվականով: Միալաշատ այդ գործը դժվար թե Կրետացու գրչին պատկանի: Նախ Կրետացու՝ թրակիայում բարունապետ լինելու մասին ոչ մի վկայություն չի պահպանվել և հետո, նա իր պատրաստությամբ չէր կարող այդպիսին լինել: Մեր կարծիքով այդ գործն ավելի վաղ ժամանակների մի այլ հեղինակի կամ գրչի դրածը պետք է լինի, որ սխալմամբ կցվել է Կրետացու «Պատմագրությանը»:

<sup>55</sup> Նույն տեղում, էջ 101—109:

## ԽԱՉԱՏՈՒՐ ԶՈՒՂԱՅԵՑԻ

XVIII դարի հայ ժամանակագիրներից է Նոր Զուղայեցի Խաչատուր արեղա Սահակյանը, որը պատմագրության մեջ մտել է ծննդավայրի անունով «Զուղայեցի» հորջորջմամբ: Ապրել ու գործել է Ղուկաս կաթողիկոսի հայրապետության և Զուղայի Հակոբ արքեպիսկոպոսի առաջնորդության ժամանակ: Ուսումնառությունը ստացել է ս. Փրկչի «Հրաշակերտ» վանքում: Հետագայում Ամենափրկիչ վանքի միաբանության գործիչներից մեկն է եղել, մահացել է, հավանաբար, 1795 թ. Բասրայում, ուր գնացել էր իբրև միաբանության նվիրակ<sup>1</sup>:

Զուղայեցին առանձնապես մեծ կրթություն չի ստացել, այդ կապակցությամբ նա գրում է «Ջի ո՛չ էի ես տրուպ թշուառագոյն վատաբաղգս կրթեալ եւ հրահանգեալ ի յիմաստս համալսարանի քերթողաց. եւ ո՛չ ի ճեմարանս, վսեմագոյն իսկ հզօր սոփեստաց էի արղեօք բնաւ մարզեալ»<sup>2</sup>: «Պատմությունը» գրելու առիթով էլ նկատում է «ո՛չ վայել էր ինձ իրակել զայսպիսի իր. այլ այնոցիկ էր հաճ եւ ըմբօն՝ որք կրթեալք իցեն եւ մարզեալք համալսարանոջ զքերթողութիւն, զճարտասանութիւն, զտրամարանութիւն, եւ զայլ արհեստս ազատականս»<sup>3</sup>:

Զուղայեցու «Պատմութիւն Պարսից» երկը, ըստ «Պատմութիւն Նոր-Զուղայի» հեղինակ Հարություն Տեր-Հովհանյանցի, հրապարակ է եկել Միքայել Չամչյանի նախաձեռնությամբ: Նա գրում է, թէ «Հայր Միքայել վարդապետն Չամչեան յամի 1787-ի 15 Յունվարի գրէ զթուղթ առ գիտնական պարոն Յարութիւն Սահակեան Աղանուրեանց, խնդրելով ի նմանէ առաքել առ ինքն զանուանս թագաւորացն Պարսից հանդերձ ժամանակագրական ծանօթութեամբ նոցին զահակալութեանցն»<sup>4</sup>:

Հարություն Սահակյանն էլ իր հերթին խնդրել է այդ գործի համար

<sup>1</sup> Տե՛ս Խաչատուր Արեղայի Զուղայեցույ Պատմութիւն Պարսից, աշխատութեամբ Բարգեն վ. Աղանելեանց: Վաղարշապատ, 1905, Յառաջարան, էջ Ը: Այսուհետև Զուղայեցի:

<sup>2</sup> Նույն տեղում, էջ 4:

<sup>3</sup> Նույն տեղում, էջ 2:

<sup>4</sup> Տե՛ս Նույն տեղում, Յառաջարան, էջ Թ:

ձեռնհաս իր բարեկամ խաչատուր արեղային՝ գրել Չամչյանի խնդրածը: Զուգայեցու «Պատմութիւն Պարսից»-ի հրատարակիչ Բ. Աղալեւյանցը ճիշտ նշում է, որ իսկապես խաչատուրը ոչ թե պատմություն է գրել, այլ մի ժամանակագրություն<sup>5</sup>: Այդ հաստատում է նաև ինքը՝ խաչատուրը. «Այլ ո՛չ ապաքէն գործս եւ զարութիւնս նոցա ուրոյն վիպելով. զորոց որք նախ քան զմեզ էին, գեղեցիկ եւ սեթեւեթեալ ոճով գրեցին, այլ եւ եթէ միայն զանուանս նոցա յիշատակելով, եւ եթէ արդեօք մարթ ինչ իցէ՝ եւ զթիւս ամաց թագաւորելոյն նոցա, այսինքն՝ եթէ յորում ամի, եւ քանի ամ թագաւորեցին»<sup>6</sup>:

Զուգայեցին խոստովանելով իր անպատրաստությունն ու տկարությունը «վիպագրություն» գրելու մեջ, այնուամենայնիվ հույս ունի («ակն ունիմ») ավարտել այն նախ՝ «ձրիաբաշխ շնորհիւն Աստուծոյ» երկրորդ՝ աշխատանքով: Աշխատանքի համար նա վկայակոչում է Վիր-գիլիոսին, որ ասել է. «յարատե աշխատանքն յաղթէ զամենայն դժուարինս»: Ապա ասում է, թե աշխատանքն է անվանիության մայրը («մայր բարեհամբաւոյ»), որովհետև աշխատանքի միջոցով հաղթողներն են հանդիսացել աշխարհի անվանիներ, առանց աշխատանքի չի եղել ոչ մի գերապայծառ ու շքնազագույն բան, ո՛չ, առաքինությունը, ո՛չ արհեստները, ո՛չ որևէ բարի գործ: Իսկ եթե աշխատանքը լեզու ունենար, կարող էր բարձրաձայն աղաղակել և ասել. թե առանց ինձ (ո՛վ մարդիկ) ոչ մի բանով չեք կարող պարծենալ և պանծալ, իսկ ծուլությունը բոլոր մոլորությունների դպրատունն է (դպրոցը), որով մարդը լքվում է, տարահերքվում բոլոր մարմնավոր ու հոգևոր գործերի մեջ<sup>7</sup>:

«Պատմութիւն Պարսիցը» որը խաչատուրը առաջին հատոր է համարում, սկսվում է Կյուրոսից՝ 559 թ. ն. մ. թ. հասցվում է մինչև Քերիմ-խանի մահը՝ 1779 թ.: Երկրորդ հատորի մասին առաջինի նախադրության մեջ գրում է. «Իսկ զհատորն երկրորդ ունի յինքեան պարունակեալ զվէպս Պարսից եւ Եկբատանացոց աշխարհի... զոր ի մահու Քեարիմ իշխանի Պարսից, սկսայ ուրոյն վիպել մի ըստ միողչէ... զհամայն անցս՝ զորս անցեալ փոթորկաբար պտուտկեցին ի կալուածս սահմանաց Պարսից աշխարհի, մինչեւ ուր ուրեք կամեցեալ հաճեսցի Տէր՝ յամբոկ արարեալ եզերեցից զկիր առնութիւնս իմ»<sup>8</sup>:

<sup>5</sup> Նույն տեղում:

<sup>6</sup> Նույն տեղում, էջ 14—15:

<sup>7</sup> Նույն տեղում, էջ 8—9, տե՛ս և Ա. Առաքելյան, Զայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 591:

<sup>8</sup> Նույն տեղում, նախադրութիւն հեղինակի, էջ ԻԳ:

խաչատուրի և նրա երկրորդ հատորի մասին 1795 թ. Մադրասում հրատարակված «Աղգարար» թերթի խմբագրությունը գրել է. «Ի վաղուց հետէ ի հանդիսի գիտնոց եւ գործառնութեանց նոցա. միաբանութիւն սրբոյ Ամենափրկչի վանիցն մեր որ ի նորն ջուղայ, իբրեւ արտաքոյ եւ անպարտաբեր գտանի եւ որոյ պատճառն անհանդուրսիւն տէրութեան յայնմ տեղոյ արգելու մտածել (ընդգծ. խմբագրությունն է— Լ. Բ.):

Այլ մի ի միաբանութենէ նոցա անուամբ խաչատուր յարեղայ որդոյ Սահակի, ըստ բնական ընդունակութեան իւրոյ եւ օգնականութեամբ բանասիրաց ոմանց՝ յետեւելով գիտութեան գրոց, արար վիպասանութիւն մի պարսից, ի կիրոս առաջնոյ արքայէ մինչեւ ցմահ քերիմ խանի, եւ նոյն բանասիրութեամբն խոստացաւ զմնացեալն եւս գրել (զոր կարելի յաւելի ստոյգ իցէր) այլ կասեցաւ եւ նահանջեցաւ ի փութոյ իւրմէ յաղագս մահու...»<sup>9</sup>:

Առաջին հատորի նյութը խաչատուրը վերցրել է հայ պատմագիրներէից և պարսից ղարբուրներէից: Վերջիններիս կապակցութեամբ գրում է. «չոգայ առ գիտունս պարսից՝ ...բերին առաջի իմ զմեծ մատեան մի կարի թաւարձի, որ իբր ըստ դիտման եւ ըստ կարծեաց մտաց նոցա՝ էր Սոփեր ճշմարտաճառ վիպագրութեան որոց նախնեաց, եւ ստոյգ զրուցատրութիւն յառաջնոց»<sup>10</sup>:

Շահ Աբբասի կապակցութեամբ էլ գրում է. «Արդ՝ ահաւասիկ մինչև ցատտ ծայրաբաղ արտահանեալ հաւաքեցի ի պատմութեանց Շահ Աբասայ՝ ստոյգ գիտողութեամբ ի մերոց և ի պարսից մատենից: Բայց ոչ զբոլորն համանգամայն գրեցի, այլ ի բիրոց և յանբաւից գործոց նորա, զյոյժ հաւաստին և զկարևորն վասն իմոյ իսկ տենչալոյս բացայայտեալ ղեկուցի»<sup>11</sup>:

Իսկ շահ Թահմազի և Նադիրի մասին նյութը վերցրել է անգլիացի վաճառական միստր Լանուեից, որը Թահմազի և Նադիրի ժամանակ եղել է Սպահանում և գրել նրանց պատմությունը: Ասում է, որ ինքն օգտվել է այդ պատմության հայերեն թարգմանությունից, որը կասարել է ամիր-գեցի ոմն Պողոս Միրզայան<sup>12</sup>: «Այլ մեր աստանօր միայն այսչափ և եթ՝ ...ինչ ինչ ի գրոց անտի հակրճի հաւաքեալ, յապա ուրեմն արձանագրեալ դրոշմեսցուք ի ճառս Շահ Թամազայ, իսկ զյաւելուածս մնացորդաց եղե-

<sup>9</sup> Տե՛ս Նույն տեղում, Յառաջբան, էջ ԺԱ: «Աղգարար», 1795, թիւ 5, էջ 1, բերված է Նույն ուղղագրութեամբ:

<sup>10</sup> Նույն տեղում, էջ 21—22:

<sup>11</sup> Նույն տեղում, էջ 136:

<sup>12</sup> Նույն տեղում, էջ 242—243:

լոց իրաց և բանից՝ ստուգութեամբ քեզ ուսուցանէ Անդլիացոյ պատմութիւնն»<sup>13</sup>, գրում է Խաչատուրը:

Խաչատուրը սիրում է ընթերցողին համոզել, որ ինքը «բազում անգամ է ստուգել» հետո գրել. «Այլ այժմ յոյժ կարևոր վարկանիմ ճառել վերստին՝ զՇահաբասայ արքայէ, բանդի յայլուստ ճառից՝ որ զպատմութիւնս վարուց Շահաբազայ գրէր, այլ իմնապէս ուրեք ուրեք գտի՝ քան զայնս, զորս կանխապէս ճառագրեցի: Որոյ վասն յօժարեցայ ապաքէն և զայնս անցանել ի գիրս յայս, զի մի ինչ արտաքս քան զքանս մեր մնասցէ, մանաւանդ այս զոր գրեմս թուեցաւ ինձ գոլ ուղիղ՝ քան զայն, զոր յառաջագոյն յայլ յուստեքէ մատենից գրեցի: Ուրեմն՝ հարկաւոր է զի աշխատասիրեցայց զի գոնեա բացայայտեսցի զուղիղն, որով և համայն ընթերցասէրք՝ իսկապես հասու լիցին եղելոց բանից: Եւ մի ոք զուցէ երբէք զքանս մեր օտարոտի իմն՝ և կամ խառն ի խուռն ստապատիր կարծելով, այլ անվթար՝ և անստերիւր. զի բազում անգամ յարախոյզ որոնմամբ՝ հետազօտեցաք ի ճառագրութիւնս Պարսից ազգի, և ի մերոց նախնաց վիպագրաց՝ որք կարի ճշտմամբ բաղդատելով առ միմեանս, և ապա հագիւ թէ՛ զուղղորդն շարահիւսեցաք ի բաղճիւսութեան բանիս մերոյ»<sup>14</sup>:

Խաչատուրը գրում է, որ ինքն օգտվել է նաև ժամանակագրութիւններէ և գավազանագրերից: Ուշ շրջանի արարական խալիֆների անունների կապակցությամբ նշում է, թե «շփոթեալք խանգարին ի կանոն անկանիւ՝ անուանք ամբարիշտ բոնաւորաց ի հնագոյն պատմագրաց, և ժամանակագրաց: Բայց ես ի բազում տեղիս որոնելով գտի զանուանս զայսոսիկ ի քրինիկօնաց և ի զաւազանագրաց ոմանց...»<sup>15</sup>:

Ինչ շփոթվ Ջուղայեցիին կատարյալ վստահութիւն ունի հայ աղբյուրների տվյալների նկատմամբ, նույն շփոթվ նա անվստահութիւն է տածում պարսկականի նկատմամբ: Նա գրում է, որ երբ իր մոտ կարդացել են պարսկական մատյանը, ապա «սքանչացեալ զարմացայ» պարսիկների կուրուսթյան վրա, թե ինչպես է այս խորամանկ ազգը հավատում այդպիսի «շաղպաղփ և շամբուշ» զրույցների, որովհետև կարդալով համոզվեցի և ճանաչեցի պարսկական «ստապաճույճ» առասպելաբանութիւնը, նրանց գրքերը լեցուն են «շաղպաղատ առասպելներով», «ստահոգ և ցոփաբան բաջաղանքներով»<sup>16</sup>: Պարսկական աղբյուրները համե-

մատելով իրար հետ, պատմագիրը տեսել է, որ նրանց հաղորդումները շեւհամապատասխանում իրար, չկա երկու պատմիչ կամ ժամանակագիր, որոնց գրածները լինեն իրար նման: Ուստի ստույգ գրելու նպատակով նա դիմել է «մեր սրբազան նախնի հայրերին», մի կողմ թողնելով «պարսիկների ստապաճույճ բարբաջանքը»<sup>17</sup>:

«Պատմութիւն Պարսից»-ը կազմված է երկու մասից: Առաջին մասում բացի պարսից թագավորների ժամանակագրութիւնից տրված է նաև նոր Ջուղայի առաջնորդների և նրանց կյանքի պատմութիւնը, Հովհաննես վարդապետի դավանաբանական վիճաբանութիւնը պարսից Սուլեյման շահի որդի Հոսեյնի (Հուսեյնի— Վ. Բ.) հետ: Խաչատուրը հետաքրքիր ու արժեքավոր տեղեկութիւններ է հաղորդում շահ Աբբասի կողմից հայերի բռնազաղթի, նոր Ջուղայի հայկական գաղթօջախի, հայերի սոցիալ-տնտեսական ծանր վիճակի, ազգային ու կրոնական հալածանքների, հարկային ծանր քաղաքականութեան մասին: Նրա երկը XVII դարի առաջին կեսին նոր Ջուղայում ծավալված աղանդավորական շարժման պատմութեան հիմնական աղբյուրն է: Խիստ արժեքավոր են նաև ժամանակագրի հաղորդած տեղեկութիւնները գաղթօջախի առաջնորդ, հայկական առաջին տպարանի հիմնադիր նշանավոր Խաչատուր վարդապետի ծախսված բեղուն կուլտուր-լուսավորական ու մանկավարժական գործունեութեան մասին:

«Պատմութիւն Պարսից»-ի երկրորդ մասում տրված է Նադիր-շահից հետո Պարսկաստանում ստեղծված անիշխանութեան ժամանակաշրջանի պատմութիւնը, գահին տիրելու համար ծավալված միջֆեոդալական արյունահեղ պատերազմները, կենտրոնախույս ուժերի ակտիվացումը, այդ բոլորի կորստաբեր հետևանքները ժողովրդի համար, ի վերջո Քերիմխանի մղած կռիվները, հաղթանակն ու գործունեութիւնը:

Երկրորդ մասը Խաչատուրը գրել է իբրև ժամանակակից ու ականատես. «Արդ ժամ է մեզ,— նշում է ինքը,— այսուհետեւ եւ զերկրորդ մասն վճարել, որ է ճիշտ պատմութիւն գործոց Քերիմխանի մինչեւ ի մահ նորա՝ բովանդակելով»<sup>18</sup>:

Խաչատուրը «Պատմութիւնը» գրել է նոր Ջուղայում 1787 թ. «Ի Հայրապետութեան Տեառն Ղուկասու ...կաթողիկոսի»<sup>19</sup>, իր ընկերոջ պա-

13 Նույն տեղում, էջ 243:

14 Նույն տեղում, էջ 123:

15 Նույն տեղում, էջ 69:

16 Նույն տեղում, էջ 22:

17 Նույն տեղում, էջ 23—24, տե՛ս և Ա. Ասաբեյլան, նշվ. աշխ., էջ 603:

18 Նույն տեղում, էջ 285:

19 Նույն տեղում, նախագրութիւն հեղինակի, էջ ԻԴ:

հանջով. «Զորս չինէն մատենագրել պահանջեաց պայազատ և խոյական բնկերակիցն իմ հոգեզուգ պարոն Յարութիւն Իսահակեան»<sup>20</sup>:

\* \* \*

Խաչատուր Զուղայեցիին ողբում է շահ Արքաս Ա-ի կատարած հայերի բռնագաղթի՝ մեծ սուրգունի կորստաբեր հետեանքները, երբեմնի հարուստ ու փարթամ հայ գաղթօջախի.— նոր Զուղայի թշվառ ճակատագիրը: Գոհունակությամբ արձանագրելով, որ շուղայեցիները նոր Զուղայում «շինեցին... հրաշալի յօրինուածովք, և բարձրաբերձ և գեղեցկազարդ շինուածովք, և ոսկենկար՝ և զանազան երփնափայլ երանգոց վայելութեամբք զտունս և զյարկս բնակութեան իւրեանց. ըստ որում և զորոց պայծառութեանց ի տեսողաց գերահռչակ իսկ է արդօք»: Ուր և շուղայեցիք՝ «գեղ բան զառաջինն յղփացան և ճոխացան փարթամութեամբ, և պեղճացան փառօք», և այնուհետև վշտացած գրում է. «Բայց զկնի բազմաց ամաց ի վերայ անցանելոց՝ բոլոր Զուղայի հարուստք բնակիչքս զբիրակերպ նեղութիւնս ի յԱղուանից, և ի նաղէր խրոխտ արքայէն, և ի յայլոց ամենի շարագոյն իշխանաց և մարզպանաց երկրիս կրեալք, փախեան ամենեքեան ի քաղաքէս... Իսկ յարդիս հազիւ գտանի ի նոր Զուղայս՝ երեք հարիւր տունք բնակիչք ի հայոց ազգէս. իսկ շատքն ի միջի մերում բնակելոցն՝ են ի յազգէն պարսից, որք օր ըստ օրէ գան ի քաղաքէն և սեպհականէն զկալուածս բնակութեան մերոյ և ի վերայ մեր իսկ բռնացեալ կոփահարեն»<sup>21</sup>:

Այնուհետև դառնացած շարունակում է. «Ո՛հ, ա՛ւաղ՝ աղետալիւր տեսութեանս մերոյ, և վատարազ թշուառութեանս, քանզի պարտ իսկ է մեզ աստանօր՝ յորդորել զեղարամարս յաշխարհանուագ ձայնս, և միշտ լալ և ողբալ ի վերայ բեկման ժողովրդեանս... մերոյ, և ի վերայ աւերման՝ և խաթարման գեղեցկաշէն և հրաշալի բնակութեանս մերոյ»<sup>22</sup>:

Խաչատուրն ատելությամբ է գրում շահ Արքասի մասին, նրան «ամենախարդախ նենգալոր օձն»<sup>23</sup> է համարում, շնայած արտաքնապես նացույց է տալիս, որ հայերի հետ խաղաղ է, հաշտ է, սակայն ներքուստ հայերի նկատմամբ լցված էր շարությամբ ու խարդախությամբ, գաղտնի եննգություն էր նյութում նրանց դեմ<sup>24</sup>: Նշելով, որ նա «խստագույն»

օրենք էր սահմանել այն մասին, որ հայերից նրանք, բվքեր կընդունեն պարսից կրոնը ազատ կերպով կարող են վերցնել հայրենյաց տան ժառանգությունը՝ զրկելով մյուս ժառանգներին, դառնացած գրում է. «Որոյ աղազաւ բարձեալ եղիւ հնազանդութիւն երիտասարդաց և մանկանց՝ որ առ ծերս և ծնողս իւրեանց. և հաստատեցաւ յանդգնութիւն և անբարշտութիւն, որովք բազումք ստահակալք անկան ի յուրացութիւն և բերին մեծամեծ վնասս ի վերայ ազգիս հայոց բնակչացն ի նոր Զուղայ»<sup>25</sup>:

Խաչատուրը կարևոր է համարել գրելու նոր Զուղայում կառուցված եկեղեցիների մասին, որոնք շինվել են շահ Արքասի հրամանով: Եվ ահա թե ինչու. «Քանզի յորժամ վարեալ եբեր զազս հայոց ի Պարսկաստան, որովք կամէր զսահմանս աշխարհին իւրոյ լցուցանել, և զերջանիկ և զգորովագութ մայր մեր խղճալի Հայաստան ի հիմանց տապալել, և զմեզ յավիտեան ի գերութեան և ի ստրկութեան պահել յազգաց յազգս, և յորդուց յորդիս, վասն որոյ հնարս իմացաւ՝ զի մի դարձցին անդէն նախնիք մեր ի Հայաստան, հրամայեաց շինել բարձրաբերձ և գմբեթայարկ գեղեցիս... եւ մերթ ընդ մերթ ինքն Շահաբաս գայր՝ և կանգնէր յանդիման ճարտարացն շինողաց, և հրամայէր գեղեցիկ յօրինուածով շինել... Որովք խորամանկութեամբք յանկոյց զսիրտ նախնեաց մերոց առ ինքն. և մնացին մինչև ցայսօր ի ծառայութիւն պարսից»<sup>26</sup>:

Խաչատուրը սրանով հաստատում ու լրացնում է Առաքել Դավրիժեցու՝ շահ Արքասի հրամանով եկեղեցիների կառուցման պատճառների մասին վկայությունը, բացահայտում է շահ Արքասի հեռու գնացող նպատակները հայերի նկատմամբ:

Նա ցավով գրում է, թէ շահ Արքասի կողմից հայերին տված դրամի ետ պահանջման ժամանակ գործադրված խստությունների պատճառով մեկ օրում իրենց կրոնն ուրացել են ՌՊ (1800) ընչազուրկ հայեր, իսկ շատերը ֆրանկներից են մեծ գումար վերցրել վճարել իրենց պարտքը, սակայն դարձել են երկաբնակ «ի յորդուց յորդիս»<sup>27</sup>:

Խաչատուրը ցավով է գրում նաև այն մասին, որ Սպահանին արևմուտքից սահմանակից Փարիս գավառում հայ գաղթականներով բնակեցված 36 մեծ և փոքր գյուղ է եղել, իսկ իր ժամանակ մնացել է ընդամենը 13 գյուղ այն էլ շատ քիչ ընտանիքներով<sup>28</sup>: Իսկ նոր Զուղայի մասին էլ

20 Նույն տեղում, էջ 107:

21 Նույն տեղում, էջ 102—103:

22 Նույն տեղում, էջ 103:

23 Նույն տեղում, էջ 127:

24 Նույն տեղում, էջ 111:

25 Նույն տեղում, էջ 112:

26 Նույն տեղում, էջ 113—114:

27 Նույն տեղում, էջ 126—127:

28 Նույն տեղում, էջ 129—130:



ասում է, թէ նրա բնակիչները սարսափներից ու հալածանքներից ստիպված հեռացել են քաղաքից, սփռվել աշխարհով մեկ «բնակեալք պանդխտութեամբ ի մեջ նժոզհուսեան: Վասն որոյ յայնմհետէ Զուղայ թափուր եղև ի բնակչաց, և օր ըստ օրէ քակի ի հիմանց»<sup>29</sup>:

Նա Դավրիժեցու նման հավասար շափով ողբում է նաև վրաց գաղթականութեան կրած տառապանքները, ընչազրկությունը, զանգվածային ուրաշույթունը<sup>30</sup>:

Զուղայեցին նկարագրելով շահ Աբբասի բռնությունները, միաժամանակ իր արդար գայրույթն է հայտնում, որ այդ խոշտանգումների հանդեպ հայերը անղգա են, անիմացք են ու համառ և քարացած իրենց մոլորություն մեջ, երբեք չեն զարթնում քնից, չեն զգաստանում, չեն տեսնում և ճանաչում իրենց թշվառությունը, չեն ձգտում թոթափելու հեղգությունը, և ջանք չեն թափում ստանալու բարեբաստիկ ազատությունը, որը կրկնակի բարեգույն կյանքի սկիզբն է և արմատը<sup>31</sup>:

Այս կապակցությամբ Առաքել Առաքելյանը նկատում է, որ «Այս գողարիկ տողերի հեղինակը՝ Խաչատուր Զուղայեցին ըմբոստացման առաջին շեփորն էր XVIII դարի մոայլ իրականության մեջ. նա հայությունը կոչ է անում թոթափել ստրկության կապանքները և մարտնչել հանուն ազատության, հանուն ազատ և բարեկեցիկ կյանքի: Զուղայեցու՝ հանուն ազատության այս մարտահրավերը կարծես առաջնորդող սկզբունք հանդիսացավ հնդկահայ անդրանիկ քաղաքական գործիչների համար, որոնք պայքարի առաջին դրոշը բարձրացրին հանուն հայ ժողովրդի ազատագրման՝ օտար դավթիչների ծանր զնդանից»<sup>32</sup>:

Զուղայեցու «Պատմություն»-ում զգալի տեղ է հատկացված Նադիրշահի գոթոնեությունը, ցույց է տրված, թէ ինչպես աննշան տոհմից ռամիկ ուղտապանը<sup>33</sup> կարողացել է հասնել այդ փառքին, դրան հասնելու անցած ուղին, գործադրած խորամանկությունը, դաժանությունն ու նենգությունը: Տրված է արևելքի այդ բռնակալի դիպուկ բնութագրերը, նրա տիրապետության կործանարար հետևանքները Պարսկաստանի և նվաճված երկրների համար: «Այլ ո՛չ ինչ իւր օգտեցան նոքա (պարսիկները—Վ. Բ.) ի սնտի յուսոյ իւրեանց, քանզի նա (Նադիրը—Վ. Բ.) ևս քան զևս յաճախէր ի բռնաւորական իշխանութիւն՝ որով և օր ըստ օրէ

առաւել աճիր և զօրանայր ուխտ ագահութեան ի սրտի նորա: Եւ որով իսկ գրեթէ զբոլոր Պարսկաստան ընկլուղեալ ընկղմէր ի սաստիկ և յանբերելի թշուառութիւն»<sup>34</sup>:

Այն կապակցությամբ, որ Նադիրը հայ մի քանի հոգևորականների պատվիրել էր իր համար հայերենից պարսկերեն թարգմանել 4 սուրբ գրքերը և արաբերենից՝ պարսկերեն Ղուրանը և դրա համա նրանց հարյուր թուման պարգև էր տվել, Խաչատուրը գրում է.

«Եւ թէպէտ զոյզն ինչ էր զոր նա պարգևեաց նոցա, որ և չև ևս էր բաւական ծախուց ճանապարհին. սակայն աստանօր զարմանք իմն մեծ երկի. քանզի ի տատասկէ թուզ քաղեն, և ի մորենուջ խաղող: Քանզի սա (Նադիրը Վ. Բ.) որ ի բնուսս իսկ ունէր զսովորութիւն՝ առնուլ, ստանալ և ժողովել զինչս. այդ ահաւասիկ ձօնէր նոցա զպարգևս, որ թուի թէ՛ որով իսկ ակն ունէր առ յապա զմեծամեծ պարգևս զանձուց ի նոցանէ ստանալ: Թէ ոչ՝ զի՞նչ արդեօք դիտաւորութեամբ կարծել ետ նոցա հարիւր թուման, վասն վաստակո՞ցն, ո՛չ, այլ վասն իւրոյ իսկ սաստիկ ագահութեան: Որպէս և ի նոյն իսկ ամին՝ յառաջագոյն պահանջեաց ի սըրբազան Ղազար Կաթուղիկոսէն զքսան և շորս հազար դահեկանս...»<sup>35</sup>:

Խաչատուրը, ինչպես վերն ասվեց, Նադիրի ինքնախարազանումն այլ կերպ է ներկայացնում ու ամբողջացնում է նրա բնութագրումը: Մի անգամ,—գրում է նա,—վերջինս իր մեծամեծներին հավաքել ու ասել է. «ահա զուր արք անողորմք և խիստք, և ես ի վերայ ձեր պատիժ և պատուհաս ի Տեառնէ առաքեցեալ: Ուրեմն՝ ասէ՛ մի որ այսուհետև զիս պախարակեալ հենգեսցէ որպէս թէ ես իցեմ վաս և անողորմ,— Խաչատուրն անմիջապես բացականչում է,— Ա՛հա արդարև ճշմարիտ վճիռ՝ որ զնմանէ արտադրեցաւ առ նոսա»<sup>36</sup>: Ավելին, նա Նադիրի բռնակալությունը ավելի դաժան է համարում քան աֆղաններինը, ուղղակի գրում է. «Քանզի յորժամ վերջաւորեցաւ բռնաւորութիւնք աղուանից, այնուհետև զսկզբբռնաւորեցաւ շար բռնակալութիւն նատրբ արքայի, որ բռնակալութիւն աղուանից ազգին՝ առ որով համեմատելով՝ թեթևագոյն գտանի, և նորայնն յոյժ ծանրագոյն: Որով իսկ բոլորովիմք կաշկանդեալ տուայտեցաւ բոլոր Պարսկաստան, և ի ծայրագոյնն իսկ ըմբոշխնեաց զթշուառութիւն»<sup>37</sup>:

«Արդ՝ երանի թէ նատրբ արքայն,—դառնացած գրում է Զուղայե-

<sup>29</sup> Նույն տեղում, էջ 289:

<sup>30</sup> Նույն տեղում, էջ 127—128:

<sup>31</sup> Նույն տեղում, էջ 113:

<sup>32</sup> Ա. Առաքելյան, եջվ. աշխ. էջ 595—596:

<sup>33</sup> Զուղայեցի, էջ 255:

<sup>34</sup> Նույն տեղում, էջ 263:

<sup>35</sup> Նույն տեղում, էջ 264—265:

<sup>36</sup> Նույն տեղում, էջ 271:

<sup>37</sup> Նույն տեղում, էջ 272:

ցին, — ըստ հաւասար քաջութեան իւրոյ՝ բարոյական աուօքինութեամբ պերճացեալ իցէր և բարգաւաճեալ... Բայց նա այնքան շափազանցաբար ի յանողորմութիւնս և յամբարտաւանութիւնս հակեալ ձկտեցաւ, մինչ զի ասե՛ն թէ՛ նա երբեմն զգայլս անբանս՝ սաստկապէս տուժեաց տուզանօք<sup>38</sup>:

Մի այլ կապակցութեամբ էլ նշում է նաև, թե «Եւ մինչ յայնմ ժամանակի կայր նա (Նաղիբը—Վ. Բ.) յԱսպահան՝ զբարբարոսութիւնս մեծամեծս և զսարսափելիս գործէ. քանզի աճեցոյց զբեռինս բնակչաց նորա ծանրագոյն տուգանօք, և զբազումս ի յորոց անպարտ մահու դատապարտէր: Որպէս և յազգէս մերոյ ևս իսկ ընդ կենդանւոյն այրել հրամայեաց»...<sup>39</sup>:

Նաղիբի սպանութեան կապակցութեամբ կարդում ենք. «Ահա՛ այսպէս անկեալ սատակեցաւ պատուհասն երկնային Նատրը... վասն խստագոյն շարութեանց իւրոց՝ ո՛չ կարաց ժամանել ի բարի վաղճանի: Որով ուսանիմք մեք՝ զի թագաւոր մի և կամ իշխան՝ որ փոխարկէ զգութ և զողորմութիւն, ընդ անիրաւութեան և անգթութեան. նոյն գունակ թշուառաբար կորնչելոց է յաւուր միում. և ո՛չ զիպեսցի նմա ևս՝ զբարի վաղճան, որպէս և նոր այն»<sup>40</sup>:

Ջուղայեցու համար էլ ժողովուրդներին և երկրներին վրա հասած բոլոր արհամիւրքները աստծու պատիժներն են, սակայն նրա մոտ ավանդական այդ բմբռնումը խիստ ընդգծված է ու կատարելիութեան հասցրված:

Խաչատուր Ջուղայեցին շի զլացել զրվատական խոսք ասել Քերիմխանի մասին, որը կարողացել էր վերջ տալ գահակալական արշուճահեղ կռիվներին ու միջֆեոդալական պատերազմներին, որոնք կորստաբեր հետևանքներ ունեին երկրների ու ժողովուրդների համար և Պարսկաստանում ստեղծել համեմատաբար խաղաղ ու կայուն վիճակ:

\* \* \*

Խաչատուր Ջուղայեցին արժեքավոր տեղեկություններ է հաղորդում Նաղիբի դեմ վրացիների ապստամբության և նրանց «համակիցք» լինելու համար, հայերի դեմ նորանոր հալածանքներ գործադրվելու մասին:

Նա գրում է, թե Նաղիբը Երևանը գրավելուց և 1746 թ. Թուրքիայի

38 Նույն տեղում, էջ 272—273:

39 Նույն տեղում, էջ 268—269:

40 Նույն տեղում, էջ 270—271:

հետ հաշտությունը կնքելուց հետո որոշել էր գնալ Սպահան: Բայց մինչ այդ հրովարտակ է ուղարկել Վրաստան, պահանջել բոլոր ազնվականների որդիներին ուղարկել իր մոտ իբրև պատանդ, սակայն, գոհունակութեամբ ընդգծում է խաչատուրը, — «Վիրք եղին ի մտի մանաւանդ զձեռս իրեանց ի սուր արկանել. քան թէ հնազանդել անիրաւ հրամանի նորա:

Եւ այսպէս՝ իսկ նշկահեալ արհամարեցին նոքա զհրամանս նորա, և ի բաց յանձանց իրեանց թօթափեցին զամենի լուծ ապառում բնաւորին այնորիկ, և քաջութեամբ իսկ յետս վարեցին զգունգս պարսից՝ որք գնացեալ էին անդ ժողովել զհարկս արքունական, և յերկիրի պահել զնոսա»<sup>41</sup>:

Նաղիբը շի կարողանում վրացիներից վրեժը լուծել, քանի որ լուր էր ստացել Խորասանում սկսված ապստամբութեան մասին ու շտապ վերադարձել էր Սպահան:

Ջուղայեցին ասում է, այնտեղ նա նորանոր բարբարոսություններ է անում՝ կենդանի այրել էր տվել Լրկու հայի: «Բայց,— ավելացնում է նա,— թուի թե՛ կասկածէր նա զազգէն հայոց, համակիցք լիալք ընդ ապստամբութեան ազգին վրաց»<sup>42</sup> Աֆղաններին հաղթելուց հետո Շէյնուն գյուղի պարսիկները գնացել են Նաղիբի մոտ, գանգատվել հալերից, որ իբր նրանց դրդամբ են աֆղանները ապստամբել, որ նրանք համատեղ են իրենց գյուղը կողոպտել, հրդեհել ու իրենց հասցրել վերջին թըշվառութեան: Դա առիթ է դառնում, որ Նաղիբը հայերից պահանջի տարեկան տասը հազար թուման: Հայերն ստիպված կատարել են այդ պահանջը, իսկ 1746 թ. նա հայերից խստութեամբ պահանջում է 45 հազար թուման: Այդ պատճառով «բազումք յազգէս հայոց,— դառնացած գրում է խաչատուրը,— ետուն զամենայն ստացուածս իրեանց, և ինքեանք մերկք և կողոպտոք անկան փախստականք ի յօտար աշխարհ. և յայնմհետէ սկսաւ իսկ խաթարեալ ազարտիլ զբազմամարդ և զգեղեցկաշէն աւանս մեր նոր Ջուղայ: Արդ՝ Նատրը արքայն զայն իսկ ի մտի իւրում ունելով, կարծեաց զազգէս հայոց գոլ համակիցք ապստամբութեան վրաց»<sup>43</sup>:

\* \* \*

Ասվեց, որ Խաչատուր Ջուղայեցու «Պատմութիւն Պարսից»-ը XVII դարի առաջին կեսին Նոր Ջուղայում ծավալված ազանդավորական շարժման պատմության հիմնական աղբյուրն է: Լինելով եկեղեցու սպասա-

41 Նույն տեղում, էջ 268:

42 Նույն տեղում, էջ 269:

43 Նույն տեղում, էջ 269—270:

վոր, բնական է, որ Խաչատուր Զուղայեցին խիստ բացասական է տրամադրված եղել հանդեպ այդ շարժումը: Նա գայրույթով ու ատելությամբ է գրում շարժման առաջնորդի ու նրա գաղափարախոսության մասին:

Ասում է, Խաչատուր արքեպիսկոպոսի՝ Նոր Զուղայի առաջնորդությունը ստանձնելու տարում՝ 1620 թ. «յարեաւ ոմն ժանդ և դժնաբարոյ Քօմաս (իմա՝ Քումիկ—Վ. Բ.) անուն՝ որ խօսէր զհայհոյութիւնս ընդդէմ ուղղափառ հաւատոյս Քրիստոսի, որ էր առանկ շարադոյն և դժնազակագոյն քան զԱրիստ, զՆեստոր, և զսագուկեցիս՝ որք ո՛չ խոստովանին զյարութիւն հողացեալ մարմնոյն, զդատաստան, և զհատուցումն ըստ իւրաքանչիւր գործոց»: Այնուհետև թվարկում է Քումիկի թեզերը. «Քանզի նախ՝ զՔրիստոս Զօր Աստուծոյ հաւասար ո՛չ ընդունէր նման Արիստի, այլ Քրիստոս սոսկ մարդ ասէր, և երջանիկ սուրբ կոչոյն Մարիամ մարդածին: Երկրորդ՝ համահանգոյն սաղուկեցոց զյարութիւն և զդատաստան ոչ ընդունէր: Երրորդ՝ զխաչն Քրիստոսի, զպատարագն հաշտարար, և զհաղորդութիւնն սուրբ հայհոյէր իբրև զմահմետականն: Չորրորդ՝ զեղեալ կանոնս Առաքելականս, և զԱստուածեղէն սահմանս, և զհօթն խորհուրդս սրբոյ եկեղեցոյ անարգէր: Հինգերորդ՝ զաստիճոցս, զվարդապետս, զքահանայս, և զպաշտօնեայս սրբոյ եկեղեցոյ պախարակեալ արհամարէր, և խաբեբայս զնոսա կոչէր: Եւ այսպէս այրս այս զժնդակ և անագորոյն կամէր նոր իմն շարագոյն հերձուած մուծանել յեկեղեցին Քրիստոսի»<sup>44</sup>:

Գր. Գարանաղցու մասին խոսելիս ասվեց, որ Մելիսուի ու նրա գլխավորած շարժման մասին նրա աղբյուրն, ինչպես ինքն է վկայում, նորջուղայեցի վաճառականներն են եղել<sup>45</sup>:

Հայտնի է, որ Նոր Զուղայի բնակչության սոցիալական կազմը միատարր չի եղել: Այնտեղ բնակվել են հայ խոշոր առևտրավաճառական կապիտալի ներկայացուցիչների դասը, հողերականությունը, զգալի թիվ են կազմել միջին և շքավոր խավերը՝ մանր առևտրականները, հողագործները և մասնավորապես արհեստավորները, որոնք կրկնակի, եռակի շահագործման ենթարկվելով Սեֆյանների պետության, հայ խոջանների ու հողերականության կողմից, դասակարգային անհաշտ պայքար են մղել նրանց դեմ: Իրանով պետք է բացատրել աղբյուրների այն վկայություն-

<sup>44</sup> Նույն տեղում, էջ 115: Այս հինգ պահանջները գրեթե նույնությամբ բերված են XVIII դարի ժամանակագիր Իսահակ վարդապետի մոտ, սակայն նա շարժման ղեկավար է նանաղում ոչ թե Քովմասին, այլ ոմն Սև Պետրոսի, տե՛ս Մանր ժամանակագրություններ, հ. 1, էջ 300—303:

<sup>45</sup> Ժամանակագրություն ... Գարանաղցոյ, Երուսաղեմ, 1915, էջ 457:

ները, որ Մելիսուի քարոզները պարարտ հող են գտել Զուղայի արհեստավորության մոտ: Այդ է վկայում XVII դարի՝ 20—30-ական թվականներին Նոր Զուղայի արհեստավորության մեջ ծագած աղանդավորական շարժումը, որն իր հետապնդած նպատակներով իրականում սոցիալական ու դասակարգային բնույթ է ունեցել: Աղբյուրների վկայությամբ շարժման գլխավոր կազմակերպիչներն ու գաղափարական առաջնորդներն են եղել դերձակ Քումիկը և Սև Պետրոսը<sup>46</sup>:

Զուղայեցին նշում է, թէ արքեպիսկոպոս Խաչատուրը հողերականների և աշխարհականների մեծ ժողով՝ «սյունհողոս» է հրավիրել «յետ բաղում անգամ խրատելոյն զնա, և նորա ոչ զալոյն ի յուղղութիւն՝ ի բաց էհատ զիղիսայթեալ և զսպականեալ անդամն ի յողջ անդամոցն Քրիստոսի, զի մի փոք մի ևս մնացեալ ի յայլ յողջ անդամսն փոխադրեսցի զայն սպականութիւն»<sup>47</sup>:

Ասում է նա, որ արքեպիսկոպոսը նախապես փակել էր տվել եկեղեցիների դռները: Ժողովը բանադրել է «ժանդ և դժնաբարո» Քումիկին, որը համարձակություն էր ունեցել ժողովում իսկ պաշտպանելու իր հայացքները, վստահ, որ իր կողմն է ժողովրդական խավերի համակրանքը<sup>48</sup>:

Պատմագրի այս վկայությունից երևում է, որ Քումիկի գլխավորած շարժումը բավական լայն տեղ է գտել Նոր Զուղայում, կրել համառ բնույթ է տեսել է 20 տարուց ավելի և միայն 1642 թ. ճնշվել<sup>49</sup>:

Նրա մի այլ վկայությունից երևում է, որ Նոր Զուղայում հերձվածողներ եղել են և 1680-ական թվականներին, որոնց դեմ պայքարել է «երրորդ ընտրելագոյն և գերահրաշ աշակերտ նորա (Հովհաննես վարդապետի—Վ. Բ.) էր Ալէքսանդր Աստուածաբան և մեծիմաստ բարունին, որ էր քաջափառ և անպարտելի հզօր ախոյեան ընդդէմ հերձուածողաց»<sup>50</sup>:

\* \* \*

Խաչատուր Զուղայեցին մեծ ոգևորությամբ է գրում ու գովերգում Նոր Զուղայի հողեր առաջնորդներին և հատկապես Խաչատուր և Հովհաննես վարդապետներին:

Նշելով, որ Խաչատուր վարդապետը Նոր Զուղայում համալսա-

<sup>46</sup> Հայ ժողովրդի պատմություն, հ. IV, էջ 333:

<sup>47</sup> Զուղայեցի, էջ 116:

<sup>48</sup> Նույն տեղում, էջ 115:

<sup>49</sup> Նույն տեղում, էջ 116: Տե՛ս և Ա. Առաքելյան, Եջվ. աշխ., էջ 110—117:

<sup>50</sup> Նույն տեղում, էջ 219: Նա Զուղայի առաջնորդն է եղել 1699—1706 թթ.:

րան է բացել, ուր ուսուցել և մարզել է «գիտութիւնս հնոց և նորոց կտակարանաց, և զհամայն արհեստս աղատականս, և զգերբնազանցականս», Զուղայեցիին հպարտությամբ ընդգծում է. «Ուստի ճահ է մեղ կոչել սմա հայր հասարակաց, և պատճառ կրկին լուսաւորութեան ազգիս Արամեան, և նախասկիզբ հեղինակ սրբոյ տանս մերոյ շինութեան և բարեկարգութեան... և արմատ անմահութեան, վայելչութեան, և պայծառութեան՝ ազգիս մերոյ: Քանզի արդարև որով, և ի ձեռս աշակերտաց նորին՝ ոչ միայն վարկցես ի նորս Զուղայ, այլ և ամենայն ախարհս Հայաստանեաց լուսաւորեալ պայծառացաւ. նա զմշտապատում, և զմիգամած խաւարն անգիտութեան՝ ի յարեգականափայլ ճառագայթից յորոց բացացրուեալ հալածեցաւ ի յաղգէս Հայոց, և վերստին նորոգեցան՝ և շքեղ մակացուցեամբ յոյժ պերճացան»<sup>51</sup>: Խաչատուր վարդապետի ծավալած լուսավորական գործունեությունը Զուղայեցիին համեմատում է Մահակի ու Մաշտոցի ու նրանց աշակերտների գործունեության հետ և գտնում է, որ Խաչատուր վարդապետի ու նրա աշակերտների գործունեությունը նույն գերն ու նշանակությունն ունեն ինչ որ նրանցը: Ապա հպարտությամբ բացականչում է՝ «սա և իւրայինքն իւր, լինիլ պայծառ և ուղիւստայլ Արեգակունք տանս Ասքանազեան, որք եղեն խաւարահալածք տանս Թորգոմեան»<sup>52</sup>:

Այնուհետև նշում է, թե նրա նախաձեռնությունները Զուղայում հիմնվել է հայկական առաջին տպարանը և 1647 թ. այնտեղ տպվել է «Պարզատումարը», ապա գրում է նրա ստեղծագործությունների ու թարգմանությունների մասին<sup>53</sup>: Զուղայեցիին Խաչատուր վարդապետին համարում է «հզօր սոփեստէս Աստուածաբան»<sup>54</sup>:

Ոչ պակաս հպարտությամբ է գրում Խաչատուր Զուղայեցիին նաև Հովհաննէս վարդապետի մասին, որի հետ հաշվի են նստել «պարսից Սլեման և Հօսէն» շահերը:

«Յոհաննէս ճգնազգեաց և քաջ Ախոյեան իմաստնայեղց վարդապետն,— գրում է Զուղայեցիին,— որ իւրով անհնիւ իմաստութեամբն և ճգնողական վարուքն զերազանցեաց արտօնութեամբ քան զհամայն խումբս վարդապետաց, որ առ ժամանակաւ իւրով էին և ոչ զորք երբէք իսկ գտաւ կամ երևեցաւ ի ժամանակին յայնմիկ ոսկեզօծք համեմատ նմին:

51 Նույն տեղում, էջ 116—117:

52 Նույն տեղում, էջ 117:

53 Նույն տեղում, էջ 117—118:

54 Նույն տեղում, էջ 115:

Նա զի և ոչինչ իւրք գտաւ ընդհատ՝ կամ պակաս քան զնախնի լեալ Սուրբ վարդապետան, որ ի զորոց իսկ ի գիրս պատմի, այլ ստուգութեամբ ասեմ ի Քրիստոս, և ոչ սահմ. զի ամենայն իրօք եղև համանման նոցա, և թուի ինձ թէ առաւել ևս քան զնոսա վաստակեցաւ ի վերայ հօտին Քրիստոսի. որ ի մասին Պարսկաստանի: Քանզի սա եղև անվանելի և անպարտելի հզօր ախոյեան ընդդէմ Պարսից անաստուածից, որ ի ձեռս երկնածիր շնորհաց նորա պահեմք մինչև ցայսօր անստգիւտ և անսայթաք զհաւատս մեր ուղիղ և ամբիժ... իսկ եթե նա չիցէր լեալ արգեօք ի ժամանակս Շահ սուլտան Հույսէն Արքայի Պարսից, ստուգի վարկեցարուք, զի փոքր մի ևս եղծեալ և կործանեալ էր զլուսածագ և զԱրփիածաւալ հաւատս մեր»<sup>55</sup>:

Այնուհետև Զուղայեցիին բերում է նշված շահերի, հատկապես վերջինիս հետ Հովհաննէս վարդապետի բավական ձգձգված դավանաբանական դրույցներն ու վեճերը (էջ 155—218), ուր միշտ հաղթանակող է «սքանչելահրաշ»<sup>56</sup>: Հովհաննէսը ու պարտվող, և ստիպված՝ հանդուրժող պարսից շահերն ու իմաստունները:

\* \* \*

Ա. Առաքելյանը ճիշտ նկատում է, որ Զուղայեցիին նպատակ է ունեցել շարադրել Պարսկաստանի պատմությունը սկզբից մինչև իր օրերը, և նրա «Պատմությունը» հետաքրքրություն է ներկայացնում ոչ այնքան հայ ժողովրդի, որքան առաջին հերթին ընդհանուր պատմության (մենք կասեինք Մերձավոր Արևելքի պատմության — Վ. Բ.) համար, բայց Պարսկաստանի պատմության հետ սունչված է հայ ժողովրդի պատմությունը որպես նրան հպատակ ժողովրդի: Պարսկական թագավորների պատմության հետ կապելով այնտեղ ապրող հայ ժողովրդի կյանքը, նրա կրած տառապանքները, Զուղայեցիին իր երկը դարձնում է հետաքրքրական նաև հայ ընթերցողների համար և որոշ շափով ամբողջացնում հայության այդ հատվածի պատմությունը նշված ժամանակաշրջանում<sup>57</sup>:

Զուղայեցիին մոլի քրիստոնյա է և ջերմ հայրենասեր, նկարագրելով պարսկական շահերի ու պաշտոնյաների ավերածություններն ու բռնությունները, հարկերի ծանրությունը, կողոպուտը, իրավունքի ոտնահարումը, անլուր հալածանքներն ու խոշտանգումները, որ կրել է հայ ժո-

55 Նույն տեղում, էջ 153—154:

56 Նույն տեղում, էջ 219:

57 Ա. Առաքելյան, նշվ. աշխ., էջ 603:

ղովուրդը, նա անտարբեր չէ, այլ զարհուրում է. «Ո՛հ, ո՛հ, տե՛ս նա-  
զենի իմ, թէ՛ որքան շարիք առողիպեցան ազգիս հայոց, վասն ծովացեալ  
և անհուն մեղաց մերոց, և մեք տակաւին ոչ ըզգաստանամք. ահա ար-  
դարև զայսոսիկ լսելով զարհուրի սիրտ իմ, և սարսափեալ քստմնին ոս-  
կերք իմ, և գրիչ իմ անկանի ի ձեռացս իմոց»<sup>58</sup>:

«Հորդահոս արցունքներով» նա ազաշում է, որ զգաստանա հայ ժո-  
ղովուրդը և դիմի ամենակարող գթած աստծուն, որպեսդի նա հաշտվի  
հայերի հետ և խղճալով նրանց, բարձրացնի հայերի թագավորութիւն  
գահը, պերճ փառքով ճոխացնի իր ցրված մանուկներին, և վերստին զուր-  
գուրալով ժողովի մայր Հայաստան՝ աշխարհի բարեբաձև և ամենաբաղձ  
ծոցը<sup>59</sup>:

\* \* \*

Խաշատուր Զուղայեցու «Պատմութիւն Պարսից» երկն, իրրև ժամա-  
նակակցի ու ակնատեսի գրած, շափազանց արժեքավոր ու ստուգապա-  
տում աղբյուր է Պարսկաստանի ու Անդրկովկասի XVIII դարի 30—70-ա-  
կան թվականների ժամանակահատվածի քաղաքական պատմութիւն,  
գահակալական ու միջֆեոդալական պատերազմների, հատկապես դարի  
50—60-ական թվականներին երկրում ստեղծված անիրաւոյութիւն սա-  
րիների ու Քերիմ-խանի՝ իր հակառակորդների դեմ մղած կռիւլների  
պատմութիւն ուսումնասիրութիւն համար:

Այն շափազանց կարևոր աղբյուր է և Պարսկաստանի հայկական  
գաղթօջախի XVIII դարի քաղաքական, սոցիալ-տնտեսական ու մշակու-  
թային կյանքի, պարսիկ իշխողների վարած ներքին բիրտ քաղաքակա-  
նութիւն ու դրա հետևանքների, ազգային ու կրօնական հալածանքների,  
պալատական մեքենայութիւնների, ինչպես նաև նաղիր-շահի ու նրա  
տիրապետութիւն պատմութիւն ուսումնասիրման և լուսաբանման հա-  
մար:

<sup>58</sup> Զուղայեցի, էջ 91, տե՛ս և Ա. Առաքեյան, նշվ. աշխ., էջ 604:

<sup>59</sup> Նույն տեղում:

## ՍԻՄԵՈՆ ԵՐԵՎԱՆՑԻ

XVIII դարի երկրորդ կեսի հայ եկեղեցական, քաղաքական, դիվա-  
նագիտական ու մշակութային կյանքի ականավոր գործիչներից էր Սի-  
մեոն Երևանցի կաթողիկոսը: Նրա կաթողիկոսութիւնը տևել է 17 տարի  
(1763—1780 թթ.), մինչ այդ նա արդեն հայտնի էր իրրև ճանաչված ու-  
սուցիչ, քարոզիչ, գիտնական ու մեծ եռանդով օժտված հոգևորական:  
Նրա գրչին են պատկանում կրօնական, փիլիսոփայական ու պատմադի-  
տական բնույթի բաղմամբիվ աշխատութիւններ<sup>1</sup>, որոնցից ամենաար-  
ժեքավորն է, իր տեսակում ուրույն՝ «Զամբո»-ը:

Իրրև էջմիածնի նվիրակ, նա եղել է Հնդկաստանում, անձնական  
կապեր է հաստատել այնտեղի հայ գործիչների հետ և հետագայում  
նրանցից ստացած նյութական միջոցներով (նվերներով) էջմիածնում  
հիմնադրել է տպարան, որն ամբողջ Հայաստանում առաջինն էր: Դրանից  
հետո, նա հայ վաճառականների և հատկապես ջուղայեցի խոջաների  
աջակցութիւնը, էջմիածնում հիմնել է նաև թղթի գործարան:

Սիմեոն Երևանցու ապրած օրերում մշակութային կյանքի զարգաց-  
ման համար, նման ձեռնարկութիւնների ստեղծումը շափազանց դժվա-  
րին ու բարդ գործ է եղել, սակայն իր նախաձեռնութիւններում անդիջող  
կաթողիկոսը կարողացել է հաղթահարել բոլոր դժվարութիւնները և իրա-  
կանացին իր նպատակները:

Այդ նպատակները թելադրված էին ժամանակի պահանջով: Հայրե-  
նասեր կաթողիկոսը քաջ գիտակցել է՝ աղատագրական շարժման զար-  
թոնքի պայմաններում իր ժողովրդի ազգային ինքնագիտակցութիւն  
բարձրացման, լուսավորութիւն տարածման ու արմատավորման գործում  
տպագիր գրքի դերն ու նշանակութիւնը և դրանում էջմիածնի, իրրև հոգև-  
վոր կենտրոնի, անելիքները:

Դարի նախորդ կաթողիկոսների համեմատութիւնը, Սիմեոն Երևան-

<sup>1</sup> Տե՛ս Սիմեոն կաթողիկոս Երևանցի, «Զամբո», Վաղարշապատ, 1873, էջ 34: Այսու-  
հետև՝ Զամբո:

ցու գործունեության համար ժամանակը որոշ առումով նպաստավոր է եղել: Նա հովանավորվել է քաղաքական գարթոնք ապրող Վրաստանի կողմից ի դեմս նրա Հերակլ գահակալի, որի թիկունքում կանգնած էր ռուսական հզորացող կայսրությունը: Երևանի խանը տեսնում էր Հերակլի կողմից էջմիածնին ցույց տրվող աջակցությունը, կաթողիկոսի հեղինակության բարձրացումը, ուստի հարկադրված, մեղմ հարաբերություններ էր վարում նրա հետ, ստիպված էր հաշվի նստել նրա հետ: Ավելին, երբ վրացական բանակը 1768 թ. պաշարել է Երևանի բերդը, Հուսեին խանը «խրովք մեծամեծօքն գրեալ աղաչանօք Հայրապետիս մերոյ՝ զի միջնորդեսցէ ի խաղաղութիւն: Եւ Հայրապետս մեր զնացեալ առ Հերակլ արքայն, յորմէ և սիրով ընդունեցեալ մեծարի, և հրաւիրէ զնա յաթոսս ի յուխտ և ի պատիւ. և ապա համոզեալ զնա ի սէր և ի խաղաղութիւն ընդ Երևանցւոցն, առանց յամենայնի վնասատութեան ուղարկէ զնա խաղաղութեամբ յերկիրն իւր: Քանզի կարի սիրով էին ընդ միմեանս Հայրապետն մեր և Հերակլ արքայն»<sup>2</sup>, գոհունակությամբ գրում է Սիմեոնն իր մասին:

Գործելու համար ստեղծված, այդ համեմատաբար, նպաստավոր պայմանները թևավորել են կաթողիկոսին ծավալելու եկեղեցական, քաղաքական, շինարարական ու մշակութային հայրենանվեր եռանդուն գործունեություն:

Սիմեոն Երևանցին մի շարք բարեփոխություններ է մտցրել եկեղեցու ներքին կյանքում: Դրանցից ամենախոշորը տոմարի բարեկարգությունն էր, ըստ որի հայերը գատիկը պետք է տոնեն մյուս քրիստոնյա ժողովուրդների հետ միաժամանակ, դրանով իսկ վերջ տրվեց ծաղաղատիկների շոտքը դարեր շարունակ տեղի ունեցող վեճերին<sup>3</sup>:

Երևանցին շինարարական մեծ աշխատանքներ է կատարել էջմիածնում: Տնտեսական նշանակություն ունեցող անհրաժեշտ շինություններ է կառուցել, բարեկարգել է վանքի տնտեսությունը, միաբանության կիցությունը<sup>4</sup>: Նա ջանքեր չի խնայել պաշտպանելու մայր աթոռի ընդհանրական շահերն ամեն տեղ, ուր նրանք վտանգվում էին: Մեծ համառությամբ և Հերակլի աջակցությամբ նա էջմիածնին ենթարկեցրեց Գանձասարի կաթողիկոսին, հօգս ցնդեցրեց Պոլսի պատրիարքի՝ Սսի կաթողիկոսի և, իր խոսքով ասած, արևմտահայ մյուս «սևազլուխների» ձրգտումները, որոնք գործադրելով նենգ ու խարդախ միջոցներ, կաշառելով

թուրք բարձրաստիճան պաշտոնյաներին, ամեն կերպ ուղում էին արևմտահայություն համար ստեղծել ինքնուրույն և անկախ կաթողիկոսություն, անջատվել էջմիածնից: Երևանցին այդ կապակցությամբ զայրույթով գրում է. «զի հատցի թունալի լեզուք նոցին՝ որք զմեծ զէն առեալ ինքեանց՝ որպէս թէ արծարծէին աստ և անդ ի յականջս օսմանցւոց, թէ ի յերկրէս օսմանցւոց զարդինսն ժողովեալ տանին ի յերկիրն Պարսից, որպէս և մինչև ցայժմ ունին զայս սովորութիւն օսմանցւոց կողմանց սևազլուխքն. որք ի խոշտանգիլն ի լէջմիածնանիստ կաթողիկոսացն և ի նուիրակաց սոցին վասն անկարգութեանց իրեանց, զայս յառաջ բերեն որպէս թէ յանտիկ ամբոց իմն ապաւինեալք»<sup>5</sup>:

Հայ եկեղեցու նախանձախնդիր կաթողիկոսը խիստ հալածանքներ է կիրառել կաթողիկոսության հարած հայերի, հատկապես հողերականության նկատմամբ, որոնք պառակտիչ գործունեություն էին ծավալել հայ եկեղեցու դեմ: Ըստ Երևանցու, կաթողիկոսներ՝ «ախթարմայք»-ները «հոտեցուցիչք երկիրն» են, իսկ պատրիկների մասին էլ ասում է. «յորջացեալ էին անդ» (Ախալցխայում):

Քաղաքներից, գավառներից էջմիածին ուղարկված կաթողիկոսություն ընդունած հայերին Սիմեոն կաթողիկոսը տանջել է մինչև որ ստացել է մեղալական, ապա արձակել՝ նրանց<sup>6</sup>:

«Հայրապետս մեր,— գրում է ինքը,— նոյնպէս և զանազան կերպիւ խոշտանդեաց գանիւ. բանտիւ, և բանիւք, վերջապէս ի բերանոցն էազ զիր հայերէն՝ նզովիւք և հաստատուն ուխտիւք»<sup>7</sup>:

Թեևս ճիշտ է Լեոն, Լըր նկատում է, «Այս հավատարմական գործունեությունը Սիմեոնի կաթողիկոսության ամենամոռայ կողմն է կազմում»<sup>8</sup>:

Առանձնապես մեծ է Սիմեոն Երևանցու ծառայությունները էջմիածնի կալվածատիրական իրավունքների վերականգնման ու ամրապնդման գործում: Նա բավական մեծ ջանքեր է գործադրել էջմիածնից հափշտակված կալվածները վերադարձնելու, նոր կալվածներ ձեռք բերելու և, որ կարևորն է՝ կալվածատիրությունն օրինական փաստաթղթերով էջմիածնի վրա հաստատելու համար: Այդ նպատակով նա կազմել է կաթողիկոսության կալվածների մանրամասն ցուցակը, հին թղթերից հանած տեղեկություններով ցույց է տվել, թե երբ է այս կամ այն կալվածը դարձել էջմիած-

5 Նույն տեղում, էջ 95:

6 Նույն տեղում, էջ 42, 248:

7 Նույն տեղում, էջ 42:

8 Լեո, նշվ. աշխ., էջ 771:

2 Նույն տեղում, էջ 43:

3 Լեո, Հայոց պատմություն, Կ. Գ., Երևան, 1946, էջ 770; Զամբո, էջ 34:

4 «Զամբո», էջ 34—36:

նի սեփականությունը, ինչ կալվածաթղթերով կամ թագավորական հրովարտականերով, ինչ վեճեր են եղել այդ կալվածների ու մյուս անշարժ ունեցվածքի շուրջը և այլ նման գործնական ու անհրաժեշտ տեղեկություններ: Այդ բոլորը նա հավաքել է «Ջամբո» անունով իր աշխատության մեջ, որ կարելի է անվանել, ինչպես Լեոն է կարծում, էջմիածնի իրավական դրույթյան հանրագիտարան<sup>9</sup>:

Միմեոն Երևանցին ընդհանրապես ուժ ու եռանդ չի խնայել մայր աթոռի հեղինակությունն ու տնտեսությունն ամրապնդելու գործում և «Ջամբո»-ն էլ գրել է հենց այդ նպատակով:

Նրա առաջին տասներկու գլուխներում Երևանցին շատ համառոտ և ընդհանուր գծերով տվել է հայոց եկեղեցու պատմությունը նրա հիմնադրման օրից մինչև իր ժամանակները, ընդգծելով այդ պատմության մեջ էջմիածնի տեղը, դերն ու նշանակությունը: Մեծ ջանասիրությամբ ձգտել է հիմնավորել հայ մյուս հոգևոր կենտրոնների (Սսի, Ախթամարի Գանձասարի կաթողիկոսությունների, Կոստանդնուպոլսի ու Երուսաղեմի պատրիարքարանների) նկատմամբ էջմիածնի առաջնության և գերիշխող դիրք ունենալու իրավունքները:

Պատահական չէ, որ նա Եկատերինա կայսրուհուն դրած կոնդակի մեջ ընդգծում է, թե հայոց եղած բոլոր իշխանությունները հնագանդ են մայր աթոռին, սակայն այդ նրա ձգտումն ու նպատակն է եղել, իրականում, ինչպես իր մերձավոր նախորդները, այնպես և ինքը, հարկադրված հանդուրժել են, տեղի են տվել առանձին հոգևոր թեմերի անջատողական ձգտումներին և հենց ինքը բազմաթիվ փաստեր է բերում այդ մասին: Նա դառնացած գրում է Պոլսի «Սևագլուխների» մասին, թե ինչպես նրանք էջմիածնից անջատվելու համար պատրիարքարանը հարկատու են դարձրել և նրանց առաջնորդներն ընտրվել են սուլթանների հրամանով. «Վասն այսորիկ և յաճախեցան ի կողմունսն յանոսիկ թերահաւատութիւնք, խաթարմայութիւնք, և պէսպէս ապօրինավորութիւնք, և յաճախեն ևս օր ըստ օրէ: Զի առաջնորդք նոցին տաճկական հրամանաւ նստին և ջանան միայն զհարկս արքունեացն տալ և դանձինս իրեանց ճարակել: Իսկ կաթողիկոսն գոլով ընդ տէրութեամբն պարսից, ոչ այնքան կարէ իշխել ի վերայ նոցա, ի հալածել, ի տուգանել, և այլովք մարմնաւորօք պատժել, միայն բանադրել կարէ, այն ևս ոչ ինչ օգտէ, զի վտանգաւոր է իշխանութիւնն Օսմանցոց, յորմէ վնասք յառաջանան քան թէ օգտութիւնք, և մանաւանդ ցեցն ի միշոյէ և ոչ յարտաբուստ»<sup>10</sup>:

Այնուհետև Երևանցին տալիս է նաև բուն Հայաստանում ստեղծված վիճակը, ցավով գրում է, թէ պարսկական կենտրոնական պետության քայքայման պայմաններում քաղաքների խաները ինքնազույս են դարձել և ոչ մեկից երկյուղ չունեն, սրանք նույնպես սկսել են հարձակվել իրար վրա, քանզում, ավերում են մեկը մյուսի երկիրը, նրանք գրեթե ամայացրեցին պարսից և հայոց երկրները: Մի երկրից կամ նահանգից մի ուրիշը գնալը կամ տեղափոխվելը համարյա անհնարին էր, կապված մեծ դժվարությունների հետ: Ամեն մի խանի իշխանության տակ գտնվողները պետք է մնային իրենց խանի մոտ: Թե՛ պարսիկները և թե՛ հայերը իրենց խաների կամայականության և անձնական հաշիվների պատճառով օտարացել են և թշնամի դարձել միմյանց: Պարսիկ տղաները սկսել են հայերից ոմանց բռնի տանել իրենց գյուղերում բնակեցնել ու ծառայեցնել: Կաթողիկոսը, որ երբեմն ցանկացել է պատժել անկարգուցած հայերից ոմանց, պարսիկ աղաները տեր են կանգնել նրանց և թույլ չեն տվել պատժելու<sup>11</sup>:

Ապա Երևանցին դառնացած բացականչում է. «Արդ լա՛ց գզույս կաթողիկոսին, որ յայսպիսում ժամանակի պատահի՛ որպէս և եսս որ գրեմս ամբոխեցեալ մտօք և թշուառական կենօք»<sup>12</sup>:

«Ջամբո»-ի երկրորդ մասի յոթ գլուխներում (13—19) Երևանցին տվել է էջմիածնի տիրույթների և ընդհանրապես ամբողջ անշարժ ունեցվածքի ցուցակը՝ նրա տնտեսության յուրօրինակ պատմությունը:

Վերջին հինգ գլուխներում էլ (20—24) նա բերել է էջմիածնի կալվածները և ընդհանրապես տնտեսության կապակցությամբ տրված պարսկերեն և թուրքերեն այն հրովարտականների հայերեն համառոտ բովանդակությունը, որոնք պահվում էին վանքի դիվանում:

«Ջամբո»-ը կարևոր ու հետաքրքիր տեղեկություններ է հաղորդում XVIII դարի 60—70-ական թվականների հայ-ոսուսական, հայ-վրացական հարաբերությունների, Պարսկաստանի ու Թուրքիայի ներքին կյանքի, կառավարման սխտեմի, ազրաբային ու հարկային քաղաքականության, նրանց արքունիքների ու հայ եկեղեցական կենտրոնների փոխհարաբերությունների, կառավարման ապարատներում արմատացած արատավոր կողմերի ու մեքենայությունների մասին:

Այն որոշակի պատկերացում է տալիս XVIII դարում Սսի, Ախթամարի, Գանձասարի կաթողիկոսությունների, Կոստանդնուպոլսի պատ-

<sup>9</sup> Նույն տեղում:

<sup>10</sup> «Ջամբո», էջ 57:

<sup>11</sup> Նույն տեղում, էջ 57—58:

<sup>12</sup> Նույն տեղում, էջ 58:

րիարքարանի, Երևանի նահանգի մի քանի վանական տնտեսությունների վիճակի, կաթողիկ միսիանների ծավալած քայքայիչ գործունեության, հայ հոգևորականության շրջաններում արմատացած արատավոր բարքերի և այլ երևույթների մասին:

Երևանցիին զայրացած գրում է, երբ ինքը դիմել է մի քանի վանքերի առաջնորդներին. «հարցանելն մեր զորպիսութիւն ինչ զվանից յայնցանեաց, մնային պապանձեալք, զի զձանապարհս գինետանցն միայն էին սերտեալք և ոչ զայլ ինչ»<sup>13</sup>:

Հայաստանի XVIII դարի տնտեսական կյանքի պատմության ուսումնասիրության համար շափազանց կարևոր աղբյուր հանդիսացող «Ջամբռ»-ի գրելու զրդպատճառների մասին Սիմեոն Երևանցին ասում է. «Եւ որքա՛ն առ այս՝ ծանի՛ր սիրելի ընթերցող, զի ի ձեռնարկելն իմ զայսմանէ՛ կարի և շատ տարակուսանօք և յոգւոց հանելով գրեցի. քանզի որոց ցանկայի և յուսայի գտանել, զորս և հաւաստեալ գիտէի իսկ գոյ յԱթոռոջս, զբազումս, և զբոլորէն ոչ գտի»:

Այնուհետև ընդգծում է. «Քանզի թէպէտ (հրովարտակներ— Վ. Բ.) տուողքն ևն այլազգիք և թշնամիք մերոյս կրօնի, սակայն՝ տուրք և հրամանագիրք նոցին ևն ըստ աշխարհիս օգտարարք, բուժիչք, և ապահովացուցիչք, որպէս ի յօձից թունաւորաց սպասեմք առնուլ զթրակէղս ի բուժումն պէս պէս ցաւոց: Զայս վասն այսորիկ երկարեմ, զի և դու ի յունիլզ զգուշութեամբ պահեսցես զմնացեալսն առ քեզ: Եւ մի՛ ասիցես թէ՛ աշժմ այս ինչ ուղամ (րախամ-հրովարտակ) անօգուտ է, և կամ թէ թագաւորքն ոչ գոն, զի՞ ոչ օգտեն հրամանք նոցա. զի պիտոյանան բազմիցս և իւրաքանչիւրոցն գոյ ժամանակ պիտանաւորութեան, որպէս մեք փորձեցաք բազմիցս: Եւ մանաւանդ որքան թագաւորական գիր գտանի յԱթոռոջս, այնքան պատիւ է սմա, որքան առ յայս՝ բաւ լիցի խոհեմութեանդ»<sup>14</sup>:

Ինչպես տեսնում ենք, Սիմեոն Երևանցին նույն նպատակներն է հետապնդել ու արձանագրել, ինչպիսին իր ժամանակին հետապնդել է ու արձանագրել Սյունյաց մետրապոլիտ, ականավոր պատմագիր Ստեփանոս Օրբելյանը Սյունյաց թեմի կապակցությամբ:

Միայն Սիմեոն Երևանցին կարող էր, պարսկական տիրապետության պայմաններում, խիզախել համեմատություն անցկացնելու թագավորներից և օձերից ստացած օգուտների միջև: Դառն օրերը նրան շնն վհա-

տնցրել, նա համոզված է եղել, որ գալու են ժամանակներ, երբ բոլոր ուղամները (հրովարտակները) պիտանի են լինելու և դրա համար էլ բոլորին կոչ է անում զգուշությամբ պահել իրենց մոտ եղած, իր ձեռքը չընկած ուղամները: Դրանով նա, կարծեք, հուսադրում է ժամանակակիցներին: Այն կապակցությամբ, որ ինքը վանական շատ տնտեսությունների մասին գրելիս, տվյալների բացակայության պատճառով մեծ դժվարությունների է հանդիպել, Երևանցին կարծեք նորից հուսադրում է ժամանակակիցներին ու գալիք սերունդներին՝ ասելով, թէ պետք է կանոնավորել վանական տնտեսությունները, ձեռք բերել անհրաժեշտ փաստաթղթերը, ունեցվածքի ճիշտ հաշվառում կատարել ու խնամքով պահպանել, որովհետև «յուսամբք, զի իցէ թերևս երբեմն հարկեցեալ ի մարդասիրութենէ իւրմէ (Աստուծո—Վ. Բ.), և խոնարհեալ ի յաղաչանս իւրոց ծառայից և իւրահաճոյ սրբոցն (յորոց անուն կառուցեալք են այնք Եկեղեցիք), այց արասցէ և վերանորոգեսցէ զհնութիւն խղճաւոյ Ազգիս մերոյ և վանօրէիցս»<sup>15</sup>:

Սիմեոն Երևանցու ամենից նշանավոր գործն այն էր, ինչպես միանգամայն ճիշտ նշում է Լեոն, որ նա շարունակեց և զարգացրեց իր նախորդի՝ Հակոբ Զուղայեցու սկսած հարաբերությունները ռուսաց արքունիքի հետ<sup>16</sup>: Ռուսաստանի հայկական համայնքներից մի թեմ կաղմելու և էջմիածնի իրավասության տակ դնելու նպատակով, Սիմեոն կաթողիկոսը 1766 թ. թիֆլիսեցի Դավիթ վարդապետի միջոցով Պետերբուրգ է ուղարկել Եկատերինա կայսրուհուն գրած իր կոնդակը և իբրև նվեր՝ սրբերի մասունքներ:

Այնուհետև գրում է, որ թագուհին սիրով ընդունել է կոնդակը և ընծան, կատարել է ավելի քան խնդրածը՝ հրամայել է հրովարտակ գրել իր ամբողջ տերության և հայոց ազգի համար, հայտնելով կոնդակի բովանդակության, ստացած ընծայի, իր կողմից մեծ սիրով ու շնորհակալությամբ ընդունման մասին. ապա կաթողիկոսի խնդիրը կատարելու հրամանը և որոշումը թե՛ առանց էջմիածնի հայրապետի հրամանի, ոչ մի եպիսկոպոս և կարգավոր իր երկիրը իրավունք չունի մտնելու և ուրիշ սիրալիք խոսքեր: Այդ հրովարտակը թագավորը ոսկե գրով գրել է տվել մագաղաթի վրա և նույնը հրամայել է թարգմանել հայերեն և նույնպես գրել մագաղաթի վրա: Հետո երկուսը, այսինքն՝ ռուսերենը և հայերենը

<sup>13</sup> Նույն տեղում, էջ 271—272:

<sup>14</sup> Նույն տեղում, էջ 209—210:

<sup>15</sup> Նույն տեղում, էջ 271:

<sup>16</sup> ԱԵԱ, նշվ. աշխ., հ. 9, էջ 773:



իրար հետ կապել է թելով, կապի վրա դրել կայսերական մեծ կնիքը, «ինչպես տեսնում ես,— մի տեսակ հպարտութեամբ ավելացնում է Երեւմանցին,— որ կա Աթոռումս (իմա՝ կաթողիկոսարանում) փակի տակ դրված հատուկ արկղում»<sup>17</sup>:

Միմեոնը գրում է նաև, որ կայսերական հրովարտակի հետ Եկատերինան իրեն, իբրև նվեր, ուղարկել է երեք թուփ թանկարժեք կտորներ: «Նւ այսպես,— գոհունակութեամբ ընդգծում է Երևանցին,— 1763 թ. արար զբոլոր երկիրն զայն հաստատապէս վիճակ Տէրունի սրբոյ Աթոռոյս՝ արբունական հրամանագրով... Եւ յայնմ հետէ եղև ընտանութիւն և մեծ սէր թագաւորին Ռուսաց և նախարարաց նորին՝ և եպիսկոպոսացն, առ սուրբ Աթոռս, և առ յազգս մեր որպէս տեսանես զգրեանսն նոցին»<sup>18</sup>:

Միմեոնի վերջին այս վկայությունը հիմք է տալիս ենթադրելու, որ նա Եկատերինային դիմել է ոչ միայն Ռուսաստանի հայկական համայնքներինց առանձին թեմ ստեղծելու մասին, այլև ստանալու հովանավորություն էջմիածնի և հայերի նկատմամբ ընդհանրապես: Նա նշում է, որ «բարենախանձ Հայրապետս այս գրեաց առ Եկատարինէ թագաւորն Ալէքսիովնայ Ռուսաց երկարապէս զորպիսութենէ Աթոռոյս, և զհնազանդութենէ յամենայն լիշխանութիւնս եղելոց Հայոց՝ Սմա, և զպատամբութենէ միայն յայն յերկիրն եղեալ Հայոցն և զայլս այսպիսիս»<sup>19</sup>:

Այնուհետև ընդգծում է նաև. «և լիովին և քան ղխնդրեալն առաւել կատարէ ղխնդիրն»: Կայսրուհու այդ հրովարտակի կապակցութեամբ Լեոն նկատում է, որ այն «ոչ միայն էջմիածնի թեմ էր հրատարակում Ռուսաստանի բոլոր հայ գաղթականությունները, այլև վկայում էր, թէ կայսրուհին իր հովանավորության տակ է ընդունում կաթողիկոսին. հայ յուզբաշիններին և հայոց ամբողջ ազգը, որոնց ամենքին հուսադրում է իր ողորմութեամբ»<sup>20</sup>: Լեոն այնուհետև ասում է, թե որքան բարձր էր համարում Միմեոնն այդ հուսադրությունը և թե առհասարակ որքան անկեղծ էր նա իր զգացումների մեջ դեպի Ռուսաստանը, կարելի է եղրակացնել նրանից, որ նա գրեց հատուկ մաղթանք ռուսաց ցարերի և նրանց տան արեւշատության համար, և այդ մաղթանքը կատարվում էր ռուսաց պետության ենթակա բոլոր հայ եկեղեցիներում մինչև 1917 թ.: Բացատրել այդ խոշոր հավատարմական ցույցը միայն նրանով, թե Ռուսաստանի հայերի առաջնորդական հարցը հաջող լուծում էր ստացել՝ անկարելի է:

Լեոն շտնում է, որ մենք նկատի պիտի առնենք և այդ ժամանակի քաղաքական հանգամանքները: Նույն այն միջոցին, երբ ամենայն հայոց կաթողիկոսի ներկայացուցիչը գտնվում էր Պետերբուրգում, Եկատերինան պատրաստվում էր պատերազմի՝ Քուրբիայի դեմ: Իսկ 1769 թվին ռուսաց զործակալները Բալկանյան թրիստոնյա երկրներում և Վրաստանում ցրում էին կայսրուհու կողմը, որով թրիստոնյա ժողովուրդները հրավիրվում էին ապստամբության, Եկատերինան թրիստոնյաններին խոստանում էր ազատություն՝ անհավատների լծից: Հերակլն ընդունեց այդ առաջարկությունը, և 1770 թ. ռուսաց մի զորագունդ մտավ Վրաստան ու միանալով Հերակլին պատերազմական զործողություններ սկսեց Քուրբիայի դեմ: Մեծ հույսեր էին ծնվում Արևելքի սառապող թրիստոնեության համար, և հայերը չէին կարող անմասն մնալ այդ հույսերից: Ըստ Լեոյի, այդ շատ կարևոր ժամանակներում Միմեոն կաթողիկոսի կողմից Ռուսաստանի հայոց առաջնորդության հանձնումը իր սշակերտ Հովսեփ եպիսկոպոս Արղուսյանին մի շատ խոշոր քաղաքական քայլ էր: Արղուսյանն, իբրև Միմեոնին շատ մոտիկ մարդ, անշուշտ շատ լավ գիտեր նրա քաղաքական հայացքները<sup>21</sup>, Մենք կասեինք նաև նպատակները:

Երևանցին մեծ երախտագիտությամբ է գրում XVII—XVIII դարերի հայ կաթողիկոսների մասին սկսած Մովսես Սյունեցուց մինչև ինքը, հանգամանորեն բնութագրում է նրանց, ցույց է տալիս յուրաքանչյուրի ծավալած եկեղեցական, քաղաքական, շինարարական և մշակութային զործունեությունը<sup>22</sup>:

Միանգամայն ճիշտ է նշված հայ ժողովրդի պատմության բաղմահատորյակի IV հատորում, որ «Անշարժ կալվածքների առուծախի, եկեղեցական տնտեսությունների, վարձկան մշակների և այլ բաղմաթիվ երևույթների մասին «Ջամբո»-ի մեջ գրանցված տեղեկությունները մեծ արժեք են ներկայացնում Հայաստանի տնտեսական կյանքի պատմության համար: Այդ իմաստով Միմեոն Երևանցու աշխատությունը հայ պատմագրության կարևորագույն հուշարձաններից է»<sup>23</sup>:

<sup>17</sup> Նույն տեղում:

<sup>18</sup> «Ջամբո», գլուխ Գ., էջ 21—33:

<sup>19</sup> Հայ ժողովրդի պատմություն, հ. IV, էջ 505:

<sup>17</sup> «Ջամբո», էջ 40:

<sup>18</sup> Նույն տեղում:

<sup>19</sup> Նույն տեղում, էջ 39:

<sup>20</sup> Լեո, նշվ. աշխ., հ. Գ., էջ 773:

## ԵՐԵՄԻԱ ՉԵԼԵՐԻ ՔՅՈՄՈՒՐՃՅԱՆ

XVII դարի արևմտահայ ազգային-հասարակական կյանքում, հատկապես Կոստանդնուպոլսի և Երուսաղեմի հայկական համայնքներում աչքի ընկնող դեր է կատարել ժամանակի ամենաեռանդուն հասարակական-քաղաքական գործիչ, պատմարան և գրող Երեմիա Չելերի Քյոմուրճյանը: Նա ծնվել է Կ. Պոլսում 1637 թ., քահանայի ընտանիքում, մահացել է 1695 թ.: Նրա ուսումնասիրության մասին որոշակի ոչինչ հայտնի չէ, գիտենք միայն, որ սկզբնական կրթությունը ստացել է Կ. Պոլսի Ս. Սարգիս եկեղեցում Հովհաննես քահանայի մոտ, ուր և 14 տարեկանից եղել է դպիր և սարկավագ: Հետագայում 18—19 տարեկան հասակում, հակառակ հոր ցանկության, որն որոշել էր նրան էլ հոգևորական դարձնել, նա վերջնականապես հրաժարվում է սքեմից և ողջ կյանքում մնում աշխարհական:

Հակառակ ն: Ակինյանի այն կարծիքին, թե իբր Քյոմուրճյանն իր ուժերը տկար է համարել եկեղեցական գործին նվիրվելու համար<sup>1</sup>, Վ. Քորգոմյանն ու Լեոն Հանգել են, մեր կարծիքով, ճիշտ եզրակացություն: Սլենելով Քյոմուրճյանի մատենագրական ժառանգությունից, Վ. Քորգոմյանը գրել է, թե նա վաղ հասակից ականատես լինելով ժամանակի եկեղեցականների պորտաբույժ, զեխ կյանքին, նրանց «ամուլ կենցաղին» ու «ազգավորման», «վատթար» գործերին, չի ցանկացել «ասպարեզակից» լինել նրանց, մասնավանդ. որ նրա խելահասունության տարիները համընկել են Էջմիածնի, Երուսաղեմի, Սսի և Կ. Պոլսի աթոռների շուրջը մզվող շահադիտական պայքարին<sup>2</sup>:

Լեոն էլ նշում է, թե «նա շուրջ մտնել հոգևորականության շարքերը, և այս, անշուշտ, այն պատճառով, որ նա պատվազգաց մարդ էր, իսկ այն ժամանակվա հայ հոգևորականությունը, մասնավանդ Կ. Պոլսում, այնքան արատավորված ու փշացած էր, այնքան զրկված բարոյական

զսպանակներից, որ կազմում էր հայ ազգի մեծագույն դժբախտություններից մեկը: Երեմիան չէր կարող ապրել կղերական այդ խեղդող մթնոլորտում... թէ՛ իր և թէ՛ հասարակաց հավատը փրկելու համար՝ նա շատ փորձեր արավ կովելու հոգևորականության ակտերի դեմ և այս կովի ասպարեզում նա խիստ հայտնի դարձավ իբրև հասարակական գործիչ»<sup>3</sup>:

Երեմիայի մատենագրական ժառանգությունը վկայում է, որ նա եղել է ժամանակի ամենազարգացած մարդկանցից մեկը: Ճիշտ է նկատել Վ. Քորգոմյանը, որ Երեմիան ստացել է անձկամիտ կղերականության ազդեցությունից ազատ դաստիարակություն ևս<sup>4</sup>:

Կրոնական գիտելիքներից բացի Քյոմուրճյանը սովորել է եկեղեցական երաժշտություն, տիրապետել է արևելյան և արևմտյան մի քանի լեզուների, գրել է կրոնական, պատմական, աշխարհագրական, քարտեզագրական բազմաթիվ աշխատություններ, գրական ստեղծագործություններ, նամակներ, ուղերձներ, ողբեր ու գանձեր:

Բացի այդ, նա հայերենից թուրքերեն է թարգմանել «Նոր կտակարանը», «Հին կտակարանի» որոշ մասեր, Դավթի սաղմոսները, Շնորհալու «Հաւատով խոստովանիմ» աղոթքը և այլ աղոթքներ ու քարոզներ<sup>5</sup>:

Քյոմուրճյանը թուրքերեն է թարգմանել նաև իր գրած «Հայոց պատմությունը», որի բնագիրը չի պահպանվել: Թարգմանությունը, ինչպես գրում է Մ. Չամչյանը, նա կատարել է թուրք գրագետների խնդրանքով<sup>6</sup>: 2. Սահակյանը գտնում է, որ նա օգտվելով առիթից նպատակ է ունեցել թուրք մտավորականությանը ծանոթացնել հայոց պատմության ամենածաղկուն դարաշրջանների՝ Արշակունիների, Բագրատունիների և Կիլիկյան հայկական թագավորությունների հետ, ընդգծել Հայաստանի երբեմնի հզորությունը<sup>7</sup>: Այս կապակցությամբ Մ. Չամչյանը գրում է. «Թարգմանեաց եւ ի խնդրոյ գրագիտացն տաճկաց ի լեզուն նոցա զպատմութիւն Խորենացոյն քաղուածով, ընդ նմին եւ զհամառօտ անդեկութիւն ինչ ի վերայ Բագրատունեաց եւ Ռուբինեանց»<sup>7</sup>:

Մ. Չամչյանը թվարկելով Քյոմուրճյանի աշխատությունները նշում է նաև, որ «Գրեաց եւ ի խնդրոյ դեսպանին արամանաց ի վերայ աշխարհաց պարսից, հնդկաց եւ անատոլիոյ, եւ ընդարձակ եւս ի վերայ Հայաստանի»:

3 Լեո. Հայոց պատմություն, հ. Գ, Երևան, 1946, էջ 357—368:

4 Վ. Քորգոմյան, նշվ. ուսումնասիրությունը, էջ 150—151:

5 Մ. Չամչյան, Պատմութիւն հայոց, հ. Գ, Վենետիկ, 1784, էջ 723:

6 Զ. Սահակյան, Երեմիա Քյոմուրճյան, Երևան, 1964, էջ 42—43:

7 Մ. Չամչյան, նշվ. աշխ., էջ 723:

<sup>1</sup> «Հանդէս ամսօրեայ», 1933, № 1—2, էջ 106—107:

<sup>2</sup> Ստամպոլոյ պատմութիւն, հրատարակեց և ծանոթագրեց Վ. Քորգոմյան, Վիննա, 1913, տե՛ս Քորգոմյանի գրած ուսումնասիրությունը, էջ 151:

տանու...» նույն Մ. Չամչյանի վկայությամբ Քյոմուրճյանը «Թարգմանեաց եւ բազում ինչ ի յունաց եւ ի լատինացոց ի հայա»<sup>8</sup>:

Նրա ստեղծագործություններից օգտվել են ու նրա մասին գրել Մ. Չամչյանը, Ղ. Ինճիճյանը, Տ. Պալյանը, Գ. Զարբհանյանը, Ղ. Ալիշանը, Մ. Մաղաթեոսիկյանը, Հ. Թորոսյանը, Լեոն, Ս. Երեմյանը, Գ. Մրմրյանը, Ա. Չորանյանը, Ն. Ակինյանը, Վ. Թորգոմյանը, Մ. Նշանյանը, Աշ. Հովհաննիսյանը, Հ. Սահակյանը և ուրիշներ<sup>9</sup>:

Կրոնական գիտելիքների ձեռք բերման գործում Քյոմուրճյանին մեծապես օգնել են ժամանակի նշանավոր հոգևոր գործիչներ Եղիազար Այնթափցին և Մարտիրոս Ղրիմեցին: Նրա խնամակալներն են եղել սկզբում մեծահարուստ քեռին՝ Մահտեսի Ամրակումը, որի մահից հետո՝ ավելի մեծահարուստ Աբրահամ (Ապրո) Չելբեին, երկուսն էլ պոլսահայ գաղութի նշանավոր ղեմքերից էին: Ապրելով ու դաստիարակվելով նրանց տներում, երիտասարդ Երեմիան հաճախ է հանդիպել ժամանակի հայ և ալլազգի մի շարք նշանավոր ու բարձրաստիճան հոգևոր ու աշխարհիկ գործիչների: Նրանց միջավայրում, դեռ պատանի հասակից, Երեմիան ակնատես է դարձել բազմաթիվ գործարքների ու միջամուխ եղել եկեղեցական—քաղաքական խնդիրներին<sup>10</sup>:

Քյոմուրճյանի հասարակական գործունեությունն սկսվել է 1660-ական թվականներից և տևել է մինչև 1680-ական թվականները: Նա նշանակվել է Կ. Պոլսի պատրիարք Մարտիրոս Ղրիմեցու նոտար և պատրիարքության խորհրդակալ<sup>11</sup>:

Այդ գործունեության ժամանակաշրջանը արևմտահայության համար թերևս ամենից ծանրն ու մղձավանջայինն է եղել: Այն ընդգրկել է Երուսաղեմի և էջմիածնի կաթողիկոսական աթոռների շուրջը ծավալված 20-ամյա համառ պայքարի ժամանակահատվածը: Երուսաղեմի պատրիարք Եղիազար Այնթափցին, օգտագործելով արևմտահայ բարձրաստիճան հոգևորականության և առևտրավաճառական կապիտալի ներկայացուցիչների՝ խոջաների որոշ մասի դժոխհոլությունն էջմիածնի համընդհանուր կաթողիկոսությունից, նպատակադրվել էր արևմտահայ եկեղեցին անջատել էջմիածնից և ստեղծել հակաթոռ կաթողիկոսություն: Քյոմուրճյանն Այնթափցու այդ պառակտիչ գործունեության մեջ տեսնում էր իր պատրանքների խորտակումը, քանի որ ըստ նրա, հակաթոռ կաթողի-

<sup>8</sup> Մ. Չամչյան, նշվ. աշխ., հ. Գ, էջ 723:

<sup>9</sup> Տե՛ս նույն աշխատության վերջում տրված համառոտ մատենագիտությունը:

<sup>10</sup> Հ. Սահակյան, նշվ. աշխ., էջ 13:

<sup>11</sup> Վ. Թորգոմյան, նշվ. ուսումնասիրությունը, էջ 152:

կոսությունը կնպաստեր հայ ժողովրդի արևելյան ու արևմտյան հատվածների մասնատմանը և դրանով դյուրին կդարձներ Օսմանյան կայսրության ձուլարարական քաղաքականության իրականացումը:

Այս կապակցությամբ Լեոն գրում է. «Երեմիա Չելբալին Կ. Պոլսում մի ամբողջ շարժում ստեղծեց, ինքն անցավ նրա գլուխը, որպեսզի կարողանա ետ կանգնեցնել սանձարձակ հոգևորականին (իմա՝ Այնթափցուն—Լ. Բ.) իր վնասակար ձեռնարկությունից»<sup>12</sup>: Սակայն Երեմիայի ջանքերն արդյունք չեն տալիս: 1664 թ. Այնթափցուն հաջողվում է մեծագին ընծաներով կաշառել Օսմանյան կայսրության արքունիքի պաշտոնյաներին ու դառնալ հակաթոռ կաթողիկոս: Այդ իրողությունը շափազանց զայրացրել է Քյոմուրճյանին: Ելնելով ազգի համընդհանուր շահերից նա պաշտպանել է Հակոբ Ջուղայեցուն, ցույց է տվել, որ այդ պայքարի հիմքում դրված են եղել անձնական շահադիտական ակնակալություններ և դատապարտել է բոլոր նրանց, ովքեր հետապնդել են նման նպատակներ, անկախ դիրքից ու ղեմքից: Նա, որ երիտասարդ հասակում համակրանք էր տածել Այնթափցու և նրա ոխերիմ թշնամի Մարտիրոս Ղրիմեցու նրկատմամբ, չի խնայել անգամ նրանց: Հ. Սահակյանը նկատում է, որ Հակոբ Կաթողիկոսի մահվան առթիվ գրած ողբում, ալլաբանորեն վերլուծելով հակաթոռ կաթողիկոսության ղեմ Մարտիրոսի մղած պայքարի հանդամանքները, Քյոմուրճյանը ցույց է տալիս, որ Հակոբ Ջուղայեցուն խանգարել է ոչ միայն Եղիազարը այլև ինքը՝ Մարտիրոսը<sup>13</sup>:

Ոմն ձախմէ զշարեւլ և սատան կանգնեալ,

Ի դուխս մխեցեալ.

Ոմն յաջմէ ձախեալ, բարեկամացեալ,

Գլխոյս զվնաս բերեալ<sup>14</sup>:

Նույն ողբում նա սուր ու մերկացնող բառերով շեշտել է Եղիազարի և Մարտիրոսի անձնական շահադիտական նկատառումները.

Նախանձու մոլեալ, ընդ միմեանս բախեալ,

զԳլուխս պատճառ եղեալ,

Ընդ փառս նկըրտեալ, ընդ պատասու ազահեալ

զԳլուխս զիջեցուցեալ<sup>15</sup>:

<sup>12</sup> Ան, նշվ. աշխ., հ. Գ, էջ 368:

<sup>13</sup> Հ. Սահակյան, նշվ. աշխ., էջ 24:

<sup>14</sup> Հ. Սահակյանն իր գրքի 24-րդ էջի 47-րդ ծանոթագրության մեջ գրում է, որ այդ ողբը հրատարակող Ն. Ակինյանը նշել է, թե ձեռագրի լուսանցքներում Քյոմուրճյանը ծանոթագրություն-բացատրություններ է գրել, կոնկրետ առաջին «մմն»-ի մոտ գրված է եղել «Եղիազար», երկրորդ «մմն»-ի մոտ՝ «Մարտիրոս»:

<sup>15</sup> Հ. Սահակյան, նշվ. աշխ., էջ 24:

Քյոմուրճյանը խիստ քննադատել ու մերկացրել է և բոլոր նրանց, որոնք երկու կաթողիկոսների հակամարտությունը խաղաղեցնելու պատրվակով, փաստորեն, աշխատել են իրականացնել իրենց փառամոլական ձգտումները<sup>16</sup>:

Իր «Տարեգրական պատմության» մեջ Քյոմուրճյանը գրել է. «Ոմանք յաւուրս յայտորիկ մտին ի մեջ երկուց կաթողիկոսացն իբր զի խաղաղացուցեն և զի շէր անկեղծաբար, այլ փառամոլութեամբ և տգիտաբար և ևս զանուն իրեանց վերիվերոյ բարձրացուցանել կամէին. եթէ գերագոյն ցուցեալքն ոչ կարացին զհունս խոսովութեանց գտանել, մեք մեզէն գտցուք առելով:

Պոսոպարախտ բանիք և սնոտիասպաս պարծանօք զմեծաբանութիւնս խօսէին ուր և երթալին, և այլ աշխարհ գրեալ ծանուցանէին: Եւ ահա այտորիկ են ազգիս հայոց իբրու արծանիս յիշատակի՝ արարք և խելք հանճարոյ և ի գիտութիւն յոտից մինչև ցզլուխ»<sup>17</sup>:

Այնուհետև դատապարտելով եկեղեցական վերնախավի ու նրանց գործակալներին՝ նվիրակների շարաշահումներն ու գոփոզականությունը Քյոմուրճյանը ծաղրանքով գրում է. «Մեք կոյր, մեք խուլ, մեք համր մինչև ցայսօր անարժան և նա լայնդ առ ի տեսանել և ի լսել և ի խօսել, մեք մուֆլիս (աղքատացած, սնանկացած— Վ. Բ.), նոքա խօճէքի, մեք ռամիկ և ռամկածին և պարտատէր. նոքա բառացի հարուստ և ազնուորդի և շահարար շինարար»<sup>18</sup>:

Վերը նշված ողբում նա մեծ դայրություն է գրում նաև ժամանակի մեծահարուստների, առանձանպես Հակոբ Զուղայեցու վարկատու ազուլեցի և Զահեցի խօջանների մասին, որոնք անընդհատ նեղում էին նրան և իրենց պարտքերն ու տակոսներն էին պահանջում: Դրանք էին Միրզան, Խոսրովը, Աստվածատուրը և Պենաթը, որոնց մասին և գրում է.

Փասքուսաց զիպեալ, որք խորամանկեալ  
զՍուրբ միշտ նենգեալ.  
Բմիշկ իբր ցուցեալ, զվեղս միշտ մատուցեալ,  
զախտն ծանրացուցեալ.  
Սուրբս ապուշ մնացեալ, միամիտ վարեալ,  
զարտաքնոցն շգիտեալ.

16 Նույն տեղում, էջ 23:  
17 Գ. Գալսեմյան, Կենսագրություններ, Վիեննա, 1915, էջ 76: Տե՛ս և Աշ. Հովհաննիսյան, Դրվագներ հայ ազատագրային մտքի պատմության, հ. 2, Երևան, 1959, էջ 159—160:  
18 Նույն տեղում:

Ազգիս բողոքեալ, զդատաստան խնդրեալ,  
զուրիւն շահեցեալ...<sup>19</sup>:  
...  
...Բռնի աստ բերեալ, միշտ դաւաճանեալ,  
Դատ դուռ մատնեալ.  
Չհամարս պահանջեալ, զտոկոսս յարարողեալ  
Զպարտս բազումս խուզեալ.  
Ցեցքն ևս զօրացեալ, զոսկերոսն միշտ ծրծեալ  
Մինչ յուղեղն հասեալ<sup>20</sup>:

Քյոմուրճյանն անարգանքի սյունին է գամել հատկապես մեծ հարստությունների տեր Անտոն Զելեբիին. ցույց տվել նրա նենգությունն ու ամբարտավանությունը. «Քանզի եօթն շարիք ծրարեալ էին ի սիրտ նորս և դարանակալ էր աղքատաց և տնանկաց և պարզամտաց՝ ձգել յորոգայթ իւր խոնարհեցուցանել ընդ լծով ձեռին իւրոյ, որպէս և զքեզ արար», 1675 թ. Քյոմուրճյանը գրել է նղիազար Այնթափցուն և շեշտել, «ես առաւել քոյդ օրինակաւ տիրել ի վերայ տնանկաց, տառապեցուցանել յորսանս իւր յամբարտաւանիլն և յանգոսնիլն իւրում»<sup>21</sup>: Իր «Օրագրութիւն»-ում էլ նրա մահը համարել է «ապստամբելոյն Աստուծոյ բարձումն ի միջոյ և վաղափուլ կործանումն ամբարտակին»<sup>22</sup>:

Աշ. Հովհաննիսյանը նշում է, թէ «Ազգի և եկեղեցու համար ստեղծված կացությունից Քյոմուրճյանը ելք չէր որոնում պայքարող կողմերից որևէ մեկի հաղթության մեջ: Չէր կամենում նա նաև այդ ժամանակ հանդես եկած մի երրորդ խմբակցության, բախվող հոսանքների արանքում խուսանավող Սարգիս Թոխատեցի վարդապետի խմբակցության հաղթությունը, — «Կաթողիկ և հերձուածող Ֆռէնկ և հայ աղճատանօք» — այս բառերով է բնորոշում Երեմիան այդ խմբակցության մարդկանց: «Թող որ աղճատին ի լեզուս այլազգեաց և կատարածն ո՞վ գիտէ թէ ո՞ր նկատելոց և դադելոց, որոյ եղև առիթ Սարգիս ոմն Թոխատեցի, մեք զմեր ցաւն ունէաք, և այդ զսկիզբն երկանց կասկածեալ, շուարեալ մնացաք, մէկն օրհնեց, մէկն անիծեց, մէկն այլ եկաւ հաւատէն հանեց»<sup>23</sup>:

Աշ. Հովհաննիսյանը նկատում է, որ Քյոմուրճյանը չէր առաջնորդվում տարամբժությունից, այլ կամենում էր սոսկ նշավակել հայ

19 Հ. Սահակյան, նշվ. աշխ., էջ 26:  
20 Նույն տեղում:  
21 Տե՛ս Աշ. Հովհաննիսյան, նշվ. աշխ., էջ 160:  
22 Նույն տեղում:  
23 Նույն տեղում:

գործիչներից ոմանց օտարահաճութունը. «Ոմանցդ սիրելեաց յայտնի է,— գրել է նա,— որ ժամանակս կենաց մերոց ընդ այլազգիս տրամաբանութեամբ անցուցեալ եմ մինչև ցայսօր, ըստ մարդկութեան ասեմ, զի ոչ ևս քննեմ զդաւանունքս նորա այսօր, այլ գրեմ թէ զինչ է եկեղեցւոյ մերում պակասութիւն և եկեղեցականաց և կարգաւորաց մերոց և հայրապետացն»<sup>24</sup>:

\* \* \*

Միանգամայն իրավացի է Հ. Սահակյանը, որ Քյոմուրճյանի հասարակական գործունեությունը կարող է ճիշտ գնահատվել միայն այն դեպքում, երբ պարզ լինեն այդ գործունեության դրդապատճառները, այն սկզբունքները, որոնցով պայմանավորվել է նրա այս կամ այն քայլը, որ Քյոմուրճյանի աշխարհայացքը պարզելուն ամենից առաջ, և թերևս ամենից լավ, օգնում են հենց նրա ստեղծագործությունները, հատկապես պատմական-հասարակական բնույթի երկերը<sup>25</sup>: Այդ իմաստով, որպես կարևոր աղբյուրներ Սահակյանը նշում է պատմագրի «Պատմութիւն համառօտ Դձ տարւոյ Օսմանցոց թագաւորացն», «Տարեգրական պատմութիւն» երկերը, «օրագրութիւնը», ինչպես նաև մի շարք նամակները, ուղերձներն ու գանձերը:

Ըստ Հ. Սահակյանի, Քյոմուրճյանի աշխարհայացքի ձևավորման, կազմավորման գործում առաջին և ամենաուժգին ազդակը հանդիսացել են թուրքական տիրապետության տակ ապրող հայության ծանր վիճակն ու ազգային ինքնության կորստի վտանգը, որը և պայմանավորել է նրա աշխարհայացքի ամենահիմնական գիծը՝ հակապետական դիրքորոշումը<sup>26</sup>:

Ժամանակագրական առումով Քյոմուրճյանի պատմական երկերից առաջինը «Պատմութիւն համառօտ Դձ տարւոյ Օսմանցոց թագաւորացն» աշխատություն է: Նրանում տրված է Օսմանյան կայսրության 400 տարվա պատմությունը, սկսած հիմնադրման օրից մինչև պատմագրի ապրած օրերը, գրված չափածո: Երկում շարադրված է օսմանյան սուլթանների ու կարևոր իրադարձությունների պատմությունը, նկարագրված են կայսրության վարած պատերազմները Արևմուտքում և Արևելքում, թուրքերի մարտական տեխնիկան: Երկը արժեքավոր ու արժանահավատ նյութ է պարունակում XVI—XVII դարերում թուրքիայում գոյություն ունեցող վարչակարգի, հարկային սիստեմի, սուլթանների վարած ներքին ու արտաքին

քաղաքականության, կայսրությունում ապրող ժողովուրդների՝ բուլղարների, հույների, հրեաների, ալբանացիների, արաբների ու հատկապես արևմրտահայության քաղաքական ու սոցիալական ծանր դրության, աղքատության և ժողովուրդների ազատագրական ընդվզումների փորձերի մասին, ինչպես նաև պետական ապարտի, պալատական հեղաշրջումների, թուրք ավագանու և թուրք ժողովրդի հակամարտությունների, արքունիքում և պաշտոնեության շրջաններում տիրող արատավոր բարքերի, շարաշահումների, կաշառակերության մասին: Առանձնապես ընդգծված ձևով է տրված XVI—XVII դարերում պարբերաբար կրկնվող զինվորական խռովությունների ու ապստամբությունների ու դրանց պատճառների մասին: Նա ցույց է տվել կայսրության քաղաքական, սոցիալ-տնտեսական ու պետական ամբողջ սիստեմի ճգնաժամային վիճակը:

Քյոմուրճյանը ընդգծված ձևով ցույց է տվել կայսրության ներքին քաղաքականության, արտաքին պատերազմների, ազգային ու կրոնական հալածանքների, ձուլարարական նպատակադրումների ու այդ ուղղությամբ իրականացվող միջոցառումների աղետալի ու կործանարար հետևանքները նվաճված ժողովուրդների այդ թվում և առանձնապես հայ ժողովրդի համար: Ի դեպ նրա համակրանքը ամբողջապես, անկախ ազգային պատկանելիության ու դավանանքի, աշխատավոր ժողովրդի, հասարակության ստորին խավերի կողմն է եղել: Իր «Պատմութիւն համառօտ Դձ տարւոյ...» աշխատության մեջ նա բերել է մի զավառի թուրք գյուղացիների գանգատը սուլթանին, ուր ասված է.

«Օճաղ աղայք զոր տիրէին.  
Ընդ արքունեացն և նուաճեալ,  
Ռամիկք ի շատ հարկուց խոցեալ  
Եւ դսիաւուչն ընդ իւրեանս առեալ,  
Եւ մուծին առ թագաւորն,  
Ասեն վեզիրդ զմնզ վշտացուցեալ,  
Աղայից բանիւք շարժի,  
Եւ առ համայնս անիրաւեալ»<sup>27</sup>:

Նկարագրելով սուլթանների որսատեղերից մեկում որսը դեպի որսորդները և շները քշելու համար վարձված աղքատների վիճակը մեծ հուամանիստ Քյոմուրճյանը զայրույթով գրում է.

«Զգիշեր և զցերեկ մնացեալ՝  
Մարդիկքն որ անզ են հաւարման,  
Իւրեանց ստեղծողին յայտնի՝

24 Տե՛ս նույն տեղում:

25 Հ. Սահակյան, նշվ. աշխ., էջ 14:

26 Նույն Տեղում, էջ 15:

27 Տե՛ս նույն տեղում, էջ 47—48:

Ք է զինչ վիշտ ի ցրտոյն կրուման:  
 Կրզկզեալ, կրծկեալ, կոճղ անկեալ  
 Ի սառնէն որբ չոր փայտ դարձան,  
 Ի վերայ քայլ էր դիպէր՝  
 Թագաւորն անփոյթ արշաման:  
 Ասեն ի ցրտոյն սառեալք՝  
 Անճարակ մնային աստ մեռանս<sup>28</sup>:

2. Սահակյանը ճիշտ է նկատում, որ Քյոմուրճյանը սոցիալական անհավասարության փաստեր է տեսել նաև հայ ժողովրդի կյանքում: Նկարագրելով 1537 թ. Անատոլիայում կատարած հայ երեխաների մանկաժողովը նա գրել է.

«...Քէպէտ մեծատունք շատ ոսկով,  
 Զորդիսն հազիւնան զերծացուցեալ,  
 Վայ աղքատաց դառն արտասուաց,  
 Միամօր մարք աղէխարշեալ,  
 Զի ուր հասնի տանջեն զբնակիչս,  
 Յողորց նոցա ոչոր խնայեալ»<sup>29</sup>:

Իրավացի է Հ. Սահակյանը, երբ գրում է, թե Քյոմուրճյանը կարողացել է հասնել այնպիսի եզրահանգումների, որոնք այսօր զարմացնում են իրենց համարձակությամբ, սոցիալական հարաբերությունների բացահայտման խորությամբ<sup>26</sup>: Նկարագրելով 1592 թ. Թուրքական բանակում ծագած ապստամբությունը, պատմագիրը բացահայտել է դրա շարժառիթները, ընդգծել է կայսրության պաշտոնյաների և «զոռբաների» կատարած շահատակությունները, ավերածություններն ու կողոպուտը, որոնք մեծ դժգոհություն են առաջ բերել շարքային զինվորների մեջ և նրանք ապստամբել են նրանց դեմ: Քյոմուրճյանը ճշտորեն վեր է հանում նաև ապստամբության պարտության պատճառները, ցույց է տալիս, թե վտանգի սլահին ինչպես են միավորվում իշխող դասերը և ներքին հակամարտությունները մոռացած՝ ելնում են ապստամբ ժողովրդի դեմ<sup>31</sup>:

1695 թ. Քյոմուրճյանը համառոտել է վերը նշված իր «Պատմաթյունը», այն խորագրել է «Թագաւորութեան օսմանցուց համառոտիւ պատմութիւն»: Նրանում ավելի բացահայտորեն է դրսևորել իր հակապետական դիրքորոշումը, ատելությունը կայսրության, նրա գահակալներին ու վեզիրներին նկատմամբ, ավելի որոշակի է մեկնարանել ու վերլուծել

սոցիալական երևույթները, ավելի ընդգծել երկրում աճող սոցիալական անհավասարությունը, ավելացրել է հատվածներ, որոնցում նկարագրված են զորքի ու ժողովրդի ապստամբությունները<sup>32</sup>:

Ասվեց, որ Քյոմուրճյանը գրել է «Հայոց պատմություն», որի բնագիրը մեզ չի հասել: Այդ երկի մասին միակ տեղեկությունը հաղորդել է Մ. Զամչյանը: 1960 թ. Ա. Տեր-Ղևոնդյանն իր «Երեմիա Զելեպին որպես Մունաջըիմ Բաշիի աղբյուրներից մեկը» հոդվածում բանասիրական մանրալնին ուսումնասիրության միջոցով ապացուցել է, որ արաբ պատմագիր Մունաջըիմ Բաշիի «Զամի աղ-դուվալ» (Տիեզերական պատմություն) երկի մեջ հայոց պատմությանը վերաբերող հատվածի աղբյուրը Քյոմուրճյանի «Հայոց պատմությունն» է եղել<sup>33</sup>:

Քյոմուրճյանի գրած պատմական երկերից մեկ է հասել նաև «Ստամպոլոյ պատմութիւնը» չափածո աշխատությունը: Այն իսկական իմաստով պատմություն չէ, այլ Կ. Պոլսի դարբանների «դռներին», նրանց մոտ եղած պալատների, շենքերի, շուկաների, նավամատուցների, արհեստանոցների, պարտեզների, ինչպես նաև քաղաքի պարիսպներից դուրս տարածվող քաղաքամերձ շրջանների նկարագրությունն է գեղարվեստական որոշ զեղումներով:

2. Սահակյանը ճիշտ է նկատում, որ «Առաջին հայացքից թվում է թէ այդ նկարագրություններն այսօր ոչ մի պատմական նշանակություն չեն կարող ունենալ, բայց երբ խորամուխ ենք լինում երկի բովանդակության մեջ, տեսնում ենք, թե որքան նյութ է տալիս այն XVII դարի ոչ միայն Կ. Պոլսի, այլև առհասարակ Թուրքիայի պատմության համար»<sup>34</sup>:

Քյոմուրճյանը, մասնավորապես արժեքավոր տեղեկություններ է հաղորդում Թուրքիայի արտաքին ու ներքին առևտրի, ներմուծվող ու արտահանվող ապրանքների, զարգացած արհեստների, արհեստագործական արտադրանքի որակի, առևտրականների ու արհեստավորների կենցաղի մասին: Ոչ պակաս արժեքավոր են նաև Կ. Պոլսի քաղաքամերձ գյուղերի նկարագրության կապակցությամբ հաղորդած տեղեկությունները գյուղատնտեսության զանազան ճյուղերի՝ անասնապահության, բանջարաբուծության, այգեգործության վիճակի մասին: Պատմագիրը հարուստ տեղեկություններ է տալիս նաև Կ. Պոլսի էթնիկական կազմի և բնակչության տարբեր ազգերի ու խավերի կենցաղի մասին և այլն:

Չափազանց արժեքավոր են հատկապես Քյոմուրճյանի տվյալները

28 «Ստամպոլոյ պատմութիւն», Կ. Ա., էջ 65:

29 Հ. Սահակյան, նշվ. աշխ., էջ 48:

30 Նույն տեղում, էջ 47:

31 Նույն տեղում:

32 Նույն տեղում, էջ 52:

33 Տե՛ս «Տիեզերագիր» (հաս. գիտ.), 1960, № 7—8, էջ 143—150:

34 Հ. Սահակյան, նշվ. աշխ., էջ 55:

XVII դարի արևմտահայ գաղութի, նրա ներքին կյանքի, հայերի զբաղմունքի, կրած ազգային ու կրոնական հալածանքների մասին: Հայերին վերաբերող հատվածներում նա առիթ բաց չի թողնում անարգանքի սյունին գամելու հոգևորականությանը, նրանց կենցաղային այլանդակությունների, արատավոր բարքերի, այլասերման, հարբեցողության, խարդախությունների համար: Պատմագիրը չի խնայել նաև հայ մեծահարուսաներին, վեր է հանել ու նշավակել նրանց հակահայրենասիրական գործունեությունը:

Քյոմուրճյանի գրչին է պատկանում նաև «Տարեգրական պատմություն»-ը: Այն չի հրատարակված:

Այդ «Պատմություն» համար որպես նյութ ծառայել է պատմագրի «Օրագրությունը», որն ընդգրկել է 1648—1662 թվականների իրադարձությունները: Այն բացահայտում է լայն հետաքրքրությունների տեր այդ մարդու, ջերմ հայրենասերի դիմապատկերը: Քյոմուրճյանը ապրել է իր ժողովրդի ու ժամանակի հետաքրքրություններով, այդ պատճառով էլ նրա «Օրագրությունը» աչքի է ընկնում բովանդակության զարմանալի հարստությամբ: 1648—1662 թթ. ընթացքում Թուրքիայում կատարված կարևորագույն դեպքերի, հայկական գաղութների ազգային-հասարակական ու եկեղեցական գործերի ուշագրավ նկարագրությունները, սուլթանների, պետական ու եկեղեցական գործիչների բնութագրությունները, կենցաղային վառ ուրվանկարները Երեմիա Չելեբիի այդ աշխատությանը տալիս են մեծ արժեք, նրա համար բացառիկ տեղ ապահովելով հայ գրականության առավել նշանավոր հուշարձանների շարքում<sup>35</sup>: «Պատմությունը» բաժանված է երեք մասի: Առաջինում տրված է Կոստանդնուպոլսում տեղի ունեցած տարերային աղետների նկարագրությունը, երկրորդում՝ կենտրոնական ու հարավ-արևելյան Եվրոպայի երկրների դեմ Թուրքիայի մղած պատերազմների պատմությունը: Այդ մասում գրված է նաև կայսրության ներքին կյանքի նկարագրությունը: Երրորդ մասում՝ Հայոց եկեղեցու պատմությունը, մասնավորապես, հոգևորականության տարրեր խմբավորումների պայքարը պատրիարքական աթոռի համար: Այստեղ, նույնպես, նա խիստ զայրույթով է խոսում այդ պայքարի մասին. «Եւ բորբոքէին ամբոխեալք ընդ միմեանս, — գրում է Քյոմուրճյանը — թէ ես եղեց աթոռակալ և միան, թէ ես եղեց երեսփոխան: Որպէս զերեզման բացէր կոկորդ նոցա: Եւ զայսքան արդիւնս և զհասս եկեղե-

ցեաց անիրաւարար յափշտակեալ անխորաբար ուտէին: Եւ չբավորք և տնանկբ ի բաղցութենէ մեռանէին»<sup>36</sup>:

Քյոմուրճյանը քաջ գիտակցում էր, որ այդ պայքարից տուժում էին առանց այն էլ ծանր վիճակի մեջ գտնվող չբավորներն ու տնանկները՝ աշխատավոր ժողովուրդը: 1690 թ. Եղիազար կաթողիկոսին գրած բողոք-նամակում կարդում ենք. «Եկեցցուք ի խնդիր մեր, զոր ի գլուխ գոյս այսորիկ ծանուցաք, թէ ոչ ի ժամանակիս իշխան մարգարե, այլ հոգևոր տէրդ ի հեռի եւ ոչ ոք ծանուցանէ... շեղեալ անկարգութիւնս որ վերասացաւ վասն եկեղեցւոյ եւ վասն եպիսկոպոսութեան եւ վասն սուրբ Երուսաղեմի վիճակին մերոյ: Ապա զայս ո՛ր դիցուք, աստանոր եկեալ հասեալ հեռ եւ նախանձ եւ վրդովմունք ի մէջ հայոց, յորոց պատճառէ եւ գայթակղութիւն բազմաց...»<sup>37</sup>:

Ճիշտ է նկատում Հ. Սահակյանը, որ Քյոմուրճյանը խարաղանում է եկեղեցու հայրերին՝ տեսնելով, որ նրանք իրենց վարքագծով խաթարում են կրոնի և եկեղեցու հեղինակությունը: Որ նրա քննադատությունը բխում էր հոգևորականությանն անբասիր տեսնելու ցանկությունից: Որդուն՝ Գրիգորին գրած նամակներից մեկում նա զայրույթով բացականչում է «Չինչ մեղադրեցցուք ռամկացս, որոց քարոզիչք են մախանօք փառաց և ագահութեան ախտիւք և այլովք մոլեալք»<sup>38</sup>:

Եղիազար կաթողիկոսին ուղղված վեճը բերված նամակի վերջում նա ցավով գրում է «այլ ես, որ կամիմ հնարս գտանել խաղաղութեան անգոսնիմ՝ յանուպայ անձանց, յասել նոցա թէ ո՞ կացոյց զքեզ իշխան եւ դատաւոր ի վերույ մեր. նմին իրի եւ անյոյս լեալ լոնցի ի խօսելոյ. եւ իբր վերջին աղբարարութիւն գրեցի զայս թուղթ...»<sup>39</sup>:

Այս նամակի կապակցությամբ Վ. Թորգոմյանը գրում է «Ճշգրտատիպ պատկերն է այն ատենի ազգային գործերու շատ տխուր վիճակին, ո՛րչափ դառն վիշտն մըն է զոր Երեմիա զգացած է այդ առթիւ, եւ ինչ արդար բողոքի սրտառու ձայն մ'է՛, զոր կը թոցունէ նա մինչև էջմիածին»<sup>40</sup>:

Վ. Թորգոմյանը միանգամայն ճիշտ նշում է, թե «Յուզումներով, յոգնութիւններով լի կեանք մըն էր, զոր մինչև ալի թուականը (1690—

36 Տե՛ս Հ. Սահակյան, նշվ. աշխ., էջ 29—30:

37 Վ. Թորգոմյան, նշվ. ուսումնասիրությունը, էջ 174—176:

38 Տե՛ս Ե. Քյոմուրճյան «Օրագրութիւն...», հավելված, «Թուղթեր», Երուսաղեմ, 1939, էջ 467:

39 Վ. Թորգոմյան, նշվ. ուսումնասիրությունը, էջ 177:

40 Նույն տեղում, էջ 176:

35 Հայ ժողովրդի պատմություն, հ. IV, էջ 499:

—1. Բ.) վարած էր Երեմիա Չէլէպի, զարմանալի է նա արդարեւ ինչ գործոն կեանք անոր կեանքը. Երեմիա ո՛չ միայն կաթողիկոսի, պատրիարքի անվերջ կոիւններու մէջ շարունակ հաշտութեան կապ ըլլալու կաշխատի, ո՛չ միայն մայրենի եկեղեցւոյն հօր ատուան մը կանգնելով, անոր անբարեկարգ պաշտօնեաները դէպ ի ուղղութեան ճամբան բերելու ջանադիր կըլլայ դրամով, ճամբորդութիւններով, խօսքով եւ գրչով, այլ եւ իր բազմազարգութեան մէջ ժամանակ կը գտնէ իր Ազգին մտաւոր զարգացման համար ալ անվճատ վաստակելու, եւ ասոր մէջ իսկ է անոր մեծութիւնը»<sup>41</sup>: Շարունակելով իր միտքը՝ Վ. Թորգոմյանը գրում է. «Ականատես ըլլալով ազգային տխուր կացութեան, իրաւամբ կը տեսնէր անշուշտ, թէ անոր պատճառը, բուն արմատն, ո՛չ այլ ինչ էր, բայց եթէ տգիտութեան խնամ, տգիտութիւնը որուն խօսուն արձաններն էին շատ քիչ բացառութեամբ, այն ատենի բոլոր պատրիարքներն ու եպիսկոպոսներն իրենց ամենակերպ վատթար արարքներով, ահա այս ախտին դեմ կուզէ Երեմիա դարման տանելու փութալ»<sup>42</sup>:

Քյոմուրճյանը, ինչպէս և XVII դարի ատուադեմ մտածողները, ազգային ինքնութիւնը պահպանելու ամենահիմնական միջոցներից մեկը համարել են տգիտութեան դեմ պայքարելը, ժողովրդի ինքնագիտակցութեան բարձրացումը և ընդգծել են այդ գործում լուսավորութեան, մայրենի լեզվով գիր ու գրականութեան տարածման, դպրոցների ստեղծման ու ուժեղացման անհրաժեշտութիւնը: Քյոմուրճյանը հիացմունքով է խոսում Փիլիպպոս կաթողիկոսի ուսումնակրթական բնագավառում ձեռնարկած միջոցառումների մասին: Զուգայեցուն նվիրված «Ողբում» գրում է.

«Դպրատունք բացեալ, մարդարանք բանեալ,  
Աշակերտք վարժեալ,  
Գասատունք հաստեալ, վարժապետք  
Ցարգեալ, տէլէտք ճոխացեալ,  
Իմաստք յառաջեալ, գիտութիւնք աճեալ,  
Ըզնորհս որ ձրեալ»<sup>43</sup>:

Ըստ Քյոմուրճյանի, կարևորը ոչ այնքան գիտելիքների կուտակումն է, որքան այդ գիտելիքները ժողովրդի շահերին ծառայեցնելը. «...դի զայրաթ իմն ջատագովութիւն հայոց ի մէջ բերել փութացես, զայդքան զոր դու ծրարեալ ունիս ստացեալ, լինէր թէ դպրատուն դասատուն իմն

բանաւոր բանն ընթանալոյ յառաջ արդեամբք՝ երանի էր», գրել է նա նաև ակններից մեկում<sup>44</sup>:

Իրավացի է Հ. Սահակյանը, որ նշում է, թե հայերի ինքնութիւնը պահպանելու գործում Քյոմուրճյանն ու նրա նման մտածողները, շահագանց կարևոր են համարել նաև հայ ժողովրդի պատմութեան հերոսական դրվագների փառաբանումն ու հիացական վերապատմումը: Որ մասամբ հենց այդ նպատակով է գրված Քյոմուրճյանի «Համառօտ հարցմունք և պատասխանիք» աշխատութիւնը, որտեղ քրիստոնեութեանը վերաբերող հարցերից հետո, շոշափված են այնպիսի խնդիրներ, որոնք վերաբերում են հայոց պատմութեանն ու մշակույթին: Այսպէս, հարցնում է, թե ո՞վ է սահմանել հայոց դիրքը, ո՞վքեր են եղել Մեսրոպի աշակերտները, ո՞վքեր են հորինել շարականները, ո՞վքեր են մեր տաղասացները, որոնք են մեր պատմագիրները և այլն:

Հետագա հարցերն ամբողջութեամբ վերաբերում են հայոց պատմութեանը: Այդ հարցերով ու պատասխաններով, ընդգծում է Սահակյանը, հեղինակը մի հիմնական նպատակ է հետապնդել. Թորքիայում ապրող և իրենց ազգային սովորութիւնները, լեզուն, պատմութիւնը, մշակույթը աստիճանաբար մոռացող հայերի մեջ թարմացնել հայրենասիրական պատկերացումները, հիշեցնել Հայաստանի երբեմնի հզորութիւնը, ուժեղացնել ազգային արժանապատիւթեան զգացումը, ինչպէս նաև սրել ատելութիւնը բռնապետութեան դեմ: Նույն այս նպատակին է ծառայել նաև նրա «Հայոց պատմութիւնը»<sup>45</sup>:

Այ. Հովհաննիսյանը նկատում է, թե «Լինելով գիտութեան և գրչի մարդ՝ Քյոմուրճյանը մի պահ գրքի և դպրոցի մեջ որոնեց տգիտութեան մեջ թավալող ազգի և եկեղեցու փրկութիւնը»<sup>46</sup>:

Լուսավորութեան և գրականութեան տարածման գործում տպարանների դերի գիտակցմամբ է թելադրված Քյոմուրճյանի կողմից 1676 թ. Կ. Պոլսում հիմնադրած տպարանը, որը Աբգար Թոխատեցու տպարանից հետո երկրորդն էր: Այդ տպարանը, սակայն երկար չգոյատևեց և շուտով փակեց քիչ թե շատ կարևոր գործերով: Նույն ճակատագրին արժանացան նաև պատմագրի դպրոցական ջանքերը: Այդ կապակցութեամբ նա ցավով գրում է. «Մեզ ոչ մէկընչէի պիտոյք՝

41 Նույն տեղում էջ 177:

42 Նույն տեղում, էջ 178:

43 Տե՛ս Հ. Սահակյան, Եջվ. աշխ., էջ 32:

44 Ե. Քյոմուրճյան, «Օրագրութիւն», հավելված, «Թուղթեր», էջ 510:

45 Հ. Սահակյան, Եջվ. աշխ., էջ 30—31:

46 Այ. Հովհաննիսյան, Եջվ. աշխ., էջ 161:



բանդի մերս որ խափանեցան,  
Ցաւ զայլոց դիտել՝  
անգլուխ այդ մեր և անիշխանս<sup>47</sup>:

Վերջին խոսքերը հուշում են մեզ,—գրում է Աշ. Հովհաննիսյանը,—  
թե ինչի մեջ էր նշմարում Քեոմյուրճյանը հայերի դժբախտության ար-  
մատը, և մենք դեռ առիթ պիտի ունենանք տեսնելու, թե ստեղծված գրու-  
թյունից ուր էր փրկութեան խարխիս ձգում XVII դարի արևմտահայ խո-  
հուն այս գրողն ու հրապարակախոսը»<sup>48</sup>:

Քյոմուրճյանը եկեղեցու միասնականության, լեզվի ու կրոնի պահ-  
պանման, լուսավորության տարածման համար պայքարը զիտում էր  
որպես կարևորագույն միջոց ժողովրդի ինքնագիտակցութունը բարձ-  
րացնելու և կայսրության ձուլարարական քաղաքականությանը դիմակա-  
յելու գործում: Նա միաժամանակ գիտակցում էր, որ այդ պայքարով  
հնարավոր չէ իր ժողովրդին փրկել վերջնական կորստից: Այդ փրկու-  
թյունը նա տեսնում էր Հակոբ Զուղայեցու ազատագրական ծրագիրը  
իրականացնելու ուղղությամբ ծավալած գործունեության մեջ և նա Զու-  
ղայեցու ամենաակտիվ համախոհներից էր ու գործակիցը:

Երբ 1679 թ. Զուղայեցու գլխավորած պատվիրակությունը ժամա-  
նում է Կ. Պոլիս, Քյոմուրճյանը և նրա մի քանի հետևորդները հասկաց-  
նել են տալիս, որ վտանգավոր է բանակցել արևմտյան պետությունների  
և հատկապես՝ պապական եկեղեցու հետ՝ թիկունքում ունենալով աղզա-  
յին երկվեցկված իրականությունը և մասնավորապես Եղիազար Այն-  
թափցու գլխավորած ընդդիմությունը: Քյոմուրճյանի խորհրդով որոշվում  
է Հոսոմ ուղևորվելուց առաջ պատվիրակությունը հանդիպում ունենա  
Եղիազարի հետ: Սակայն ինչ ինչ պատճառներով հանդիպումը տեղի չու-  
նեցավ և պատվիրակության ուղևորությունը խափանվեց<sup>49</sup>: Զուղայեցին  
էլ 1680 թ. Կ. Պոլսում կնքեց իր մահկանացուն:

Աշ. Հովհաննիսյանը խոսելով Քյոմուրճյանի մասին՝ իրրև Զուղա-  
յեցու համակիրներից մեկը, գրում է. «Սակայն նա ի վիճակի չգտնվեց  
արգասավորելու քննադատական իր հայացքները նոր որևէ ծրագրով. նա-  
խագծել հայ ազատագրական շարժման համար նոր մի ճանապարհ,  
մատնանշելով հայ ժողովրդին նրա երտազած Ավետյաց երկրի ապահով  
ուղին: Առայժմ Քեոմյուրճյանը ևս ոտք էր դնում խաբուսիկ այն արահե-

<sup>47</sup> «Ստամպոլյոյ պատմութիւն», էջ 114:

<sup>48</sup> Աշ. Հովհաննիսյան, նշվ. աշխ., էջ 161:

<sup>49</sup> Նույն տեղում, էջ 218:

տի վրա, սրով իրենից առաջ ապարդյուն քայլել էին բազմաթիվ ուրիշ-  
ները»<sup>50</sup>:

Այնուհետև Աշ. Հովհաննիսյանը մեջբերում է ձեռագրերից մեկում  
իր կողմից հայտնաբերած Քյոմուրճյանի՝ մինչև այդ անժամոթ էջեր:  
«Այդ էջերը,— գրում է Հովհաննիսյանը,— պարզում են, թե պատմական  
ինչ իրադարձությունների տպավորության տակ էր գործում այդ պահին  
գրողը: Քեոմյուրճյանն անզրադառնում է այն պարտություններին, որ  
կրում էր Քուրքիան եվրոպական բանակների և նավատորմի դի հարված-  
ներից: «Օսմանցիք,— գրում է նա,— որ զԱնատոլի և զՌումելի, Պոնտոս  
ժով ու մինչ յԵփպատոս տիրէին իշխեալ զամս իբրև ԴՃ(400) միշտ գերելով  
և կոտորելով և տիրելով վիճակաց արդ զամս Գ(3) է աստանօր, զի  
ինքեանք հալածեցան, կոտորեցան, զերեցան ու կողոպտեցան և վէնե-  
ժացիք և նէմեցք զբազում յաղթութիւն արարեալ ի ծով և ի ցամաք՝ առին  
զվիճակս օսմանցոց երկրի, որք ընդ սահմանօք իւրեանց՝ մեծաւ յաջո-  
ղութեամբ: Ընդ որս ամենայն թագաւորութիւնք աշխարհի զարմանան,  
մանաւանդ թէ և ինքեանք սբանշանան, կարծելով թէ օգնողն իւրեանց  
մեհմետն է, կարապետ նեոխն: Որոց ոչ միայն զօրք և զօրագլուխք իս-  
պառ ջնջեցան, այլև մեծամեծ փաշայք և պէկլերպակիք ի սուր և ի սով  
գերութեամբ մաշեցան ու կարծի թէ յետին թշուառութիւնն սոցա նշանք  
են զարմանալի տկարութեանց սոցա և վառին յաջողութեամբ և քաջու-  
թեամբ քրիստոնէից, զորոց պատմութիւնս գրեալ իսկ եմք ժամանակիս  
ականատեսութեամբ: Բայց աստ յիշեցուցանեմ զհարկատուացս նեղու-  
թիւն, քան յառաջն առաւել, որպէս թէ նման շան կատաղելոյ: Յագեցելոց  
ի ճոխութիւնս և ի հարստութիւնս իւրեանց յաւելուին գոռողութեամբ և  
անիրաւութեամբ և զրպարտութեամբ ազահութեան ախտից: Իսկ յորժամ  
տկարացան որպէս զբաղեցեալ շունս և զգալլ առաւելան խորամանկու-  
թեամբ և զրկելով ի դարանի և յայտնի, յանապատս, և ի շէնս, և ի ճա-  
նապարհի: Փրկագործն Քրիստոս, որ ազատեաց զմեզ ի դժոխոց և ի Բե-  
լիարայ բռնութենէ, ազատեցէ զհաւատացեալս իւր յերևելի թշնամեաց  
մերոց նենգութեանցն մահմետական սնտոի ազդաց թերօրինականաց  
գարշելեաց»<sup>51</sup>:

«Այս տողերի մեջ,— շարունակում է իր միտքը Հովհաննիսյանը,—  
Քեոմյուրճյանը հայտնվում է, որպես թուրք բռնատիրության դատա-  
պարտող և ռայայի ազատագրման ջերմ ախոյան: Ակնհերև է, որ նրա

<sup>50</sup> Նույն տեղում, էջ 220—221:

<sup>51</sup> Տե՛ս նույն տեղում, էջ 221—222:

ակնկալությունները շաղկապվում էին Թուրքիայի կրած պարտությունների հետ: Նրա մյուս գրվածքներում հանդիպում ենք մի շարք էջերի՝ ուղղրված եվրոպական պետություններին, որոնցից փրկություն էր սպասում հայ ժողովրդի համար»<sup>52</sup>:

Այդ նպատակով Քյոմուրճյանը 1679 թ. գրեց Լեհաստանի թագավոր Յան Սոբեսկուն ուղղված ներբող: Այնտեղ նա մեծարում էր թագավորին որպես քրիստոնյա ժողովուրդներին սիրողի ու ազատարարի:

«Միրող, խնամող, դաստիարակող  
Հայր և դատարար, տէր և թագաւոր...  
Ապստամբողաց թշնամեաց յաղթող...  
Նշնանագործից սաստող և տանջող,  
Գաստող և սպանող, արդար թագաւոր...  
Քաւիշ և աղատիշ, փրկիշ թագաւոր»<sup>53</sup>:

Աշ. Հովհաննիսյանը գրում է. թե 1687 թ. Քյոմուրճյանը գրել է «Ուղեր համառոտ առ Լադովիկոս ժԳ թագավոր Գաղիոյ, ի պատեհառիթ գահակալութեան նորին... ի դեսպանութեան Պ. Փէրարդէնի, որ բնակէր ի Ղալաթիա»: Այդ ուղերձը, ինչպես և 1682 թ. Քեոմյուրճյանի «Պատարանք իւրոյ ժամանակին» քերտվածքը անտիպ են ցարդ և մեզ ծանոթ՝ միայն վերնագրերով: Բայց չենք սխալվի, եթե պնդենք, որ նշանավոր դրողն իր կյանքի այդ ժամանակաշրջանում դիմուղղվում էր դեպի Հակոբ Ջուղայեցու բռնած ճանապարհը: Հիրավի, տակավին այդ կաթողիկոսի մահվան առթիվ գրած իր «Ողբի» մեջ անդոսնելով նրա հակառակորդներին, Քեոմյուրճյանը բեեռում էր ազգի միտքը տեսիլներով սալարկված հին հուսակայանի վրա:

«Երգս ողբոց արժան.  
Երգս կականական ողորմ ողբական,  
Ազգիս Արամեան, տանս Թորդոմական, ցեղիս Արեթեան,  
Ողբս Մովսիսական, ըստ Ֆիլիսոֆիան, սրբոյ Խորենեան,  
Ողբս Կողեոնեան սրբոյն Յոհանեան:  
Աւաղ եղկական,  
Անէծք ներսիսեան,  
Յեղին Պահլաւեան լուսաւորչական,  
Ըստ Սահակայ տեսեան,  
Մարգարէութեան հոգովն ազգական,  
Իսկոյն լրացան

Բանքն զոր խօսեցան և կատարեցան.  
Երկուց գաւազանն,  
Թագաւորականն, հայրապետական:  
Ազգին Արշակեան  
Պայծառ թագքն բարձան և նուաստացան,  
Սրբոյ Գրիգորեան  
Լուսաւորչական աղօտեալ շիջան:  
Օտար ազգք յարեան  
Ի մէջ բռնացան, մեք ծառայական.  
Աշխարհ մեր առան,  
Զվաստակս մեր կերան մեզ ակն յանդիման:  
Բարի աղօթիւք Սուրբ Հայրապետիս  
Տէր այց արա տառապեալ ազգիս,  
Աղաչեմք, լուր տէր»<sup>54</sup>:

Բերելով «Ողբից» այս հատվածը Աշ. Հովհաննիսյանը նկատում է, թե «Քեոմյուրճյանի «Ողբը» ազդարարում է այն խոհերը, որոնք կապվում էին Հակոբ Ջուղայեցու անպսակ ակնկալությունների հետ: Այն ընթացք էր տալիս, այն հույզերին, որոնցով դերեղման էին իջեցնում մեռած կաթողիկոսին նրա գլխավորած քաղաքական ձեռնարկի կուսակիցները»<sup>55</sup>:

Ինչպես ասվեց, Երեմիա Չելեբի Քյոմուրճյանի պատմագրական ժառանգությունը չափազանց կարևոր աղբյուր է XVII դարի Թուրքիայի, նրա հայկական գաղութների, Արևելյան եվրոպայի երկրների և ընդհանրապես Մերձավոր Արևելքի պետությունների պատմության ուսումնասիրության համար և ընդհանրապես այդ դարի արևելագիտության համար:

54 Աշ. Հովհաննիսյան, Եղվ. աշխ., էջ 222—223:

55 Նույն տեղում, էջ 223:

52 Նույն տեղում, էջ 222:

53 Ե. Քյոմուրճյան, «Օրագրութիւն», էջ 526:

«ԸՆՏԻՐ ՊԱՏՄՈՒԹԻՒՆ ԴԱՒԻԹ ԲԷԳԻՆ»

XVIII դարի, հավանաբար, 30—40-ական թվականներից մեզ է հասել «Ընտիր պատմութիւն Դաւիթ Բէգին, եւ պատերազմաց Հայոցն Խափանու, որք եղեն ընդ դէմ թուրքաց ի մերում ժամանակի, այն է՝ յամի տեառն 1722 եւ Հայոց 1171»<sup>1</sup> խորագիրը կրող պատմական փոքրածափալ մի երկ: Այն գրի է առել Մխիթարյան միաբան Գուկաս Սերաստացին<sup>2</sup>: Նա անվանաթերթի վրա նշում է, որ «գորս ետուն գրել, որք ի սկզբանէ մինչև ցվախճան յառաջադէմ լեալք էին յամենայն պատերազմունս, և ականատես իրացն եղելոց, այսինքն Ստեփաննոս Վրդանիսեան, որ ի տանէն էր Շահումեան, ի գաւառէն փոքր Սիւնեաց, և յաւանէն Եկատատանաց, և այլ ոմանք ընդ նմա»: Երկից իմանում ենք, որ այս Ստեփաննոս Շահումյանը եղել է Դավիթ-Բեկի սիրելի զորավարներից մեկը, որ նրա նախաձեռնութեամբ են սյունեցիները դիմել վրաց Վախտանգ թագավորի որդի Շահնավազին (Բակուրին), խնդրել մի զորավար ուղարկելու Սյունիք՝ կազմակերպելու և գլխավորելու համար Սյունյաց երկրի ազատագրական ապստամբությունը՝ ուղղված պարսիկ զավթիչների դեմ:

Դարի 20-ական թվականների սկզբին պարսկական, թուրքական զավթիչների և լեզգիների ասպատակությունների դեմ պայքարում Ղարաբաղի սղնախների ձեռք բերած հաղթանակները ոգեշնչել էին Սյունյաց երկրի ժողովրդին ու ազատագրական հովերով տարված նրա իշխողների, որոնք և օգտվելով մի կողմից Պարսկաստանում՝ աֆղանների ապստամբության հետևանքով ստեղծված անիշխանությունից, և մյուս կողմից ռուսական բանակների՝ դեպի հարավ առաջխաղացումից ու Վրաստանի հզորացումից, որոշել էին ապստամբել ու թոթափել պարսկական լուծը:

Ահա թե ինչպես են ներկայացնում պատմողները ապստամբության

նախօրյակին երկրում ստեղծված վիճակը. «յորժամ լուան բնակիչք Եօթնաբերդ գաւառին Խափանու զասպատակն (լեզգիների—լ. Բ.), և ել աւերումն Գեանջայու և Շամախու, Հայկք, և Պարսիկք առ հասարակ խոռվեցան, և զահի հարեալ, սասանեալ, տագնապէին, և իբր ամիսս երկու, կամ երեք երթ և եկս առ միմեանս առնել յիրերաց կասկածէին, զի զանձինս իրեանց առ հասարակ ի խնամոց լընդհանուր ընտանի խնամակալութենէ լըեալս տեսանէին: Վասն այսօրիկ քաղաք ի քաղաքէ, ազգ յազգէ, իշխան յիշխանէ, կասկածանս թշնամութեան կրել տագնապէին, և զսոյնպիսի աղետս շարեաց, և սոքա կրէին»<sup>3</sup>:

Ահա այդ օրերին է մեղրեցի Ստեփանոս Շահումյանի մեջ միտք հղացել Շահնավազին ներկայացնելու Ղափանի 50 տանուտերերի կնիքներն ու ստորագրությունները կրող մի խնդրագիր՝ հետևյալ բովանդակությամբ. «Տո՛ւր մեզ զայր մի լինիլ զօրապետ, որպէս զի բոյին հրամանաւ լիցի մեզ այս օրինաւոր, և մեր զգօրսն հոգամբ պատրաստել, և նոքօք զգաւառն մեր ի թշնամեաց աներկեան առնել»<sup>4</sup>:

Ըստ «Ընտիր պատմության», 1722 թ. վերջերին Վախտանգ թագավորի հրամանով Դավիթ-Բեկը սակավաթիվ հայ մարտիկներով ժամանել է Ղափան ու գլխավորել հայերի ապստամբությունը: Ապստամբությունը հաղթանակել է, հայերը ոչ միայն անկախություն են ձեռք բերել, այլև ստեղծել են իշխանապետություն Դավիթ-Բեկի գլխավորությամբ և այդ իշխանապետությունը ճանաչվել է պարսից շահի կողմից, դեռ ավելին, ընդհանուր թշնամու՝ թուրքերի դեմ կռիվը հարկադրել է շահին ընդունելու Դավիթ-Բեկի առաջարկությունը՝ զինական զաշնակցություն կնքելու մասին և նա լիազորել է Դավիթ-Բեկին գլխավորելու հայ-պարսկական զինված ուժերի պայքարը թուրքերի դեմ:

Պետք է ենթադրել, որ Սյունիքի ազատագրական ապստամբության կազմակերպիչը՝ Ստեփանոս Շահումյանը, հետագայում եղել է և «Ընտիր պատմության» ստեղծման նախաձեռնողը: Իսկ դա բնավ էլ պատահական չէ: Զերմ հայրենասերն ու նրա զինակիցները գրել տալով իրենց հուշերը, մեր կարծիքով, երկու նպատակ են հետապնդել, նախ՝ ստեղծել կենդանի հուշարձան նվիրված իրենց հայրենիքի՝ Սյունիքի և սյունեցիների ութամյա մղած հերոսամարտերի պատմությանը, անմահացնել ազատության համար զոհվածների հիշատակը, տարփողել բոցաշունչ հայրենասեր, տաղանդավոր զորավար ու կազմակերպիչ Դավիթ-Բեկին ու

<sup>1</sup> «Ընտիր պատմութիւն...», Վաղարշապատ, 1871:

<sup>2</sup> Տե՛ս Ղ. Ալիշան, Սիսական, Վենետիկ, 1893, էջ 301:

<sup>3</sup> «Ընտիր պատմութիւն», էջ 3:

<sup>4</sup> Նույն տեղում, էջ 4:

նրա զինակիցներին, և երկրորդ՝ սյունեցիների սխրանքներով հավասարեցնել ժամանակակիցներին և հետագա սերունդներին իրենց ուժերի նկատմամբ, ոգեշնչել նրանց գալիք գոտեմարտերի համար, հայրենասիրության ու ազատության գործին անհուն նվիրվածության վառ օրինակ ծառայեցնել:

«Ընտիր պատմությունը» վկայում է, որ Գավիթ-Բեկը Ղափան ժամանելու պես «առ նա ժողովէին ի Հայոց ամենայն արք զօրութեանց յամենայն կողմանց դաւառին որ լսէին զնմանէ... որք նեղեալք և տառապեալք էին ի դառն ծառայութենէ ալլազգեաց, արք որք զանձինս իրեանց եղեալք էին առ ի ազատ լինելոյ ի լծոյ ծառայութեանն ալլազգեաց»<sup>5</sup>:

«Իբրև լուր լինէր ամենայն բնակչացն հափանու, և Չավնդու, թէ Գավիթ Բէզն եկեալ հասեալ է ի թիկունս Հայոց, մեծաւ քաջութեամբ, առ նա հասանէին յամենայն կողմանց զօրաւորք»<sup>6</sup>, նույն ողևորութեամբ գրում է «Ընտիր պատմությունը»:

Ամբողջ երկում պաշտպանական ու հարձակողական ռազմական գործողությունները նկարագրելիս կարմիր թելի նման անց է կացված այն գաղափարը, որ հաղթանակների միակ երաշխիքը միասնությունն է, միաբանությունը, իսկ պարտություններինը, անհաջողություններինը՝ անմիաբանությունը: Այնտեղ կարգում ենք. «Զի որպէս միաբանութիւնն հոգի է և կյանք ամենայն հասարակութեան, նոյնպէս և հակառակն սորին, այսինքն անմիաբանութիւնն եղծիլ է, և սատակիլ ամենայն հասարակութեան»<sup>7</sup>:

Եթե հիացմունքով, ջերմ հայրենասիրութեամբ են գրված այն տողերը, որոնք վերաբերում են միաբանությանն ու դրա արդյունքներին, ապա դառնութեամբ է խոսվում անմիաբանության ու նրա հետևանքների մասին:

«Ողորմեցան արգարև աստուած ամենայն տանն Սիսակայ որդուցն Գեղամայ ի յայնպիսի դառն ժամանակի. (յորում տագնապէին ամենայն բնակիչք Հայաստանեայց յերեսաց հանապազօր սրոյ, սովու, գերութեան և լկանաց. յարուցանելով նոցա զԳավիթ Բէզն, և զայլ ամենայն որդիս զօրութեանց, որք զօրացան և ի բաց վանեցին զամենայն ապականիչս երկրին իրեանց. ո՛վ թէ ո՛րպէս քաջացան, ընդդեմ ելին մեծամեծ թագաւորաց, և ապրեցան, և անպարտելի մնացին նոքա... մինչդեռ միաբանի էին ի միասին: Բայց իբրև եհաս առ նոսա ապականիչ ուխտս այս

5 Նույն տեղում, էջ 6:

6 Նույն տեղում, էջ 8:

7 Նույն տեղում, էջ 73:

անմիաբանութեան, իսկույն եղծան, լուծան, բաժանեցան և եղեն իբրև զչնդեալս:

Զի մեռաւ Գավիթ, ի քաջութենէ, որոյ սառսէին ամենայն բռնակալք յուսացեալքն ի զօրութիւնս իրեանց, և յաջորդեաց Մխիթարն, վերջին մխիթարիչն Հայոց, որ իբրև կորիւն առիւծու գոշեաց ի լերանցն Սիսեանց, և ի նմանէ սասանեցան ամենայն զազանք ի մորիս իրեանց, և էջ և յափշտակեաց զյափշտակութիւն ի միջոյ զազանաց: Եհար՝ խորտակեաց զեղջիւրս հպարտաց, հատոյց զհատուցումն եօթնապատիկ ի զլուխս թշնամեաց, և յամօթ արար զմեծամեծս հեթանոսաց, և յաւար էառ զփարս նոցա առ ի մխիթարել զազգն Հայոց ողջոյն»<sup>8</sup>:

Աչ. Հովհաննիսյանը ճիշտ է նկատում, որ «Պատմության շարադրողը, հիմք ունենալով դեպքերի ականատես և մասնակից Ստեփանոս Շահումյանի խորը ապրումներով և հայրենասիրական ջերմ շնչով պատմածները, անխնա մերկացնում է շարժման հակառակորդներին, անարգանքի սյունին դամելով հատկապես ուրացողներին»<sup>9</sup>:

Մխիթար սպարապետի սպանության կապակցութեամբ կարդում ենք. «Այլ գտան անօրէնք ի մէջ ժողովրդեանն, որք ախտացեալ իսկ էին աչսու՝ ժանտ ախտիս անմիաբանութեան, վասնորոյ անօրէն խորհուրդովք ընդունայն, և սնտոի պատճառանօք իշխեցին սպանանել դառաջնորդն իրեանց, և... եղեն կամաւ ստրուկ օտարաց որպէս յառաջն, որք մինչև ցայժմ մնացին»<sup>10</sup>: Իբրև եզրակացություն էլ ասված է, որ եթե «սակաւ ինչ ևս ժամանակ ժուժկալեալք էին, մինչև անցանիցէր բռնութիւնն օսմանցոց, մանաւանդ զի Աստուած օգնական էր նոցա՝ յամենայն պատերազմունս, և զի ոչ պակասէին նոցա անառիկ և ամուր տեղիք»<sup>11</sup>:

«Ընտիր պատմության» մեջ առանձնապես ատելությունամբ է գրված երից-վանիկի Մելիք-Ֆրանգյուլի մասին, որի զավաճանության պատճառով, անհավասար մարտում զոհվեց Գավիթ-Բեկի հերոս հրամանատարներից մեկը՝ Չավնդուրի հրամանատար Թորոսը: Երբ վերջինս պատրաստվել էր հարձակվել Օրդուբադի վրա, Մելիք-Ֆրանգյուլը, որը զաղտնի իր ծառայությունն էր առաջարկել Օրդուբադի Բաթալի խանին՝ սուլթանին, նամակ է գրում Թորոսին, խորհուրդ է տալիս, նրան, առաջ զնալ Բարգուշատի վրա, որտեղ իբր ինքն իր զորքը կմիացնի Թորոսի զորքին

8 Նույն տեղում, էջ 74—75:

9 Աչ. Հովհաննիսյան, տե՛ս Հայ ժողովրդի պատմություն, հ. IV, Երևան 1972, էջ 164:

10 «Ընտիր պատմություն», էջ 75:

11 Նույն տեղում:

և միասին կկռվեն թշնամու դեմ: «Այլ դայս ամենայն անօրէն մտօք, նենգաւոր խորհրդով գրէր, զոր գրէրն զի ի ժողակս թշնամույն զնա անկանիցէր, առ ի հաւատարիմ ցուցանել զինքն Սուլթանին, զի մի ի բաց լինիցէր ի տէրութենէն (իբր թէ զհետ միտեալ իցէ նա Դաւթի, և զօրականաց նորա) և ոչինչ փոյթ եղև նման լինելն անհաւատարիմ, նենգաւոր, թշնամի Աստուծոյ իւրոյ, և ժողովրդեանն մատնիչ և սատակիչ, որպէս ի հետագայս ցուցցին առնս այսորիկ թշնամութիւն, և շարիքն»<sup>12</sup>:

Թորոսը հավատացել է դավաճանին, զնացել է դեպի Բարզուշատ, սահմանում նրան է միացել Յրանգյուլը երկու հազար կովոզներով, այնտեղ է ժամանել և Բաթալի սուլթանը, Թորոսի զորքից եռապատիկ ավելի ուժերով: Հայերը հարձակվել են թշնամու վրա և փախուստի մատնել նրան, Թորոսը հետապնդել է նրանց, այդ ժամանակ դավաճան Յրանգյուլը մարդ է ուղարկել Բաթալի սուլթանի մոտ՝ ասելով «զի՞նչ գործէք, զի՞՞րդ փախչիք, դարձարուք ի կրունկս, զի ահա ես ընդ ձեզ եմ, դուք ի յառաջոյ, և ես զկնի սոցա» խորտակեցուք զսոսա»<sup>13</sup>: Այդպես էլ արել են, հայերը մեծ կորուստներ են տվել, սպանվել է և քաջարի Թորոսը:

«Ահա զայսպիսի մեծ անօրէնութիւն գործեաց Յոանկիւն, և ոչ այսչափ միայն, այլ և առաւել հաճոյանալոյ վասն Սուլթանին, և ցուցանելոյ հաւատարիմ զինքն, ուրացաւ նաև զհաւատան»<sup>14</sup>, դառնացած ավարտում է «Ընտիր պատմութիւնը» Յրանգյուլի դավաճանութիւն նկարագրութիւնը:

Պակաս ատելութեամբ չի գրված նաև Ագուլիսի քաղաքապետ Մելիք Մուսու և մյուս իշխանների դավաճանութիւն մասին: Դավիթ-Բեկը զորքով զնացել է Ագուլիս, բանակել քաղաքից դուրս Ս. Թովմա վանքում: Տասն օրվա ընթացքում թուրքերը երեք անգամ հարձակվել են նրա վրա և երեք անգամ էլ «խորտակեցան ի քաջամարտիկ զօրացն Դաւթի»<sup>15</sup>: Թուրքերի այդ հարձակումների կապակցութեամբ կարդում ենք. «Եւ այս ամենայն յայն սակս պատահէր նոցա, զի իշխանքն Ագուլեցոց ծածկապէս դաշնադիրք էին օսմանցոց, և սոքա, ոչ գիտէին»<sup>16</sup>:

«Արդ՝ յետ այսորիկ իբրև երկու աւուրք ի վերայ անցին, արքն Ագուլիսու, և Մելիք Մուսին զթշնամութիւնս իւրեանց և զդաւաճանութիւնս յայտ արարին, զի ի մէջ քաղաքին գրոհ տուեալ ի վերայ զօրացն Դաւթի

դիմեցին մինչդեռ ի վանսն էին նոքա Սրբոյն Թովմայի արտաքոյ քաղաքին, և սկսան ի քաղաքէ անտի հրացանս արձակել ի վերայ զօրացն»<sup>17</sup>:

Դավթի զօրքը խնայել է նրանց՝ հաշվի առնելով, որ քաղաքում տասը հազար հայ ընտանիք է ապրում, Մելիք Փարսադանը, որի միջնորդութեամբ միայն Դավիթ-Բեկը փոխել է իր հրամանը Մելիք Մուսուն զլիսատելու մասին, դիմել է դավաճաններին իբրև խաղաղութեան միջնորդ, վերջիններս նրան սպանել են<sup>18</sup>:

Պատմութեան շարահարողը դառնացած գրում է, թե 1726 թ. թուրքական անհամար զորքը ներխուժել է Սյունյաց աշխարհը, պաշարել Հալի-ձոր բերդը, թշնամու ահից շատերը լքել են Դավիթ-Բեկին, հպատակութիւն հայտնել թուրքերին: Այնուհետև մեծ բավականութեամբ ընդգծում է. «Բայց Դաւիթ յայսմ ամենայնի... ոչ զանգիտեաց ի բազմութենէ բարբարոսացն, և ոչ դադարեցաւ ի քաջագործութեանցն, և ոչ յուսահատեցաւ յԱստուածային խնամոցն: Այլ արիաբար զբերդն ամբացուցանէր, զհամբար բերդին պատրաստէր, զզօրականսն առ ինքն ժողովէր, բազմացուցանէր...»<sup>19</sup>:

Դավիթ-Բեկը 350 հոգով հերոսաբար պաշտպանվել է, թշնամին բազմիցս գրոհել է բերդի վրա, սակայն հաջողութեան չի հասել: Երբ կարդում ես թշնամու գրոհի նկարագրութիւնը, մի պահ թվում է թէ կարդում ես Եղիշէի՝ Ավարայրի ճակատամարտի նկարագրութիւնը: «Անդ էր տեսանել զայն ահեղ տեսիլ կատաղեալ զօրացն աղմուկ աղաղակին. զի իբրև զմեքենայն կանգնեցին, հարիւրաւոր և հազարաւոր դրօշակակիրքն յառաջ խաղացին, ապա զօրքն ամենայն զկնի հեղանէին իբր յորձանս յորդախաղաց գետոյ ահագին գոշմամբ, և կամ իբրու ամեհի ալիս ծովու յուղեալք ի բռնութենէ հողմոց պարիւ և դարիւ գային, մի զմիով անցանէին, և ի մեքենայից անտի իվերայ պարսպացն դիմէին, և առհասարակ յերկոցունց կողմանց ձայն փողոյ, և ձայն թմբկաց, զոչիւն զօրաց շառաչիւն հրալից զնդակաց, ճայթմունք հրացանից զականջս խլացուցանէին»<sup>20</sup>:

Ապա պաշարվածների մասին շարահարողը հիացմունքով գրում է. «Եւ ի յութենորդ ժամու աւուրն, իբրև տեսին, թէ բառնի այնուհետև յոյս կեցութեան, Մխիթար սպարապետն և Տէր Աւետիսն խրախոյս բարձին ի զէն յարձակեցան. յայնժամ զօրքն ամենեքեան առ նոսա կուտեցան...

12 Նույն տեղում, էջ 23:  
13 Նույն տեղում, էջ 24:  
14 Նույն տեղում, էջ 24:  
15 Նույն տեղում, էջ 62—63:  
16 Նույն տեղում, էջ 63:

17 Նույն տեղում, էջ 64:  
18 Նույն տեղում, էջ 64—65:  
19 Նույն տեղում, էջ 44:  
20 Նույն տեղում, էջ 48:

վառեցան պատրաստեցան, զէն զգեցան և ի բարկութիւն բորբոքեցան ամենեքեան ի վերայ թշնամեացն:

Զի խոտիլ սկսա ընդ նոսա Մխիթարն, և Տէր Աւետիսն, և ասեն քաշացարուք, մի՛ երկնչիք. ելէք զհետ մեր, եթէ հասնալ իցէ վախճան մեր քաջութեամբ մեռցուք, զի լաւ լիցի մեզ արիութեամբ արտաքոյ պարսպաց մեռանիլ, քան աստէն առաջի աշաց մերոց, տեսանել զմահ՝ ընտանեաց և բարեկամաց մերոց, և զայլ զժնդակութիւնս...»<sup>21</sup>:

Այս խոսքերն էլ կարծեք հիշեցնել են տալիս Ավարայրի ճակատամարտից առաջ Վարդանի արտասանած ճառը:

Եղիշեի ազգեցությունը Մխիթարյան շարահարողի վրա ակնառու է: Միանգամայն իրավացի է «Ընտիր պատմության» հրատարակիչ Աբգար Գուլամիրյանցը, որ հիացմունքով է գրում, թե «Ընտիր պատմության» զգրիչը համարեա թէ՛ Ս. Թարգմանչաց Ոսկեղենիկ դարու ճաշակն է կրում, և համարեա մի նոր Ս. Եղիշէ է հանդիսանում Սինեաց նոր նահատակների համար»<sup>22</sup>:

Պակաս ջերմությամբ չի գրված նաև մեղրեցիների հերոսական դիմադրության ու հաղթանակի մասին: Պարսիկները պաշարել են Մեղրին, ներխուժել փոքր թաղը: Մեղրեցիները Ստեփանոս Շահումյանի միջոցով օգնություն են խնդրել Չավնդուրի զորապետ Բայանդուրից, մինչ օգնության հասնելը «քաջ և արի զօրքն Մեղրեցոց գործ քաջութեան ի նմին գիշերի դործեցին. զի անցեալք յայնկոյս գետոյն, յեղակարծումն ժամանակի ի մէջ բանակի թշնամեացն յարձակէին, և զբազումս ի նոցանէ՛ ի սուր սուսերի սատակէին...»<sup>23</sup>:

Այնուհետև նույն մեղրեցիների մասին գրված է, թե Օրդուբադցիները բողոքել են նրանցից մեծաքանակ զորքով քաղաք ժամանած Երևանի խանի եղբորը, նա հրամայել է իր մոտ կանչել Մեղրու իշխաններին՝ պարզելու համար վերջիններիս կողմից օրդուբադցիների վրա հարձակվելու պատճառը: «Իսկ իշխանքն Մեղրույ իբրև զայն լսէին, տաղնապէին, վարանէին ի միտս իւրեանց, ի միասին ժողովէին խորհուրդ խորհէին, և ասէին զի՛նչ արասցուք, զի եթէ երթայցեմք մեծ վտանգ է մեզ. և եթէ ոչ երթայցեմք, նոյնպէս մեծ վիշտ վտանգի է մեզ, և ամենայն ժողովրդդեանս: Վերջապէս հաւանեցան ոմանք ի նոցանէ, վասն օգտի հա-

սարակութեանն, զվտանգ մահուն յանձ առնուլ, երթալ ընդ սպասաւորսն խանին»<sup>24</sup>:

Նրանք ներկայացել են խանին, բացատրել, որ օրդուբադցիները պաշարել են Մեղրին՝ նպատակ ունենալով քնաջնջել իրենց և իրենք ստիպված պաշտպանվելու նպատակով հարձակվել են նրանց վրա:

Մեծ բավականությամբ է շարադրված նաև Մխիթար բեկի և Տեր-Ավետիսի կողմից Մեղրիում օսմանցիներին տված ջարդի ու վերցրած ավարի մասին: «Զբեռն հարկահանին բացին.— կարդում ենք այնտեղ,— և անդ երեսուն և երկու հազար թուղթս հարկաց գտին, և զայն ամենայն ի հուրն այրեցին»<sup>25</sup>:

Այնուհետև բերված է շահի հրովարտակը. «Շահ-Ռամազ արքայ Պարսից առ քաջդ Դաւիթ բէգ, և առ քաջ զօրաւարսդ Հայոց, որք ընդ քեզ են ողջուն, ի բազմաց բազում անգամ ազդ եղև մեզ՝ զքաջութեանց քոց. բայց արդ՝ իբր ականատես իսկ եղեալ մեր զձերոց մեծամեծ քաջութեանց, որ ընդ դէմ թշնամեաց մերոց: Ահա արդ կացուցի զքեզ այսօր իշխան, և զլուխ ամենայն իշխանաց մերոց, որք են ի կողմանսդ յայդոսիկ, և երկիրդ Խափանու՝ զոր կալար քաջութեամբ, քեզ լիցի: Բայց դու ելցես, և ժողովեսցես առ քեզ զամենայն զօրս, և զխանս ի կողմանսդ այդոցիկ, և ի բաց հանցես զօսմանցին ի սահմանաց քոց»<sup>26</sup>:

Ապա նշված է թե շահը Դաւիթ-Բեկին տվել է «ևս զիշխանութիւն կարող լինելոյ դրամ հաստանել... Եւ եկին հնազանդեցան նմա ամենայն իշխանքն և զաւառապետքն Թուրքաց» (իմա՛ պարսից— Ն. Բ.)<sup>27</sup>:

Ընդհանուր թշնամու դեմ համատեղ պայքարի անհրաժեշտությունն էր ստիպել պարսից արքային դիմելու այդ քայլին, ոչ միայն ճանաչելու Դաւիթ-Բեկի իշխանապետությունը, այլև նրան կուսակալ նշանակելու:

Այնուհետև գրված է, թե 1728 թ. Դաւիթ-Բեկի մահից հետո, նրա գործը շարունակել է Մխիթար սպարապետը: Օսմանցիների կողմից Հալիձորի բերդի ավերումից առաջ Մխիթարը կարողացել է փախչել բերդից «Երթալը վերստին զօրածողով լինէր, զզօրսն Օսմանցոց խորտակէր, և առնոյր զվրէժ ի նոցանէ, զբազում ամուրս. և զբաղաքս ի նոցանէ թափէր. ապա երթալը զՕրդուվար քաղաք պաշարել, և իբրև զրոմաբ ածէր զայն, ի նոցանէ զամենեսեան ի սուր սուսերի սատակէր. և զաւար բազում յոյժ առեալ ի նոցանէ զհարիւր վաթսուն բեռինս ուղտոց, և անտի

21 Նույն տեղում, էջ 49—50:

22 Նույն տեղում, Իբրև յառաջաբան, էջ Թ:

23 Նույն տեղում, էջ 31—32:

24 Նույն տեղում, էջ 35:

25 Նույն տեղում, էջ 56:

26 Նույն տեղում, էջ 58—59:

27 Նույն տեղում, էջ 59:

լուեալ երթալը ժամանակ ինչ ի մեծ բերդն խնծորէսք բնակէր»<sup>28</sup>։ Այնտեղ էլ 1730 թ. նա դավաճանութեամբ սպանվել է յուրայինների կողմից<sup>29</sup>։

Ժամանակի պահանջով էր թելադրված նաև, որ շարահարողը գրեր. «Եւ յաւարտ բանիս ասեմք, թէ շար է արդարև, և դժնդակ շար անմիաբանութիւնն ընկերաց ի մէջ հասարակութեան, և նախադասելն զբարին, և զօգուտն իւրոյ անձին՝ քան զբարին հասարակութեան, և յորում հասարակութեան և գտանիցի շարս այս, առժամայն եղծէ, ապականէ, և ընդունայնացուցանէ զհասարակութիւնն զայն, թէ՛ տուն իցէ, թէ՛ քաղաք, թէ՛ ազգ իցէ, և թէ՛ անպարտելի թագաւորութիւն մեծ, զի՞նչ մեծագոյն քան զկայսերութիւնն Մակեդոնացոց, և Հռոմայեցոց, և ընդէ՞ր կորեան և կործանեցան. վասն զի, պակասեցաւ ի նոցանէ միաբանութիւնն և սէրն հասարակութեան, որով և զօրացեալ իսկ էին...»<sup>30</sup>։

\* \* \*

Ճիշտ է նկատում Աշ. Հովհաննիսյանը, որ «Ընտիր պատմութեան» մեջ «նկատելի են նրա կազմողի ու խմբագրողի մտայնութիւնն ու կրօնաբարոյական հայացքների հետքերը։ Մխիթարյան վանականի շարադրած այդ գրքում ընդգծված է Դավիթ-Բեկի տիպականացած պատկերը, որ արտացոլված է իրենազան «տանուտիրոջ» մասին շարադրողի ունեցած պատկերացումը, «Ազնուական, բարեպաշտ, արդարակորով, ծանոթ զբոց, արիասիրտ, երկայնամիտ խորհրդով, զօրաւոր բանիւր և դործովը և վրէժխնդիր թշնամեաց Ազգին մերոյ, ինքն և ամենայն հետևողք իւր»<sup>31</sup>։

Միանգամայն ճիշտ է նշում նաև Մ. Դարբինյանը՝ «Մխիթարյան վանականը պատմական անցուղարձերը գնահատել է կրօնական հայեցակետից և դրսևորել պատմական երևույթների մեկնաբանման ճակատագրապաշտական մոտեցում։ Նա համոզված է, որ պատերազմի բախտը չի որոշվում ոչ կովոզների քանակով և ոչ էլ ռազմավարական հմտութեամբ, այլ աստված է միայն, որ հաղթանակ է պարգևում ում որ կամենում է»<sup>32</sup>։

Նշելով, որ դեպքերի ընթացքը նկարագրելիս, վանական խմբագիրը մեծ մասամբ աւաջնորդվել է քրիստոնեական դադափարախոսութեամբ,

Աշ. Հովհաննիսյանը նկատում է նաև. «Սրանով հանդերձ, քննաբար մերձենալով «Ընտիր պատմութեանը», կարելի է դանազանել իրականն ու ոչ իրականը»<sup>33</sup>։ Այդ գաղափարախոսութիւնը հիմնականում դրսևորված է իրադարձութիւնների հաջող և անհաջող ելքերի՝ վախճանների պատճառաբանութիւններում «ողորմութեամբն Աստուծոյ վանեալք զթշնամիս մեր»<sup>34</sup>, Դավիթը «ոչ յուսահատեցաւ յԱստուածային խնամոցն»<sup>35</sup>, նա «զԱստուածն ամենակարող յօգնութիւն ինքեան կոչէր»<sup>36</sup>, «Մեծի բարեգթութեանցն Աստուծոյ»-ի շնորհիվ Մխիթար բեկն ու Տէր Ավետիսը Հալիձորի պարիսպներից դուրս 300 հոգով հարձակվում են թշնամու 70000 հազարանոց բանակի վրա, շատերին կոսորում, մնացածներին փախուստի մատնում<sup>37</sup>, «Իսկ զօրքն հայոց, որք դարան մտեալք էին... զԱստուած յօգնութիւն ինքեանց կոչեցին, յանկարծակի զաղաղակ բարձին, ի վերայ յարձակեցան, հարին՝ կոտորեցին զբազումս ի նոցանէ, և զայսն ի փախուստ դարձուցին»<sup>38</sup>, «Իբրև ետես Դաւիթ, թէ Աստուած օգնական է ինքեան յամենայնի, խնդրէր այնուհետև տալ պատերազմ ընդ Օսմանցոց, և հանել զնոսա ի Խափանու»<sup>39</sup>, և այլն։

\* \* \*

Իր թերութիւններով հանդերձ փոքրածավալ այս «Պատմութիւնը» պարփակում է ընդարձակ ու կարևոր տեղեկութիւններ Սյունիքի աղատագրական պայքարի մասին և հանդիսանում է այդ պայքարի մի քանի ակտիվ գործիչների հուշերի մատչան կամ հիշատակարան։ Այն միակ սկզբնաղբյուրն է ութամյա հերոսամարտերի պատմութեան ուսումնասիրութեան համար։ Դարերին ու սերունդներին թողած այդ հուշարձանը բազմաշարժար հայ ժողովրդի աղատատենչ ոգու, ազատութեան ու անկախութեան համար նրա մղած ծանր մաքառումների պատմութեան մի հերոսական էջի կենդանի վկայութիւնն է։

33 Տե՛ս նույն տեղում, էջ 164։

34 «Ընտիր պատմութիւն», էջ 32։

35 Նույն տեղում, էջ 44։

36 Նույն տեղում։

37 Նույն տեղում, էջ 50։

38 Նույն տեղում, էջ 10, 75։

39 Նույն տեղում, էջ 52։

28 Նույն տեղում, էջ 71։

29 Նույն տեղում, էջ 71—72։

30 Նույն տեղում, էջ 73։

31 Տե՛ս Հայ ժողովրդի պատմութիւն, հ. IV, էջ 164; «Ընտիր պատմութիւն» էջ 6։

32 Տե՛ս Հայ ժողովրդի պատմութիւն, հ. IV, էջ 507։

## ԵՍԱՅԻ ՀԱՍԱՆ ԶԱՒԱԼՅԱՆՑ

XIII դարի հայ ականվոր ռազմաքաղաքական և դիվանագիտական գործիչ, իշխանաց իշխան, «ինքնակալ թագավոր Արցախական աշխարհի» Հասան Զալալ Դովլա Վախտանգյանի արժանավոր ժառանգ՝ Հայոց Արևելյան կողմանքի՝ Հայոց Աղվանքի կաթողիկոս Եսայի Հասան Զալալյանցը Անդրկովկասի XVIII դարի առաջին քառորդի ազատագրական շարժման ամենանշանավոր ղեմքերից մեկն է եղել։ Սերված լինելով այդ ազատատենչ ու հայրենասեր իշխանական տոհմից և հավատարիմ մնալով նրա լավագույն ավանդույթներին, Եսային՝ իր ժողովրդի համար ստեղծված օրհասական օրերին, Վարդանանց հոգևոր նահատակների նման, կաթողիկոսական գավազանը փոխարինել է թրով ու վրաց Վախտանգ թագավորի հետ սերտ զինակցած, ջանք չի խնայել իրականացնելու Իսրայել Թրու վեհ նպատակը։

Ժամանակի այդ եռանդուն հոգևոր ու քաղաքական գործիչը, մեծ հայրենասերը, հինգերորդ դարի հայ պատմագիրների փայլուն համաստեղությունն էր, գրիչն էլ է ի սպաս դրել հայրենիքի ազատագրմանը, գրչով էլ է պատերազմ հայտարարել օտար բռնակալներին։ Նա էլ խոր գիտակցել է պատմության դերն ու նշանակությունը ժամանակակիցներին և գալիք սերունդներին հայրենասիրության, ազգային ինքնագիտակցության ու ազգային արժանապատվության ոգով դաստիարակելու բնագավառում։ Եսայու համար պատմությունը գրողները կորովամիտ, իմաստուն և քաջ մարդիկ են եղել. «Ոմանք առաջին մանաանդ թէ յովովք նախկին. կորովամիտ՝ իմաստուն և քաջ՝ նա և սուրբ արանց յառաջ բերեալ իւրաքանչիւր դարուց՝ և ժամանակաց ղեղեալ եղեալ իրաց պատմութիւնս հոգևորաց և մարմնատրաց շարադրեալ թողին ինքեանց առ յապայս եկելոց յիշատակ և զգուշութիւն»<sup>1</sup>, գրել է նա իր «Պատմութեան» առաջաբանի հենց սկզբում։ Այդտեղ թվարկում է նա հայ և օտար պատ-

մագիրներին, որոնց գրածները կարգացել է իր «Պատմութունը» շարադրելու համար և բացատրում է, թե ինչու է տվել նրանց անունները։ «Զի դիտաւորութիւն բանիս,— գրում է Եսային,— առ պատմութիւնս ներկայիցս է՝ յորում եմքս, որոյ նիւթ բանից և շարադրութիւն բառից ի նոցին ունեալ գոլով գրոց» և զգուշացնում է. «մի լիցուք ապերախտ նոցին երախտեաց արտաբոյ թողլով զանուանս արանցն երախտաւորաց»<sup>2</sup>։

Այնուհետև նշում է, թե ինչի մասին են գրել այդ պատմագիրները։ Ըստ Եսայու, նրանցից «սկսան որ առաւել հմտագոյնքն էին ի ստեղծողէն զարարածս, և ի նախկին մարդոյն ազամայ և ոճով իմն անցանելով ընդ դարս և ընդ ժամանակս, և աւարտեալ մինչև ի յինքեանց իսկ կեանս։ Իսկ ոմանք ի նշանաւոր դարուց՝ և ի քաջագոր թագաւորաց և սբանչելի արանց սկիզբն եղեալ են վրանս իւրեանց, և այսպէս իրաց ինչ եղելոց մեծամեծաց և փոքունց՝ և այլ ևս ի բռնակալաց արանց և ի գոռոզաց տիրողաց, և ընդ հաւատոյս քրիստոսի՝ և եկեղեցւոյ նորին մրցողաց, և հերձուածողաց ամբարշտաց, և նեղութեանց ժամանակաց։ Նա և խաղաղարար և բարեպաշտ թագաւորաց՝ և իշխանաց, աշխարհի շինութեանց, և եկեղեցւոյ բարեկարգութեանց, և թշնամեաց յաղթութեանց. ևս շարայրեալ են ընդ պատմութիւնս զանազանս և հիացուցանողս արժանիս լսելեաց. և հասուցեալ են մինչ առ իւրաքանչիւր ժամանակս. առ ի խրատ և յօգուտ և ի զգաստութիւն յետագայիցս։ Որպէս զի զբարեաց արանց նախանձաւորքն ընդ բարիսն գովեսցին, և շարքն և արհամարհեալքն ընդ նախկին շարեացն արհամարհեալք արտաբնեցին»<sup>3</sup>։

Պատմական երկերի պարունակած նյութերի այդ թվարկումը Եսային արել է, որպեսզի ընդգծած լինի բարու և չարի գաղափարը, որպեսզի «յետագայիցս» օգուտ քաղեն բարի, լավ գործերից և խրատվեն շար գործերից, զգուշանան նրանցից, խուսափեն վատ գործ կատարելուց, զգաստ լինեն։

Նա գրում է, եթե նախորդ պատմագիրները, որոնք գրել են «ի ժամանակս տէրութեան քրիստոնէից թագաւորաց և իշխանաց բարեպաշտից գոլով և կամ թէ ընդ իշխանութեամբ այլազգեաց բռնաւորաց անկեալ՝ որ թէսլէտ թշնամիք օրինաց են, այլ կամին շինութիւն և խաղաղութիւն աշխարհի և յովովութիւն ռամկաց վասն օգտի իւրեանց, այնքան աղէտ, և կսկիծ, և ստառպանք, և աղաղակ, և ամբաստանութիւն տրամեւեո՛հ հանդեմ՝՝ գրեալ են ի պատմութիւնս իւրեանց... Ապա ո՞րչափ և քա-

<sup>1</sup> Եսայի Հասան Զալալյանց, Պատմութիւն կամ Յիշատակ ինչ ինչ անցից զիպելոց յաշխարհին Ազուսեից, Շուշի, 1839, Յոռաքաբանութիւն, էջ 1: Այսուհետև՝ Եսայի:

<sup>2</sup> Նույն տեղում:

<sup>3</sup> Նույն տեղում, էջ 4—5:



նի՞չս և Բս՞նի պատիկ պարտիմք մեք ողբալ և ճառաշել և աւաղել ողորմելի կեանս մեք... և վաշ կարդալ զկորստեամբք մերովք, որ ոչ միայն ի թագաւորաց մերոց և իշխանաց զրկեցաք, այլ և այլազգի գոռոզաց և բռնակալաց, զոր ակամայ կամօք հաճեալ և հնազանդեալ էաք ընդ տէրութեամբ նոցին բազում ժամանակս: Որք թէպէտ հակառակ էին եկեղեցոյ և օրինաց սրբոց, այլ ոչ իսպառ դիմամարտէին: Եւ թէպէտ կեղեքէին, և կողոպտէին զկեանս մեր, այլ ապահով և խաղաղ ևս պահէին զմեզ յարտաքին և յօտար թշնամեաց և աւարչաց»<sup>4</sup>: Այնուհետև վշտացած շարունակում է. «Զնոսին ևս եբարձ տէր աստուած մեր յերեսաց իւրոց և ի մէնջ... զի ընտանի հաւատակից հովուաց վաղորեմն էաք զըրկեալք այժմ՝ օտարահաւատ և այլակրօն տերանց ևս մեկուսացաք. և եղաք իբրև նաւաբեկ ոք որ ի մէջ կոհակացեալ ալեաց ծովուն տարաբերի ոտիւք և ձէոք, և ո՛չ ուստեքէ լինի փրկութիւն: Քանզի և ես ապաւէտ գիտեմ՝ թէ ի հնումն և թէ ի նորումս սուրբ հարքն որբան ողբք և սուգ զոր ասացեալ և գրեալ են զայն նախագիտութեամբ՝ վասն այսմ ժամանակիս է, և վասն մեր և ո՛չ իրեանց: Վասն որոյ ո՛չ կարեմ տալ լոռութեան»<sup>5</sup>... Այնուհետև ասում է, թէ շնայած պատմութիւն գրելը իր կարողութիւններից բարձր ու բարդ գործ է, բայց երբ «հայիմ ի քաջսն և ի գիտունսն քան զիս, զի լռեալ յայսմ ամենայնէ անփոյթ առնեն, և հարկանելոյ սոտիս ո՛չ տոկալ այսմ անտանելի աղէտիս՝ այլ յուսացեալ»<sup>6</sup>. և դիմելով ապագայի ընթերցասերներին իր առաջարանն ավարտում է այսպես. «Իբրև ի մէջ գիշերի թանձրամած խաւարեալ վերջացեալ ժամանակիս հաղիւ թէ այսքանս ընձեռել կարացաք ապագայից ընթերցասէր եղարացդ»<sup>7</sup>:

Շայ և օտար պատմագիրների անունների սոսկ թվարկումն արդեն իսկ վկայում են Եսայի Հասան Զալալյանցի՝ պատմութիւն գրելու համար ունեցած պատրաստականութեան մասին: Եվ մեզ հասած, ճիշտ է, ծավալով փոքր, սակայն պարունակած նյութով շափաղանց հարուստ և խիստ արժեքավոր երկը դրա փայլուն ապացույցն է:

Իր երկի առաջաբանում Եսային խոսում է պատմութեան դերի ու նշանակութեան: այն գրելու զրդապատճառների ու անհրաժեշտութեան մասին, ապա շատ համոզուտ տալիս է Պարսկաստանի պատմութեան ընդհանուր ակնարկը և պարսից շահերի ժամանակագրութիւնը: Ակնարկում

<sup>4</sup> Նույն տեղում, էջ 6:

<sup>5</sup> Նույն տեղում, էջ 7—8: (Ընդգծումները մերն են—Լ. Բ.):

<sup>6</sup> Նույն տեղում, էջ 8:

<sup>7</sup> Նույն տեղում, էջ 9:

Եսային ամենայն բարեխղճութեամբ նշում է, թե որ պատմագրից ինքն ինչ է ծաղկաքաղ արել:

Իր ժամանակը շրջանի պատմութիւնը Եսային սկսում է 1699 թ. դեպքերով և ավարտում երկը Կախեթի, աղզութեամբ վրացի, Մուհամադական խանի կողմից 1723 թ. մայիսին Տիֆլիսի գրավումով:

\* \* \*

Պատմագիրը որոշակի տեղ է հատկացրել Սեֆյան հարստութեան անկմանը և բացահայտել անկման պատճառները: «Զի յայտնի իսկ է,— գրում է նա,— ամենեցուն այս, թէ տուն և կամ այլ շինուած ինչ մեծ թէ փոքր յորժամ հնացեալ փլանալոց իցէ, նախ որմունք և հիմունք խախտեալ բաժանի, և ապա ծեղուն տանեացն իջանէ. և զկնի այնորիկ ամենայն տանիքն ի վալը իջեալ կործանի. այսպէս եղև և թագաւորութիւն պարսից»<sup>8</sup>:

Հիմնական պատճառը նա համարում է Հուսեին-շահի վարած ներքին, հատկապես հարկային ծանր քաղաքականութիւնը և հարկահանման դաժան, վայրագ ու կործանարար ձևերը, և իբրև հետևանք՝ աֆղանների և լեզգիների ապստամբութիւնը շահի դեմ ու նրանց ասպատակութիւնները: Մանրամասներով տալիս է հատկապես լեզգիների ավերածութիւնները, գերեվարումը, մարդկանց կոտորումը Անդրկովկասում: Եսային նրանց «ծպիրհ» ազգ է համարում և ատելութեամբ է գրում նրանց ասպատակութիւնների ու պատճառած սարսափների մասին և, ընդհակառակը, գոհունակութեամբ գրում՝ նրանց պարտութիւնների, տեղական բնակչութեան (Գանձակի, Կախեթի, Զրաբերդի) ցույց տված դիմադրութեան, մղած պաշտպանական մարտերի մասին:

Խորաթափանց Եսային քաջ գիտակցել է Հուսեին-շահի վարած վերը նշված քաղաքականութեան ավերիչ հետևանքները՝ և պատահական չէ, որ իր «Պատմութեան» այն գլուխը, ուր շարադրել է այդ քաղաքականութեան մասին, խորագրել է. «Յաղագս վրդովման և խանգարման թագաւորութեանն պարսից»: Նա գրում է, որ այդ շահն 1699 թ. հրամայել է ընդհանուր աշխարհագիր անցկացնել իր տիրապետութեան տակ գտնուվող բոլոր երկրներում, հաշվառման վերցնել 15 տարեկանից վեր բոլոր հասակները: Այնուհետև բավական մանրամասն պատմագիրը տալիս է այդ հրամանի իրականացման միջոցառումները:

Հարկահանները իրենց գինվորներով շրջել են գյուղից գյուղ հաշվառ-

<sup>8</sup> Նույն տեղում, «Պատմութիւն», էջ 28:

ման ենթարկել մարդկանց, անասունները, շարժական և անշարժ գույքը, կեղևեղենները, անապատները, վանքերը, բոլոր հողերակալներին, արհեստավորներին, վաճառականներին: Գյուղերում տանուտերերին, քահանաներին, գլխիներին առանձին-առանձին փակել են տան մեջ, հարցրել գյուղի բակլուծյան թվի մասին անուններով, եթե նրանց հայտնած տվյալների մեջ հակասություն են գտել, ապա սուտ ասողին տուգանել են, կախել, փայտով ծեծել, կաշառք պահանջել, տասանորդ և զինվորներին հասանելիք սահմանված վարձից շատ ավելի վերցրել, ապա տվյալները կրկնապատկել են ու ներկայացրել արքունիք. «Իսկ անդ եղին հարկս ի վերայ գրելոց գլխոցն, երեքպատիկ յաւելմամբ ի վերայ առաջնոյ սահմանին»<sup>9</sup>: Հողերակալներին, որոնք ապահարկ էին, տասնապատիկ ավելի հարկադրեցին քան աշխարհականներին:

Աշխարհագրի անցկացումը շորս տարի է տևել (1699—1702 թթ.). Եսային դառնությունը գրում է, որ 1702 թ. հրաման է տրվել այդ շորս տարիների գլխահարկը միանգամից գանձելու մասին: Ատրպատականի Միրզաթահիր վեզիրը հազար հարյուր մարդկանցով եկել է Գանձակ և Ղարաբաղ գլխահարկը գանձելու համար ու վերցրել գրածից շատ ավելին:

«Քանզի յոյժ ծանր էր լուծն, և ո՛չ կարէին տանել, վասն որոյ շարշարէին, կեղևքէին, և ջարդելով առնուին ըստ շափու իրեանց ի յոլովիցն յոլով՝ և ի փոքունցն փոքր. զի գեղն Ճ Մ. Ճ կամ Մ. թուման. և յոյժ փոքրն Յ Ն. կամ Ի Ի. թումանէ չէր պակաս... Յետ այսորիկ միւս ևս կերպիւ հարկս եղին՝ և անուանեցին զայն ապիբուրան. դարձեալ միւս ևս եղին, և զայն ասացին Շահգատի ախրաջաթ, միւս ևս յաւելին, և անուանեցին շեշտինար և զայս երեքպատկեցին...»<sup>10</sup>:

Ժողովրդի ցավերով ապրող Եսայի պատմագիրը դառնացած բացականչում է. «Զայս ամենայն զոր գրեցաք նորահնար շարիք էր. զոր եղին ի վերայ առաջնոյ սահմանեալ հարկացն, որ և յառաջինն ևս ծանրագոյն էր բեռն ի վերայ ժողովրդեանն, այժմս փոխանակ թեթևացուցանելոյ, զայսքան ևս յաւելին ի վերայ»<sup>11</sup>:

Եսային այնուհետև բացահայտում է պետական ապարատում արատավոր բարքերի արմատավորման ընթացքը և դրա քայքայիչ հետևանքները երկրի ու ժողովրդի համար: Ասում է. ըստ ընդունված կարգի, արքունիքը քաղաքներում և կրկններում զորքերի գլխավորներ էր նշանա-

<sup>9</sup> Նույն տեղում, էջ 19:

<sup>10</sup> Նույն տեղում, էջ 19—20:

<sup>11</sup> Նույն տեղում, էջ 21:

կում՝ խան, սուլթան, դուլբեկի, վեզիր, դարուղա, թուրտար և սրանց միայն մեծ հանցանքների համար էին իշխանությունից զրկում. «Իսկ այժմս և այսու թագաւորաւս ո՛չ այսպէս՝ այլ թագաւորն և նախարարը իւր կաշառակուր լեալ փոյթ ընդ փոյթ փոփոխեալ հանէին՝ և ի միում ամի, Բ և Գ տեարս և իշխանս, ի միում քաղաքի և գաւառի ղկնի միմեանց առաքէին. և նոքա եկեալ որպէս և ինքեանք կաշառք ստացեալ էին զիշխանութիւնս իրեանց, նոյնպէս և նոքա այնպէս ամենայն զղատ և զիրաւունս ժողովրդեան ի բաց եղեալ կեղեքէին, կողոպտէին զհնազանդեալս իրեանց... սոյնպէս առնէին և օրինապահք զպիրք նոցա, այսինքն դատաւորք... որոց զազիս ասեն: Դարձեալ յաւելին միւս ևս շարիս զի որք միանգամ տեարք էին գեղից, և ազարակաց, նա և վարձաւորք՝ (այսինքն դոնլուղ հատեալ զօրապետք և զօրք) որքան դրամոյ շափ որ ոք և ունէր զնորին տասանորդն ևս հատին, և թագաւորական արարին, իսկ նոքա ո՛չ յիւրոց դրամոցն տային, այլ զայն ևս յաւելին և եղին ի վերայ իւրարանշիւր հնազանդելոցն՝ և այնպէս առնէին. նմանապէս և այլ բազմայոյլ շարիս յորդեցին. ուստերս և դատերս ուժգին քարշելով. զարս և զկանայս բռնի ուրացուցանելով, և զյետամնացելոց զինչսն և զստացուածսն՝ և գանձս յափշտակելով՝ և ուրացողացն տալով. որպէս և որքան ղօվլաթաւորք և մեծատունս աշօք մերովք տեսաք ի Զուղայ և յԵրևան որ ի վերջին աղքատութիւն և թշուառութիւն հասեալ էին. և հարցեալ դպատճառն տեղեկացաք. որ վասն ուրացողացն, և յափշտակութեան ընշից իրեանց էին եղեալք այնպէս»<sup>12</sup>:

Այդ նույն բանը տեսել և գրի է առել Առաքել Գալրիժեցին իր Պատմության մեջ և Եսային հաստատում է նրա այդ վկայությունը:

Ի վերջո պատմագիրը դառնացած ասում է, «Այնպէս զամենայն բարեկարգութիւնս բարձին յերկրէ... և օրէնս եղին իրեանց... վասն այնորիկ եհաս և ի վերայ նոցա իրաւունք արդարադատին աստուծոյ. այլ և ի վերայ ազգիս հայոց. ևս ...սակս նոցին անողորմ և անաստուած գոլոյն կեղեքելոյն և կողոպտելոյն զկեանս տառապելոցն... իսկ յաղագս անօրէնութեան՝ օրինազանցութեան, սոպուութեան՝ անմտութեան և անմիաբանութեան սոցա... եղև պատճառ կործանման ինքեանց»<sup>13</sup>: Ահա մեր պատմագրի իրականությունից բխող և իրականությանը համապատասխանող միանգամայն ճիշտ եզրահանգումը:

Հնդհանրապետ Եսային ատելություններ է խոսում պարսիկների մասին, նրանց պատերազմներում կրած պարտությունների պատճառը հա-

<sup>12</sup> Նույն տեղում, էջ 22—23:

<sup>13</sup> Նույն տեղում, էջ 23—24:

մարում է այն, որ նրանք «թուլամորթ և կանացի» ազգ են, որ «ըստ սովորութեան իրեանց՝ զոր ի գիշերի մինչև ցառաւօտ խնճոյիք արբենան. և յառաւօտուն ընդ խոր քնովք անկանին որպէս զշունս»<sup>14</sup>։

Եսայի պատմագիրը լեզգիների ապստամբության և ասպատակութունների հիմքում դավանանքի հարցն է դնում, ասում է, թե նրանք սուննի էին կատաղի թշնամի էին պարսիկներին և զղլբաշներին, որոնք շիյա դավանանքին էին պատկանում։ Լեզգիների կողմից Շամախու գրավման կապակցությամբ գրում է, թե քաղաքի բնակչության մի զգալի մասը նույնպես սյունի էր և երբ քաղաքը պաշարվել է լեռնականների կողմից, քաղաքի սյունի բնակիչները գիշերը իրենց թաղամասերի դռները բացել են ու թշնամուն ներս թողել և նրա հետ միասին հարձակվել են պարսիկների վրա ու շատերին կոտորել, մնացածներին փախուստի մատնել ու քաղաքն էլ ավարի ենթարկել։ Գրում է նաև, որ քաղաքի և շրջագա գյուղերի հայերից քիչ կոտորեցին բայց նրանց ինչքը նույնպես կոտորատեցին։ Եսային հիացմունքով է խոսում «ամենափարթամ մայրաքաղաք» Շամախու մասին։ Նշում է, որ շահ Աբբասի նվաճումից հետո «շիւղ մի ոչ էր ստերիրեալ յայսմանէ, և զի էր պանտար (նավահանգիստ—Վ. Բ.) կասպիական ծովուն և յամենայն կողմանց վաճառականացն տեղիք բնակութեան, և վաճառի, և շահաւէտութեան ի հնդկաց, ի հոռոմոց, ի ջուղայու, ի ըռուաց, և յամենայն երկրէ, և յայպէս լի էր ամենայն ստացուածովք և գանձիք» և ցավով գրում է, թէ «վասն որոյ ազահ և անագորոյն ազգն այն (լեզգիների—Վ. Բ.), ...կողոպտեալ առ հասարակ մերկացուցին (քաղաքը—Վ. Բ.), որպէս այր մի անկեալ ի ձեռս անաստուած աւազակաց...»։ Եսային գայրույթով ավելացնում է. «Եւ այնքան տգետք էին պիղծքն այնոքիկ, զի ոսկի մի տային հացի միոյ և սեխի միոյ»<sup>15</sup>։

Եսային նույնպիսի հիացմունքով է խոսում «ամենափարթամ և վայելուչ քաղաքն Տփլիս»-ի մասին և ցավով նկարագրում նրա գրավումը՝ լեզգիների օգնությամբ, Կախեթի Մուհամադկուլի խանի կողմից։ «Բազմաշխատ վաճառականք են արք տեղոյն (Տփլիսի—Վ. Բ.) և փափկասունք և գեղեցկատիպ կանայք, ուստերք և դստերք նոցա, և ըստ կենցաղոյս քաղաքաւարութեան աննմանք ի բազմաց. ապարանիք գեղապաճուճօք զարդարեալ, կահիք և կարասեօք ուռճացեալք... զամենայն սպասս և անօթս տանց և սեղանոց նոցա... արծաթեղէնս և ոսկեղէնս էին կազմեալ, իսկ զհանդերձից և զգեստուց զարդուց ականակուր զիպակաց

մարգարտաշարաց պայծառութիւն դիտեա որչափ որ միտք քո բաւեն։ Այլ վասն եկեղեցեացն շքեղութեան և պայծառութեան զի՞նչ ասացից, զի յոյժ շքեղացուեալ էին ոսկեղինօք և արծաթեղինօք և զիպակօք և ամենայն կահիք և կարասեօք և անօթեղէն սպասիք»։ Եվ նորից ցավով գրում է, թէ «Զայս ամենայն գրեալքս ի ձեռն առին վայրենի և անագորոյն և ազահութեամբ մասամբ անյագ դազանաբարոյ և տղրկանման ազգն այնոքիկ (լեզգի—Վ. Բ.)»<sup>16</sup>։

Եսային ընդգծում է, որ Երևանի, Գանձակի, Շամքորի, Շամախու և մյուս նահանգների խաները լեռնականներին դիմակայելու համար անընդհատ զիմել են շահի օգնությանը, բայց վերջինս զբաղված լինելով արևելքում աֆղանների դեմ պատերազմով, ի վիճակի չի եղել ամենափոքր շահով զորք ուղարկել նրանց, միայն բավարարվել է հրամաններ արձակելով ու պարտավորեցնելով բոլոր միջոցները ձեռնարկելու թշնամիներին դուրս քշելու իրենց տիրապետության սահմաններից, կամ էլ նահանգների խաներին փոփոխելով։

Պատմագիրը ցավով նշում է, որ ոչ միայն լեռնականներն էին օգտւելում Պարսկաստանում ստեղծված անիշխանությունից, այլև պարսիկ ու տեղական իշխողները։ Անդրկովկասում ծայր աստիճան սրվել էին միջֆեոդալական հակամարտությունները, կենտրոնախույս ուժերը ակտիվացրել էին իրենց գործողությունները, հաճախ չզլանալով անգամ զիմելու ու հրավիրելու լեռնականներին իրենց օգնության, որոնք և մեծ խանդավառությամբ էին կատարում նման խնդրանքները և նորանոր ասպատակություններ ու ավերածություններ կատարում Անդրկովկասի զանազան կողմերում։ Այդպիսի դավաճանական ու նենգ գործարքների զոհն էին դարձել հենց Շամախին ու Տփլիսը։ Առաջինը՝ ծագումով հայ եղբայրներ Իբրահիմ և Ղասում Մելիքների պատճառով, որոնք Շամախու Հուսեին խանից իրենց եղբոր վրեժը լուծելու համար էին հրավիրել լեզգիներին, իսկ երկրորդը՝ Կախեթի Կոստանդ թագավորի, որ դավանափոխ լինելուց հետո անվանվել էր Մուհամադկուլի խան, պատճառով, որ շահի հրամանով պատերազմել էր Քարթլիի վախտանգ թագավորի դեմ, վերջինիս՝ Պետրոս մեծի հետ դաշնակցելու համար, շարաշար պարտություն էր կրել և նրանից վրեժը լուծելու համար հրավիրել էր լեզգիներին։

Եսային գրում է, թե վերը նշված եղբայրների հայրը շատ հարուստ է եղել, գնացել է Սպահան, շահից ստացել է Շամախու մերձակա հայ-

<sup>14</sup> Նույն տեղում, էջ 42—43։

<sup>15</sup> Նույն տեղում, էջ 41։

կական մի քանի գյուղերի մեկիբույությունը, կաշառքով, կուրացրել է Շամախու խանին, հետո նրան բանտարկել են, ունեցվածքը բռնագրավել հարբունիս. «Ասէին դիւ ոսկոյն և արծաթոյն լինիլ իբրև ՀՅ թուման, դատ ի յայ կահից և կարասեաց, և շորքտանեաց և մլքերաց, որոց ոչ գոյր թիւ. քանզի ասէին լինիլ սմա ջրաղաց ԵՃ. տինկ որ դպրինծն զտէն ԵՃ, բում և մաջինակ որ զապրիշումն քաշեն ԵՃ. զետք և առուք զոր արիս ասեն ի վերայ արարից և արմտեաց երկրագործութեանց յոլովք, և այլն մտօք նկատեսցես փարթամութեան առնս»<sup>17</sup>:

Մուհամադկուլի խանի դեմ Վախտանգի մղած այդ պատերազմի կապակցութեամբ մեր պատմագիրը հպարտութեամբ գրում է, թե վերջինս «ժողովեաց զզօրս իւր մանաւանդ զբաղաբացիսն, զհայազուն քաջամարտիկ զօրականսն, որք զհոգիս և զորդիս, դինչս և զանձինս եղեալ էին ի վերայ նորա յօժար սրտի»<sup>18</sup>:

Իբրև ականատես զայլույթով նկարագրելով լեզգիների՝ Գանձակի և Ղարաբաղի տարածքներում մի քանի անգամ, ավարառութեան նպատակով կատարած ասպատակությունները, պատճառած սարսափներն ու արհաւիրքները, բնակչության կոտորումն ու գերեվարումը, կողոպուտն ու ավերը, Եսային տվել է և նրանց բնութագիրը, «Մարդախանձ գաղանքն այնոքիկ՝ իբրու թե ընդելք որսորդք, քաջք, և կիրթք ի շարիս իւրեանց, և ահարկաղէմք, որ զանուն և զձայն նոցա միայն լսելով սարսէին և դողային մերձակայք նոցին»<sup>19</sup>:

Խաչենի կապակցութեամբ գրում է. «զգերին և զանասունսն ընդ միմեանս խառնեալ էին իբրև զհեղեղ յորդ. և որպէս զբանակ մեծ ի գնալն իւրեանց, զոր և մեք աչօք իսկ նկատէաք, քանզի փախստեայ հասեալ էաք ի կատար լերինն որ ի վերոյ է սրբոյ Աթոռոյն Գանձասարայ, և ոտք նոցա ոչ հասին առ մեզ: Եւ մեք անտի հայեցեալ տեսանէաք զեղելոցն իրագործութիւն... Աստանօր տեսանելի է զաղէտ լետամնացելոց, զսուգ կոտորելոցն, և զաշխար գերելոցն, զկսկիծ մարցն. և զաղէտ գերեալ զաւակացն, զողբումն որք մնացելոցն, և զաւարառութիւն ընչիցն, զձայն լաւականացն խառնեալ ընդ վայումն միջակտուր արանցն. արդարև զբնութիւնս լերանց՝ և կարծր վիմաց փոփոխեալ ընդ ինքեանս սգակից ինքեանց առնէին»<sup>20</sup>:

Պատմագիրն ասում է, թե Գանձակի մեծամեծները նախքան լեզգի-

ների կողմից քաղաքի պաշարումը, գնացել էին Վախտանգ թագավորից օգնություն խնդրելու և նա 40000 զորքով գնացել է Գանձակ, մինչ այդ թշնամին մի քանի օր պաշարել է քաղաքը, բայց գրավել չի կարողացել քաղաքացիների դիմադրության պատճառով, և երբ իմացվել է վրաց բանակի մոտենալու մասին՝ լեզգիները ետ են քաշվել, և Վախտանգը հետապնդել է նրանց մինչև Կուրի այն կողմը, վերադարձել ու բանակ դրել Գանձակի հարավակողմում, մեկ ամիս մնացել այնտեղ: Եսայու վկայութեամբ՝ վրացական բանակը Գանձակի Ջավադ խանի խնդրանքով հարձակվել է խանութեան տարածքում բնակվող՝ սուննի դավանանքին պատկանող ցեղերի վրա, որ իբր նրանք են իրենց դավանակից լեզգիներին հրահրել գալու իրենց երկիրը:

Եսային վշտացած ընդգծում է, որ Վախտանգի հեռանալուց հետո, երկիրը անտերունչ է մնացել, մարդիկ ինչ ուզեցել են, այն էլ արել են և ինքը «տեսեալ զայս և նկատեալ զի աւարտ իրին ո՛չ գոյ նշան խաղաղութեան, որ և էի ի մէջ բանակին Վախտանկայ՝ ընդ նոսին և ես ուղղեցայ զնալ լերկիրն վրաց, որ և զնացաք իսկ»<sup>21</sup>:

\* \* \*

Եսայի Հասան Ջալալյանցի երկը շափազանց կարևոր ու ստուգապատում տեղեկություններ է պարունակում կապված Պետրոս առաջինի Անդրկովկասյան արշավանքի և նրա նպատակի և դրա հետ կապված հայ-վրաց ժողովուրդների ազատագրական ակնկալությունների, ուսվրացական և հայկական բանակցությունների ու համագործակցության և զինակցության նախապատրաստման, Գանձակի մոտ վրաց—հայկական ուժերի կենտրոնացման ու համատեղ պատերազմելու պատրաստակամութեան, ինչպես նաև Թուրքիայի կողմից Պարսկաստանի դեմ պատերազմ սկսելու զրոգապատճառների մասին:

Եսային մեծ հայրենասերի հպարտութեամբ ակնարկում է այն մասին, որ Ղարաբաղում «զհայազուն զօրսն որ գումարեալ կային անտ ի ձեռն մէջիքներաց և զգլխավոր եղեալ երիտասարդացն որոց անուանքն էին Աւան, Շրուան, Շահնի և Սարուխան, որ և սոքա հարիւրապետք և իւզպաշիք կոչէին: Սոքա ը մեկիքներացն Ղարաբաղու, զկնի առաջին զառնալոյն Վախտանկին և խախտելոյ իշխանութեան պարսից միաբանեալ ընդ ինքեանս զամենայն քաջասիրտ և արիական և զօրեղ մանկունս և երիտասարդս տանս աղուանից, ըստ ինքեանց կաղմեալ էին զօրս բա-

17 Նույն տեղում, էջ 34—35:

18 Նույն տեղում, էջ 64:

19 Նույն տեղում, էջ 42:

20 Նույն տեղում, էջ 46—47:

21 Նույն տեղում, էջ 53—54:

գումա աւելի քան զերկոտասան հազար: Եւ ամբացեալ յամուր վայրան ար-  
ցախու. և այսպէս բազում արիութիւնս ցուցեալ յերկրիս մերում, որոց  
պատմութիւնքն յառաջակայսդ յաճախագոյնս գտցեսա՞22:

Այստեղ խոսքը սղնախնների մասին է, սակայն դժբախտաբար Եսա-  
յուց մեզ հասած երկում վերն ասվածից բացի սղնախններում ծավալված  
հերոսամարտերի մասին ոչինչ չկա: Պատմագրի այդ խոստումը հիմք է  
տալիս ննթադրելու, որ նա այդ մասին, ինչպես նաև 1722 թվից հետո  
տեղի ունեցած իրադարձութիւնների վերաբերյալ գրել է, սակայն մեզ չի  
հասել, և հավանաբար նրա գրած պատմութիւն միայն մի մասն է պահ-  
պանվել, այն էլ, թերևս սկզբի: Սակայն նրա վերոհիշյալ վկայութիւնն  
էլ չափազանց արժեքավոր է, որոշակի պատկերացում կազմելու համար  
սղնախններում ազատագրական շարժման սկզբնական շրջանում կամ ա-  
ռաջին փուլում ստեղծված հերոսական իրավիճակի մասին:

Անդրկովկասի ժողովուրդների՝ Ռուսաստանի օգնութեամբ ազատա-  
գրման Օրու ծրագիրը, հետագայում 1722 թ. Գանձակում և Տփլիսիում  
վրաց Վախտանգ թագավորի հետ տեսակցութիւնը, մեծ ոգևորութիւն  
էին առաջացրել կաթողիկոս Եսայու մեջ և նա ջանք չէր խնայել իրակա-  
նացնելու հայ-վրացական միաբանութիւնն ու զինակցութիւնը: Եսայու  
այն վկայութիւնը, թե ինքը Վախտանգի՝ դեպի Գանձակ կատարած ար-  
շավանքի ժամանակ գտնվել է վրաց բանակում, հիմք է տալիս եզրա-  
կացնելու, որ արդեն 1722 թ. գարնանը այդ զինակցութիւն հիմքը դըր-  
ված է եղել:

Այլ աղբյուրներից հայտնի է, որ դեռ 1710 թ. Եսային պատրաստու-  
թիւն էր տեսել Օրու հետ մեկնելու Մոսկվա, անձամբ Պետրոս առաջինին  
ներկայացնելու իր երկրի ու ժողովրդի վիճակը և իրենց սպասելիք ակըն-  
կայութիւնները նրանից, որ 1721 թ. հայ հոգևոր ու աշխարհիկ մի քա-  
նի գործիչների՝ Պետրոսին ուղարկած նամակը, որով հայտնել են Օրու  
Անդրկովկասում կատարած գործերի մասին, ստորագրողներից մեկը  
Եսային է եղել<sup>23</sup>: Ի վերջո 1718 թ. Պետրոս առաջինին ուղարկած իր նա-  
մակում Եսային որոշակի գրել է, թե հայ մելիքների, յուզբաշի-  
ների զինված ուժերի հետ մեկտեղ ինքն էլ ցանկանում է գտնվել  
նրա հովանու ներքո և պատրաստ է իր ծառայութիւնները մատուցելու  
կայսրին, հենց որ նա իր գորքերով մուտք գործի Անդրկովկասի սահ-

մանները<sup>24</sup>: Հետագա իրադարձութիւնները ցույց են տալիս, որ հայ ա-  
զատագրման այդ ակնավոր գործիչը իսկապես ամեն ինչ արել է և  
նախապատրաստված է եղել կատարելու իր տված խոստումը: Այս բոլո-  
րը հիմք են տալիս ասելու որ Եսային է հենց եղել սղնախնների ոգին ու  
առաջնորդը, հերոսամարտերի ոգեշնչողն ու կազմակերպիչը:

Պատմագիրը գրում է, թե Գանձակից Վախտանգի հետ Տփլիսի վե-  
րադառնալուց հետո, շորս ամիս մնացել է այնտեղ: Հավանական է, որ  
հենց այդ ընթացքում նա Վախտանգի և մյուս վրաց ու հայ գործիչների  
հետ մշակել են վրաց-հայկական ուժերի կազմակերպման ու համա-  
խմբման, Պետրոսին արժանավայել ու կազմ ու պատրաստ դիմավորե-  
լու ծրագիրը, նրա իրականացման միջոցառումները: «Քանզի,— գրում  
է Եսային,— պայման ուխտի և ժամադիր եղեալ էր թագաւորն Պետրոս  
առ Վախտանկն զի յայսմ աշնան ի մուտն հոկտեմբերի՝ ինքնին ի քա-  
ղաքն Շամախի հասեալ և զնա անդ ի պատրաստի գտանել պարտէ»<sup>25</sup>:

Եսային մանրամասն նկարագրում է Պետրոսի արշավանքի օրերին  
Վախտանգ թագավորի համար ստեղծված ծանր կացութիւնը:

Ասում է՝ պարսից թագավորութիւն թուլացման և քայքայման օրե-  
րին, նրա թշնամին թուրքաց թագավորը զորք հանեց նրա դեմ, ռուսները  
կամենում էին օգնել պարսից թագավորին, իսկ թուրքերը ուզում էին  
զրավել Պարսկաստանը, պատճառաբանելով, թե ուրիշներն են կամենում  
տիրել այն կողմերին, մինչդեռ այդ իրավունքը իրենցն է, քանի որ  
Ատրպատականի երկիրն առաջ իրենցն է եղել: Թուրքիան Վախտանգից  
պահանջել է անցնել իր կողմը և հնազանդվել իրեն, Ռուսաստանը՝ թե հա-  
վատակից ես ինձ, պարտավոր ես ինձ օգնել ու իմ կողմն անցնել, քանի  
որ մինչ այդ էլ պայմանավորվածութիւն կար Պետրոսի և Վախտանգի  
միջև, որի մասին ասվեց վերևում: Եսային ասում է՝ հենց այդ ժամա-  
նակ պարսից թագավորից, որ անկման եզրին էր կանգնած, Վախտանգը  
հրովարտակ է ստացել, թե նա իրեն է հանձնել Գանձակի և ամբողջ  
Ատրպատականի իշխանութիւնը և կարգել է իրեն այդ կողմերի բոլոր  
իշխողների վրա սպարապետ, միաժամանակ պահանջել է Վախտանգից  
զորք հավաքել գնալ Գանձակ ու զգուշանալ պարսիկների թշնամիներից—  
պաշտպանել այդ կողմերի սահմանները:

Վախտանգը մտահոգութիւն մեջ էր ընկել թե որի պահանջը կատա-  
րի, ի վերջո որոշում է կատարել վերջին երկուսի հրամանը՝ շահի ու ռու-

22 Նույն տեղում, էջ 57:

23 Տե՛ս «Армяно-русские отношения в первой трети XVIII в.», ч. 1, Ереван, 1964, վավերագիր 161:

24 Նույն տեղում, վավ. 156:

25 Եսայի. էջ 55:

սաց կայսրի, «զի մինն բուն տէրն մեր է այսինքն պարսից թագաւորն, և միւսն հաւատակից մեր և քրիստոնեայ կայսր է, մանաւանդ թէ հզօր զօրութեամբ»<sup>26</sup>, որը որ կհաջողվի՝ այն էլ կանի, իսկ ինչ վերաբերում է թուրքիայի պահանջին, ապա այն անհնարին է քանի որ նա «այլահաւատ և օտար գոյով ի մէնջ կամի բնութեամբ տիրել երկրի մերում»<sup>27</sup>։ Անկասկած այդպես է տրամաբանել և մեր պատմադիր կաթողիկոսը։

Այնուհետև Եսայիին գրում է, թե Վախտանգը հրամայել է վրացիներին և հայերից զորահավաք անել։ Իրեն էլ է կանչել և մեծ զորքով շարժվել են դեպի Գանձակ։ Ի դեպ նշում է, որ Տփլիսում, չորս ամիսների ընթացքում։ Վախտանգը սիրով է ընդունել իրեն և իր մարդկանց ապրուստի միջոցները, ոտճիկն ինքն է տվել։

Այդա նշում է, թե որոշ ճանապարհ անցնելուց հետո, Վախտանգն իրեն կանչել է և հանձնարարել շտապ գնալ Ղարաբաղ այնտեղի, վերը նշված մելիքներին իրենց ղինական ուժերով բերել իր բանակատեղին— Գանձակի մոտ։

Մեծ հայրենասերը հրճվանքով ու հպարտութեամբ գրում է. «Ըստ հրամանին եկեալ մեր յարդարեցաք զնոսա ըստ օրինի զօրաց իշխանաց, վասն զի անվարժք էին ղինուորական սպասաւորութեանց և այսպէս բովանդակեալ զամենայն. իբրև զտասն հազար արս ընտիրս և սպառազէնս, ընդ որոց և զդասս քահանայից. և պաշտօնէից մերոց առեալ մեծաւ ճոխութեամբ և խնջոյիւք համարելով նոր նորոգեալ ղիշխանութիւն հայոց»<sup>28</sup>, գնացել կանգ են առել նշանակված տեղում, իսկ Վախտանգն արդեն բանակել էր քաղաքի մյուս կողմում։ Երեք օրից հետո թագավորը Եսայուն և մելիքներին իրենց զորագնդերով կանչել է իր բանակատեղին։ «Որ և ելեալ գնացաք, և ի մերձեակալ բանակի նորին. ինքն իսկ հրաման արար զօրաց իւրոց ընդ առաջ լինիլ մերայնոցն իբրև ողջամբ ընդունել զնոսա»։ Այնուհետև մեծ խանդավառութեամբ շարունակում է. «Եւ այսպէս մեծաւ շքով հանդպիլ միմեանց երկուց կողմանց զօրացն. և իբրև զօրէն պատերազմի ռազմ կարգեալ ճակատ առ ճակատ, և քաջամարտիկ մանկունք մերոյս ղիմաց յառաջ խաղացեալ ճախր առեալ քաջընթաց երիվարօք, և ղինակազմ զրահիւք պարէին յանդիման ճակատուն. և ի ձայնէ հրացանացն որոտայր և թընդայր վայրն այն, և փոշեխառն ծուխ նորին, իբրև զկայծակնափայլ ամպ արդել զճառագայթս արեգականն մինչ զի ղմիմիեանս հանդիվ տեսանէաք։ Եւ այսպիսի խրախուժեամբ հասեալ իջաք մերձ առ

<sup>26</sup> Նույն տեղում, էջ 56։

<sup>27</sup> Նույն տեղում։

<sup>28</sup> Նույն տեղում, էջ 58։

բանակի նոցին. զոր տեսեալ Վախտանկին այսպիսի յառաջդիմութիւն մերայնոցս ցնծացաւ ի հոգի և ի մարմին իւր։ Եւ նոյն ժամայն յղեալ կոչեաց առ ինքն զմեզ և զզուլս կարգեալ տղայան և զմէլիքսն. և յորդորական բանի յուսադրեաց, և զօրացոյց ասելով՝ այսուհետև զօրասշիք և քաջ լերուք իբրև յորդիս զօրութեան և յուստեքէ և յամեքէ մի երկնչիցիք զի ահա հասեալ է ժամանակ փրկութեան քրիստոնէից։ Եւ զարձուցեալ զբանն առ մեզ և յոյժ շնորհակալ եղև ի մէնջ. և ի վաղիս զամենեսեան զզխատրսն խիլայեաց»<sup>29</sup>։

Վախտանգ թագավորի այս մարտակոչը ուղղված վրաց-հայ զորքերին մի պահ նույնպես հիշեցնում է Եղիշեի մոտ Վարդան Մամիկոնյան սպարապետի ճառը արտասանած Ավարայրի ճակատամարտից առաջ, ուղղված հայոց բանակին։ Ծիշտ է Եսայուն և Եղիշեի ապրած ժամանակները միանգամայն տարբեր էին, սակայն երկու հայրենասերների նպատակները նույնն էին՝ տեսնել հայոց իշխանութեան նորոգումը—վերականգնումը, ոգեշնչել ժամանակակիցներին վերջնական նպատակի մոտալուտ հաղթանակի համար։

Այնուհետև գրում է, թե Պետրոսը եկել հասել էր Գերբենդ, տեղի բնակիչները ինքնակամ այն հանձնել էին նրան։ Հետո տալիս է կայսրի Աստրախան վերադառնալու և արշավանքը զաղարեցնելու հավանական պատճառները։ Ասում է «բայց ոչ գիտեմ ղինչ պատահումն եղև, ոմանք ասացին զի ի հիւանդութենէ և այլ պատահարաց վնասս յոլովս եղև զօրուն, և կոտորումն ձիոց վասն անընդելութենէ նոցա։ օգոյ եղանակի երկրին, այլ և նաւաբեկութիւն ևս լեալ ղինուց այսինքն ջապախանից, և ոտճկաց զօրուն, և այլք այլ իմն պատճառս ասացին»։ Սակայն այդ այլ պատճառների մասին ոչինչ չի գրում. միայն նշում է, որ Պետրոսի գնալուց հետո, Վախտանգն էլ լուր ստանալով այն մասին, որ իր հին թշնամիները ցանկանում են Տփլիսը գրավել. վերադարձել է Վրաստան։

Այդ բոլորից հետո մեր պատմագիրը վշտացած գրում է. թէ «Իսկ մեք անյոյս մնացեալ առաջնոյ ասացեալ յուսոյն դարձաք իւրաքանչիւր ի տեղիս մեր և ամբացաք ի լերինս ուր և դժուարին էր»<sup>30</sup>։

Ժամանակակից աղբյուրները սակայն վկայում են, որ ղժվարին լեռներում ամրացածները անհույս չեն մնացել, նույն Եսայուն գլխավորութեամբ շարունակել են կենաց ու մահու պայքարը պարսիկների, և հետո Անդրկովկաս ներխուժած թուրք հրոսակների դեմ։ Բայց 1724 թ. հուլիսի

<sup>29</sup> Նույն տեղում, էջ 58—60։

<sup>30</sup> Նույն տեղում, էջ 60—62։

12-ին Կոստանդնուպոլսում կնքված ռուս-թուրքական պայմանագրից հետո, որով ռուսները ճանաչել էին թուրքերի տիրապետության տարածումը Իրանի Անդրկովկասյան նահանգների նկատմամբ, հեռատես քաղաքականագետ Եսային, ելնելով ստեղծված բարդ ու անելանելի վիճակից, ստիպված է եղել խորհուրդ տալ սղնախների ղեկավարներին դադարեցնել դիմադրությունը, խուսափել արյունահեղությունից, երկրի ավերումից ու անապատումից: Իսրայել Օրու գործը շարունակող Մինաս վարդապետի՝ ռուսաց կառավարությանը ուղղված մի ղեկուցագրից իմանում ենք, որ խորապես ողբերգական է եղել մեր այս պատմագիր կաթողիկոսի վախճանը: Թուրքերի դեմ պայքարը շարունակելու կողմնակիցները նրան մեղադրել են դավաճանություն մեջ, իսկ նրանք ովքեր ակնկալություններ էին ունեցել Ռուսաստանի օգնությունից, նրան մեղադրել են խաբեքայություն մեջ և Եսային յուր վշտի մեջ սուղված և անտեղի վիրավորանքներ կրելով ինքնասպան է եղել<sup>31</sup>:

\* \* \*

Եսայի Հասան Զալալյանցի պատմական երկի արժեքը շափազանց մեծ է, այն ակնատեսի, գործող անձի ստուգապատում աղբյուր է Անդրկովկասի 18-րդ դարի առաջին քառորդի պատմության ռուսումնասիրության համար: Կարևոր տեղեկություններ է հաղորդում նվաճված երկրներում Պարսկաստանի վարած հարկային քաղաքականության, հարկահանման ձևերի, Սեֆյան հարստության անկման պատճառների, լեզգիների ասպատակությունների, միջֆեոդալական հակամարտությունների, ժողովուրդների ծանր ու անտանելի վիճակի մասին:

Նրա պատմական արժեքը շատ ավելի մեծ է հայ-ռուսական և հայ-վրացական հարաբերությունների, հայ ժողովրդի ազատագրական շարժման նախադրյալների ու առաջին փուլի, հայ-վրաց դինակցության պատմության ռուսումնասիրության համար:

<sup>31</sup> Տե՛ս «Армяно-русские отношения...» т. II, ч. II, վավերագիր 380, էջ 13; տե՛ս և Հայ ժողովրդի պատմություն, հ. IV, էջ 159:

## ԱՐՐԱՀԱՄ ԵՐԵՎԱՆՑԻ

XVIII դարի 15-ամյա ժամանակահատվածի (1721—1736) հայերի, վրացիների, ադրբեջանցիների, աֆղանների լեզգիների և առանձնապես պարսիկների ու թուրքերի, նրանց փոխհարաբերությունների ու մղած պատերազմների, ռուս-պարսկական հարաբերությունների և ընդհանրապես Մերձավոր արևելքի քաղաքական իրադարձությունների պատմության ռուսումնասիրության համար այս խիստ կարևոր աղբյուրի՝ հեղինակի մասին մեզ մինչև 1977 թ. ոչինչ հայտնի չի եղել: Միայն մեզ հասած նրա գրած պատմության ձեռագիր օրինակներից մեկի վրա գրված «Երևանցի» հորջորջումն է, որ վկայել է նրա ծննդավայրի մասին: 1977 թ. Վենետիկում տպագրվեց ս. Ղազարի Մատենադարանում պահվող Աբրահամ Երեվանցու ինքնագիր ձեռագիրը (№ 2717), որը հեղինակի իսկ կողմից կրում է «Պատմութիւն թագաւորի Պարսից» կամ «Պատմութիւն Պարսոյ» խորագիրը: Նրանում պահպանվել է հեղինակի թողած ինքնագիր մի փոքր հիշատակարան, այն կարևոր կենսագրական տվյալներ է տալիս հեղինակի ով լինելու և «Պատմությունը» գրելու շարժառիթների մասին: Այնտեղ կարդում ենք. «Վերջ եղավ զայս պատմութիւնիս բանըն, այլ ոչ գիտեմ քան սիս յառայվել. այս էր որ տեսի աչաց իմոյ գրեց եւ յիշեցի, թվ. ՌՃԶԳ (=1724) ումն մինչ ի 1183 (=1734): Շուրջ եկի ի մէջ օսմանցու, ի մէջ պարսոյ, տեսի եւ գրեցի, եւ Երևանցի Յօհանէս որդի Աբրահամս, որ զայս յիշեցի այս պատմութիւնըս: Օվ աստուածայսէր քրիստոնէս, կարողայ զայս պատմութիւնըս, ողորմիս ասէ իմ հօր Յոհանին, իմ մայր Մարամին եւ քոյր Դարդա խաթունին...»:

Այնուհետև շարունակություն մեջ թվում է մյուս քրոջ և վեց եղբայրների անուններն ու վերջացնում գրելով.

«Զայս անունքս որ յիշեցի, ի ձեռն օսմանցու մարտիրոսացան, թէ

<sup>1</sup> Աբրահամ Երեվանցի, պատմութիւն պատերազմաց 1721—1736 թուի, Յառաջաբան, բնագիր, խմբագիր օրինակ եւ ծանօթութիւններ, պատրաստեց հ. Սահակ Ճեմճեմեան, Վենետիկ, 1977: Այսուհետև՝ Երևանցի:

մայր, թէ հայր, թէ եխպար: Ով ասէ ողորմիս, վարձն Քրիստոսէ առցէ. ամէն» (Թղ. 70բ)<sup>26</sup>:

Վերը մեր կողմից ընդգծված տողում Երևանցին, ինչպես տեսնում ենք, հավաստում է, որ ինքը իր կողմից նկարագրած իրադարձություններին ականատես է եղել: «Պատմության» ընթացքում էլ հաճախ կրկնում է. «այսպէս որ ասացանք եւ յիշեցանք», «այսպէս որ ասացի եւ լսեցի» և կամ «...այլոց խօսելովն»: Այս էլ գրել է ցույց տալու համար, թե շարադրանքի որ հատվածները գրի է առել ուրիշների պատմելով, կամ ուրիշներին լսելով: Երևանցու, իբրև պատմագրի, առանձնահատկություններից է, այն, որ նա ամենայն մանրամասնությամբ տալիս է իրադարձությունների ժամանակագրությունը տարիներով, ամիսներով, օրերով անգամ ժամերով և դրանք ավելի են արժեքավորում նրա երկն իբրև սկզբնաղբյուր:

Հրատարակիչ Ս. Ծեփեմյանը միանգամայն ճիշտ նկատում է, որ բացի պատմականից, Աբրահամի «Պատմությունը», ունի նաև ազգագրական արժեք, որովհետև նա գրել է XVIII դարի առաջին կեսի երևանյան գավառաբարբառով, բացատրություններով և բառամթերքով և դա, «Պատմությանը» տալիս է անցքերին հարազատ մնալու բնույթ և միաժամանակ վստահություն, թե հեղինակը հետամուտ չի եղել «խնամելու լեզուն եւ բացատրությունները, այլ ուզած է աւանդել մեզի լոկ պատմությունը, ինչպէս որ տեսած է եւ լսած»<sup>3</sup>:

Ելնելով «Պատմության» պարունակած նյութից, շարադրանքի ոճից և հեղինակի՝ նկարագրվող իրադարձությունների մեկնաբանություններից, կարելի է ենթադրել, որ նա ժամանակի կրթված, ռազմական գործին հմուտ անձնավորություններից մեկն է եղել, ժամանակին հայ հասարակությանը հուզող կրոնական հարցերին նա չի անդրադարձել, հայոց կաթողիկոսը նրա մոտ հանդես է գալիս միայն քաղաքական-դիվանագիտական գործիչի դերում: Նրա «Պատմությունն» ամբողջությամբ վերցրած աշխարհիկ բնույթի գործ է և իբրև այդպիսին հայ պատմագրության մեջ բացառիկ պատմական երկերից մեկն է:

Քաղաքական իրադարձությունների, գերազանցապես պատերազմների նկարագրությանը նվիրված այս երկը սկսվում է աֆղանների դեպի Պարսկաստան կատարած արշավանքով և ավարտվում է Մուղանի դաշտում Նադիրի թագադրությամբ և Թուրքիայի հետ հաշտության կնքմամբ:

Եթե աֆղանա-պարսկական, աֆղանա-թուրքական և պարսկա-թուր-

քական հարաբերությունները, դրանց առնչությամբ Նադիր խանի ծավալած գործունեությունը, Երևանցին համեմատաբար հանգամանորեն է շարադրում, ապա նշված ժամանակահատվածում բուն Հայաստանում տեղի ունեցած իրադարձություններին, նրա վիճակին և Նադիրի՝ Հայաստան կատարած արշավանքներին, անցողակի ու շատ համառոտ: ձևով է անդրադառնում: Երևանցու «Պատմության» այդ բացը որոշ չափով լրացնում են նրա ժամանակակից Աբրահամ Կրետացի կաթողիկոսը և Նադիրի պալատական պատմագիրներ Մուհամմադ-Քյազիմը և Միրզա Մուհամմադ-Մեհդի խան Աստարաբադին: Վերջին երկուսի, մասամբ և Կրետացու (այդ մասին իր տեղում ասվել է) հաղորդած տեղեկությունները Նադիրի մասին, սակայն, պետք է մեծ վերապահությամբ օգտագործել, քանի որ դրանք, Կրետացու իսկ խոսքերով ասած, մեծ մասամբ «շողոքորթեալ» պատմություններ են, ուր հակառակ ժամանակակից բազմաթիվ հիշատակարանների գրիչների և հատկապես Աբրահամ Երևանցու վկայությունների, իդեալականացված է Արևելքի այդ փառամոլ բռնակալը: Ցավով պետք է նշենք, որ հիմք ընդունելով շողոքորթեալ այդ պատմությունները, սովետական առանձին պատմաբաններ ճիշտ պատկերացում չունենալով «ազատագրական կռիվ», «ազատագրական շարժման անձնվեր առաջնորդ» հասկացողությունների մասին, նենգ ու ստոր մեքենայություններով Իրանի գահին տիրացած Նադիրին «Իրանի նոր առաջնորդ» են համարում: Սեֆյան բռնակալության դեմ աֆղան ժողովրդի ապստամբական շարժման ճնշումը Նադիրի կողմից, ինչպես նաև արևելքում դերիշառղ դիրք ձեռք բերելու համար Իրանի մղած պատերազմները Թուրքիայի դեմ «ազատագրական կռիվներ» են համարում և Նադիրին էլ այդ բոլորի «փորձված զորավար»: Նման «հայտնագործությունները», մեղմ ասած, պատմության առջև մեղանշում են նշանակում, եթե ոչ ավելին: Այս ասվեց ի միջիայլոց, կապված Երևանցու Պատմության, իբրև Նադիրի ժամանակաշրջանի պատմական սկզբնաղբյուրի արժեքավորման հետ: Այդ առանձին ուսումնասիրության հարց է և այստեղ տեղը չէ խորանալ դրանում:

Նշենք միայն երկու փաստ: Հայտնի է, որ XVIII դարի 20-ական թվականներին հայ ամենանշանավոր ռազմական գործիչը Դավիթ-Քեկն էր, այդ ժամանակաշրջանի և ոչ մի աղբյուր չի հիշատակում Դիզակի Մելիք Եզանին իբրև այդպիսին, նա ավելի հայտնի է դարձել 30-ական թվականների սկզբին, այն էլ ոչ որպես հայ ազատագրական շարժման կապակցությամբ, այլ իբրև վերակենդանացող Իրանին հպատակ հայ աշխարհիկ իշխող վերնախավի ռազմաքաղաքական ներկայացուցիչ և իր ծառայություններն է մատուցել Նադիրին՝ օսմանցիների դեմ պատերազմներ:

2 Նույն տեղում, Ցառաջաբան, էջ 6:

3 Նույն տեղում, էջ 8:



քում և, հասկանալի է, մեծարվել է նրա կողմից: Երևանցու մի վկայություն համաձայն, Դավիթ-Բեկ անունով մի հայ իշխան Քահմազ Բ շահի մեծամեծների հետ խորհուրդ են տվել նրան զուշանալ Քահմազ խանից: «Դարձեալ շահ Քահմազին ունէր մեծ մեծ իշխաններ: Քահմազ խանն զեռ չեկած ժամանակն. շահին ասացին թէ՛ «...Քահմազ խանն որ գալիս այ, մենք լսել ենք որ զը գայ, քեզ զը բռնայ գտրնայ երկաթի մէջ, քո թաքայորութիւնն կը կորուցանէ»: Քապայորս ոչ հավատաց: Գ(=3) յավուր անցնելոյ յետ, մին Դավիդ բէք կասեն, որ էր քրրիստոնայ, որ թաքայորի մին մեծ իշխան է կամ թե խան... Այս Դավիթս գիշերն եկ դաքայորի տունն ծածկայրար, զնաց դաքայորին մոտ, ասաց... թէ՛ «Քապայորս ողջ լինի, Քահմազ խանն քեզ ներհար այ, քեզ զը բռնայ, քոյ թաքայորութիւնն կը տիրայ»: Քաքայորն որ լսեց էս բանս, ոչ քուն եղավ. գիշերն լուսացավ, շուտով իւր իշխաններն խնդրեց, եկին ի դուռն թաքայորի, ԻԳՌ (=23.000) զօրք»<sup>4</sup>:

Պատմագրի այս վկայությունը հիմք է տալիս ենթադրելու, որ Սյունիքի և սղնախների ազատագրական շարժման առաջնորդները, որոնք լեզու էին գտել շահ Քահմազի հետ, միասնական ճակատ կազմելու ընդհանուր թշնամու դեմ և Դավիթ-Բեկը մեծ լիազորություններ էր ստացել շահից, բարյացակամ չեն եղել տրամադրված պարսից գահի հավակնորդ Նադիրի նկատմամբ: Թերևս դրանով է բացատրվում այն, որ ժամանակակից նշված հայ և պարսկալեզու աղբյուրներն անգամ ակնարկներ չեն արել հայ ժողովրդի մղած հերոսամարտերի և նրա առաջնորդների մասին և դա բացատրելի է, նշված աղբյուրները գրվել են Նադիրի փառքի գազաթնակետին հասած ժամանակաշրջանում և անկասկած նրանց հեղինակներին հայտնի է եղել այդ իրողությունը և նրանք գիտակցաբար լուրջան են մատնել Դավիթ-Բեկին ու նրա հետ կապված իրադարձությունները, որպեսզի չզրգոեն Նադիր խանին, որ նրան էլ հայտնի պիտի լիներ այդ իրողությունը: Դավիթ-Բեկի գլխավորությամբ հայ ազատագրական շարժումն հաղթանակել էր, պարսից շահը, ինչպես վկայում է Ստեփանոս Շահումյանը<sup>5</sup>, լսելով Դավիթ-Բեկի՝ օսմանցիների դեմ տարած հաղթանակների մասին հրովարտակ էր ուղարկել նրան (այդ մասին արդեն ասվել է):

Այդ պայմաններում շահ Քահմազի դեմ ամեն մի ոտնձգություն կվնասեր հայերի ձեռք բերած հաղթանակին և Թուրքերի դեմ հայ-պարսկական համատեղ պայքարին: Խորաթափանց Դավիթ-Բեկը, հետագայում

նրա զինակիցները, հավանաբար, հասկացել էին Նադիրի հեռու գնացող նպատակները և պարզ է, որ չէին կարող բարյացակամ լինել նրա նկատմամբ: Ուստի պատահական չէ, որ պատմագիր Մուհամմադ-Քյադիմը մեծարում է ոչ թե Դավիթ-Բեկին, կամ Մխիթար սպարապետին ու Ավան Յուզբաշուն, այլ Նադիրին հպատակություն հայտնած Դիզակի Մելիք Եգանին: Նա բազմիցս հիշատակում է նրան որպես նուրբ քաղաքագետին հատուկ արտակարգ ընդունակություններով օժտված իմաստուն մի գործիչի, որը Նադիրի կողմից մեծ սիրո և վստահության էր արժանացել: Ավելին, Քյադիմը վերլուծելով 1723 թ. Անգրկովկասի վիճակը, հայ զինվորության առաջնորդների մեջ առաջին տեղը հատկացնում է Մելիք Եգանին<sup>6</sup>:

Մինչդեռ Եգանը իբրև քաղաքական-ազդեական գործիչ հայտնի է դարձել Նադիրի Հայաստան մուտք գործելուց հետո. Աբրահամ Երևանցին նրա անունը չի հիշատակում, Կրետացին նշում է միայն, որ Մելիք Եգանը (նրա մոտ՝ էկէնն—Լ.Բ.) մասնակցել է Մուղանում Նադիրի թագադրման արարողություններին: Պատահական չէ, որ Նադիրին հպատակություն հայտնած և նրա մոտ ծառայության մտած հայ մեծամեծների-մելիքների շարքում աղբյուրները չեն հիշատակում Սյունիքի և սղնախների ազատագրական շարժման կենդանի մնացած առաջնորդներից և ոչ մեկին:

Պատահական չէ նաև, որ Նադիրը միայն Սյունիքի Սրփանվերդի իշխանին է պատժում: Երևանցին գրում է. «Յետոյ Սիուն խանն, որ է՛ անուն անվանի Սըֆան Վէրդի խան, ուղեց զնա ըսպանել: Մեծայմեծք ոչ թողին ըսպանելու, ԳՌ (=3.000) թուման առավ, ոչ ըսպանեց: Մանալվանդ պատճառն ի՞նչ է սորայ ըսպանելոյ, այս է պատճառն որ ասում. «Օսմանցին որ եկ մ'երկիրն չէ՞ր չը կռիվ արիք, քան ըսերկիրն տվիք օսմանցուն, դուք եղաք խան, երկիրն քանդեցիք եւ ավերեցիք»: Այս էր պատճառը»<sup>7</sup>:

Պատմագիր Աբրահամ Երևանցին Սեֆյան հարստության անկման պատճառը համարում է աֆղանների ապստամբությունը և իր Պատմությունն էլ հենց սկսում է դրանով: Նշում է, որ 1721 թ. աֆղանների Միր-Մահմուդ շահը գրավել է Սպահան քաղաքը. «Հրայման ետ զօրքին՝ մտան ի քաղաքն, սուր քաշեց, յամենեքեան մեծայմեծ եւ իշխանք ըմբռնեց, շահ Յուսէն ըսպանեցին Ե (=5) որդին. մին որդի թաքուցեալ էր եւ փախեալ»<sup>8</sup>: Փախած որդին-Քահմազը ժառանգում է հոր գահը (Քահմազ Բ) ու Քավրիզում զորք է հավաքում ու կռիվ մղում աֆղանների դեմ: Սպահանի մոտ պարտություն է կրում աֆղաններից: Դիմում է վրաց Վախտանգ թագա-

<sup>4</sup> Նույն տեղում, էջ 64:

<sup>5</sup> «Ղնտիր պատմութիւն...», Վաղարշապատ, 1871, էջ 58—59:

<sup>6</sup> Տե՛ս Հայ ժողովրդի պատմություն, հ. IV, Երևան, 1972, էջ 181:

<sup>7</sup> Երևանցի, էջ 58:

<sup>8</sup> Նույն տեղում, էջ 21:

վորին թե. «Իմ հայրս աղվան ըսպանեց, թախտն, ես մնացի անտէր, պիտի որ գաս գնաս»<sup>9</sup> (աֆղանների դեմ կռիվելու—լ. Բ.): Վախթանգը հրաժարվում է գնալ, պատճառաբանելով, որ իր դեմ օսմանցիները պատերազմ են սկսել: Շահի հրամանով մահճապահանութունը ընդունած, վրացի Մահմադ ղուլի խանն իր զորքով հարձակվում է Վախթանգի վրա, սակայն պարտվում է ու դիմում լեզգիների օգնությանը:

Երևանցին այնուհետև նկարագրում է Վրաստանում տեղի ունեցած իրադարձութունները, վրաց կաթողիկոսի դավաճանութունը Վախտանգի նկատմամբ, Վախտանգի ու նրա ընտանիքի Մոսկվա գնալը, նրա Շահնավազ սրբու փախուստը էրզրում հետո Մոսկվա, օսմանցիների կողմից Թիֆլիսի գրավումը, սպա Կարրի գյուղի գրավումը և 1724 թ. Երևանի պաշարումը<sup>10</sup>:

Ականատեսի մանրամասնությամբ պատմագիրը ասում է, թե «Կարբեցիքն իրեանց գեղն լավ շինեցին, պատերն, դարբասներն, ըսկսեցին կռվիլ օսմանցուն հետ... մարդ ղրկեցին քաղաքն, խանին, թե «Օսմանցին եկել ալ, մեր գեղն պատել ալ, մին փորքն հօր ղրկալ մեղ, որ մենք կռիվ անենք օսմանցուն հետ»: Երեւանալ խանըն ղրկեց ոչ:

Մնացին հայքն մենակ, կռիվ առին, մինչ ի մեծ փաշէն եկալ իս(=40) օրէն յետ»<sup>11</sup>: Փաշան կարբեցիների մոտ մարդ է ուղարկել, պահանջել հպատակվել, խոստանալով ձեռք շտալ գյուղին ու չգերեվարել բնակիչներին: Երևանցին թվարկում է կարբեցիների ինքնապաշտպանութունը կաղմակերպողների անունները, ասում է թե նրանք փաշայից 10 օր ժամանակ են խնդրել պատասխան տալու համար, միաժամանակ նրանք «...մարդ ղրկեցին Երեւան Միհրալի խանին, թե՛ «Օսմանցին մեղ յաղթում ալ, մենք էսպէս խօսք ենք արել մինչ ի Ժ(=10) օրն, քեզ մարդ ենք ղրկել, ինչ որ դուն կասես մենք էնպէս կանենք»: Միհրալի խանըն ղարուլ շարավ թէ բարութ կը ղրկեմ, ղումբարալ կղրկեմ, կռիվ արէք, մինչև Աստուածատուր կաթիղիկոսն գնացել ալ շահ թամազին մոտ, տեսնեն ինչ խարար կայ»<sup>12</sup>: Տասն օրն անցնելուց հետո, կարբեցիները հարկադրված զինաթափ են լինում ու հանձնվում:

Այնուհետև Երևանցին հանգամանալից նկարագրում է պաշարված Երևանի ծանր ու օրհասական վիճակը, հայերի՝ ինքնապաշտպանական միջոցառումները, թվարկում է նրանց ու Երևանում բնակվող բոշաների,

որոնք հայերի հետ խիզախորեն մարտնչել են թշնամու դեմ մարտերին, ղեկավարների անունները, ապա տալիս է քաղաքի թաղամասերում ծավալված պաշտպանական համառու անձնազոհ կռիվները, թուրքական բանակի համալրումները, կռվող կողմերի մարդկային կորուստները: Ցավով գրում է. թե օսմանցիների զորքերը՝ հայ բանագնացներին շեն թողել բանակցություններ վարելու համար փաշայի մոտ գնալու, Հարությունին և Ախիշանին ճանապարհին բռնել ու սպանել են: Ապա դառնացած նկարագրում է օսմանցիների ներխուժման, բնակչության կոտորածի ու գերեվարման մասին: «Օրն ուրբաթ, մտան քաղաքն... կռիվ ելաւ յառավօտուն մինչ ի յերգվալ պահն, զպանելով օսմանցի քրիստոնէն, քրիստոնէն օսմանցուն, մինչ ի Ի՛ ( = 24 ) պահն... այնչաբ յարուն թաբեց որ Ձանկու ջուրն կամրայծառեց, յարունալ հոտն ի մէջ քաղաքէն կը բուրէ, ողորմելի բըրիստոնէքն բօվանդակ զսուրն քաշեցին, ոչ մնաց քրիստոնայ. անմեղ արդարներն գերի վարեցին»<sup>13</sup>:

Աբրահամ Երևանցին էլ, իր նախորդներին նման հայերին վրա հասած արհաւիրքները բացատրել է «վասն քրիստոնի մեղացն, որ մեղքն բազմացավ քրիստոնի»<sup>14</sup>:

Երևանցին գրում է թե Երևանի Միհրալի խանն իր մեծամեծներով ու զորքով ամրացել էր բերդում, թողնելով քաղաքի պաշտպանութունը միայն հայերին: Քաղաքի պաշարումը և գրավումը 60 օր է տևել<sup>15</sup>:

Նախորդ պատմագիրներից գիտենք, թե օտար նվաճողներն ինչպես են իրենց շահերին ծառայեցրել հայ ժողովրդի հողեր կենտրոնը՝ էջմիածինն ու կաթողիկոսութունը, դրա համար էլ ոչ միայն հանդուրժողական են եղել նրա նկատմամբ, այլև օժտել են որոշ արտոնութուններով:

Երևանցին վկայում է, որ օսմանական բանակը էջմիածին չէր մտել, որովհետև «Ըսդամբօլու մին ֆարման եկավ թէ՛ «Յէջմիածնու հեղ բան չունէք»: Էն թարիղին Աստուածայտուր կաթողիկոսն յէջմիածին չէր, շահ թամազն ուզել էր, գնացել էր թարվէզ»<sup>16</sup>:

Օսմանյան բանակի գլխավոր հրամանատար Աբդուլլա փաշան իմանալով կաթողիկոսի վերադարձի մասին, նրան կանչում է իր մոտ «...պատվական ըսգեստ հազցուց»<sup>17</sup> և ասաց «Որպիսի կու լինի, թուրքն (իմա պարսիկը—լ. Բ.) բերդն տալիս չէ», կաթողիկոսը պատասխանել է, թե

13 Նույն տեղում, էջ 31:

14 Նույն տեղում էջ 31:

15 Նույն տեղում, էջ 36:

16 Նույն տեղում, էջ 25:

17 Նույն տեղում, էջ 32:

9 Նույն տեղում, էջ 22:

10 Նույն տեղում, էջ 22—26:

11 Նույն տեղում, էջ 24:

12 Նույն տեղում:

«Փորք մի համբերէ, վաղն ես գը գընամ ի մէջ բերթն, խանին հետ կը խօսեմ, ես կանոնեմ բերդն, բեզ կու տամ»<sup>18</sup>; Մյուս օրը կաթողիկոսը գնացել է խանի մոտ: Վերջինս նրան շի թույլ տվել բերդ մտնել այլ «...հրայման ետ Մահմէտ Ղասում բէկին թէ՛ «Գնայ բերդի դուռն, կաթիղիկոսն գալիս այ տեղս, բերդի դուռն բանաս ոչ, դուռն բերդի մէջէն, կաթիղիկոսն բերդի դուրսէն՝ խօսացէք, տե՛ս ինչ խաբար այ բերել շահիցն»<sup>19</sup>: Ղասում բեգի հարցին թէ «Շայհիցն ի՞նչ խաբար ունես», կաթողիկոսը ասել է. «Շայհիցն ձեզ ճար չկայ, ձեր գլխու ճարն տեսէք ձեզմէն, ֆիրք արէք»<sup>20</sup>: Երևանցին գրում է, թե զբանից հետո խանը խորհրդակցել է իր և հայ մեծամեծների հետ ու որոշել են կանչել կաթողիկոսին, հանձնարարել նրան հաշտարարի դեր կատարելու: Կաթողիկոսը խորհուրդ է տվել խանին բերդը հանձնելու մասին: Վերջինս համաձայնվել է ու կաթողիկոսին ուղղարկել Աբդուլլա փաշայի մոտ: Նա փաշային ասել է «...կուզեմ ձեր մէջն հաշտութիւն պարբեմենք»<sup>21</sup>, փաշան համաձայնվել է ու կատարել կաթողիկոսի խնդրանքը՝ Միհրալի խանին շսպանելու և թույլ տալու նրան շահի մոտ գնալու մասին: Պարսիկները բերդը հանձնել են 1724 թ. օգոստոսի 20-ին:

Երևանի գրավումից հետո, պատմագիրը, ավելորդ մանրամասնություններով նկարագրում է խոյի, Մարանդի, Թավրիզի համար մղված մարտերը օսմանցիների ու պարսիկների միջև, ապա Թավրիզի ու Համադանի համար՝ աֆղանների պարսիկների, հետո վերջինիս համար օսմանցիների և աֆղանների ապա աֆղանների ու օսմանցիների դեմ Թահմազ կուլի խանի՝ Նադիրի մղած կռիվները: Այնուհետև տալիս է շահ Թահմազի դեմ Նադիրի դավադրությունը, շահին գահընկեց անելը, պարսկական դահի հավակնորդ Նադիրի՝ իր նպատակն իրականացնելու համար ծավալած գործունեությունը: Վերջում նկարագրում է Երևանի գրավումը, որից հետո՝ Մուղանի դաշտում Նադիրին Իրանի շահ հռչակելը:

Հայ պատմագիրներից և ոչ մեկը պատերազմները, բանակների տեղաշարժերը, արշավանքները, անցած ուղիները, քաղաքների ու բերդերի պաշարումն ու գրավումը, զորամիավորումների մարտական ուժերի ու զինքերի տեսակների քանակական տվյալները, զորավարների կիրառած տակտիկան ու ստրատեգիան այնքան մանրամասնություններով չի նկարագրել, ինչպես այդ արել է Աբրահամ Երևանցին, փաստորեն նա պատե-

րազմների պատմության պատմագիր է և դա է նրա՝ իբրև պատմագրի ամենաառանձնահատուկ կողմը:

Տույց տալու համար, թե ինչպիսի մանրամասնություններով է Երևանցին նկարագրում ռազմաբերթերը և մարտական ուժերը, բերենք միայն երկու օրինակ: Օսմանական մեծաքանակ բանակը Ահմադ փաշայի հրամանատարությունով շարժվում է դեպի Համադան. «...եկին հասին Սայհնայ, Սայնու յետ վեր կացի, գնացին Քանգայվար, Քանգայվարու գնացին Մուշբուլախ, որ մին յախբուր այն նորայ դուս եկել, քանզի շատ ջուր այ դուս գալիս էս յախբուրէս վերաս: Վեր եկին այս հզորքս փաշի, տեղէս վեր կացին, գնացի Սուղուր, ... Սուղուրու վեր կացին գնացին Թաթլիք. Թաթլիքու վեր կացին՝ գնացի Թարջիլ. Թարջիլու վեր կացի գնացի Սատայվալ...»<sup>22</sup>: Եվ այսպես շարունակ:

Խոսելով Հասան փաշայի հավաքագրած զորքի մասին գրում է. «Ղըրկեց բաշիլան, որ մին ասկա, որ բաշիլան կասեն, էմ (= 7000) բաշիլան քուրդ, բովանդակ երկաթ հագաց... ղրկեց մաուչանի արար կասեն, էմ (= 8000) էլ տեղէն եկավ: Աբդիլավանդ կասեն, էն էլ մին ազգ այ, 14.000 հզորք տեղէն եկավ: 9.000 էլ ենկիշարի, 6.000 ջաբաշի... 4.000 քուրդ ի Զանկանայ, 1.800 շահ կասեն, խզլլայ ասկէն այ: Ղարայ-Չօրան կասեն, որ էլ քուրդ այ, 800 էլ տեղէն եկավ: Տարենայ բէկ կասեն, որ Զաղօվայ... 1.600 տեղէն եկավ, որ եղավ վերջայպէս 43.400 հզոր»<sup>23</sup>:

Երևանցին Թահմազ կուլի խանի ծավալած պատերազմական գործողությունների նկարագրությունն սկսում է նրա՝ Շիրազում աֆղանների դեմ մղած մարտերով, առանց, սակայն նրա մասին որևէ տեղեկություն հայտնելու, թե ո՞վ է եղել նա, ինչպես է հրապարակ եկել, ինչ փոխհարաբերություն մեջ է եղել նա սեֆյան արքունիքի հետ: Միայն բավարարվում է ասելով, թե երբ շահ Թահմազը իմացել է Թահմազ կուլի խանի Սպահան գալու մասին. «Մարդ ղրկեց Թահմազին թէ՛ «Լօռն (պետք է ենթադրել «Չօրքը» — Վ. Բ.) Բախտիարին զօրայցել այ, մեր գեղերն մեր գերայվարում այ գնաս նորա վերայ»<sup>24</sup>: Խանը կատարում է շահի հրամանը, թշնամին պարտվում է. «...շահն յուրախացավ եւ խնդաց. ղրկեց Թահմազին լավ պատվայկան ըսգեստ հագձուծ»<sup>25</sup>:

Այնտեղից խանը շահից թույլտվություն է խնդրում գնալու «Քասվել Շուշտարայ վերայ, որ նորանք էլ թաբավորին ներհակ են, որ ԻԶ (= 26)

18 Նույն տեղում:

19 Նույն տեղում:

20 Նույն տեղում, էջ 32:

21 Նույն տեղում, էջ 34:

22 Նույն տեղում, էջ 46:

23 Նույն տեղում, էջ 39:

24 Նույն տեղում, էջ 53:

25 Նույն տեղում:

գեղ գեր են վարել», շահը նրան գրում է թե «էդ կողմդ ինչ որ ինձ ներհակ ասան կայ, սուրն քաշես»<sup>26</sup>: Քահնազ խանը շահի այդ հրամանն էլ է կատարում ու 15 հազար տուն գերի վերցնում և ուղարկում Խորասան՝ իր հայրենիքը: Երևանցին գրում է թե՛ «Այսպէս գերայվարութիւն որ լսեց շահ Քահնազն կամ յախտութիւն, շատ բազում ուրախացավ, քաղաքումըն փողոցներ գարդարեցին, լավ ուրախութիւն արին...»<sup>27</sup>:

Պատմագիրը հմտալից ձեռով բացահայտում է Քահնազ խանի հաղթանակների պատճառները: Նշում է հատկապես, երկու կարևոր հանգամանք, նախ՝ նրա ռազմավարական բարձր տակտիկան, զորքերի արագաշարժութիւնը, մարտավարական արագ, անսպասելի գործողութիւններ ծավալելը և երկրորդ՝ թշնամիների անմիաբանութիւնն ու անմիասնութիւնը:

Այսպես, Քավրիդի գրավման կապակցութեամբ նա գրում է. «Մինչ ի օսմանցիք իրեանց պատրաստութիւն տեսնելն, Քահնազ խանն Սաղկըզու մի յիրիկուն ՄԿ (= 24) ժամն տվաց ձիաչորեց իւր զօրքովն, մին գիշերն ի միասին կէս օր եկ հաս Քարվէզ: Եկ Քարվէզու մտն, մին գեղ այն եկ ի տեղն, որ օսմանցի ոչ է կարծում թե Քահնազն շուտով գր գայ, օսմանցին իւր մէջն կարծում են թէ Քահնազն Զ-է (= 6—7) յավուր գր գայ, քանզի Զ (= 6) օրէն ճանապարհ այ, այսպէս են կարծում: Քահնազ խանն մին օր կէսն հասավ տեղն: Որ եհաս տեղն, օսմանցի տեսավ Քահնազին. չէր հավատում թէ էս Քահնազն այ: Երբ որ մտտեցավ Քահնազն, յետոյ տեսին որ այ է...»<sup>28</sup>:

Այսպիսի անսպասելի պահեր իր թշնամիներին շատ է պատճառել Քահնազ խանը: Երևանցին գրում է, թե Բաղդադի վրա արշավելու ժամանակ, Զաղով բերդին հասնելու համար մի ճանապարհ է եղել միայն, այն էլ օսմանցիների կողմից գտնվել է խիստ հսկողութեան տակ: Որպեսզի իր բանակի առաջխաղացումը թշնամին չնկատի, Քահնազ խանը գիշերն իր 48 հազարանոց հեծելազորը և 6 հազարանոց հետևակն անց է կացնում մի անանցանելի լեռան վրայով. «Երբ որ գիշերի կէս եղավ, հրայման ետ զօրքին իւր բովանդակ, ձիաչորն ոտովացուց, ամէն մարդ իւր ձին յետնէն քաշէ, ճանհայարօքն չրգնայ, էս լեռ սարովս ինքն խանն յառաջ գնաց, այսչաբ զօրքն իւր յետնէն գնացին, էս լեռիս գլխովն անցան, էս գիշերան կէսուն, գնաց մտան օսմանցու հողն...»:

— Զաղովուն պաշտպանող Ահմադ բեկը, — ոչ էր խաբար թէ Քահ-

մազն գալիս այ, քանզի Ահմատ բեկն որ ճանհայարին պահապան էր գրել, էն պատճառէն չէր հավատում թէ Քահնազն գր գայ իւր դրաց պահապանքն քնացեր, բաց թողել Քահնազ խան, ինքն յանցել, կացել, եկել, մտել իւրանց հողն, իրեանք ոչ են խաբար»<sup>29</sup>:

Երևանցին գրում է, որ Ահմադ բեկի 6 հազարանոց զորքը փորձում է դիմադրել Քահնազ խանին, սակայն պարտութիւն է կրում: Դրանից հետո պարսկական մեծաքանակ բանակը պետք է անցնէր Զանգանու գետը, որն այդ ժամանակ շատ վարարել ու անանցանելի էր դարձել: Քահնազը դիմել է իր բանակին ասելով. «Ով որ դիս կուզայ՝ ջուրն թարի, ձիով անցնի»<sup>30</sup>: «Ճառաջ Քահնազ խանն ձին քշեց, ջուրն ինքն անցավ, այս ԽԸԽ (= 48.000) ձիաչոր զօրքս Քահնազ խանին հետնէն դառ, էն ջուրն, անցան ջրի էն կողմն»<sup>31</sup>: Որից հետո, գրում է Երևանցին, նրանք ճոպան են պատրաստել ու անցկացրել հետևակն ու թնգանոթները<sup>32</sup>:

Քահնազ խանի կողմից փորքաթիվ ուժերով թվական գերակշռութիւն ունեցող թշնամիներին հաղթելու պատճառն, ըստ Երևանցու, այն էր, որ «...սոքանք միայրան շեն գալիս կոխով... սոցանց մէջն խարդալխութիւն կայ, միմեանց խոփ են. երբ որ Քահնազ խանըն գալիս այ կոխով, միմեանց օգնութիւն չեն անում. Քահնազն սոցանց փորքն փորքն սուրն այ քաշում»<sup>33</sup>:

Նա գրում է, որ այդ ժամանակ հօգուտ Քահնազի բացահայտ դավաճանութիւն է տեղի ունեցել սուլթան Ահմադի դեմ: Նրա առաջին վեզիրը «...խօսքն մէկ արել շահի հետ Քարվէզու փաշին, Հայմաղանայ փաշին, Սինու փաշին, այսոք շորքս մի խօսաց են՝ հնայգանդ որ լինի վէզիրի, զրկաց զիրն՝ ծածկայբար, որ զրկել էր փաշէքանցն թէ՛ «Որ Քահնազ խանն երբ Հայմատանու վերայ կամ Քարվէզ կամ Սինու, դուք բաց թողէք Հայմաղան երկիրն, դուս ելէք, կովէք ոչ»<sup>34</sup>: Երևանցին գրում է, թե սուլթանից գաղտնի են պահել Քահնազի կողմից Քավրիդի, Համադանի և մի քանի այլ վայրերի գրավումը, նա «...խբար չէ. վէզիրի արարողութեանն այ. սուլթան Ահմատն ոչ է խաբար, այնպիսի կարծում այ թէ՛ Քարվէ կամ Հայմաղտան կամ Սենայ կամ Քրմանշայ իւր ձեռին այ»<sup>35</sup>: Երևանցին ա-

29 Նույն տեղում, էջ 68—69:

30 Նույն տեղում, էջ 69:

31 Նույն տեղում:

32 Նույն տեղում:

33 Նույն տեղում, էջ 53:

34 Նույն տեղում, էջ 56:

35 Նույն տեղում, էջ 60:

26 Նույն տեղում, էջ 53:

27 Նույն տեղում:

28 Նույն տեղում, էջ 58—59:

սում է, թե վեզիրի հակառակորդներից մեկի ձեռքն է ընկել նրա՝ փաշաներին գրած նամակը այն մասին, որ «Քահանայն որ դայ բան չունէք, կովէք ոչ, փախէք»<sup>36</sup>, և նա այն տարել է Ստամբուլ, ցույց տվել սուլթանին: Վերջինս հրամայել է սպանել վեզիրին:

Ոգևորված իր հաղթանակներով և օգտվելով Սեֆյան դահակալի՝ շահ Քահանայի ծանր վիճակից, մանավանդ վերջինիս՝ Համադանի մոտ կրած պարտությունից հետո օսմանցիներից, Քահանալ խանը 47.000 հեծյալ և 6.000 հետևակ բանակով գալիս է Սպահան: Մինչ շահի այդ պարտությունը, Քահանալ խանը լսելով օսմանցիների ներխուժման մասին, շահին գրել էր. «Օսմանցին որ դայ քեզ վերայ, դուն կովիս ոչ, մինչ ի ես գամ»<sup>37</sup>: Շահը, սակայն, վախենալով օսմանցիների կողմից Համադանի գրավումից և հետագա առաջխաղացումից, խանին շեր սպասել, զնացել էր օսմանցիներին դեմ, բայց ճակատամարտում մեծ դժգոհ էր տվել ու պարտվել:

Սպահանում, լսելով Քահանալ խանի՝ մեծ բանակով գալու մասին, շահի մեծամեծները, այդ մասին վերևում արդեն ասվել է, շահին հասկացնել են տալիս, որ խանը գալիս է իրեն գահընկեց անելու նպատակով, ուստի պետք է նախապատրաստվել նրան դիմադրելու համար: Շահը որոշում է իր զորքով քաղաքից դուրս դիմավորել Քահանալ խանին: Վերջինս բանակել էր քաղաքից ոչ հեռու: Իմանալով շահի քաղաքից դուրս գալու մասին, Քահանալ խանը «...շուտով իջավ ձիուցն, ոտոք զնաց թաքառորին ոտն համբուրեց, ասաց. «Քաջայորն ողջ լինի, էդ բանըդ որ դու լսել ես, էդ խօսքդ քեզ ներհակ մարդի խօսք այ, մի հավատալ էդպէս բանին, ես քոյ խաթեր հմար՝ խորասանայ տեղս եմ եկել, որ քեզ տեսնեմ, ինչ որ դուն հրայման կտաս, ես էնպէս կանեմ, ես ինձու գլուխ բան չեմ բռնում. թէ որ հրայման կրտաս՝ գնամ խորասան, թէ որ կուզես՝ գնամ Ղազվին, թէ որ կուզես՝ գնամ օսմանցու վերէն, ինչ որ դու հրայման կտաս՝ ես էնպէս կանեմ»: Վերջապէս շահին հավատացուց կախարդ լեզվավ»<sup>38</sup>: Պատմագիրն այստեղից սկսում է բացահայտել Պարսկաստանի գահի հավակնորդ Քահանալ կուլի խանի հեռու գնացող պլանները: Քաղաք վերադառնալուց հետո, գրում է նա, շահը խանին ասում է. «...քոյ զօրքդ բեր քաղաքի մէջն, դուն էլ եկ քաղաքի մէջն»<sup>39</sup>: Քահանալը հրաժարվել է կատարել շահի առաջարկը, պատճառաբանելով թե. «Քաջայորն ողջ լինի, թէ որ

զօրքս բերեմ, քաղաքիս մէջն շատ նեղութիւն կտան քաղաքին... Յետոյ թաքայորին հետ մին էնպէս լեզով եխպարսիրութիւն արավ, որ զարմանալի, շահն հավատաց սորայ, ինչ որ յիշխանութիւն ունէր՝ ետ ի ձեռ Քահանալ խանի ասաց. «Դուն գիտես, ինչ որ կանես՝ արայ, մին բան մի անել, ասաց, օսմանցուն հետ կովի մի անել, որ ես հարտութիւն եմ արել, լավ չէ, թաքավորաց խօսքն մին պիտի»: Քահանալ ասաց. «Քաջայորն ողջ լինի, լավ խօսի այ, ինչ որ քո հրայմանոց խօսքն այ՝ ես էն կանեմ»<sup>40</sup>:

Այնուհետև Երևանցիները գրում է, թե Քահանալ խանը հաշվեց իր զորքը, հետո շահինը, «Շահն չէ խօսում, մանալանդ այնպէս հավատացուցել որ շահն ասում այ. «Ինչ որ կանայ Քահանալ խանն ինձ բավական այ»: Այսպէս հավատացել այ խանի: Ըսկսեց շահի զօրքիցն 200 (= 6.000) զրկեց Քարվէզ, 500 (= 5.000) զրկեց Ղազբին, 200 (= 2.000) զրկեց Մազանդարան, վերջապէս ինչ որ շահի լավ պատվական զօրք ունէր, բովանդակ այդպիսի անդին զրկեց: Յետոյ ըսկսեց շահի տունն գալն հանայապազ»<sup>41</sup>:

Շահն ըսկսեց Քահանալին պատիվ: Կանչեց Քահանալ խանն, գնաց թաքայորի տուն պատիվ 2 (= 6) օր անցավ... թաքայորին ասաց. «Քաջայորն ողջ լինի, ինձ պատվաց ես, գնանք իմ շատուրումն, մէկ տեղ հաց ուտենք յետոյ ես զնամ մ'երկիրն»: Նմանապէս Քահանալն մին խաբերայ ձայն էր հանել, թե «ես գնում եմ իմ երկիրն»: ...վերջապէս Քահանալն որ խնդրեց թաքայորին ի տուն իւր, թաքայորն հնազանդ եղավ, վեր ել, գնալով ի տունն Քահանալին... լավ պատիվ, լավ ուտելիք...: Քահանալ խանըն ըսկսեց թաքայորին թէ՛ «Քաջայորն ողջ լինի, քննէ մին բան եմ խնդրում, պիտի որ էս խնդիրս կատարես»: Քաքայորն ասաց. «Ասայ»: Քահանալն ասաց. «Լսել եմ թէ քոյ հրայմանրդ գինի կը խմես. թէ հրայման կտաս՝ մին փորքն գինի բերեն տեղս, մին լավ շէնութիւն անեն կամ ուրախութիւն անենք»: Շահ Քահանալն ասաց. «Լավ այ»: Ղրկեց շուտով 200 զայ Քալանթարին... Ի—Լ (= 20—30) շուշայ... գինի բերեն ի տուն խանի: Նստեցան տեղն, լավ ուտել, խմել, չորախութիւնն, մինչ ի գիշերան կէսն: Երբ որ գիշերան կէսն թամամ եղավ, Քահանալ խանն հրայման ես: շահի զօրքին թէ՛ «Գնացէք քնեցէք, որ շահն քնում այ»: Շահն այնպէս գինով այ որ խելքն մին բան չէ կտրում, այնպիսի հառաց է»: Երբ որ շահի զօրքն զնացին իրեանց բանն կամ քնիլ, Քահանալ խանն մտավ տունն, շահն մինակ տեղն նստաց, մէկ սիլա մն այս երեսին, մին այն երեսին զարկեց, ընբռնեց ըսայ, պարանօք կապեց, խնդրեց իւր զօրքիցն Գ-Գ

36 Նույն տեղում, էջ 62:

37 Նույն տեղում, էջ 63:

38 Նույն տեղում, էջ 64:

39 Նույն տեղում, էջ 65:

40 Նույն տեղում:

41 Նույն տեղում, էջ 65:

(= 3—4) ուժով մարդ, եկի շահին կապեցին, ոտնքըն երկաթեցի, դրին տան մէջն: Երբ որ լուսացավ ըսկսեց շայհի մեծ մեծ իշխաններն բռնել, բռնեց քովանդակ շայհի իշխաններն, սուրն քաշեց»<sup>42</sup>:

Այնուհետև Երևանցին պատմում է, թե Քահնազը ինչպես է վարվել շահի ու նրա ընտանիքի հետ: Մտել է շահի տունը «...շայհի կինըն եւ կամ քուրն տանէն դուս քաշեց, ...շայհ Քահնազն ղրկեց Խորասան, ...Շայհի քուրն իւրան կին շեն, շայհի կինն տարավ իւր տուն, ոչ թողեց դուս գալ, խատանակեց շնութեամբ, ...թաքայորին ինչ որ սաք կամ բարեկամ, կամ կինն, կամ քուրն: ինչ որ ունէր որ ունէր շայհի տան մէջն կամ ասք կամ հաղայկան, քովանդակ տարավ իւր տուն, քովանդակ ավերեց շնութիւնով, անըսկամութիւնով»<sup>43</sup>: Զորքին էլ խաբում է, թե շահի Արքաս անունով 6 ամսեկան տղային է շահ գարծնում, հետո նրան ուղարկում է Ղազվին: «Այս խարէութիւնովս երկրին մարդն խաղաղացուց: Մին պատճառ էլ էս գտավ թէ՛ «Ձեզ շայհն գինայ խումէր, լօթի էր, շէր կարում իւր երկիրն պահել, էսպէս արի, ղրկեցի Խորասան, որ բարքի խելքն գլուխն գայ»: էլ ինքն թաքայորն այս խարելով երկերի մարդն իւրան սիրեց թէ՛ «նանըն լավ այ ասում»<sup>44</sup>:

Ինչպես վկայում է Երևանցին, արևելքի նոր բռնակալը իր փառքի ճանապարհը հարդարում էր ոչ միայն գեներով, այլև խորամանկ շողորորթությամբ թշնամու հանդեպ: Բաղդադի մոտ գտնվող մահմեդականների հոգևոր կենտրոնի՝ Հիմամ-Ազամի հոգևորականներին «մեծ մեծ կարգացողներին» սիրաշահելու նպատակով, երբ ժամանել է այնտեղ «...ասոնց լավ ըսգեստ հագցուց, լավ պատվեց: Տեսին որ լավ այ պատում, Յիմամ-Ազամի շխտն գրեցի Յիմամ-Ալու, Յիմամ-Մուսի, Յիմամ-Բաղբրի, Յիմամ-Քազումի, Յիմամ-Աբասի, Յիյամ-Ղէնալ, Յիմամ-Ձէյնաբուու, ասոնց ամենեցուն զիր ղրկեցին թէ՛ «Քահնազն լավ այ պատիվ տալիս մեղ, լավ դուրք այ (իմա պարսիկ— Վ. Բ.), սորան հնազանդ եղէք, որ մենք հնաչղանդ եղանք մեղ լավ այ պատիվ տալիս»: Սոքանք որ լսեցին՝ բովանդակ հնազանդ եղան Քահնազին»<sup>45</sup>: Երևանցու այս վկայությունը մեծ շահով օգնում է ճիշտ հասկանալու նաև նադիրի՝ հայոց կաթողիկոսի և հոգևոր վերնախավի նկատմամբ ցուցարբերած բարյացակամ վերաբերմունքի պատճառը, որի մասին որոշակի գրել է այդ վերաբերմունքը վայելած Աբրահամ Կրետացի կաթողիկոս-պատմագիրը:

42 Նույն տեղում, էջ 65—66:

43 Նույն տեղում, էջ 66:

44 Նույն տեղում, էջ 67:

45 Նույն տեղում, էջ 71:

Երևանցին այնուհետև նկարագրում է Քահնազ խանի կողմից Բաղդադի 9-ամսյա պաշարումը, թուրքական Կազ Օսման փաշայի զորքի կողմից նրա բանակի ջախջախումը, փախուստը Համադան, ապա 15 հազարանոց բանակով հանկարծակի հարձակումը Օսման փաշայի զորքի վրա, թուրքերի շարաշար պարտությունը, Օսմանի զլխատումը, Բաղդադի Ահմադ փաշայի հետ հաշտության կնքումը: Ապա տալիս է Քահնազ խանի կողմից Շիրազի Մահմադ խանի ապստամբության ճնշումը, Երևանի, Գանձակի, Շիրվանի գրավումը, լեզգիներին հարկատու դարձնելը, Մցխեթ քաղաք գնալը, վրաց իշխաններին պարգևներ ու պատիվներ տալը, կախնեթցիների ապստամբությունն ու հերոսական դիմադրությունը և նրանց կողմից Քահնազի պարտությունը<sup>46</sup>:

Այդ պարտությունից հետո, Երևանցու վկայությամբ, Քահնազ խանը պալիս է Երևան և պատրաստվում է ճակատամարտ տալ Քյոփուրուլուզադե Աբգուլլա փաշայի 300-հազարանոց բանակի դեմ:

Ըստ Երևանցու, վճռական ճակատամարտը տեղի է ունեցել Եղվարդի մոտ: Օսմանական թվական գերազանց գերակշռություն ունեցող բանակը զլխովին ջախջախվել է Մմնկերտի մոտ, Աբգուլլա փաշան բռնվել ու սպանվել է: Ի նշանավորումն այդ հաղթանակի Քահնազ խանը փաշայի գերեզմանի վրա «...լավ քարով մին լավ դաջ ու կիրով ըսպիտակեցուց, մին պատվայկան պահալրան շինեց»<sup>47</sup>:

«Օսմանցի յախտվեց» — գրում է պատմագիրը, — օսմանցի որ էս ճանաչպարսիս վերայ թարաց, նման այ լաշ լաշի վերայ, մարդ ոչ կարէի ճանաչպարսովն գնայ, լաշերն կոխ տալով. ձիանոնց ոտի տակն ամէն լաշ. հայում ես, լաշ այ երեւելի, այլ գետին կամ քար ոչ է երեւում, որ այսպէս լաշ այ»<sup>48</sup>:

«Պատմութիւն պատերազմացն», երկն ավարտվում է Մուղանի (Տամղան) իրադարձությունների նկարագրությամբ, որ արևելքի նոր բռնակալն իրականացնում է իր վերջնական նպատակը, իրեն հռչակում է Իրանի շահ: Երևանցին գրում է, թե Քահնազ խանը Մուղան է հրավիրել Պարսկաստանի մեծամեծներին ու դիմել նրանց թե «Գի՛տ ձեզ ինչ պաճառի խնդրեցի, ասաց քանի ժամանակ այ որ թուր հմ տալիս ձեր խաթեր հմար մինչ ի էս թարիդս, ձեր դուշմանն հատացրի, աղվանն, օսմանցին, մօսկովն բովանդակ փախցր կօտորեցի, պրծայ: Հիմայ ձեզմէն շայհ ղրէք» Երեք անգամ ասաց աս խօսքս: Մին երկու մեծ իշխան ըսկսեց թէ «նանն ողջ

46 Նույն տեղում, էջ 79—84:

47 Նույն տեղում, էջ 85:

48 Նույն տեղում:

լինի, շայ Թահմազն բեր դիր իւր թախտն, էլ մեր թագավորն նա լինի»։ Շուտով հրայմանն ետ, ըսպանեցին այս մի բանի իշխանիս։ Յետոյ կրկին անգամ հարցուց. բովանդակ վախեցան, ասացին. «Խանն ողջ լինի, դու ես մեր դաքալորն»։ Երեք անգամ որ այսպէս ասին «Դու ես մեր թաքալորն», Թահմազն ասաց. «Ինձ էք ուզում թաքալոր, գիր տվէր որ ես ձեզ թաքալոր դարիլ լինեմ»։ Բերին ժողովուրդն գիր տվին թե «Դու ես մեր թաքալորն, էլ քեզնէ ավել թաքալոր չունենք, դուն ես մեր թաքալորն»։ Գիրն տվին, ուրախութիւն արին, պոծան, եղավ թաքալորն<sup>51</sup>։ «Վերջ ամին» բառերից հետո այդ նույնը, սակայն որոշ մանրամասներով ու փոփոխութիւններով գրում է. «Ըսկսեց նայ խանն Թահմազ խնդրել ժողովուրդն պարսոյ երկրի։ Բովանդակ ժողովուրդն հնազանդեալ՝ դալով հասին ի մոտ խանին... խանն ըսկսեց դատաստան անել... նստացուց բովանդակ մեծայմեծք եւ փորք, հարցուց ժողովուրդին թէ՛ «Ես ձեր խաթեր համար այսչաբ ժամանակ պատերազմեցի, երկիրն առի այլասգաց ձեռացէ. հիմա ո՞վ կը խնդրէք՝ ձեզ կայսեր դրէք»։ Ժողովուրդն ոչ կարեցավ տալ պատասխանն խանի։ Գ (= 3) անգամ հարցուց այս բանս, նորանք եւ ժողովուրդն ոչ տվին պատասխան։ Այս իշխանոնց մէջն կայր Գ (= 3) մեծ իշխան, որ լավ դօրօք իշխանք անուվանէր. սա իշխանս, որ անունն անուվանի Սալախան բէկ Լոէհանլու, որ այս մին ասգանուն անի, այսպէս անուվան գոչի։ Սայ ըսկսեց խնդրել խանին թէ՛ «Խանն ողջ լինի, դու որ ասում ես թէ ձեզ մին կասեր սահմանեցէք, դուն մեր շայհն բանդի մէջ ես ձգել, դուրս բեր, մենք նորա կայսեր սահմանէնք»։ Այս բանս որ լսեց խանն, շուտով հրամանն ետ, դի որին ձգեցին պարանն ի կույն նորա Սալախան բէկին, ըզպանելով պարանօք ըսպանեցին...»

Կրկին անգամ եհարց խանն թէ՛ «Ո՞վ կուզէք կայսերացու»։ Ժողովուրդն ահիվ ասացան. «Թահմազ խանն ողջ լինի, քեզ կուզենք մեզ կայսերացու, դուն մեզ եղի կայսեր»։ Գ (= 3) անգամ եհարց խանն, այսպիսի պատասխան տվին ժողովուրդն, հավանեցան խանին կայսերութեանն։

...Սա Թահմազ խանն տեղն նստավ մինչ ի Խ (= 40) օր, որ կայսեր եղած ժամանակն, պարսոյ երկրի ժողովուրդն ըսկսեցին պատվալկան փէշքէշ տանիլ. գանձ, քարունք, դրամ, այսպէսի Խ (= 40) օրն վերջ եղավ<sup>52</sup>։ Այնուհետեւ նշում է, որ Թահմազը հաշտութիւն է կնքել օսման-

ցիների հետ, հետո արշավել է լեզգիների վրա, նրանց հաղթել ու վերադարձել է<sup>51</sup>։

Պետք է ենթադրել, որ «Վերջ ամին»-ից հետո, որով ավարտել էր իր երկը, Երևանցին նոր նյութեր է ձեռք բերել և աշխատել է ամբողջացնել այն։ «Կայսր» բառի գործածելը թերևս ենթադրել է տալիս, որ հեղինակը այդ հատվածը գրել է Արևմտյան Հայաստանում կամ Հունաստանում, որտեղ ավանդաբար պահպանվել է տիրակալների այդ տիտղոսը, կամ էլ ուրիշն է գրել-լրացրել։

Արրահամ Երևանցի պատմագիրը որոշ տեղեկություններ է հաղորդում 18-րդ դարի 20—30-ական թվականների ռուս-պարսկական հարաբերությունների մասին։ Գրում է, թե շահ Թահմազը ժառանգելով հոր գահը, դիմել է սուլթան Ահմադին պահանջելով «Իմ երկիրն ինձ տուր, մինչ ի էս թարիզս աղվանն իմ երկիրն տիրել էր, հիմայ Աստուած տվեց իմ երկիրն աղվանի ձեռնէն. արդ խնդրեմ քեզնէ որ իմ երկիրն ինձ տաս, որ իմ հօր օջախն խավարի ոչ»<sup>52</sup>։ Սուլթանը նրան գրել է թե «Լավ ես ասում, Մօսկովն Գիլանու դուս արայ, ես էլ իմ առաց երկիրն քեզ տամ գնայ տիրէ»<sup>53</sup>։ Շահն այդ մասին հայտնել է Մոսկվա և պահանջել Գիլանը։ Մոսկվան պատասխանել է, թե «Ես այսչաբ այնչաբ դրամ եմ կորուցել, այսչաբ սօլդադըս, տեղըդ փչացել այ, ես Գիլանն քեզ շեմ տալ. թէ որ չիմ խարջաց դրամն կտաս կրկին, տարին ուսուն հազար թուման էլ կտաս, քո երկիրն քեզ կտամ»<sup>54</sup>։ Երևանցին գրում է, որ շահը համաձայնվել է և որ «...շայհն Մօսկովին հետ լավ հաշտ եղան, ինչ որ եխպայր»<sup>55</sup>։

Մեկ տարի անցնելուց հետո, Մոսկվան Սիմոն անունով մի մարդ է ուղարկում Սպահան պայմանավորված գումարը ստանալու համար, սակայն շահ Թահմազն արդեն գահընկեց էր արվել։ Թահմազ խանի պահանջը՝ ռուսաց թագավորի գրած թուղթը իրեն հանձնելու մասին, Սիմոնը մերժում է։ Այն ժամանակ խանն ասում է, որ ինքը գնում է կովելու, կվերադառնա ու պատասխանը կտա։ Սիմոնը երկու տարի մնում է Սպահանում։ Խանի վերադառնալուց հետո, Սիմոնը խանին ասում է. «Իմ թաքալորն գրել այ թէ՛ դուն որ քոյ թաքալորն յաբըշտակել ես, դուն ես էդ քաղաքիդ տէրն, եթէ դուն ես էդ քաղաքիդ թաքալորն՝ իմ դատաստանն դու արայ. ես քոյ երկիրումն պարտայկան ունեմ, որ ինձ հոգով պարտայկան

49 Նույն տեղում, էջ 86։

50 Նույն տեղում, էջ 86—87։

51 Նույն տեղում, էջ 87—89։

52 Նույն տեղում, էջ 79։

53 Նույն տեղում։

54 Նույն տեղում։

55 Նույն տեղում։

են կամ մարմնով, թէ իմ դրամս դուն կտաս, լավ այ, թէ չես տալ, իմ պարտականն իմ ձեռս տուր, ես իմ հայտս կառնեմ»<sup>56</sup>:

Խանը նրան պատասխանում է. թե «էն մարդն որ քեզ պարտավան այ, ինձ էլ այ պարտական. պատճառն ի՞նչ է. պատճառն այս է որ իմ թաքայորն խենդ էր, գինախում էր, գինի կը խմէր, խելքն դանուկ կտար, մեր երկիրն իւր խելացիցն բովանդակ յետ ի ձեռն օսմանցու կամ թէ քոյ. իմ թաքայորն քեզ վեղայ կոխվ շունէր, քեզ ի՞նչ պիտոյ էր, որ դուն գաս Գիւլան առնես կամ քոյ դրամն կամ քոյ զօրքն փշանայ. քեզ ո՞վ էր ասում այսչաբէն տարոյ թաքավոր, որ տեղրտ նստաց այ մին թաքավոր, մեր երկրու վերայ պասեբրազմզուն շի արել, դուն ի՞նչպէս երկիր Գիւլան առեր»։ Այսպէս էլշուն հետ լեզվաց կոխվ տվին»<sup>57</sup> գրում է Երեանցին:

Մոսկովայից ժամանում է երկրորդ ներկայացուցիչը (500 հոգով), հետո երրորդը: Թահմազ խանը երեքին էլ ետ է ուղարկում ասելով «Գնացէք ձեր թաքայորին էսպէս խաբար տարէք թէ, ես քեզ հետ կոխվ ունեմ, էդ գիրդ որ դուն դրկել ես, էդ գրիդ ես դրամ չեմ տալ, եայ դուն դիս էս հոգումն կը փշացուցանես, եայ ես քեզ ծովումն ձգանց կուտացուցանեմ»<sup>58</sup>:

\* \* \*

Աբրահամ Երեանցին էլ Առաքել Գավրիժեցու և Աբրահամ Կրետացու նման հարգանքով է խոսում հայ առևտրա-վաճառատուական կապիտալի ներկայացուցիչների մասին: Գոհունակութամբ արձանադրում է, որ Ահմադ փաշայի կողմից Համադանի գրավման ժամանակ, նրա բանակում դտնվող համադանցի հայ վեց «մեծ իշխաններ» (հավանաբար առևտրականներ-մահաթաններ) դիմել են փաշային թե «Մենք քրիստոնեայ ենք, խարջ կտանք քեզ, մեր գերիքն հրայմայէ որ մեզ յետ տան...»: Երեանցին ասում է. որ փաշան համաձայնվել է, սակայն ոչ բոլորին են ազատել, մի մասին բաց չեն թողել<sup>59</sup>:

Նադիրի՝ Անգրկովկասում 1734—1736 թթ. ծավալած գործունեությունը, Մուղանում նրա թագադրման և բայրամի տոնակատարության արարողությունները շատ ավելի հանգամանորեն է տվել Աբրահամ Կրետացին: Այստեղ նշենք միայն, որ եթե մի կողմ թողնենք նրա մանրամասնությունները և «շողոթորթեալ» պատմությունները, ապա նա ընդհանուր գծերով հաստատում է Երեանցու հաղորդած տեղեկությունները այդ ժամանակահատվածում տեղի ունեցած իրադարձությունների մասին: Կրե-

տացու մոտ ոչինչ չի ասված վերը նշված երկու իշխանների մասին: Ըստ նրա՝ Նադիրի ընտրություն հարցում տարակարծություններ չեն եղել, նա, սակայն, ակնարկում է այն մասին, որ երբ ինքն էլ է հրավեր ստացել ներկայանալու Մուղան, շատ է զարմացել և ցանկացել է իմանալ կանչելու պատճառը. «Բայց կարծիք ոմանց,— գրում է նա,— թէ՛ ՂԾահն նստուցանելոց է ի զահոյս իւր, և ոմանք, թէ՛ ինքն նստելոց է. բայց հաւաստին և վասն էրն ոչ է յայտնի»<sup>60</sup>:

Երեանցու և Կրետացու հաղորդած տեղեկությունների պատմական արժեքը գնահատելիս, չպետք է մոռանալ այն կարևոր հանգամանքը, որ նրանք իրենց պատմությունները գրել են երակետ ունենալով տարբեր նպատակադրումներ: Առաջինը տալով Պարսկաստանի՝ իր թշնամիների դեմ մղած 15-ամյա պատերազմների պատմությունը, նպատակ է հետապնդել գրելու արևելքի նոր բռնակալ Նադիրի՝ փառքի գազաթնակետին հասնելու անցած ուղու մասին, երկրորդը՝ ելնելով հայոց հողեր կենտրոնի՝ էջմիածնի շահերից, Նադիրի և հայոց կաթողիկոսության փոխհարաբերությունների մասին:

Ավարտելով մեր խոսքն Աբրահամ Երեանցու մասին, գտնում ենք, որ «Պատմութիւն պատերազմացն» երկի հրատարակիչ Ա. Ըեմճեմյանը միանգամայն ճիշտ է վարվել՝ Երեանցու ինքնագիր ձեռագրի հետ հրատարակելով նաև, ինչպես ինքն է հավաստում, «Մխիթար Աբրահամ աշակերտներէն Հ. Մատթէոս Եւզոկիացի Գարագաշեանի (1691—1772) կողմից խմբագրած բնագիրը»: Նա գրում է, թե այդ խմբագրությունն անհրաժեշտ է եղել, քանի որ «Աբրահամ Երեանցիի պատմութիւնը կը ներկայանայ մեզի սաղմնային վիճակի մեջ, գրուած առանց ոճի և ընթերցողի հաճելի դառնալու մտահոգութեան»<sup>61</sup>:

Գարագաշյանը Երեանցու «Պատմությունը» ամբողջապես վերաշարադրել է, կենդանացրել, ոգի և կենսունակություն տվել, մատչելի դարձրել ընթերցողներին: Որոշ տեղերում համառոտել է ինքնագիր բնագիրը, առանձին հատվածներում կատարել լրացումներ ու տվել մութ ու խրթին տեղերին յուրովի մեկնաբանություններ<sup>62</sup>:

Այդ լրացումներն ու մեկնաբանությունները ոչ միայն ամբողջացնում են Երեանցու բնագիրը, այլև իրենց պարունակած բովանդակությամբ, նոր իմաստ են տալիս առանձին իրադարձություններին ու երևույթներին, ավե-

56 Նույն տեղում, էջ 80:

57 Նույն տեղում, էջ 80—81:

58 Նույն տեղում, էջ 81:

59 Նույն տեղում, էջ 44:

60 Աբրահամ կաթողիկոսի Կրետացու, պատմագրութիւն անցիցն իւրոց և նատր Ծահն պարսից, Վաղարշապատ, 1870, էջ 27:

61 Երեանցի, Յառաջարան, էջ 8:

62 Նույն տեղում, էջ 9:



լի որոշակի բացահայտում գրանց պատճառները, այդ իսկ առումով ինքնագիր բնագիրն ավելի է արժեքավորվում ու կարևորություն ստանում, իսկ խմբագրած բնագիրը ծառայում է իբրև սկզբնաղբյուր:

Շատ օրինակներից բերենք միայն մի քանիսը: Այսպես, եթե Երևանցին Սեֆյան հաստատության անկման պատճառը համարում է աֆղանների ապստամբությունը, ապա Գարագաշյանը, հենց սկզբից, բացահայտում է նրա անկման ներքին ու արտաքին պատճառները: Նա նշելով, որ 1721 թ. աֆղան Մահմուդ սուլթանը գրավել է Սպահանը (նրա մոտ՝ Շոշ) գրում է «...ի ժամանակի, յորժամ սասանեալ, դորդեալ, խոռվեալ ծփիւր աշխարհն Պարսից, եւ իշխանք գաւառացն ի հերձիլ լայնածաւալ միապետութեան նորս՝ հակառակ միմեանց յարուցեալ տագնապէին եւ զաշխարհն ամենայն հարուածովք սրոյ եւ գերութեան յաւեր ածել ձգէին սուլեա շայոց, որ ըստ երեւելի մասին ընդ պարսից տէրութեան գրաւեալ կայ. ...Ձի ոչ եթէ միայն առ ի ներքուստ վրդովմանց աշխարհին ի շնորհանի գաւառակից պետաց հակառակ միմեանց յարուցելոց զհարուածս սրոյ եւ սովու կբէք, այլ եւ ի հագարացոց սահմանակից պետութենէ անտի եւ ի լակզի թաթարացն յարձակելոց զանհամար անձանց՝ արանց եւ կանանց, երիտասարդ եւ կուսից, մանկանց եւ տղայոց առհասարակ՝ զշարաշար գերութիւն եւ զկոտորումն ընդունէր»<sup>63</sup>: Հետագա շարադրանքում էլ գրում է. «Այլ ի պատճառս երկպառակութեանն, զոր աղուանն էած ի վերայ, իշխանք թագաւորութեանն այնորիկ լուծեալք ի կապից միութեան գլխոյն՝ յանձինս իւրեանց բաժանեցան, եւ ոմանք նուաճեցան ընդ տէրութեամբն աղուանից: Եւ այնուհետեւ շահ Քահազին, որ զլուխ լինելով նոցա իրաւամբ ժառանգութեան՝ կոչէր զնոսա իբրև զանգամս ի միութիւն եւ ի ձեռնտուութիւն, ոչ հնազանդէին, եւ վասն այսորիկ, նա իբրև գլուխ մի լուծեալ յանգամոց՝ ոչինչ զօրէր առնել: ...յաջողեցաւ նմա ի ձեռն միոյ իշխանաց նորս՝ որոյ անունն էր Քամազ զուլի, այր բարեբաղդ ըստ անցաւոր կենցաղոյս եւ այր խոհական ըստ աշխարհիս եւ քաջ պատերազմօղ ի մանկութենէ»<sup>64</sup>: Երևանցին նկարագրելով Աբգուլլա փաշայի կողմից Երևանի գրավման մասին, բավարարվել է նշելով միայն, որ օսմանցիներն էջմիածինը շին գրավել, որովհետև Ստամբուլից հրաման են ստացել թե «Յէջմիածնու հեղ բան չունէր»<sup>65</sup>, առանց պատճառաբանելու թե ինչո՞ւ: Այդ արել է խմբագիր Գարագաշյանը: Նա գրում է

«...եհա հրովարտակ յօսմանցոց սուլտանէն, յորում պատուիրէր փաշային անխայել յէջմիածին եւ ոչ կոխան տալ զօրաց իւրոց, պահապանս զնել նմա յիւրոց անտի զօրաց, զի մի ոք ինչ յափշտակիցէ անտի, կամ խուրցէ զոք անդ յեղելոց: Եւ եղև այս ի յաջողելոյ խնամոց գթութեանն Աստուծոյ: Ձի ի ժամանակին, յորում լինէր զօրացն օսմանացոց ի շայաստան մխիլ, ոմն բարեպաշտ մեծատուն ի հայոց ազգէ, Սեղբոս անուանեալ, որ իրաց պիտոյից արքունի պաղատանն ծառայելով, շնորհս գտեալ էր եւ էր ինքն անուանի քան զամենայն մեծամեծս հայոց, որք ի Կոստանդնուպոլիս են, բարեխօս եղեալ էր վասն էջմիածնին, որպէսզի առ խնամս ազգիս հայոց եւ առ օգուտն աբխազի հրաման տացէ սուլտանն եւ պատուիրեսցէ փաշային՝ ի սուրբ էջմիածինն անխայել, եւ ոչ թոյլ տալ զօրաց իւրոց զայն սուրբ տեղին ասպատակել»<sup>66</sup>:

Այս Սեղբոսն, ամենայն հավանականությամբ, հայ խոշոր առևտրավաշխատական կապիտալի ներկայացուցիչներից է եղել: Գարագաշյանի այս լրացումը նախ հաստատում է Առաքել Գավրիթեցու և Աբրահամ Կրետացու հաղորդած տեղեկությունները հայ առևտրավաշխատական կապիտալի ներկայացուցիչների՝ քաղաքական կյանքում խաղացած կարևոր դերի մասին, և երկրորդ, որ նրանք շատ լավ էին հասկացել Հայաստանը նվաճած բռնակալների համար հայոց հոգևոր կենտրոնի՝ էջմիածնի ու հոգևոր վերնախավի նկատմամբ ցուցաբերած հովանավորությունից ստացած օգուտները: Եթե Կրետացին այդ ասում է Ջուղայի խոջաների և Երևանի քալանթար Մելիքջանի բերանով, պալատական պատմագիր Մուհամմադ Քյադիմը՝ Մելիք Եզանի բերանով, ապա Գարագաշյանը՝ կոստանդնուպոլսեցի մեծատուն Սեղբոսի միջոցով:

Եթե Երևանցին Կարբիի՝ օսմանցիների կողմից գրավման կապակցությամբ բավարարվել է նշելով, որ Երևանի Միհրաբի խանը մերժել է օգնել կարբեցիներին, պահանջել է դիմադրել թշնամուն մինչև կաթողիկոսի շահի մոտից գալը, ապա Գարագաշյանն ատելությամբ է գրում խանի այդ վարքագծի մասին: Ըստ նրա, խանի պատճառաբանությունը «անօգուտ անմտութիւն էր»:

«...զսոյն զայս պատճառս,— գրել է նա,— յուսադիր լինելոյ նոցա զնելն ամպարիշտ իշխանին՝ անօգուտ անմտութիւն էր: Ի կորուստ անձանց նոցա վարէր զնոսա թշուառականն զի էր օտարազգի եւ անհավատ. եւ ոչ ինչ փոյթ էր նմա գերութիւնն եւ կոտորումն քրիստոնեայ ազգին մերոյ: Վասն զի եթէ հարազատ հաւատարիմ խնամածու իցէր, զիա՞րդ

63 Նույն տեղում, խմբագրված բնագիրը, էջ 91:

64 Նույն տեղում, էջ 125—126:

65 Երևանցի, էջ 25:

66 Նույն տեղում, խմբագրված բնագիրը, էջ 99:

մարթ էր նմա զնոսա աշապէս իբրև զոշխար ի սպանդ վարել. քանզի զի՞նչ համեմատութիւն էր անպարիսպ, անխրամ եւ անզօր գիղաքադաքի միոյ առ այնչափ բազմութիւն զօրացն, որք պաշարեցին զնա...»<sup>67</sup>:

Նման լրացումները շատ են. բավարարվենք բերվածներով:

Աբրահամ Երևանցու «Պատմութիւն պատերազմացն», Երկի, ինչպես ինքնագիր, այնպես և խմբագրված բնագիրը, ճիշտ է փոքրածավալ է, սակայն հետաքրքիր ու արժեքավոր նյութ է պարունակում Իրանի, Քուրքիայի և Անդրկովկասի երկրների XVIII դարի 20—30-ական թվականների քաղաքական բուռն իրադարձություններով հարուստ ժամանակահատվածի պատմության ուսումնասիրության համար: Այն ականատեսի ստուգապատում աղբյուր է:

<sup>67</sup> Երևանցի, էջ 98:

## Վ Ե Ր Զ Ա Բ Ա Ն

Երկուհարյուր տարուց ավելի՝ սկսած Լանկ-Քամուրի աշխարհակործան ավերածություններից մինչև շահաբբասյան հրեշավոր աղետը, Հայաստանի հողն արյունով էր հեղեղվել, նրա շատ նահանգներն ամառացել էին, բնակավայրերը գազանների որջեր էին դարձել, նրա երկնակամարի տակ գրեթե մարել էր հայ քաղաքական կյանքը, նրանում տիրապետողը սուրն էր, թանձրամած խավարն ու իսլամի դաժան լուծը, որը հյուժել ու ուժասպառ էր արել նվաճված ժողովուրդներին՝ այդ թվում և հայ ժողովրդին: Բազում դարեր դառն փորձություններ ու արհավիրքներ հաղթահարած բազմաշարչար հայ ժողովուրդը, չնայած մարդկային միլիոնավոր կորուստներ էր տվել, մի մասն էլ պանդխտության ցուպը ձեռքին սփռվել էր աշխարհով մեկ, դիմակայելու իր կենսունակությունը չէր կորցրել, չնայած նրա նկատմամբ նվաճողների վարած նենգ ու բիրտ քաղաքականությանը, գործադրած ստոր ու վայրագ միջոցներին, նրա ազատատենչ ոգին չէր մարել:

XVII դարի սկզբին էլ հայ ժողովրդի գոյատևման համար օրհասական վիճակ էր ստեղծվել: Շահաբբասյան մեծ սուրզունը հայ ժողովրդի մեջ նորից կյանքի ու մահու գաղափարը, ինքնապաշտպանության հուժկու բնագղը ծնեցրեց:

Այդ գաղափարի ու բնագղի գիտակցման անհրաժեշտությունը նորից, ինչպես V և X դարերում, կյանքի կոշեց քաղաքական ու հոգևոր մաքառումների ամենահզոր զենքերից մեկին՝ պատմագրությունը: XVII դարում էլ հայրենիքի ու ժողովրդի ճակատագրով մտահոգված հայ հասարակության առաջադեմ մտավորականները խոր գիտակցել են պատմական գիտության դերն ու նշանակությունը ժողովրդին ինքնաճանաչ դարձնելու, լուսավորելու, նրան հայրենիքի ու դավանանքի նկատմամբ սիրո և նվիրվածության ոգով դաստիարակելու, ազգային ինքնագիտակցությունն ու մարդկային արժանապատվությունը բարձրացնելու, վերահաս արհավիրքներին դիմակայելու համար ուժերը համախմբելու, կազմակերպելու ու լարելու գործում: Նրանք էլ իրենց նախորդներին նման

ձգտել են պատմության ուժով ու միջոցով հաղթահարել իրենց ժամանակների դառն իրականությունը, պատմության մեջ տեսնելով ուսուցանողի ու դաստիարակչի հզորագույն կարողությունը և ուժը:

Ի տարբերություն վաղ և դարգացած ֆեոդալիզմի դարաշրջանների պատմագրության, ուշ միջնադարի վերջին երկու XVII—XVIII դարերի պատմագրությունն աչքի է ընկնում իր մի շարք առանձնահատկություններով:

Առաջին և հիմնական առանձնահատկությունն այն է, որ այն իր էությունը դադարի շափով աշխարհականացված է, շնայած նրա ներկայացուցիչները, շնչին բացառությամբ, նորից հոգևոր դասին են պատկանում, դա բացատրվում է նյութի մատուցման ձևից ու բնույթից: Այդ դարերից մեզ հասած պատմական բնույթի երկերը հիմնականում ժամանակագրություններ, օրագրեր, հուշագրեր են: Նրանցում չկան եկեղեցու ու հայ ֆեոդալական տների պատմություն, աստվածաբանական դոգմաների քարոզ, դավանաբանական վեճերի ձգձգված շարադրանք: Քեմատիկան հիմնականում աշխարհիկ է, նրանցում իր անդրադարձումն է ստացել ժողովրդի սարսափներով լի կյանքն իր բոլոր կողմերով, նրանց հեղինակները ողբացել են իրենց ապրած օրերի դառը կյանքը, միաժամանակ ամբողջ ուժով քարոզել են միաբանության ու միասնության վեճ գաղափարը, ընդգծված ձևով տվել են լուսավորության, քաղաքական ու մշակութային վերածնության և ազատության անհրաժեշտության մասին, նախապատրաստել են գալիք գոտեմարտերը:

Այդ դարերի հեղինակներից և ոչ մեկն իր երկը չի սկսել Ազամից ու Եվայից կամ աշտարակաշինությունից, նրանցից գրեթե և ոչ մեկը հատուկ նպատակ չի դրել ժամանակակիցներին իր ժողովրդի անցյալի սխրտնքներով դաստիարակելու, ինչպես այդ արել են նախորդ պատմագիրները: Ժամանակները խիստ փոխվել էին, առաջնահերթ խնդիրն էր վերակենդանացնել ժողովրդին, նրան դուրս բերել թանձրամած խավարից: Այդ հեղինակները հիմնականում ողբալով իրենց օրերի, ինչպես նաև ոչ հեռավոր անցյալի սարսափներն ու արհավիրքները, ձգտել են բարձրացնել ժամանակակիցների ու գալիք սերունդների ազգային ինքնագիտակցությունն ու մարդկային արժանապատվությունը, անողոք պայքար են մղել խավարի, հասարակախավերում արմատացած արատավոր բարքերի դեմ: Նրանք գրչով ու գործուն մասնակցությամբ ձգտել են վերականգնել իրենց ժողովրդի անցյալի լավագույն ավանդույթները, քարոզել ու գովերգել են նորը, առաջավորը, վերանորոգչական միջոցառումներն ու նախաձեռնությունները, մտավոր կյանքի

զարթոնքը: Նրանցից շատերն իրենց կյանքը նվիրել են այդ դարթոնքի ու նրա հետագա զարգացման հայրենանվեր գործին:

Երկրորդ առանձնահատկությունն այն է, որ այդ դարերի պատմագրության մեջ լայն անդրադարձում է գտել իր բուն զարգացումն ապրող հայ առևտրավաշխատական կապիտալի գաղափարախոսությունը, որը և դադարի շափով նպաստել ու խթանել է նրա աշխարհականացմանը: Հանդես են եկել աշխարհիկ հեղինակներ հիմնականում առևտրավաշխատական կապիտալի ներկայացուցիչներն՝ իրենց օրագրություններով ու ուղեգրություններով և թարմություն մտցրել պատմագրության մեջ:

Պատմական երկերի հեղինակներն այդ նոր հասարակախավի մեջ են տեսել այն հեղափոխիչ ուժը, որը պիտի նպաստեր ժողովրդին դուրս բերելու թանձրամած խավարից, մղձավանջային վիճակից, որը պիտի խթաներ տնտեսական, քաղաքական, հոգևոր—մշակութային զարթոնքը և նպաստեր նրա հետագա զարգացմանը:

Երրորդ առանձնահատկությունն այն է, որ այդ դարերի պատմագրության մեջ համակողմանի արտացոլվել է հայ գաղթավայրերի ու պանդխտության պատմությունն իր դրական և բացասական կողմերով, նրանց դառն ճակատագիրը, ազգային ու կրոնական հալածանքները, ծայր աստիճան սրված դավանաբանական պայքարը հայաղավանների ու ունիթորների միջև, պապականության վարած նենգ քաղաքականությունը գաղթավայրերում:

Չորրորդն այն է, որ նրանում երևան է եկել քաղաքական կողմնորոշման մեջ այն արմատական հեղաբեկումը, որ տեղի էր ունեցել մեծ հայրենասեր Իսրայել Օրու համառ ջանքերով և այն, որ XVIII դարի մի քանի պատմագիրներ կամ պատմական երկերի հեղինակներ հանդիսացել են Օրու ջերմ հետևորդները և իրենց պրակտիկ գործունեությամբ աջակցել են նրա նպատակի իրականացմանը (Եսայի հասան Զալալյան, Ստեփան Շահումյան, Սիմեոն Երևանցի):

Ի վերջո, կարևոր առանձնահատկություններից է նրա լեզուն, նյութի մատուցման ձևերն ու եղանակները: Լեզուն փոքր բացառություններով, միջին գրաբարն է և ժամանակի խոսակցական լեզուն, մատուցման ձևը շափաղանց պարզունակ է, բայց միաժամանակ հագեցված հայրենասիրական ջերմ զգացումներով:

Ինչպես նախորդ դարաշրջանների, այնպես նաև ուշ միջնադարի հայ պատմագրության ներկայացուցիչների մեծագույն մասի պատմագրական ժառանգությունն իր պարունակած հարուստ, արժեքավոր ու

բազմաբովանդակ նյութերով՝ իբրև ականատեսի, ականջալուրի ու գործող անձի գրվածք, հավաստի և ստուգապատում սկզբնաղբյուր է ոչ միայն Հայաստանի ու հայ ժողովրդի, հայ գաղթավայրերի նշված դարաշրջանի պատմության, այլ նաև Անդրկովկասի, Պարսկաստանի ու Թուրքիայի և նրանց ժողովուրդների պատմության ուսումնասիրության համար և ընդհանրապես արևելագիտության համար: Դա է հայ պատմագրության առանձնահատկությունը, որը և պայմանավորել է նրա գրված ուրույն դերն ու տեղը համաշխարհային պատմագրության մեջ:

## ՀԱՄԱՌՈՏ ՄԱՏԵՆԱԳԻՏՈՒԹՅՈՒՆ\*

ԹՈՎՄԱ ՄԵՍՈՓԵՑԻ

### Հրատարակություններ

Պատմութիւն Հանկ-Քամուրայ և յաջորդաց իւրոց, արարեալ Թովմա վարդապետի Մեծորեցոյ, ի լոյս ընծաեաց հանդերձ ծանօթութեամբ Կարապետ վրդ. Շահնազարեան, Փարիզ, 1860:

Թովմա Մեծորեցու Յիշատակարանը, Թիֆլիս, 1892  
(Հրատարակեց իւր առաջաբանով Կ. Կոստանեանց):

### Գրականություն

Արեղյան Մ., Հայոց հին գրականության պատմություն, Կիբբ երկբորդ, Երևան, 1946, էջ 365—368:

Ալիշան Ղ., Այրարատ, Վենետիկ, 1890, էջ 215—216, 473:

Ալիշան Ղ., Հայագատում, Վենետիկ, 1901, մասն Ա., էջ 125 և մասն Բ, էջ 549:

Անասյան Հր., Հայոց անձնանունների բառարան, հ. Բ, Երևան, 1944, էջ 329—333:

Առաքելյան Ա., Հայ ժողովրդի մտավոր մշակույթի զարգացման պատմություն, հ. 1, Երևան, 1959, էջ 475—482:

Դուրյան Ե., Պատմութիւն հայ մատենագրութեան, Կ. Պոլիս, 1885, էջ 76:

Չամիչյան Ա., Հայ գրականութեան պատմութիւն, Նոր-Նախիչևան, 1914, էջ 217—281:

Զարեանայան Գ., Պատմութիւն հայերէն գպրութեան ի պէտս ուսման ազգային վարժարանաց, հ. Բ. (Նոր մատենագրութիւն), Վենետիկ, 1878, էջ 162—168:

\* Աշխատության մեջ նշված հայ պատմագիրների համառոտ մատենագիտությունը կաղմել է ՀՍՍՀ ԳԱ պատմության ինստիտուտի պատմագրության բաժնի կրտսեր գիտաշխատող Ս. Տ. Մարարյանը, օգտագործելով մատենագրական երկերը, նրանց վերաբերյալ ուսումնասիրությունները (Առաքելյան Ա., Հայ ժողովրդի մտավոր մշակույթի զարգացման պատմություն, հ. Ա, 1959, հ. Բ, Երևան, 1964, հ. Գ, Երևան, 1975), մատենագիտական աշխատությունները (Պետրոսյան Հ., Հայ հին և միջնադարյան գրականության համառոտ բիրտիոգրաֆիա, Երևան, 1941, Անասյան Հ., Հայկական մատենագիտություն, հ. Ա, Երևան, 1959):

Ս. Մարարյանն օգտագործել է նաև Ալ. Մյասնիկյանի անվան պետական, ԳԱ ֆունդամենտալ, Մ. Մաշտոցի անվան Մատենադարանի գրադարանների համապատասխան քարտարանները:

- Ան, Հայոց պատմություն, հ. Գ. Երևան, 1946, էջ 137, 207;  
 Հայ ժողովրդի պատմություն, բազմահատորյակ, հ. IV, Երևան, 1972, էջ 491—492;  
 Հովսեփյան Գ., Քովմա Մեծոփեցու կենսըրը (Կենսագրական նոր նիւթերով), Վաղարշապատ, 1914;  
 Մարնոյան Ա., Գրիգոր Տաթևացիի և Մեծոփականի զպրոցի հիմնադրումը. «Պատմա-բանասիրական հանդես», 1969, № 2, էջ 146—155;  
 Մուրադյանց Մ., Պատմութիւն Հայաստանեայց առաքելական սուրբ եկեղեցւոյ, Երուսաղեմ, 1872, էջ 541—542;  
 Պետրոսյան Հ., Հայ հին և միջնադարյան գրականութեան համառոտ բիրրիոգրաֆիա (5—19 դար), Երևան, 1941, էջ 161;  
 Սգանյան Գ., Պատմութիւն հայ լեզուի եւ բանահիւտութեան, Մարզվան, 1913, էջ 224;  
 Матвеев А., Рукописный центр Мецопского монастыря в XII—XV вв., автореферат, Ереван, 1970;  
 Хачикян Л., Историкография Армении («Очерки истории исторической науки в СССР», т. 1, М., 1955, тт. 3 и 6-й համապատասխան բաժինները):

#### ԳՐԻԳՈՐ ԴԱՐԱՆԱՂՅԻ

#### Հ Ե Ա Մ Ա Ր Ա Կ Ա Ր Յ Ա Ն Ե Ն Ե

Ժամանակագրութիւն Գրիգոր վարդապետի Կամախեցւոյ կամ Գարնաղցւոյ, մէկ նմանատիպ պատկերով, Յառաջարանով եւ Յաւելուածներով հրատարակեց Մեսրոպ վարդապետ Նշանեան, Երուսաղեմ, 1915:

#### Գրականություն

- Ալիշան Ղ., Այրարատ, Վենետիկ, 1890, էջ 164;  
 Ալիշան Ն., Մատենախոսական, «Հանդէս ամսօրեայ», Վիեննա, 1920, էջ 184—188;  
 Անադյան Հր., Հայոց անձնանունների բառարան, հ. Ա., Երևան, 1942, էջ 624—627;  
 Անասյան Հ., 17-րդ դարի ազատագրական շարժումներն Արևմտյան Հայաստանում, Երևան, 1961, էջ 22, 26—27, 29—30, 36, 70, 112, 352;  
 Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 508—519;  
 Գալսեփյանց Գ., Կենսագրութիւններ երկու հայ պատրիարքներու և տասն եպիսկոպոսներու և ժամանակին հայ կաթողիկոսայր, Վիեննա, 1915, էջ 3—19;  
 Ան, Հայոց պատմություն, հ. Գ., Երևան, 1946, էջ 229, 234—236, 260, 262, 284, 292—294, 296, 297, 299, 314 356—360;  
 Հայ ժողովրդի պատմություն, բազմահատորյակ, հ. IV, Երևան, 1972, էջ 494—495;  
 Հովնանիսյան Ա., Գրվագներ հայ ազատագրական մտքի պատմության, գիրք երկրորդ, Երևան, 1959, էջ 47, 84, 107, 116, 466;  
 Պետրոսյան Հ., Հայ հին և միջնադարյան գրականութեան համառոտ բիրրիոգրաֆիա (5—19 դար), Երևան, 1941, էջ 192;  
 Օրմանյան Մ., Ազգապատում, Կ. Պոլիս, 1914, էջ 2317—2318, 2494—2495;

#### ԱՌԱՔԵԼ ԴԱՎՐԻԺԵՏԻ\*

#### Հ Ե Ա Մ Ա Ր Ա Կ Ա Ր Յ Ա Ն Ե Ն Ե

Գիրք Պատմութեանց, շարադրեալ վարդապետին Առաքելոյ Դավրիժացու: Ասկա դիպուածոց Հայաստանեայց՝ և եւ զաւառին Արարատոյ՝ և մասին Գողթան զաւառի. սկսեալ ի թուոյն Հայոց 1054 էն, մինչև յաւարտ պատմագրութեանս, այլև ի յիշումն ամեալ ժասնաւորարար, աստի և անտի: Տպագրեալներ տպարանում սրբոյն էջմիածնի և սրբոյն Սարգսի զօրավարի: Ի Հայրապետութեան տեառն Յակոբայ կաթողիկոսի սրբոյ էջմիածնի: Եւ վերակացութեամբ տեառն Ոսկանայ Երևանցւոյ րանի սպասաւորի: ՅԱմ-սըթէլոզամում: Ներ թուոյ փրկչին 1669 ին, Յունվարի 1: Իսկ ըստ Հայոց 1118 ին, Սահմի 29:

Պատմութիւն Առաքել վարդապետի Դավրիժեցւոյ: Սակա դիպուածոց Հայաստանեայց և զաւառին Արարատայ և մասին Գողթան զաւառի, սկսեալ ի ՌՄԳ թուականէն Հայոց մինչ ի ՌՃԺԲ թ.: Ըստ ձեռագիր օրինակին արտագրելոյ ծախիւր և հսկողութեամբ հեղինակին: Տպեալ հրամանաւ Սինողի Ս. էջմիածնի: Ի Վաղարշապատ, ի տպարանի Սրբոյ Կաթողիկէ էջմիածնի, 1884—ՌՅԼԳ:

Պատմութիւն Առաքել վարդապետի Դավրիժեցւոյ: Սակա դիպուածոց Հայաստանեայց և զաւառին Արարատայ և մասին Գողթան զաւառի սակա դիպուածոց Հայաստանեայց և զաւառին Արարատայ և մասին Գողթան զաւառի սկսեալ ի ՌՄԱ թուականին Հայոց մինչ ի ՌՃԺԱ թ.: Երրորդ տպագրութիւն: Վաղարշապատ, տպարան Մայր Աթոռոյ Սրբոյ էջմիածնի, 1896—ՌՅԽԵ:

#### Քարգանուրյուններ ոռսերեն և օտար լեզուներով

- Առաքել Դավրիժեցու Պատմության ՄԳ գլխի ոռսերեն թարգմանությունը տե՛ս  
 Патканов К. П., Драгоценные камни, их названия и свойства по понятиям армян в XVII веке, С.—Петербург, 1873.  
 Արակել Դաւրիժեցի, Книга историй, перевод с армянского, предисловие и комментарий Л. А. Ханларян, Москва, 1973.  
 Livre d'histoires, composé par le vartabed Arakel de Tauriz, հետևյալ ժողովածուի մեջ. М. Brosset (հրատ.), Collection d'historiens arméniens, t. I, St.-Petersbourg, 1874, p. 267—608.

#### Գրականություն

- Արեղյան Մ., Հայոց հին գրականութեան պատմություն, գիրք երկրորդ, Երևան, 1946, էջ 439—440 և 442—454;  
 Ալիշան Ղ., Հայապատում, Վենետիկ, 1901, մասն Ա, էջ 131—132, պ. 134;  
 Անադյան Հր., Հայոց անձնանունների բառարան, հ. Ա., Երևան, 1942, էջ 216, պ. 106:

\* Վերջված է Հ. Անասյանի «Հայկական մատենագիտություն»-ից. հ. Ա. Երևան, 1959, էջ 1114—1155:

Անասյան Հ., Գիտությունների Ստեփանոս Սամառացու կենսագրության վերաբերյալ, «Էջմիածին», 1956, № 8—9, էջ 93—99, № 11—12, էջ 68—76:

Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 519—559:

Գապպենեյան Գ., Հայ ողբերգուհի Առաքել Գարեթեյի, «Տաճար», 1912, էջ 337—340, 363—367 և 405—408:

Գանեղյան Լ., Առաքել Գարեթեյի երկը որպես Անֆյան Իրանի 17-րդ դարի պատմության սկզբնաղբյուր, Երևան, 1978:

Գուրյան Ե., Պատմություն հայ մատենագրության, Կ. Պոլիս, 1885, էջ 81:

Գամբեյան Ա., Հայ գրականության պատմություն, Նոր-Նախիչևան, 1914, էջ 239—240:

Զարբանույան Գ., Պատմություն հայերեն գրությունից ի պետս ազգային վարժարանաց: Բ.—Նոր մատենագրություն, Վենետիկ, 1878, էջ 172—179:

Լեո, Հայկական տպագրություն, հ. Ա., Քիֆլիս, 1901, էջ 159—161:

Լեո, Հայոց պատմություն, հ. Գ., Երևան, 1946, էջ 272, 360—364:

Հայ ժողովրդի պատմություն, բազմահատորյակ, հ. IV, Երևան, 1972, էջ 495—496:

Ղազիկյան Ա., Հայկական նոր մատենագրություն և հանրագիտության հայ կենտրոն, Վենետիկ, 1909, էջ 183—189:

Չամչյան Մ., Պատմություն Հայոց, Հ. Ա., Վենետիկ, 1784, էջ 17:

Պոտկանյան Ք., Հայ պատմագրների երկասիրութեանց ցուցակը, «Փորձ», 1880, № 1, հավելված՝ էջ 34—35:

Պետրոսյան Հ., Հայ հին և միջնադարյան գրականության համառոտ բիրլիոգրաֆիա (5—19 դար), Երևան, 1941, էջ 197—198:

Պոստոյան Մ., Հայ հանրագիտակ, Բուխարեստ, 1938, էջ 213:

Սարգիսյան Խ., Առաքել Գարեթեյին և իր պատմագրությունը, «Գլածոր» Բեյրութ, 1956, էջ 69—75:

Օզանյան Գ., Պատմություն հայ լեզուի եւ բանահյուսության, Մարզվան, 1913, էջ 226:

Օրմանյան Մ., Ազգապատում, մասն Բ., Կ. Պոլիս, 1914, էջ 2491—2492, պ. 1712:

Ханларян Л., По поводу «замечаний» М. Гейдарова, «Լրարեր», № 6, Երևան, 1977, էջ 79—92:

Назарянц Ст., Обзор истории гайканской письменности, Казань, 1846, с. 42—43.

Brosset M., Des historiens arméniens des XVI<sup>ème</sup> et XVII<sup>ème</sup> siècles. Arakel de Tauriz, Régistre chronologique, annoté par M. Brosset, St.-Petersbourg, 1873. (=Mémoires de l'Académie impériale des sciences de Saint-Petersbourg, VII<sup>ème</sup> série tome XIX. № 5).

Brosset M., (հրատ.), Collection d'historiens arméniens... traduit par M. Brosset, t. I, St-Petersbourg, 1874, d. XXXXXII.

Thorossian H. Histoire de la littérature arménienne des origines jusqu'à nos jours, Paris, 1951, p. 205—206.

Neuman C. F., Versuch einer Geschichte der armenischen Litteratur, Leipzig, 1836, S. 548—249.

Petemann H., Reisen in Orient, Bd. I, Leipzig, 1860, s. 223.

Somal P. S., Quadro della storia letteraria di Armenia, Venezia, 1829, p. 157—158.

ՉԱՔԱՐԻԱ ՍԱՐԿԱՎԱԳ ՔԱՆԱՔԵՆՅԻ

Հ Ե ա տ ա ր ա կ ո լ ը յ ո ճ Ե Ե Ի

Զարբանույան Սարկազի պատմություն, հ. Ա., Բ., Գ., Վաղարշապատ, 1870:

Ռուսերեն բարձմանություն

Закарий Канакерци, Хроника, Перевод с армянского, предисловие и комментарий М. О. Дарбинян-Меликян, Москва, 1969.

Գրականություն

Արեղյան Մ., Հայոց հին գրականության պատմություն, գիրք երկրորդ, Երևան, 1946, էջ 454—458:

Աբել արեւելահայոց, կենսագրություն Զարբանույան պատմագրի Սարկազի Յովհաննավանաց, «Արարատ», 1870, էջ 151—155:

Ալիշան Ղ., Այրարատ, Վենետիկ, 1890, էջ 41, 174, 295:

Ալիշան Ղ., Հայապատում, Վենետիկ, 1901, մասն Ա., էջ 132:

Անառյան Հր., Հայոց անձնանունների բառարան, հ. Բ., Երևան, 1944, էջ 200:

Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 560, 568:

Անասյան Հ., 17-րդ դարի ազատագրական շարժումներն Արեւմտյան Հայաստանում, Երեւան, 1961, էջ 243, 353:

Ավգալբեկյան Ք., Անհայտ աղանդաւորներ հայոց մէջ ժԶ և ժԷ դարերում, Վիեննա, 1926:

Գուրյան Ե., Պատմություն հայ մատենագրության, Կ. Պոլիս, 1885, էջ 81—82:

Զարբանույան Գ., Պատմություն հայերեն գրությունից ի պետս ուսման ազգային վարժարանաց, հ. Բ (Նոր մատենագրություն), Վենետիկ, 1878, էջ 179—184:

Լեո, Հայոց պատմություն, Հ. Գ., Երևան, 1946, էջ 122, 125, 271, 290, 293, 294, 299, 300, 303, 305, 317, 320, 322, 323, 346, 348—351, 353, 363—367, 373—378:

Հակոբյան Վ., Մանր ժամանակագրություններ 13—18-րդ դդ., հ. 1, կազմեց Վ. Հակոբյան, Երևան, 1951, էջ 302:

Հայ ժողովրդի պատմություն, բազմահատորյակ, հ. IV, Երևան, 1972, էջ 496—497:

Հովհաննիսյան Ա., Գրվագներ հայ ազատագրական մտքի պատմության, գիրք երկրորդ, Երևան, 1959, էջ 70, 118, 122, 129—131, 133, 136, 138, 144, 147—149, 152, 156, 158, 161—162, 165, 168, 202—208, 210, 217, 246, 248, 255, 286, 291, 295, 299—301, 455, 467:

Ղաֆաղարյան Կ., Հովհաննավաները և նրա արձանագրությունները, Երևան, 1948:

Շահխարունյանց Հ., Ստորագրություն Կաթուղիկէ Էջմիածնի և հինգ զուտացն Արարատայ, հ. 1—2, էջմիածին, 1842:

## Հ ր ա տ ա ր ա կ ու ր յ ու ն ն Ե ր

- Պետրոսյան Հ., Հայ հին և միջնադարյան գրականության համառոտ բիրիոգրաֆիա (5—19 դար), Երևան, 1941, էջ 192—193:
- Օզանյան Գ., Պատմութիւն հայ լեզուի և բանահիւտութեան, Մարզպան, 1913, էջ 226:
- Арутюнян Б., Крупное монастырское хозяйство в Армении в XVII—XVIII вв. по архивным материалам Эчмиадзинского монастыря. Ереван, 1940.
- Патканов К., Библиографический очерк армянской исторической литературы, СПб., 1880.
- Петрушевский Н., Очерки по истории феодальных отношений в Азербайджане и Армении в XVI—начале XIX вв., Л., 1949.
- Brosset M., Mémoires historiques sur les Sofis par le diacre Zacaria, -Collection d'historiens arméniens, T. II, St.-Pbg., 1876.

## Ջ Ա Ք Ա Ր Ի Ա Ա Գ Ո Ւ Լ Ե Ն Ի

## Հ ր ա տ ա ր ա կ ու ր յ ու ն ն Ե ր

Զարարիա Ազուլեցու օրագրությունը, Երևան, 1938:

## Ռ ա տ ե ռ ն ք ա ղ մ ա ն ու յ ու ն

Дневник Закария Акулисского, Ереван, 1939.

## Գ ր ա կ ա ն ու յ ու ն

- Անտոյան Հր., Հայոց անձնանունների բառարան, հ. Բ., Երևան, 1944, էջ 199—200:
- Անասյան Հ., 17-րդ դարի ազատագրական շարժումներն Արևմտյան Հայաստանում, Երևան, 1961, էջ 270, 353:
- Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 475—481:
- Գանինյան Կ., Հայ մեծաարարին գրականության պատմությունից, Երևան, 1961, էջ 72—73:
- Ան, Հայկական տպագրութիւն, հատոր առաջին, Թիֆլիս, 1901, էջ 291—295:
- Ան, Հայոց պատմություն, հ. Գ., Երևան, 1946, էջ 156, 157, 373, 443, 1021, 1022:
- Կաժյան Վ., Բայր և նրա խոնարհման համակարգը Զարարիա Ազուլեցու «Օրագրությունում», «Պատմա-բանասիրական հանդես», № 2, 1977, էջ 137—150:
- Հայ ժողովրդի պատմություն, բաղմահատորյակ, հ. IV, Երևան, 1972, էջ 499—500:
- Հովհաննիսյան Ա., Գրվագներ հայ ազատագրական մտքի պատմության, զիրք երկրորդ, Երևան, 1959, էջ 94, 123, 127, 137—138, 141, 155—158, 161—162, 170, 175, 203, 207—209, 211, 217, 232, 235, 248, 290, 292, 309, 362, 443—444, 494, 477—478:
- Պետրոսյան Հ., Հայ հին և միջնադարյան գրականության համառոտ բիրիոգրաֆիա (5—19 դար), Երևան, 1941, էջ 201—202:

- Պատմութիւն անցից տեան Արրահամու սրբազան կաթողիկոսին Հայոց Քաղիւր-դաղցույ, առ նազրահ արքային Պարսից, Կալկաթա, 1796:
- Արրահամ կաթողիկոսի Կրետացույ Պատմագրութիւն անցիցն իւրոց և նատր-շահին Պարսից: ՌՅԺԹ-1870, ի ապարանի սրբոյ կաթողիկէ էջմիածնի, ի Վաղարշապատ: Արրահամ Կրետացու հիշատակարանը (Մոցի տետրակը): (Չեռագիր Պետական Կենտրոնական Չեռագրատուն—Մատենադարանի № 7130): Երևանի Պետ. համալսարանի գիտական աշխատություններ, հ. 13, 1940, էջ 310—343:

## Ք ա ղ մ ա ն ու յ ու ն ն ր ա տ ե ռ ն և յ ա տ ր լ Ե ղ ա ն Ե ղ ա ղ

- Абраам Кретацц, Повествование, критический текст, перевод на русский язык, предисловие и комментарии Н. К. Корганяна, Ереван, 1973.
- Mon histoire et celle de Nadir-Chah de Perse, par Abraham de Crète. Brosset (հրատ.), Collection des historiens arméniens, tome II, St.-Petersbourg, 1875-р. 257—326.

## Գ Ր Ա Կ Ա Ն Ո Ւ Թ Յ Ո Ւ Ն

- Արեղյան Մ., Հայոց հին գրականության պատմություն, զիրք երկրորդ, Երևան, 1946, էջ 458—462:
- Անտոյան Հր., Հայերէն նոր բառեր Արրահամ Կրետացույ մէջ (տպ. Վաղարշապատ 1870), «Բաղմավէպ», 1917, էջ 279—280:
- Անտոյան Հր., Հայերէն նոր բառեր հին մատենագրութեան մէջ, Վենետիկ, 1913, էջ 127—134: Հայերէն նոր բառեր Արրահամ Կրետացույ մէջ (տպ. Վաղարշապատ 1870):
- Անտոյան Հր., Հայոց անձնանունների բառարան, հ. Ա., Երևան, 1942, էջ 42, պ. 101:
- Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 573—589:
- Բարայան Լ., Արրահամ Կրետացի, «Պատմա-բանասիրական հանդես», № 4 (79), 1977, էջ 115—125:
- Գալսեմյան Գ., Կենսագրութիւն Սարգիս արք. ի Սարաֆեան և ժամանակին հայ կաթողիկեայր, Վիեննա, 1908, էջ 21—24 և 157—166:
- Դուրյան Ե., Պատմութիւն հայ մատենագրութեան, Կ. Պոլիս, 1885, էր 82—83:
- Զարեանայան Գ., Պատմութիւն հայերէն դպրութեան ի պէտս ուսման ազգային վար-ժարանաց, հ. Բ (Նոր մատենագրութիւն), Վենետիկ, 1878, էջ 184—186:
- Ան, Հայկական տպագրութիւն, հ. Բ, Թիֆլիս, 1901, էջ 408—411:
- Ան, Հայոց պատմություն, հ. Գ., Երևան, 1946, էջ 715—716, և 943—944:
- \* Վերցված է Հ. Անասյանի «Հայկական մատենագիտություն»-ից, հ. Ա., Երևան, 1959, էջ 118—130:

Հայ ժողովրդի պատմություն, բազմահատորյակ, հ. IV, Երևան, 1972, էջ 503—504:  
 Ղազիկյան Ա., Հայկական նոր մատենագիտություն և հանրագիտարան հայ կեանքի, Վե-  
 նետիկ, 1909, էջ 12:  
 Չամչյան Մ., Պատմություն Հայոց, հ. Գ., Վենետիկ, 1786, էջ 806—807 և 818:  
 Պետրոսյան Հ., Հայ հին և միջնադարյան զրականության համառոտ բերլիոգրաֆիա  
 (5—19 դար), Երևան, 1941, էջ 238—239:  
 Տեր-Ավետիսյան Ս., Արբանյակ Կրեոսոսի հիշատակարանը (Մոցի տետրակը): Ար-  
 բանյակ Կրեոսոսի հիշատակարանի պատմական արժեքն ու նշանակությունը, Երե-  
 վանի Պետական Համալսարանի գիտական աշխատություններ, հ. 13, Երևան, 1940,  
 էջ 285—309:

Օրմանյան Մ., Ազգապատում, հ. Բ, Կ. Պոլիս, 1914 պ. պ. 1969—1990:  
 Օզանյան Գ., Պատմություն հայ լեզուի և բանահյուսության, Մարտիկ, 1913, էջ 226:  
 (Անանուն), Ս. էջմիածինի գրադարան, «Արարատ», 1888, էջ 85—89:  
 Тер-Аветисян С., Походы Тамас-Кули-Хана (Надир-Шаха) и избрание его ша-  
 хом в описании Акола Шамахеци, Тифлис, Изд. Научно-исследовательского  
 Института Кавказоведения Академии наук СССР, 1932, с. 4—7:  
 Brosset M., Revue de la littérature historique de l'Arménie, Mélanges asiati-  
 ques tirés du Bulletin de l'Académie Impériale des Sciences de St-Peters-  
 bourg, t. VIII. 1876—1881, p. 31—33.  
 Chamich Mich., History of Armenia, transl. by Johannes Avdall, vol. II, Cal-  
 cutta, 1867, p. 480—481.

**ԽԱՉՍՏՈՒՐ ԶՈՒՂԱՅԵՑԻ**

**Հ ր ա տ ա ր ա կ ու թ յ ու ն ն Ե ր**

Պատմություն Պարսից արարեցելույ ի Խաչատուր վարդապետէ նոր Զուղայեցույ,  
 «Աղագարար», Մարտիս, 1795, № 5—16:  
 Խաչատուր արեղայի Զուղայեցույ Պատմություն Պարսից (ԺԸ դար), աշխատու-  
 քեամբ Բարզէն վրդ. Աղուելիանց, Վաղարշապատ, 1905:

**Իրականություն**

Ալիշան Ղ., Հայապատում, Վենետիկ, 1901, մասն Ա., էջ 135:  
 Աղալեխանց Բ., Առաջարան, Խաչատուր Արեղայի Զուղայեցույ Պատմություն Պար-  
 սից (ԺԸ դար) գրքին, Վաղարշապատ, 1905, էջ է—ԺԵ:  
 Անադյան Հր., Հայոց անձնանունների բառարան, հ. Բ., Երևան, 1944, էջ 489—490:  
 Առախլյան Ա., Հայ ժողովրդի մտավոր մշակույթի զարգացման պատմություն, հ. 2,  
 Երևան, 1964, էջ 589—605:  
 Առ. Հայկական տպագրություն, հատոր առաջին, Թիֆլիս, 1901:  
 Առ. Հայոց պատմություն, հ. Գ. Երևան, 1946, էջ 965—966, 1052:  
 Հայ ժողովրդի պատմություն, բազմահատորյակ, հ. IV, Երևան, 1972, էջ 504,  
 նույնը՝ հ. 5, Երևան, 1974, էջ 515, 579, 689:

Հովհաննիսյան Ա., Դրվագներ հայ ազատագրական մարտի պատմության, գիրք երկրորդ,  
 Երևան, 1959, էջ 166, 576:  
 Պետրոսյան Հ., Հայ հին և միջնադարյան զրականության համառոտ բերլիոգրաֆիա  
 (5—19 դար), Երևան, 1941, էջ 237—238:  
 Փարսմյան Ն., Պարսիկները Պարսկաստանում և նրանց յարաբերությունները հայոց  
 հետ, Վաղարշապատ, 1897:

**ՍԻՄԵՈՆ ԵՐԵՎԱՆՅԻ**

**Հ ր ա տ ա ր ա կ ու թ յ ու ն ն Ե ր**

Ջամբր գիրք որ կոչի յիշատակարան արձանացուցիչ, հայելի և պարունակող բնախց որ-  
 պիսուրեանց Արքոյ Աթոռոյ, և իւրոյ շրջակայից վանորէիցն:  
 Համաժողովեցեալ և շարագրեցեալ Սիմէօնէ ցաւահար և վշտակոծ Կաթողիկոսէ Երե-  
 վանցոյ, Վաղարշապատ, 1873:  
 Սիմէոն կաթողիկոսի Յիշատակարանը, մասն 1, (1763—1767):  
 Դրան Հայոց Պատմութեան, գիրք Գ., Սիմէոն կաթողիկոսի Յիշատակարանը, կենսա-  
 գրութեամբ և յանուածներով ու ծանօթութիւններով հրատարակեց Դիւտ քահանայ  
 Աղանեանց, Թիֆլիս, 1894: Մասն 2 (1767—1776), Թիֆլիս, 1908: Մասն 3 (1777—  
 —1779), Թիֆլիս, 1913:  
 Տօնացոյց, նախապէս կարգեալ և սահմանեալ սրբոյն Սահակայ Պարթևի Հայրապետին  
 հայոց, ըստ անաղութեան Հայաստանեայց սրբոյ Կեղեցոյ: Արդէն վերստին նո-  
 րոգմամբ ի յերկուս հատոր բաժանեցեալ աշխատութեամբ Տեառն Սիմէօնի Յոգնա-  
 ջան և Սրբզան կաթողիկոսին ամենայն հայոց, էջմիածին, 1774:  
 Գիրք որ կոչի պարտավճար: Արարեալ Տեառն Սիմէօնի վշտակոծ և ցաւակիր Կաթողի-  
 կոսի, մեծագործ և յոգնեբարխտ Հայրապետի ամենայն Հայոց՝ Երևանեցոյ. ի Քրիս-  
 տոսահիմն սուրբ Աթոռ էջմիածին, էջմիածին, ՌՉՁԲ, 1779:  
 Սիմէոն երեվանցի, Տաղարան փոքրիկ: Եարահիւանցեալ ի Սիմեօնէ սրբզան կաթօ-  
 ղիկոսէ հայոց յայլ և այլ ժամանակս, էջմիածին, 1793:

**Ռուսերեն քաղզմանություն**

Симеон Ереванци, Джамбр, Памятная книга, зеркало и сборник всех обстоя-  
 тельств святого престола Эчмиадзина и окрестных монастырей, Москва,  
 1958. Перевод С. С. Малхасянца, Под редакцией и с предисловием П. Т.  
 Арутюняна, Примечания С. С. Малхасянца и П. Т. Арутюняна.

**Իրականություն**

Ալիշան Ղ., Այրարատ, Վենետիկ, 1890, էջ 231, 243:  
 Անադյան Հր., Հայոց անձնանունների բառարան, հ. Գ., Երևան, 1948, էջ 518—519:  
 Անադյան Հ., 17-րդ դարի ազատագրական շարժումներն Արևմտյան Հայաստանում,  
 Երևան, 1961, էջ 184, 253, 355:  
 Գալսեմյանց Գ., Կենսագրութիւն Սարգիս արքեպ-ի Սարաֆեան և ժամանակին հայ  
 կաթողիկեայր, Վիեննա, 1908, էջ 73—75, 95, 115, 249, 251, 264, 279, 280, 285,  
 299, 300, 311, 336—338, 363, 382, 410—411:  
 Գալսեմյանց Գ., Կենսագրութիւններ Երկու հայ պատրիարքներու և սասն Եպիսկոպոս-



ներու և ժամանակին հայ կաթողիկեայր, Վիեննա, 1915, էջ 100, 102, 104, 108, 150, 164, 165, 239:

Չամիչյան Ա., Հայոց եկեղեցու Պատմութիւն, մասն Բ., Նոր-Նախիչևան, 1909, էջ 48—60:

Առ, Հայկական տպագրութիւն, հ. Բ., Թիֆլիս, 1901, էջ 548—554, 574:

Առ, Հայոց պատմություն, հ. Գ., Երևան, 1946, էջ 132, 141, 307, 764, 770, 773, 785, 786 789, 790, 791, 798, 799, 801, 804, 809, 813—820, 823, 838, 855, 875, 900, 917 944, 957—960, 962, 1033, 1034, 1046, 1059, 1060,—1062:

Հայ ժողովրդի պատմություն, բազմահատորյակ, հ. IV, Երևան, 1972, էջ 504—505:

Հովհաննիսյան Ա., Դրվագներ հայ ազատագրական մտքի պատմության, գիրք Երկրորդ, Երևան, 1959, էջ 300, 334:

Մսերեանց Մ., Պատմութիւն կաթողիկոսաց էջմիածնի ի Սիմէօնէ մինչ ցՅովհաննէս Ը. Ամբ տեսան 1763—1831, Մոսկվա, 1876:

Չամչյան Մ., Պատմութիւն հայոց, հ. Գ., Վենետիկ, 1786, էջ 866, 872, 875, 878:

Պետրոսյան Հ., Հայ հին և միջնադարյան գրականութեան համառոտ բիրտգրաֆիա (5—19 դար), Երևան, 1941, էջ 221—223:

Օրմանյան Մ., Ազգապատում, մասն Բ, Կ. Պոլիս, 1914, էջ 3019, 3034, 3041—3110, 3119—3123:

Буткова П., Материалы для новой истории Кавказа, с 1722 по 1803 год. Часть III. Хронологический и алфавитный указатели, составленные Л. Броссе. Санкт-Петербург, 1869, с. 124—154.

Собрание актов, относящихся к обозрению истории армянского народа. Часть III, Москва, 1838, с. 212, 319.

Хубов Е., Описание достопамятных происшествий в Армении, случившихся в последние 30 лет, т. е. от патриаршества Симеонова (1779 г.) до 1809 г. С армянского перевел армянск. церкви архид. Иосиф Иоаннесов. С.—Петербург, 1811.

**ԵՐԵՄԻԱ ՉԷԼԵԿԻ ՔԷՈՄԻՐՆԵՆՆԵՐ**

**Հ Ե Մ Ա Ր Ա Կ Ո Ւ Ր Յ Ո Ւ Ն Ե Ն Ե Ր**

Երեմիա Չէլէպիի Քէօմիւրճեան, Ստամպուլոյ պատմութիւն, հրատարակեց և ծանօթագրեց տօթթ. Վ. Թորգոմեան, հ. Ա., Վիեննա, 1913, հ. Բ. Վիեննա, 1932, հ. Գ., Վիեննա 1939:

Օրագրութիւն Երեմիա Չէլէպի Քէօմիւրճեանի, հրատարակեց Մ. Նշանյան, Երուսաղեմ, 1939:

Երեմիա Քէօմիւրճեան, պատմութիւն համառոտ ԴՃ տարւոյ Օսմանցոց թագաւորացն աշխատասիրութեամբ Ժ. Մ. Ավետիսյանի, Երևան, 1982:

**Գրականություն**

Ալիշան Ղ., Հայապատում, Վենետիկ, 1901, մասն Ա., էջ 133:

Ակինյան Ն., Երեմիա Չէլէպի Քյոմուրճյան, կյանքն ու գրական գործունեությունը, Վիեննա, 1933:

Նույնը տե՛ս «Հանդէս Ամսօրեայ» 1932, № 7—9, էջ 510—536, № 10—12, էջ 624—677 և 1933, № 1—2, էջ 94—114:

Անալյան Հր., Հայոց անձնանունների բառարան, հ. Բ., Երևան, 1944, էջ 139—141:

Առաքելյան Ա., Հայ ժողովրդի մտավոր մշակույթի զարգացման պատմություն, հ. 3, Երևան, 1975, էջ 19—29:

Անալյան Հ., Հայկական աղբյուրները Բյուզանդիայի անկման մասին, Երևան, 1957, էջ 81—90:

Անալյան Հ., 17-րդ դարի ազատագրական շարժումներն Արեւմտյան Հայաստանում, Երեւան, 1961, էջ 33, 38, 44, 111, 181, 242—243, 252, 253, 255, 257, 259—260, 268—271, 311—314, 352—353:

Դալմե՛յարյան Գ., Կենսագրութիւններ երկու հայ պատրիարքներու և տան եպիսկոպոսներու և ժամանակին հայ կաթողիկեայր, Վիեննա, 1915, էջ 27, 64, 70, 74, 77:

Դանիելյան Կ. Հայ մեծուարային գրականութեան պատմությունից, Երևան, 1961, էջ 72—74:

Երեմյան Ս., Երեմիա Չէլէպի, Տարեգրական պատմութիւն, «Բազմօվէպ», 1902, № 8, էջ 367—369 և № 9—10, էջ 473:

Զարբանճայան Գ., Պատմութիւն հայերէն դպրութեան ի պէտս ուսման ազգային վարժարանաց, հ. Բ. (Նոր մատենագրութիւն), Վենետիկ, 1878, էջ 332 և 441—444:

Թեոփիլյանց Մ., Բագիրք երեվելի արանց, հ. Ա., Վենետիկ, 1839, էջ 240—241:

Թորոսյան Հ., Վարք Մխիթարայ Աբբայի Սերաստացոյ, Վենետիկ, 1932, էջ 26:

Իննիճյան Ղ., Աշխարհագրութիւն շորից մասանց աշխարհի, հ. Ե., Վենետիկ, 1804, էջ 62—63, 129—130:

Լեռ, Հայկական տպագրութիւն, Թիֆլիս, 1904, էջ 368—378:

Լեռ, Հայոց պատմություն, հ. Գ. Երևան, 1946, էջ 367—372, և 390—391:

Հայ ժողովրդի պատմություն, բազմահատորյակ, հ. IV, Երևան, 1972, էջ 497—499:

Հովհաննիսյան Ա., Դրվագներ հայ ազատագրական մտքի պատմության, գիրք Երկրորդ, Երևան, 1959, էջ 111, 145—146, 152, 159—161, 172, 202, 218—223, 383—384, 462:

Նշանյան Մ., Օրագրութիւն Երեմիա Չէլէպի Քէօմիւրճեանի, «Շողակաթ» հայագիտական ժողովածու, գիրք առաջին, Վաղարշապատ, 1913, էջ 47—65:

Չամչյան Մ., Պատմութիւն հայոց, հ. Գ., Վենետիկ, 1784, էջ 680, 688, 699, 700, 701, 702, 703, 710, 717, 718, 722, 723:

Պալյան Տ., Երեմիա Քէօմիւրճեան, «Բիւրակն», 1898, № 10, էջ 611—612:

Պետրոսյան Հ., Հայ հին և միջնադարյան գրականութեան համառոտ բիրտգրաֆիա (5—19 դար), Երևան, 1941, էջ 202—203:

- Սահակյան Հ., *Երեմիա Քրիստոսը*, Երևան, 1964:  
 Օզանյան Գ., *Պատմություն հայ լեզուի և բանահյուսության, Մարզպան, 1913, էջ 233:*  
 Օշական Հ., *Երեմիա Չելչեպի, «Սինոն», 1939, № 9, էջ 331, № 10—11, էջ 367, 1940, № 1—2, էջ 30, № 3, էջ 70, № 4, էջ 163, № 5—6, էջ 142 և № 7—8, էջ 194:*  
 Օրմանյան Մ., *Աղբյուրատու, հ. Բ., 4. Պոլիս, 1914, էջ 2516, 2612, 2644, 2660:*

**«ԸՆՏԻՐ ՊԱՏՄՈՒԹՅՈՒՆ ԴԱՎԻԹ ԲԵԿԻ»**

**(ՍՏԵՓԱՆՈՍ ՇԱՀՈՒՄՅԱՆ)**

**Հ Ե Ր Ա Տ Ա Ր Ա Կ Ո Ւ Ր Յ ՈՒ Ն Ե Ն Ե Ր**

- Ընտիր պատմություն Դավիթ Բեկին, և պատերազմաց հայացն ետախանու, որք եղևն ընդ-  
 դէմ թուրքաց ի մերում ժամանակի, այն է յամի տևանն 1722, և հայոց 1171:  
 Զորս ետուն գրել, որք ի սկզբանէ մինչև ցվախնան յառաջադէմ լեալք էին յամենայն  
 պատերազմունս, և ականատես իրացն եղևոց, այսինքն Ստեփանոս Վրդանիսեան, որ ի  
 տանէն էր Շահումեան, ի գաւառէն փորը Սինեաց, և յաւանէն նկատատանաց, և այլ  
 ոմանք ընդ նմա:  
 Հրատարակութեամբ ի լոյս ընծայեաց հանդերձ յաւելուածովք Արզար Ստեփաննոսեան  
 Գուգամիրեանց ՌՅԻ—1871, ի տպարանի սրբոյ կաթողիկէ էջմիածնի, ի Վազարշա-  
 պատ:  
 Դավիթ Բեկ կամ «Պատմություն Հափանցոց», աշխատասիրեց Սամուէլ Արամեան, Վենե-  
 տիկ, 1978:

**Ֆրանսերեն քաղմանություն**

Brosset M., *Collection d'historiens arméniens*, t. II, St.-Petersbourg, 1876, p. 221—256.

**Գրականություն**

- Աբրահամյան Ա., Գարեթիյան Գ., *Նոր փաստաթուղթ Դավիթ Բեկի մասին, «Սովետա-  
 կան գրականություն», 1942, № 7, էջ 129—131:*  
 Աբրահամյան Ա., *Նոր վավերագրեր Դավիթ Բեկի ու նրա զխաւորած ազատագրական  
 շարժման մասին, ՀՍՍՌ ԳԱ հաս. գիտ. «Տեղեկագիր», Երևան, 1951, № 8, էջ 61—73:*  
 Աբրահամյան Ա., «Դավիթ Բեկի պատմություն» նախագաղափար ընագիրը, «Բաները Հա-  
 յաստանի արխիվներին», 1972, № 3, էջ 85—114:  
 Ալիշան Ղ., *Սիսական, Վենետիկ, 1893, էջ 277, 301—302:*  
 Ալիշան Ղ., *Հայապատում, Վենետիկ, 1901, էջ 136:*  
 Անադյան Հր., *Հայոց անձնանունների բառարան, հ. Գ., Երևան, 1948, էջ 678:*  
 Առաքելյան Ա., *Հայ ժողովրդի մտավոր մշակույթի զարգացման պատմություն, հ. 3, էջ  
 77—81:*  
 Արամյան Ս., *Դավիթ Բեկ կամ Պատմություն Հափանցոց, «Բազմավէպ», 1972, № 2—3,  
 էջ 232—259:*  
 Արամյան Ս., *Մխիթարեան վարդապետներու նամակներ՝ որոնց մէջ յիշատակուած է  
 Դավիթ Բեկի պատերազմներու մասին, «Բազմավէպ», 1976, № 1—2, էջ 86—107:*

- Արամյան Ս., *Դավիթ Բեկ կամ Պատմություն Հափանցոց, «Բազմավէպ», 1977, № 1—2,  
 էջ 298—324:*  
 Գրիգորյան Ա., *Դավիթ Բեկի ծննդավայրը, «Յառաջ» (Փարիզ), 1972, մարտ 19 (թիւ  
 12.370):*  
 Թումանյանց Յ., *Սաղամն Դավիթ Բեկի, «Բանասէր» (Փարիզ), Գ. (1902), Թ. 12, էջ  
 381—382:*  
 Լալայան Ե., *Զանգեզուրի գաւառ, Կապան կամ Հափան, «Աղբյուրական հանդէս», Թիֆ-  
 լիս, 1905, էջ 175—202:*  
 Լեո, *Հայկական տպագրություն, հ. Բ., Բիֆլիս, 1901, էջ 339—388:*  
 Լեո, *Երկերի ժողովածու, երրորդ հատոր, Երևան, 1973, էջ 173, 179—190, 193, 195—  
 209, 216, 217, 219, 223, 231, 254, 262, 330, 446, 521, 525, 601—605:*  
 Կնյազյան Հ., *Ազատագրական պայքարը Դավիթ Բեկի զխաւորութեամբ, Երևան, 1963:*  
 Հայ ժողովրդի պատմություն, բազմահատորյակ, հ. IV, Երևան, 1972, էջ 507:  
 Հովհաննիսյան Ա., *Դրվագներ հայ ազատագրական մտքի պատմության, դիրք Երկրորդ,  
 Երևան, 1959, էջ 236, 238, 255, 323, 360, 382, 459, 532, 536:*  
 Ղլանյան Ա., *Նիսիք Դավիթ Բեկի Պատմութեան վերաբերեալ, «Արարատ», 1905, էջ  
 382—387:*  
 Միրզոյան Ա., *Հայ ազատագրական շարժումները Սյունիքում (1722—1730 թթ.), Աշխա-  
 տություններ Հայաստանի պետական պատմական թանգարանի, հատոր 2, Երևան,  
 1950, էջ 99—191:*  
 Ներսիսյան Մ., *Դավիթ Բեկի շարժման արձագանքները Վասպուրականում և հարևան  
 զաւթաններում, «Տեղեկագիր» ՍՍՍՄ գիտությունների ակադեմիայի հայկական ֆի-  
 լիալի, 1941, № 5—6, էջ 73—75:*  
 Չամչյան Մ., «Պատմություն հայոց, հ. Գ., Վենետիկ, 1786, էջ 785—800:  
 Պարսամյան Վ., *Հայ ազատագրական շարժումների պատմությունից, Երևան, 1958:*  
 Պարսամյան Վ., *Լեհահայերի մասնակցությունը Դավիթ-Բեկի ապստամբությանը՝ նոր  
 նյութեր 18-րդ դարի հայ ազատագրական շարժումների վերաբերյալ, Երևան, 1962:*  
 Պարսամյան Վ., *Ղրիմի հայերի մասնակցությունը Դավիթ Բեկի ապստամբությանը (նյու-  
 թեր և մեկնարանություններ), «Բաները Հայաստանի արխիվներին», Երևան, 1972,  
 № 3, էջ 143—151:*  
 Պարսամյան Վ., *Ռուսաստանը և հայ ժողովրդի պատմական բախտը, Երևան, 1978:*  
 Պետրոսյան Հ., *Հայ հին և միջնադարյան գրականության համառոտ բերվողագրաֆիս  
 (5—19 դար), Երևան, 1941, էջ 220:*  
 Փելիկյան Ե., «Դավիթ Բեկ»-ի պատմական աղբյուրները և Մխիթարեանը, «Բազմավէպ»,  
 1938, № 6—9, էջ 172—187:  
 Օրբելյան Ս., *Դավիթ Բեկի ծագումնաբանության հարցի շուրջը, «Բաները Հայաստանի  
 արխիվներին», Երևան, 1971, № 1, էջ 173—184:*  
 Օրբելյան Ս., *Դավիթ Բեկի պատմության ժողովրդական զրույցների շուրջը, «Բաները  
 Հայաստանի արխիվներին», 1974, № 3, էջ 191—200:*  
 Օրմանյան Ս., *Աղբյուրատու, հ. Բ., 4. Պոլիս, 1914, էջ 2837—2839, 2853—2862:*

Հ ր ա տ ա ր ա կ ու թ յ ու ն ն ե ր

Պատմութիւն կամ Յիշատակ ինչ ինչ անցից՝ զիպելոց յաշխարհին Աղուանից, համառոտապարեալ ՚ի Սրբազնակատար Կաթողիկոսէն Աղուանից ի Տէր Եսայեաց Հասան Զալախանց. ի թուականին հայոց ՌՃԿ, իսկ ի թուականի Տեառն մերոյ փրկչին Յիսուսի 1711, ի տպարանի բարձր Սրբազան Ասպետափառ Մետրապօլիտին Բաղդասարոյ, ի 1839, ի Շուշի, ի ՌՄՁԸ:

Եսայի Հասան-Ջալալյան, Պատմութիւն համառոտ Աղուանից երկրի Ղերուրեա Եղեմացու, «Թուղթ Աբգարու թագաւորի հայոց, և բարոզութիւնը սրբոյն Քաղեի առաքելոյ՝ զրբի մեշ, Երուսղեմ, 1868:

Գրականություն

- Ալիշան Ղ., Հայապատում, Վենետիկ, 1901, մասն Ա., էջ 135:  
 Անատյան Հր., Հայոց անձնանունների բառարան, հ. Բ., Երևան, 1944, էջ 130—131:  
 Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 605—611:  
 Արզումանյան Ա., Եսայի Հասան-Ջալալյանի քաղաքական դործունեւթյան գնահատման հարցի շուրջը, «Լրաբեր», 1979, № 5, էջ 50—57:  
 Առ, Հայոց պատմություն, հ. Գ., Երևան, 1946, էջ 568, 573, 585, 587—590, 592, 595—597, 600—607, 614—621, 627, 632, 633, 636, 637, 647, 648, 650—655, 657, 658, 660, 661, 668, 855, 942:  
 Հայ ժողովրդի պատմություն, բազմահատորյակ, հ. IV, Երևան, 1972, էջ 507:  
 Հովհաննիսյան Ա., Գրվազներ հայ ազատագրական մտքի պատմության, գիրք երկրորդ, Երևան, 1959, էջ 122, 133, 259, 286, 293, 333—334, 358, 367—368, 378, 380—382, 523, 526—527, 539—542, 545, 560, 606, 608—613, 619—624:  
 Բաֆֆի, Խամսայի մեկնութիւններ, Երկեր, հ. 10, Երևան, 1964, էջ 161—381:  
 Օրմանյան Մ., Ազգապատում, մասն Բ. Կ. Պոլիս, 1914, էջ 2771—2772:

ԱՐՐԱՀԱՄ ԵՐԵՎԱՆՅԻ\*

Հ ր ա տ ա ր ա կ ու թ յ ու ն ն ե ր

Աբրահամ Երևանցի, Պատմութիւն պատերազմացն 1721—1736 թթ., Երևան, 1938,  
 Աբրահամ Երևանցի, Պատմութիւն պատերազմացն 1721—1736 թթ., Վենետիկ, 1977:

Ռաւերեն քարգմանություն

Абраам Ереванци, История войн 1721—1736 гг. Издание Армфана, Ереван, 1939.

\* Վերցված է Հ. Անասյանի «Հայկական մատենագիտութիւն»-ից, հ. Ա., Երևան, 1959, էջ 106—108:

Գրականություն

- Ալիշան Ղ., Այրարատ, Վենետիկ, 1890, էջ 286 և 305:  
 Ալիշան Ղ., Հայապատում, Վենետիկ, 1901, մասն Ա, էջ 136:  
 Անատյան Հ., Մի էջ ռուս-թուրքական հարաբերութիւնների պատմութեանից և Երևանի 1724 թվի հերոսամարտը (անտիպ):  
 Անատյան Հր., Հայոց անձնանունների բառարան, հ. Ա., Երևան, 1942, էջ 43:  
 Առաքելյան Ա., Հայ ժողովրդի մտավոր մշակույթի զարգացման պատմություն, հ. 2, Երևան, 1964, էջ 569—578:  
 Հայ ժողովրդի պատմություն, բազմահատորյակ, հ. IV, Երևան, 1972, էջ 508:  
 Պետրոսյան Հ., Հայ հին և միջնադարյան զրականութեան համառոտ բիրլիոզրաֆիա (5—19 դար), Երևան, 1941, էջ 218:

ԲՈՎԱՆՆԱԿՈՒԹՅԱՆ

|                                 |     |
|---------------------------------|-----|
| Առաջաբան                        | 5   |
| ✓ Քովմա Մեծոփեցի                | 21  |
| Գրիգոր Դարանազցի                | 53  |
| ✓ Առաքել Դավթիժեցի              | 79  |
| ✓ Ջաքարիա Սարկավազ Քանաբեոցի    | 132 |
| Ջաքարիա Ազուլեցի                | 162 |
| Խաչատուր Ջուղայեցի              | 185 |
| Սիմեոն Երևանցի                  | 201 |
| ✓ Երեմիա Չելեբի Քյումուրճյան    | 210 |
| «Հնարի պատմություն Դավիթ Բեգին» | 228 |
| Եսայի Հասան Ջալալյանց           | 238 |
| Արրահամ Երևանցի                 | 253 |
| Վերջաբան                        | 275 |
| Համառոտ մատենագիտություն        | 279 |

ԼԵՎՈՆ ՀՈՎՀԱՆՆԵՍԻ ԲԱՐԱՅԱՆ

ԴՐՎԱԳՆԵՐ ՀԱՅԱՍՏԱՆԻ XIV—XVIII ԴԱՐՆԵՐԻ  
ՊԱՏՄԱԳՐՈՒԹՅԱՆ

Հրատ. խմբագիր Ա. Հ. Դեղյան  
 Եկարիչ Գ. Հ. Միսակյան  
 Գեղ. խմբագիր Հ. Ն. Գործակալյան  
 Տեխ. խմբագիր Հ. Մ. Մանուչարյան  
 Սրբագրիչ Ա. Ա. Մուրադյան

ИБ № 968

Հանձնված է շարվածքի 19. 09. 1983 թ.: Ստորագրված է տպագրության 11. 04. 1984 թ.:  
 ՎՋ 04576: Չափը 60×84<sup>1</sup>/<sub>16</sub>: Թուղթ № 1: Տառատեսակ «Գրքի սովորական», բարձր  
 տպագրություն: Պարմ. 17,2 մամ., տպագր. 18,5, ներկ. մամուլ հրատ.-հաշվարկ. 16,0  
 մամուլ: Տպարանակ 1400: Հրատ. № 6033: Պատվեր № 900: Գինը 2 ս. 65 կոպ.

ՀՍՍՀ ԳԱ հրատարակչություն, 375019, Երևան, Մարշալ Բաղրամյանի պող. 24 գ.  
 Издательство АН Арм. ССР, 375019, Ереван, пр. Маршала Баграмяна, 24 г.  
 ՀՍՍՀ ԳԱ հրատարակչության տպարան, 375019, Երևան, Մարշալ Բաղրամյանի պող. 24:  
 Типография Издательства АН Арм. ССР, 375019, Ереван, пр. Маршала Багра-  
 мяна 24.